

ავთლონ მახარაძე

ადექსანდრე შაზბეგი

ბიოგრაფიული ნაშრომი

საქ. აღკვ. ცენტრალური კომიტეტი
საბავშვო და ახალგაზრდობის ლიტერატურის განყოფილება
თბილისი, 1941



ალექსანდრე ყაზბეგი

წ ი ნ ა ს ი ტ ქ ვ ა ო ზ ა

„ორჯერ დაბადებულს, ღვთიურის მადლით ცნებულს, ერთ სიკვდილი ვერას უზამს. ყაზბეგი-კი მეორედ მაშინ დაიბადა, როდესაც თავისი ნიჭიერი კალამი უძღვნა ქვეყანას, დაიბადა ისე, რომ მისი აკვანი ყოველის ქართველის გულში ირწუნოდა და ასეთს აკვანში გამოზრდილს ადამიანს-კი სიკვდილი ხელს ვერ შეახებს“ — ასე წერდა გაზეთი „ივერია“ 1893 წელს. ალექსანდრე ყაზბეგის გარდაცვალების გამო.

ალექსანდრე ყაზბეგი ქართულ ლიტერატურის ერთერთი უდიდესი წარმომადგენელია. იგი სამწერლო ასპარეზზე გამოსვლას პირველი დღეებიდანვე უდიდეს გავლენას ახდენდა მკითხველთა ფართო მასებზე.

წინამდებარე, შრომა მიზნად ისახავს ვადმოსცეს ალექსანდრე ყაზბეგის ბიოგრაფიის ძირითადი მომენტები. რომ ამ გზით დიდი მწერლის ცხოვრება-მოღვაწეობის შედარებით მთლიანი სურათი წარმოგვიდგინოს. შრომაში გამოყენებულია საარქივო მასალები და დოკუმენტები, პერიოდულ გამოცემებში შემონახული ცნობები და მწერლის თანამედროვეთა მოგონებები. ზოგჯერ ეს მასალები ფართო ამონაწერების სახითაც არის წარმოდგენილი. მაგრამ ფაქტების ასეთი გამოყენება დოკუმენტალური ნარკვევისათვის მისაღებად უნდა ჩაითვალოს.

ამავე ნარკვევში წარმოდგენილია თავი „ალექსანდრე ყაზბეგი და ხალხური შემოქმედება“. აღნიშნული საკითხი შეიძლებაოდა ცალკე ჩამოყალიბებულიყო, როგორც დამოუკიდებელი შრომა. მაგრამ ალ. ყაზბეგის ბიოგრაფიაში ამ მომენტის მოკლედ აღნიშვნა აუცილებელია იმით, რომ იგი პირველყოვლისა მწერლის პირად ცხოვრებასთან არის დაკავშირებული. ალექსანდრე ყაზბეგი ხალხურ შემოქმედებას სწავლობდა, მის ნიმუშებს აგროვებდა, თავის ზღბის წიგნაკებში იწერდა, ანალოგიურს თემაონაც ადგენდა. ხოლო შემდეგ ყოველივე ამას საჭიროების დროს პოხდენილად იყენებდა.

დიდი ადამიანის ცხოვრების მათიანეს წერა მეტად ფაქიზი, საპატიო და თანაც საპასუხისმგებლო საქმეა. წინამდებარე გამოკვლევის ავტორი დასახული ამოცანის სირთულეს მთელი სიმძიმით გრძნობდა, და თუ ეს წიგნი მკითხველის წინაშე ალექსანდრე ყაზბეგის ნათელ სახეს ნაწილობრივ მაინც გააცოცხლებს, მაშინ ავტორის მიზანიც მიღწეულად ჩაითვლება.

ა. ა. მ ა ხ ა რ ა ძ ე

25 დეკემბერი
1940 წ.

თ ა ვ ი პ ი რ ვ ე ლ ი

ალექსანდრე ყაზბეგის ოჯახი, ბავშვობა და ყრმობა

I

● ყაზბეგიანთ გვარის წინაპრები ჩოფიკაშვილები ყოფილან. თვითონ ალექსანდრე ყაზბეგის პაპა, გაბრიელი, პირველად ჩოფიკაშვილად იწოდებოდა და ალექსანდრეს მამა-ბიძებიც ჩოფიკაშვილებს შორის ცხოვრობდნენ.

გაბრიელ ყაზბეგი სტეფანწმინდის მოურავი იყო. მეცხრამეტე საუკუნის დამდეგს საქართველოში რუსეთის შემოსვლისა და რუსული მართვა-გამგეობის დამკვიდრების საქმეში გარკვეული დამსახურების გამო გაბრიელმა გენერალ მაიორობა მიიღო და მასვე ებოძა აზნაურობა. ყაზბეგიანთ ოჯახის ერთერთი ახლოს მცნობის გადმოცემით, გაბრიელის თხოვნით ყაზბეგის გვარის ყველა წარმომადგენელს სამხედრო ხარისხები დაურიგეს. გაბრიელის სახელთან არის დაკავშირებული აგრეთვე სოფელ სტეფანწმინდისათვის ყაზბეგის შერქმევა.

გაბრიელ ყაზბეგი ხევის გამგებლად დაინიშნა და დიდი გავლენითაც სარგებლობდა როგორც რუსეთის მმართველობის წინაშე, ისე ადგილობრივ მცხოვრებთა შორის. იგი მეტად შეძლებულად ცხოვრობდა. სხვა შემოსავალთა შორის გაბრიელს ეკუთვნოდა ის ბაჟები, რომლებსაც დარიალის ხეობაზე გადამსვლელებს ახდევინებდნენ. ამის შესახებ ალექსანდრე ყაზბეგის ოჯახის ერთერთი ახლო ნათესავი, სოფიო თარხნიშვილი, წერს: „იმ დროს ყოველი გამომვლელი საქართველოსაკენ ბაჟსა ხდილობდა, აგრეთვე საქართველოდან წამსვლელიც. დარიალში იმ ბაჟს ახდევინებდნენ და ამ ფულებს აბარებდნენ გაბრიელ ყაზბეგს. დარიალის იქით, ოსის მიჯნაზე, ამ ბაჟს ოსის ბატონიშვილები ჰკრეფდნენ: ესენოვები, გუნდუხოვები, დუდაროვები“¹.

¹ ჟურნალი „მნათობი“, 1927 წ., № 8—9.

გაბრიელ ყაზბეგს სულ ხუთი შვილი ჰყოლია — მიხეილი, ნიკოლოზი, სოფიო, ეკატერინე და ნინო. ალექსანდრე ყაზბეგას მამა, მიხეილი. გაბრიელ ყაზბეგის უფროსი ვაჟიშვილი ყოფილა.

გაბრიელის გარდაცვალების შემდეგ მამის თანამდებობა. როგორც უფროსმა შვილმა, მიხეილ ყაზბეგმა დაიკავა. მან შემდგომ გენერლობაც მიიღო.

მიხეილ ყაზბეგი მეტად მკაცრი მმართველი იყო. არსებული გადმოცემების მიხედვით, ის სასტიკად ავიწროებდა თავისუფლების მოყვარულ მთიელ ხალხს. ეს მკაცრი მმართველი მით უფრო აუტანელი უნდა ყოფილიყო იმ ხალხისათვის, რომელიც თავისი განსაკუთრებული ჰღვთმარების გამო ისტორიულად ჩვეული არ იყო ბატონყმობის მძიმე უღელს.

მიხეილ ყაზბეგის პირადი ცხოვრების შესახებ საინტერესო ცნობას იძლევა იგივე სოფიო თარხნიშვილი. ეს ცნობა საინტერესოა იმით, რომ იგი გადმოგვცემს მიხეილის ცხოვრების იმ პერიოდს, რომელიც უშუალოდ ალექსანდრესთან არ არის დაკავშირებული. მაგრამ მეტად საყურადღებო მომენტებზე კი მიუთითებს.

მიხეილ ყაზბეგს პირველ ცოლად ჰყოლია საგინაშვილის ქალი, რომელიც ცნობილი მწერლების ნიკოლოზ ბარათაშვილისა და გრიგოლ ორბელიანის ახლო ნათესავი იყო. სოფიო თარხნიშვილის გადმოცემით, ნიკოლოზ ბარათაშვილსა და გრ. ორბელიანს მიხეილ ყაზბეგის ოჯახში ვისვლა-მოსვლაც ჰქონათ.

აი რას წერს სოფიო თარხნიშვილი:

„მიხეილ ყაზბეგი ძალიან ლამაზი, თვალტანადი ყმაწვილი კაცი იყო. პირველად შეირთო საგინაშვილის ქალი, რომელიც ძალიან ჰქვიანი, კეთილი, ლამაზი ქალი იყო და იმ დროისათვის ნასწავლიც. მისი დეიდაშვილი ნიკოლოზ ბარათაშვილი ზაფხულობით მასთან ცხოვრობდა და ბევრი თავისი ლექსებიც ყაზბეგში დასწერა. აგრეთვე მისი ნათესავი იყო გრიგოლ ორბელიანიც. რომელიც ხშირი სტუმარი იყო ყაზბეგში და ბევრი ლექსებიც დასწერა იქ“¹.

მოყვანილი ამონაწერი მეტად საყურადღებო მომენტზე მიუთითებს: ნიკ. ბარათაშვილი და გრ. ორბელიანი მიხეილ ყაზბეგის ოჯახის ხშირი სტუმრები ყოფილან. მათი მიმოსვლა ყაზბეგიანთ ოჯახში უნდა შეწყვეტილიყო მხოლოდ იმის შემდეგ, როდესაც მიხეილის პირველი ცოლი გარდაიცვალა.

მიხეილ ყაზბეგის მეორე ცოლის, ე. ი. ალექსანდრე ყაზბეგის დედას შესახებ, სოფიო თარხნიშვილი წერს: „როცა საგინაანთ ქალი გარდაიცვალა უშვილოდ, ბიძა-ჩვენმა მიხეილმა შეირთო

¹ უფროსი „მნათობი“, 1927 წ., № 8—9.

თარხნიშვილის ქალი, თუმანიანთ ქერივე, რომელსაც ჰყავდა სამი ქალი პირველი ქმრისაგან“.

ალექსანდრე ყაზბეგის დედა, ელისაბედი, რომელიც შინაურობაში ყველ იწოდებოდა, ესტატე თარხნიშვილის ქალი იყო. ელისაბედი თავისი დროისათვის კულტურული და მხატვრული ლიტერატურის მოყვარული ყოფილა. მას იმ ეპოქის კვალობაზე საკმაოდ მდიდარი ბიბლიოთეკაც უნდა ჰქონოდა. ყოველ შემთხვევაში, თვით XIX საუკუნის ოთხმოციან წლებში მიუთითებდნენ იმის შესახებ, რომ ელისაბედს უძველესი ძვირფასი ხელნაწერებიც-კი ჰქონდა.

1880 წლის დამდეგს გაზეთ „დროების“ ერთერთი კორესპონდენტი სტეფანწმინდიდან იწერებოდა: „განსვენებულის გენერალ-მაიორის მიხეილ ყაზბეგის ქერივეს კენდნა ელისაბედს აქვს ერთი შესანიშნავი სახარება ხელნაწერი. რომელიც არის პერგამენტზე დაწერილი ჩლიდ (1714) წელს. სახარება არის ვერცხლით მოქედანი და ოცდათვრამეტი ზურმუხტი და იაგუნდი არის პირველ გვერდზე, მხოლოდ აკლია სამი თვალი იაგუნდისა. მეორე გვერდზე არის დახატული ჯვარცმის სახე, გარშემო ღვთის მშობლის და მარჯამ მაგდალინესი. ყუთი ვერცხლისა აქვს, მშვენიერ ყვავილების ჩუქურთმით დახატული. სახარების სიგანე არის ერთ ვერშოკნახე-ვარი და სიგრძე ორი ვერშოკი. ნაწერი არის სამ დიუმ სიგანეზე. განიყოფება ორ სვეტად, სიგრძე ოთაი დიუმი არის და იპყრობა თვრამეტ სტრიქონს. მთელი ეს მიკროსკოპიული სახარება თავიდან ბოლომდე ერთნაირი ნაწერია და გარშემო ვარაყის არშია აქვს. ამას გარდა ოთხივე მხარე არის მშვენიერის კრასკით დახატული“¹.

კორესპონდენტის ეს ცნობა ერთ წიგნს შეეხება. ვფიქრობთ, ასეთივე ხელნაწერები და ძვირფასი წიგნები, მით უმეტეს 60-70-იან წლებში, ელისაბედს სხვაც უნდა ჰქონოდა. ელისაბედი კულტურული, ქართული მწერლობის მოტრფიალე და ოჯახის მოსიყვარულე დედა ყოფილა. მაკრამ ამ თვისებებთან ერთად მასაც ანასიათებდა ის ქედმაღლობა და პატივმოყვარეობა, რომელიც დამახასიათებელი იყო მიხეილ ყაზბეგის ოჯახისათვის.

მშობლების ამ თვისებათა შესახებ თვითონ ალექსანდრე ყაზბეგი თავის ავტობიოგრაფიულ ცნობებში მოგვითხრობს: „მამაჩემს და დედაჩემს განსაკუთრებითი თვისებური ხასიათი ჰქონდათ. უყვარდათ დიდკაცობა და მდიდრულად ცხოვრობდნენ, მაკრამ ყველგან თავისებური პირადობა ეტყობოდათ. მაგალითად: სამი პოვარი გყავდა. ორი მეჯინიბე, ორი კუჩერი, ექვსი ლაქია და ორი კიდევ პატარა ბიჭი ხელზედ მოსამსახურე და ხუთამდინა

¹ გაზეთი „დროება“, 1880 წ., № 14.

„მცველები“, სხვა სახელი ვერ მომიგონია ამ ხალხისათვის. რადგანაც მათი საქმე მხოლოდ შეიარაღებული გაყოლა იყო მამაჩემისა, როდესაც მიდიოდა სადმე. შვიდი მოაზლე და ერთი ბაზიერი, თავის ურიცხვის ქორ-მეძებრებით. ჩვენი წასვლასადმე ერთი ორომტრიალი იყო. რადგანაც ამოდენა სახლობას დასაძრავად მთელი თვეები მზადება გვინდებოდა“¹.

ასე წერდა ალ. ყაზბეგი თავისი მშობლების შესახებ. ასე მდიდრულად და ხელკაშლით ცხოვრობდა მიხეილ ყაზბეგის ოჯახი. ყაზბეგის საბლკარი თავისი მრავალრიცხოვანი შინამოსამსახურეებით, ხევის პირობებში. ერთგვარ სასახლეს წარმოადგენდა.

ალ. ყაზბეგი თავისი მშობლების ერთადერთი შვილი იყო. მის დაბადებას არაჩვეულებრივი მოუთმენლობით ელოდა მიხეილ ყაზბეგის ყოვლისშემძლე ოჯახი.

ცნობილი მწერალი ქალი, ნინო ორბელიანი. თავის მოგონებაში ალ. ყაზბეგის შესახებ მოგვითხრობს იმ უსახლერო სიხარულზე, რომელიც იმ დღეს განიცადეს ალექსანდრეს მშობლებმა.

„მე ყმაწვილი ვიყავ, —წერს ნინო ორბელიანი, —როცა ეგ დაბადა და დედაჩემი მოვიდა დიდი მზიარული. მაგისი დედის მეგობარი იყო და უყვარდა, მის ქირსა და ლხინსაც გაიზიარებდა ხოლმე. როცა ეგ დაეზადა კეკესო. ასე ეძახდნენ სანდროს დედას, დედამ გვიამბო, მიხეილ ყაზბეგი სწორედ ოცი წლის ვაჟკაცს დაემსგავსა სიხარულითო, ასეთი აღტაცებული არის, ეს სურვილი რომ აქონდა ღმერთმაო. მეტი არაფერი სანატრელი ცხოვრებაში იმათ არა ჰქონდათ-რაო, და ესეც ღმერთმა მოუღლინაო“.

ვაჟიშვილის შეძენით ვაზარებულ მიხეილ ყაზბეგს ლექსიც კი დაუწერია:

„კაკანა დაურწით,
სულიკოს ეძინება:
გვმართებს, რომ ღმერთს ვავედროთ
მისი აღორძინება;
კეკე, ძუძუ აწოვე,
მკერდს შუქი გეფინება,
რადგან ღმერთმა ინება
ამ ბიჭის მოვლინება“².

¹ საქართველოს სახელმწიფო მუზეუმის ხელნაწერი, ფონდი, № 3981, „ავტობიოგრაფიული ცნობები ალ. ყაზბეგისა“.

² ჟურნალი „კვალი“, 1893 წ., № 52.

ალექსანდრე ყაზბეგის დაბადების თარიღის შესახებ ორი სხვადასხვა ხასიათის ცნობა არსებობს. მეტროკის წიგნის მიხედვით ალ. ყაზბეგი დაბადებულია 1848 წლის 8 იანვარს. ხოლო ერთერთ დოკუმენტზე დაყრდნობით დავით კარიჭაშვილმა სცადა ეს თარიღი რამდენიმე თვით უკან გადაეწია (1847 წლის 14 ნოემბერი).

როდესაც ალექსანდრეს დაბადების თარიღს აკვევდა, დავით კარიჭაშვილი ეყრდნობოდა ალ. ყაზბეგის დედის ერთერთ კერძო ხასიათის წერილს. ელისაბედის ეს წერილი დაწერილია 1869 წლის 14 ნოემბერს. წერილში, რომელსაც იგი ალექსანდრეს რუსეთში უგზავნის. დედა შეიღს ულოცავს დაბადების დღეს და სიხარულით აღნიშნავს, რომ ახლა მას ჰყავს ოცდასამი წლის ვაჟიშვილი. დედის ეს ცნობა რომ მთლიანად მიგველო, მაშინ ალ. ყაზბეგი უნდა დაბადებულიყო 1846 წლის 14 ნოემბერს. მაგრამ დედის ამ ცნობიდან დ. კარიჭაშვილს ყველაზე სარწმუნოდ მიაჩნია ალექსანდრეს დაბადების დღე—14 ნოემბერი. შემდეგ მკვლევარი ავითარებს თავის ძიებას.

დ. კარიჭაშვილი წერს: „რადგანაც შეუძლებელია, რომ ერთადერთი ვაჟიშვილის პატრონს ვედას კარგად არ ხსომებოდეს თავის ვაჟის დაბადების დღე. ამიტომ უნდა ვიფიქროთ, რომ ალექსანდრე ყაზბეგი ნამდვილად დაბადებულია 14 ნოემბერს 1847 წ. მეტროკის წიგნში ყაზბეგის დაბადება ჩათუწერიათ 8 იანვარს 1848 წ.. უეჭველია, იმიტომ, რომ ამ წლის იანვრის 28-ს მოუხათლიათ. რადგანაც სასულიერო მთავრობას ნაბრძანები აქვს მღვდლებისათვის, რომ ბავშვები ბევრ ხანს არ დაატოვონ მოუხათლავი. ამიტომ მღვდლები ხშირად ბავშვების დაბადების დღედ სწერდნენ მონათვლის დღის მახლობელ რიცხვს. როგორც ვთქვით, ჩვენ ფრიად სარწმუნოდ მიგვაჩნია დედის მოწმობა ყაზბეგის დაბადების დღის შესახებ, ხოლო მისი დაბადების წლის შესახებ კი შეცდომას ვხედავთ დედის ანგარიშში. 14 ნოემბერს 1869 წ. დედას ყაზბეგი ოცდასამის წლისა ჰგონია. ამ ანგარიშით ყაზბეგი უნდა დაბადებული იყოს 1846 წ. ასეთი შეცდომა დედისა არ არის გასაკვირველი. 14 ნოემბერს 1869 წ. ყაზბეგი ოცდამესამე წელში გადადგა და დედას შეცდომით დაუწერია ოცდასამის წლის შვილი მყავსო“¹.

დ. კარიჭაშვილის ეს მტკიცება უსაფუძვლო არ არის. პირიქით, მკვლევარი პეტად ღრმად სწვდება საკითხს, მაგრამ, მიუხედავად

¹ დავით კარიჭაშვილი — „ალექსანდრე ყაზბეგის ბიოგრაფია“.

ამისა, ეს მტკიცება დაკანონებული თარიღის შენაცვლელად საკმა-
რისი არ არის. ამისათვის მეტი საბუთიანობაა საჭირო.

ამრიგად, ალექსანდრე ყაზბეგის დაბადების თარიღს ჯერჯე-
რობით ყველაზე სარწმუნოდ მისი მეტრიკის წიგნი გვიჩვენებს. ამ
ოფიციალური დოკუმენტის მიხედვით ალექსანდრე ყაზბეგი დაბა-
დებულია 1848 წლის 8 იანვარს¹.

პატარა ალექსანდრეს ორი ძიძა და რამდენიმე გამზრდელი
მიუჩიანეს. იგი არაჩვეულებრივ ფუფუნებაში იზრდებოდა. გარდა
მშობლებისა, ყაზბეგის მთელი ოჯახი თავისი მრავალრიცხოვანა
შინამოსამსახურეებით თავს ევლებოდა ოჯახის ერთადერთ ვაჟი-
შვალს.

როგორც უკვე აღინიშნა. ალ. ყაზბეგი შემდგომ თვითონვე
ჰკიცხავდა თავისი ოჯახის მთელ რიგ მზარეებს. ცნობილია, რომ
მას განსაკუთრებით არ მოსწონდა აღზრდის ის პირობები, რომლე-
ბიც მიხეილ ყაზბეგის ოჯახში იყო გაბატონებული და რომლებ-
შიაც იზრდებოდა თვითონ ალექსანდრე.

ალ. ყაზბეგის ცნობილი ბიოგრაფი დავით კარიჭაშვილი ამის
შესახებ წერდა: „პირველი მისი (ალექსანდრე ყაზბეგის ა. მ.) პიესა
ყოფილა „აღმზრდელები“, რომელშიაც მოქმედ პირებში ყოფილან
გამონბატულნი მისი მშობლები. ერთხელ თურმე ეს პიესა კიდევ
წაუკეთბა თავის მშობლებს და ნათესაეებს. დასაწყისში თურმე ძა-
ლიან მზიარულად ისმენდნენ, მაგრამ როდესაც მშობლებმა იცნეს
პიესაში თავიანთი თავი, ძალიან გაჯაღრდნენ და შეაწყვეტინეს კით-
ხვა. ამ პიესაში თურმე ყაზბეგს სამასხაროდ ჰქონდა აგდებული ის
აღზრდა, რომელაც თითონ მიიღო თავის დედ-მამისაგან“².

ალექსანდრე ყაზბეგის მშობლების შესახებ საინტერესო ცნო-
ბებს იძლევა აგრეთვე ელისაბედ ყაზბეგი. ელისაბედი თავის მოგო-
ნებაში მოგვითხრობს ალ. ყაზბეგის მშობლების ხასიათისა და პა-
ტარა ალექსანდრეს აღზრდის პირობებზე. იგი წერს: „ჩემი ბიძა-
ძალის მისწრაფება სანდროს. სწავლა-განათლებლაზე სხვადასხვა-
ნაირი იყო. ბიძაჩემს გაგიჟებით უყვარდა თავისი შვილი და ამას
მხოლოდ იმით ამტკიცებდა, რომ ანებებდა და მეტის-მეტად
რყენიდა. თავის ერთადერთ მემკვიდრეს თითქმის აღმერთებდა! რალა
თქმა უნდა, რომ თავის სიყვარულით სანდროსათვის ყოველი კეთი-
ლი სურდა და ამეტებდა, მაგრამ თითონ უსწავლელ კაცს გამორ-

¹ ძველი სტილით, ახალი სტილით — 20 იანვარს.

² დ. კარიჭაშვილი — „ალექსანდრე ყაზბეგის ბიოგრაფია“.

კვეული წარმოდგენა არა ჰქონდა სწავლა-განათლებაზე, რომლის გამოც სანდროს სწავლის საქმეს ნორმალურად ვერ აყენებდა. ხშირად იტყოდა ხოლმე: „ჩემმა ალექსანდრემ ოღონდ იცოცხლოს და თუნდ სულაც ნურას ისწავლისო! რაც უნდა იაა ჰქნას, როგორც ესამოვნება, ისე იცხოვროს“.

ძალუა კეკეს შეზღუდლება ამ საგანზე სულ სწავა იყო: იმას ძალიან უნდოდა, რომ ალექსანდრე ფრიად განათლებული კაცი გამოსულიყო, ყველაფერი კარგადა და ზედმიწევნითა სცოდნიყო, რომ დედამიწის ზურგზე ყველაზე უკეთესი ისა ყოფილიყო. ანუ ვრცელი იყო მისი მისწრაფება სანდროს სიკეთისათვის! იმასა შურდა ხოლმე, როდესაც გაიგონებდა: ამადამ კაცის შვილი კარგადა სწავლობსო, ამადამ კაცის შვილი სამსახურში დაწინაურდაო¹.

მოყვანილი ამონაწერები ნათლად მიუთითებს პატარა ალექსანდრეს აღზრდის პირობებზე. ეს პირობები, რასაკვირველია, სასურველი არ არის, მაგრამ ალექსანდრე ყაზბეგის სასახლეოდ უნდა ითქვას, რომ იგი ბავშვობიდანვე ზურგს აქცევდა ამ წრეს და მთელი თავისი არსებით გლახური ცხოვრებისაკენ მიისწრაფის. მასზე მეტ გავლენას ახდენენ მწყემსი ბიჭები და აღმზრდელი გლეხთა ქალები, ვიდრე საკუთარი მშობლიური წრე თავისი უსაზღვრო ფუფუნებით.

ალ. ყაზბეგის ბავშვობიდან საკარა ერთი მომენტიც აღინიშნოს. ცნობილია, რომ მისი ერთერთი ყველაზე გავრცელებული ლიტერატურული ფსევდონიმი იყო „მოჩხუბარიძე“ (აკაკია მოჩხუბარიძე). მწერალს განსაკუთრებით უყვარდა ეს ფსევდონიმი, ამის მიზეზი კი ის უნდა იყოს, რომ ეს სახელი მას ბავშვობიდან შერქმევია. ალექსანდრეს დაუსრულებელი სიანცისა, შინაურებთან მუდმივი ჩხუბისა და დავიდარების გამო მოთმინებიდან გამოსულმა დედამ ერთხელ მისი გალაზვა მოინდომა. მაგრამ ყოველთვის ფუფუნებაში მყოფი და უსაზღვროდ გამედიდურებული შვილი გაააღაზავად ვერც იმ დღეს გაიმეტა და გულსჯავრი იმით იყარა. რომ მას მოჩხუბარიძე უწოდა. ალექსანდრემ დედის მიერ შერქმეული ეს სახელი სიამოვნებით მიიღო და შემდეგში თავის ლიტერატურულ ფსევდონიმადაც აქცია. შემდგომ ცხოვრებაში ხშირად გულჩათბობილი მწერალი ამ სიტყვის მოგონებით თავის მოუსვენარ და მუდამ მაძიებელ ყრმობას თუ ეალერსებოდა.

ალ. ყაზბეგის ბავშვობისა და ყრმობის ერთერთი მეგობარი, ელისაბედ ყაზბეგი, ალექსანდრესათვის „მოჩხუბარიძის“ შერქმევის

¹ ელისაბედ ყაზბეგი — „ნასალები“, ჟურნალი „წათობი“, 1924 წ., № 7—8.

ისტორიას ასე მოგვითხრობს: „ერთ ამისთანა ღრუბლიანს დღეს (წინააღმდეგობის ჩხუბის, სიანციის ა. მ.), როდესაც სანდრო ამგვარად აკნინებდა და იმის დედასთან ზედიზედ რამდენიმე საჩივარი შეიტანეს, მაშინ ძალუა წამოუხტა სანდროს ვითომც დასატუქსავად, აბლო ნივიდა და გაჯავრებით უთხრა:

— რა ღმერთი გავწყრომია, რომ ქვეყანას ეჩხუბები? რა დაგ-მაოთია. სწორედ მოჩხუბარიძე ხარ!

სანდროს ეს სახელი ძალიან მოეწონა და საჩქაროდ წამოიძახა:

— ჰო, მოჩხუბარიძე ვარ და აკაკიაც მქვიან! ასე მესიამოვნება!

ამ დღიდან სანდროს მეტ სახელად დაერქვა მოჩხუბარიძე და ბოლოს იმის ფსევდონიმიც აკაკია მოჩხუბარიძე გახდა¹.

ასე დაერქვა ალ. ყაზბეგს მოჩხუბარიძე.

ალექსანდრე ყაზბეგი თავისი მრავალრაცხოვანი აღმზრდელ-ბიძან განსაკუთრებული პატივისცემით იგონებს ნინოს. ხელნაწერებში დატულია მწერლის მგრძობიარე მიმართვა მოამაგე აღმზრდელისადმი.

ალ. ყაზბეგის ეს ხელნაწერი მრავალმხრივ არის საინტერესო. წერილს მოგვიანო პერიოდისაა. იგი მიეკუთვნება ოთხმოციანი წლების დამდეგს. ავტორი იგონებს თავის ბავშვობას და გვეუბნება, რომ მასზე უდიდეს გავლენას ახდენდა ხალხის ცხოვრებიდან ამოღებული პატარა ამბები და ზღაპრები; თვითონ ალ. ყაზბეგის დამოწმებით, ეს ზღაპრები უფრო ღრმად შედიოდნენ მომავალი დიდა მწერლის გულსა და გონებაში, ვიდრე მუდმივი დარიგება ოჯახის რომელიმე წევრისა.

ცნობილი პოეტი და მოღვაწე აკაკი წერეთელი უდიდეს მნიშვნელობას აძლევდა იმას, რომ მან თავისი ბავშვობის რამდენიმე წელი ძიძის ოჯახში გლეხის ბავშვებთან გაატარა. აკაკი ამის შესახებ წერს: „არ შემიძლია არ გამოვტყდე, რომ თუ კი რამ დარჩა ჩემში კარგი და კეთილი, უფრო იმის წყალობით, რომ მე სოფელში ვიყავი გაბარებული და გლეხის შვილებთან ერთად ვიზრდებოდი“².

თათქმის ანალოგიურ მდგომარეობასთან გვაქვს საქმე ალექსანდრე ყაზბეგის ცხოვრებაშიაც. რაც კი რიგიანი იყო მასში ბავშვობიდან ჩანერგილი, ალ. ყაზბეგი თავის გამზრდელ ნინოს უმად-

¹ ელისაბედ ყაზბეგი—„მასალები“, ურნალი „მნათობი“, 1925 წ., № 4, გვ. 186.

² აკაკი წერეთელი — „ჩემი თავგადასავალი“.

ლოდა. ეს ხელნაწერი უდაოდ ერთერთი საუკეთესო დოკუმენტია, რომელიც გარკვეულ ნათელს ჰყენს ალ. ყაზბეგის ბავშვობას, მის სულიერ მოთხოვნილებებს ამ პერიოდში. ჯერ კიდევ ადრე, ვიდრე აკაკი წერეთლის „ჩემი თავგადასავალი“ გამოქვეყნდებოდა, ალ. ყაზბეგი წერდა:

„ჩემო საყვარელო გამზრდელო ნინო! ჩემისთანა ღარიბ კაცს რა ექნება, რომ შენ დაგივლოს ან სახსოვრად, ან მოგიძღვნას. ამაზედ უძღირფასესი არა მქონდა რა და ამის გამოიხობით (მოგიძღვნი) ამ რამთენიმე ჩემი გრძნობისა და სულის მოძრაობას, რომლის აღზრდაშიაც შენ ისეთს მონაწილეობას იღებდი. აბა მოიგონე ის დროები, როდესაც მე ბავშვობაში მივლიდნენ ისე. როგორც მეფის შვილს; მანებივრებდნენ უკანასკნელ გარყვნილებამდინ; მასწავლიდნენ შურს. ამპარტყანობას და სიძულვილს! სელის ხელ ამასთან მოიგონე შენი ზღაპრები: „თათრის ყვავილი“, „ხალხის ნუგეში“, „მეკობრეები“. და სხვადასხვა... რომლებსაც უფრო ვენდობოდი და რომლების შინაარსიც უფრო იბეჭდებოდა ჩემს თავში. ვიდრე დარიგება სხვა პირებისა. ვახსოვს, რა თანაგრძნობით მიაშობდი მოსამსახურის და ყმების მღვდომარეობაზედ ბატონების ხელში? ვახსოვს, შენმა სიტყვებმა რამთენჯერ დამაღვრევენა მღუღარე ცრემლები. შენი სიტყვები არ დაიკარგა მუქთად და აქ დაიშარხა ჩემს გულში... და ეს ღა, ამთენიხნის განმავლობის შემდეგ. როდესაც შემოძლიან ანგარიში მივცე ჩემს მოძრაობას, შემოძლიან სიამაყით გითხრა, შენს გაზრდილში თუ იპოვება რამე რიგიანი, ბავშვობიდანვე ჩანერგილი, ამის მიზეზი შენა ზარ, რომლისათვისაც გამადლობთ წარმოუთქმელად“¹.

ასე აფასებდა ალ. ყაზბეგი თავის აღმზრდელს გლეხის ქალს, რომელიც იყო ერთერთი ისეთივე შინამოსამსახურე მიხეილ ყაზბეგის ოჯახისათვის, როგორც სხვა მრავალი.

ალ. ყაზბეგის ერთერთი მახლობელი პიროვნების, იაგორ ღუღუშაურის გადმოცემით. ალ. ყაზბეგმა შემდგომ თავისი გაზრდელი ნინო იმით დაასაჩუქრა, რომ მას უბოძა თავისი მამულიდან ერთი კარგი სამოსახლო მიწა და სხე.

¹ საქართველოს სახ. მუზეუმის ხელნაწერი, წ.-კ. გამავრცელებელი საზოგადოების ფონდი. № 3982 — „ალ. ყაზბეგის სახსოვარი“.

ალექსანდრეს ადრევე მიუჩინეს შინაური მასწავლებლები. რომლებაც მას რუსულ და ფრანგულ ენებს ასწავლიდნენ. 11-12 წლის ალექსანდრეს უკვე სკოლია ეს ენები ისე, რომ იგი ლაპარაკს ახერხებდა.

პატარა ალექსანდრე ვერ ეგუებოდა იმ გადაჭარბებულ ფუფუნებას, რომელსაც მის მიმართ იჩენდა მიხეილ ყაზბეგის ოჯახი მისი მრავალრიცხოვანი შინამოსამსახურეებით. ალექსანდრე ხშირად გარბოდა სასალოდან და სოფლის ბიჭებთან ატარებდა დროს. განსაკუთრებით უყვარდა ცხვარში გასვლა მწყემსებთან. ალ. ყაზბეგის ამ თვისების შესახებ მოგვითხრობს აკაკი წერეთელი, რომელიც მისი მშობლებს კარგად მცნობი იყო.

აკაკი წერს: „დაბალი ხალხი იმთავითვე, ბავშვობაშივე, უყვარდა. სული ბიჭებში მიუდიოდა და, ვგონებ, მიზენიც იგივე იყო, რომ, რუსეთიდან დაბრუნების შემდეგ, დიდი ხნით ცხვრას სამწყყესურში გადავიდა. ფულის ყადრი, პატარა რომ იყო, მაშინაც არ იცოდა: გამოართმედა ხოლმე მამას ვერცხლის ფულს, ჩაიყრიდა ჯიბეში და გაუდგებოდა გზას; აედევნებოდნენ სოფლის ბიჭები, ისიც იღებდა ხოლმე ჯიბიდან ფულებს და გადაუყრიდა ბიჭებს; ისინი დაერეოდნენ ერთმანეთს, იყო ერთი წიწკნა-გლეჯა და ყურთაზილობა და ეს ამბავი ძალიან უხაროდა პატარა სანდროს“¹.

1859 წლის დამდეგს ალექსანდრე ყაზბეგი შეჰყავთ თბილისის ცნობილ ჰაკეს პანსიონში, რომელშიაც ათაოდე წლის წინათ სწავლობდა დიდი მწერალი და საზოგადო მოღვაწე ილია გრიგოლისძე ქავჭავაძე.

იმავე 1859 წელს ალექსანდრეს ჯერ კიდევ ჰყოლია კერძო მასწავლებელი. მწერლის არქივში დაცულია ერთი დოკუმენტი — ხელწერილი რომელიღაც ანტონ ხომინსკისა; რომ მან მიხეილ ყაზბეგისაგან მიიღო 55 მანეთი ვერცხლით ალექსანდრესათვის კერძო გაკვეთილების მიცემის გასამრჯელოდ².

ალ. ყაზბეგის დოკუმენტებში დაცულია ერთერთი ოფიციალური მოწმობა 1859 წლის თარიღით, რომელიც მოგვითხრობს პატარა ალექსანდრეს სწავლისა და ინტერესის შესახებ. პირველ კლასში ალ. ყაზბეგს ასეთი წარმატება ჰქონია:³

¹ აკაკი წერეთელი — „ჩემი თავგადასავალი“, ნაწილი მეორე.

² საქართველოს სახ. მუზეუმის ხელნაწერი, წ.-კ. ფონდი, № 3980.

³ საქართველოს სახ. მუზეუმის ხელნაწერი, წ.-კ. ფონდი, № 3980.

საღვთო სჯული	3
რუსული	3
ქართული	4
ფრანგული	5
არითმეტიკა	4
ხატვა	3
ვარჯიშობა	3
ცეკვა	4
მუსიკა	5
ყოფაქცევა	5

ჰაკეს პანსიონიდან აღექსანდრე, დ. კარიკაშვილის ცნობით, გადაუყვანიათ კანონიჩის პანსიონში, სადაც მას უსწავლია 1862 წლიდან 1863 წლამდე.

1863 წლიდან აღ. ყაზბეგი თბილისის გიმნაზიაში სწავლობს, იმდროს იგი მესამე კლასში უნდა ყოფილიყო. 1864 წელს, ოფიციალური დოკუმენტის მიხედვით, აღექსანდრე უკვე გიმნაზიის შეოთხე კლასშია. მწერლის იმავე არქივში დაცულია ერთერთი ქვითარი — რომ მას გადაუხდრა 1864 წლის მეორე ნახევრის სწავლის ფული ხუთი მანეთის რაოდენობით.

1865 წლიდან აღ. ყაზბეგს მშობლები, სასწავლებელში აღარ გზავნიან. ისინი ხევიდან თბილისს წამოსვლას ვერ ახერხებენ და აღექსანდრეს კი თვალბინი არ იშორებენ.

ამავე 1865 წლის 3 მარტის თარიღით მიხილ ყაზბეგს თბილისიდან ხევში უგზავნიან ერთ უწყებას, რომელიც აგრეთვე საინტერესო შინადაა აღ. ყაზბეგის ბიოგრაფიისათვის. მიმოწერიდან ირკვევა, რომ მიხილ ყაზბეგს ჯერ კიდევ სავსებით გადახდილი არა ჰქონდა აღექსანდრეს სწავლის ფული ჰაკეს პანსიონში. ჰაკე რძულებული გამხდარა თავისი ხვედრი ფული საჩივრის გზით აეღო. მას მოუშართავს პოლიციის (თუ სასამართლო) ორგანოებისათვის და ახლა თბილისის პირველი რაიონის ბოქაული თავის მეტად თავიან მიმართვაში, როგორც ეს შეეფერებოდა გენერალ-მაიორს. მიხილ ყაზბეგს აფრთხილებდა, რომ თავისი დავალიანება (ოთხმოცდაოთხი მანეთი და 80 კაპ.) სამი დღის ვადაში უკლებლივ დაეფარა¹. ჩვენ არ ვიცით, რით დამთავრდა ეს მიმოწერა, მაგრამ როგორც არ უნდა დამთავრებულაყო, ეს ფაქტი თავისთავად საყურადღებო მოვლენაა.

¹ საქართველოს სახ. მუზეუმის ხელნაწერი.

მიუხედავად თავისი დიდი მისწრაფებისა სწავლისადმი, ალ. ყაზბეგი იძულებული გამხდარა გიმნაზიისათვის თავი მიენებებინა. მართალია, ერთი წლის შემდეგ მშობლებმა კვლავ სცადეს ალექსანდრეს დაბრუნება გიმნაზიაში, მაგრამ ესეც მოუხერხებელი აღმოჩნდა. ალ. ყაზბეგს ამის შემდეგ გიმნაზიაში აღარ უსწავლია.

საჭიროა აღინიშნოს, რომ შემდგომ ალ. ყაზბეგი ღიდად განიციდდა საშუალო სკოლიდან უდროოდ გამოსვლის მწვეავე შედეგებს: ის სასტაკად უსაყვედურებდა თავის მშობლებს იმაზე, რომ მათი საქციელის გამო იგი გიმნაზიიდან გამოვიდა. თავის ავტობიოგრაფიულ წერილში ალ. ყაზბეგი ამის შესახებ წერს:

„ჩემი შიში, რომ არ დაგეგვიანებინეთ გიმნაზიაში, და წადილი ისეთი ძლიერი იყო, რომ ბინიდან ჩემოდან აკიდებული, ქვეითი გამოგეჭეცათ, ცივს ყინვაში. თქვენ გამოგზავნეთ კაცები, დანიჭირეთ, მიმათრივეთ და, მკაცრს მოქცევას შემდეგ, იანვრამდის დამაჯდეთ. რა გამოვიდა იქიდან? გამომრიცხეს გიმნაზიიდან და როდესაც მინდოდა შესვლა, მაშინ ეგზამენია მომთხოვეს იმაში, რაც გაეუღოთ ჩემს ამხანაგებს ჩემს იქ უყოფნელობაში. ეგ აშკარა იყო, რომ მ თვე ნადირობაში და უსაქმო გატარების შემდეგ ყოველად შეუძლებელი იყო ეგზამენიის დაქერა. ამ უბედურებას მიემატა მამაჩემის ავადმყოფობა, როდესაც წადილი იმ სურვილად გადაეჭკა, რომ გვერდიდან აღარ მოეშორებოდი. ასე რომ არამც თუ თქვენის მიზეზით გიმნაზიაში სწავლა დაეკარგე, ისიც კი აღარ იფიქრეთ, რომ სხვა რომელსამე გზაზე დაგეყენებინეთ¹.

III

1866 წლის ივლისში გარდაიცვალა ალექსანდრეს მამა მიხეილ ყაზბეგი. საჭიროა აღინიშნოს, რომ ყაზბეგთან ოჯახს ჯერ კიდევ მიხეილის სიცოცხლის უკანასკნელ ხანებში უკვე აღარ ჰქონდა ის დიდი შესაძლებლობა და იერი, რომლითაც იგი ცნობილი იყო ორმოცდაათ — სამოციან წლებში. განუწყვეტელმა სტუმრიანობამ და უანგარიშოდ ფლანგვამ ყაზბეგის ოჯახი შესამჩნევად გააღარაბა. ყოველ შემთხვევაში მან დაკარგა თავისი ძალა და ავტორიტეტი. თვითონ ალ. ყაზბეგის გადმოცემით, მამის გარდაცვალების მომენტში მათ ოჯახს ერთი გროშიც-კი არ გააჩნდა, გარდა იმისა, რომ გარდაცვალებას წინაღობით თვით ალექსანდრემ მამას ათი თუმანი მიუტანა.

¹ საქართველოს სახ. მუზეუმის ხელნაწერი, წ.-კ. ფონდი, № 3983.

მიხეილ ყაზბეგის დასაფლავებას დიდძალი ხალხი დაესწრო. ალ. ყაზბეგის თქმით. იმ დღეს მთელი ხევი იქ შეიყარა, მათი წესის თანახმად, ყველა მოსულისათვის საჭირო იყო შესაფერიანი შეხვედრა-მასპინძლობა, რაც იმ დროს უდიდეს ხარჯებს მოითხოვდა. მიხეილის დასაფლავებაზე გაწეული დიდი ფულადი ხარჯები, რაც იმ მომენტში ვალად იქნა აღებული. დიდი ხნის განმავლობაში მძიმე ტვირთად აწეა მის ოჯახს. ამ ტვირთის სიმძიმე განსაკუთრებით საგრძნობი იყო თვით ალ. ყაზბეგისათვის.

მამის სიკვდილით გამოწვეული მძიმე შედეგები ალ. ყაზბეგს შეტად მწვავედ განუცდია. იგი თავის ერთერთ ავტობიოგრაფიულ წერილში მოგვითხრობს იმ უბედურებას შესახებ, რომელიც მიხეილის გარდაცვალების გამო თავს დაატყდა მთელს ოჯახს და კერძოდ თვით ალექსანდრეს, რომელიც იმ დროს მხოლოდ თერაპეტი წლია იყო.

ალ. ყაზბეგი ამის შესახებ წერს:

„უბედურება მოჰყვა უბედურებას და შუა ზაფხულში გადაიცვალა მამაჩემი! გადაიცვალა იმ დროს, როდესაც შინ ერთი გროში არა გექონდა, გარდა იმ ათი თუმნისა, რომელიც მე ჩაუტანე ამ უბედურს სიკვდილის წინააღმდეგ და რომელიც იყო ნაყოფი პირველის ჩემი ოვლისა.

„მე არ ვაყვედრებ მიცვალებულს ამ ფულებს იმიტომ, რომ ის ჩვენ წინ დამნაშავე არაფერში არ არის; სანამ კარგად იყო, არავიზედ უარესად არ გვაცხოვრებდა. როდესაც მოკვდა, ეგ ფულები გადასატანად თავის სასაფლაოზედ ძლივს გვეყო და დამარხვა მოგვიხდა ვალზედ. ჩვენში დამარხვა ზომ სხვა ქვეყნების დამარხვას არ ემსგავსება? მთელი ხევი შეიყარა. აი რა დაიხარჯა პირველ დამარხვაზედ:

250 ფუთი ფქვილი	—	1 მან.	—	250 მან.
9 ხარი	—	25	—	225
50 ცხვარი	—	3	—	150
10 (ფუთი) ბრინჯი	—	2 - 50	—	2
2 ბოქვა არაყი	—	3	—	240
(80 ვედრო)				
120 ვედრო ღვინო	—	3	—	360
1 კუბო თავისი მორთულობით	250	—	—	250
მლღელზედ	—	150	—	150
სხვა წვრილი ხარჯები				300

2.050 მან.

„ამ ხარჯის გარეთ მთელი წლას ხარჯები მთის ჩვეულებით. რომელიც უანგარიშო არის, და ჩერქეზების სიარული თავისი ნათესავისა და იმათში სახელოვანის კაცისა ზომ განუწყვეტელი იყო. ასე რომ ამ ხანებში კარგა ფული შემოგვეხარჯა“¹.

ამ ხარჯების უდიდესი ნაწილი, როგორც აღინიშნა, ვალად იყო აღებული.

გარდა ამისა მწვავე იყო მამის გარდაცვალება აღ. ყაზბეგისათვის იმ მხრივ, რომ ამის შემდეგ მას კიდევ უფრო მეტად ესპობოდა სწავლა-განათლების მიღების საშუალება. მამის გარდაცვალების შემდეგ მთელი ოჯახის მოვლა-პატრონობა ალექსანდრეს უნდა გაეწია. როგორც თვითონ ამბობს, თვრამეტი წლის ახალგაზრდას, შეუჩვეველს და ცხოვრებაში გამოუცდელს, ახლა მიხეილ ყაზბეგის სახლკარის წინამძღოლობა უნდა ეკისრა.

ახალგაზრდა აღ. ყაზბეგი სწავლისაკენ მიილტვის, განათლება სწყურია. მიუხედავად იმისა, რომ მას საშუალო სკოლაც კი არ დაუმთავრებია, უმალღეს სასწავლებელში შესასვლელად ემზადება და ამ მიზნით მიწერმოწერას აწარმოებს მოსკოვში მყოფ თავის ერთერთ მეგობართან — ბახუტაშვილთან. იგი სთხოვს თავის მეგობარს რჩევა მისცეს, გზა ასწავლოს, დაეხმაროს სასწავლებელში შესვლაზე.

ალექსანდრე ყაზბეგს სწავლის საშუალებას არ აძლევს დედა: მას უნდა თავისი ერთადერთი შვილი ყოველთვის თვალწინ ჰყავდეს. ტკბებოდეს მისი ბედნიერებით. იგი ცდილობს როგორმე ცოლი შერთოს ალექსანდრეს, ოჯახის ფერხულში ჩააბას და ამით გადაავიწყოს სამშობლოდან წასვლა.

საფიქრებელია, რომ ის აქტი, რომელიც მოხდა ალექსანდრე ყაზბეგისათვის ცოლის შერთვევინების მიზნით, მოწყობილი უნდა ყოფილიყო თვით აღ. ყაზბეგის დედის მიერ. როდესაც ალექსანდრე მოსკოვში თავის მეგობართან მიწერ-მოწერას აწარმოებდა, ალექსანდრეს დედას შეთანხმება ჰქონდა თავის ძმასთან, ალექსანდრეს ბიძასთან, რომ როგორმე მისი დაქორწინება მოეწყო. სხვა-ნაირად შეუძლებელია ყველაფერი თავისთავად მოწყობილიყო ისე. როგორც ამას აღ. ყაზბეგი თავის ავტობიოგრაფიულ წერილში მოგვითხრობს. აქ ერთიმეორესთან გადაჯაჭვულია, ერთის მხრივ, წერილის მიღება და აღ. ყაზბეგის მზადება მოსკოვს გასამგზავრე-

¹ საქართველოს სახ. მუზეუმის ხელნაწერი, წ.-კ. ფონდი, № 3983, „აღ. ყაზბეგის უბის წიგნი № 1“.

ბლად, ხოლო მეორე მხრივ — მისივე მიპატივება სტუმრად ქართლში ბიძის მიერ.

წარმოდგენის სისრულისათვის გავეცნოთ ამ ამონაწერს მთლიანად.

ალექსანდრე ყაზბეგი წერს:

„მამაჩემის სიკვდილის შემდეგ მე დამრჩა მხოლოდ ერთი მეგობარი, ნამდვილი მეგობარი ბ. (ალექსანდრე ბახუტაშვილი)¹, რომელიც იყო მოსკოვის უნივერსიტეტში. მე მივსწერე მას ჩემს გამოუტყვეველს მდგომარეობაზედ და ეთხოვდი რჩევას. ჩემს წიგნში ჩაუმატე, რომ მსურდა რუსეთს წასვლა და უეჭველად სწავლა. ამაზედ იმან მიპასუხა პირდაპირ როგორც შეეფერებოდა სვინდისიან კაცს შემდეგით: „უკეთუ შენ გინდა წამოხვიდე. რომ იქეიფო, მდიდარი საცოლუ მონახო, როგორც ზოგიერთი ყმაწვილი კაცები მოდიან. მაშინ მე გირჩევ რომ აწ წამოხვიდე. გარდა უპატიოსნებისა მაგ გვარ მოქმედებაში უანგარიშობაც არის და ეს უანგარიშობა იმაში მდგომარეობს, რომ რუსეთის მდიდარი ქალი ჩვენ ქართულს ცხოვრებას და ჩვეულებას ვერ მოეწყობა და მაშასადამე შენი მომავალი მოწამლული იქნება. და თუ შენ გინდა ნამდვილად სწავლისათვის წამოხვიდე. იმედი გაქვს შენის ძალისა, რომ აღსრულებაში მოიყვან შენს სურვილს. მაშინ წამოდი. მხოლოდ გახსოვდეს, რომ სწავლას გაგრძელება კაცისათვის, ვინც ერთხელ შეაწყვიტა, ისე ადვილი არ არის, როგორც შენ უყურებ“.

„ამ წიგნმა რამდენათაც გამახარა. როგორც მეგობრის გულწრფელმა წიგნებმა, ისე მაწყვიტა კიდევ. მე ვერ შევრიგებოვარ იმ აზრებს, რომ ჩემმა მეგობარმა ან ერთს მინუტს ცილი მწამა უპატიოსნო აზრებში. მე მივეც ჩემს თავს სიტყვა, რომ წავიდე და დაუმტკიცო, როგორც ბ. (ბახუტაშვილს) ისე მთელს ქვეყანას, რომ ჩემმა წინანდელმა ნებიურად აღზრდამ იმდენად არ გამრყენა, რომ სწავლის გაგრძელება არ შემეძლოს.

„ეს მოხდა გაზაფხულზედ“. როდესაც დედაჩემის ძმის წიგნი მომივიდა, რომ იმასა ეწვევოდი ცოტა ხნით ქართლში. ჩემი იქ წასვლა დედაჩემის სურვილიც იყო. რადგანაც იმას უნდოდა, რომ უეჭველად ცოლი შემეერთო. როგორც თქვენც მოგეხსენებათ, მამაჩემს დიდი სიმდიდრის ხმა ჰქონდა გავარდნილი და ამის გამოისო-

¹ დ. კარიკაშვილი — „ალექსანდრე ყაზბეგის ბიოგრაფია“, გვ. VI.

² ე. ი. 1867 წლის გაზაფხულზე. ა. მ.

ბით მდიდარ სანატრელ საცოლედ მიყურებდნენ ქართლში, სადაც მე მივედი ჩქარა ბიძიჩემის დაპატიების შემდეგ“.

როგორც მოყვანილი ამონაწერიდანაც ჩანს, ალექსანდრე ყაზბეგის გადაწყვეტილება რუსეთში სწავლის გააგრძელებლად გამგზავრების შესახებ და მისი გაწვევა ქართლში ბიძასთან სტუმრად ერთსადაიმძვე დროს მოხდა. ალექსანდრეს სტუმრად გაწვევის მიზანი ის იყო, რომ მისთვის ცოლი შეერთოთ. ამის შესახებ თვით ალ. ყაზბეგი იქვე მოგვითხრობს:

„ბიძიჩემის ცოლის დას ჰყვანდა ერთი ქალი, რომელიც უეკველად უნდოდათ ჩემთვის შეერთოთ და ამ აზრის აღსრულებისათვის ყოველ წესიერ და უწესო მოქმედებას არა შურობდნენ. მატარებდნენ იმ ქალის საზოგადოებაში, სმაში ღვინოს მაძალებდნენ და იმ ქალს კი ამღერებდნენ, ააღერებდნენ ჩემთან, მელაპარაკებოდნენ მის მზითვეზედ, სილამაზეზედ, სითეთრეზედ; მიხატავდნენ სხვადასხვა ამღელვებელს უპატიოსნო სურათებს და. ერთის სიტყვით, ცდილობდნენ, რომ როგორმე წავეციდინე და ეთქმევიინებინათ, რომ მომწონს ანუ მიყვარს. ისინი კარგად იცნობდნენ ჩემს ხასიათს და იცოდნენ, რომ თუ ერთზელ რამე წამომცდენიყო ამგვარი, მაშინ უარის თქმას ველარ მოვახერხებდი და ჯვარს გადაწერდნენ. მაგრამ ბედნიერმა შემთხვევამ გამამაგრა, როგორც სალი კლდე. და მოატყუა ჩემი მღეენელები თავიანთ ანგარიშში. მე დღე და ღამე საფიქრებლად სწავლა შემექმნა და მოსვენებას არ მაძლევდა სტუდენტების ცხოვრება. რომელსაც ისე ცოცხალის ფერებით მიხატავდა ზოლმე ერთი ჩემი ნასტუდენტარი ნათესავი.

„ამ დროებაში ჩემი მასპინძლები იქამდის მივიდნენ. რომ დაიწყეს პირდაპირ ჩემთან ლაპარაკი იმ ქალის შერთვაზედ და მითხრეს გადაწყვეტილი, რომ თავს აღარ დამანებებენ. ჩემი მდგომარეობა სასაცილოზედ უარესი იყო. მაგრამ მე ვიყავ კაცი ცხენსა და იარაღს შეჩვეული, ამასთან ბიჭი მყვანდა საკმაოდ გულადი და გამოცდილი, რომელსაც შევატყობინე ჩემი მდგომარეობა; საერთორჩევით დავდევათ. რომ ხვალ დილით დავკაზმოთ ცხენები. გამოუცხადლოთ. რომ შინ მივდივართ. და თუ ვინმემ გაბედა ჩვენი დაყენება. ძალით გავიკვეთოთ გზა. როგორც ვთქვით, ისე კიდეც ავასრულეთ. ბევრი ეცადნენ, ბევრი მირჩიეს, მაგრამ რაკი ჩვენი გადაწყვეტილება და შეურყეველობა ნახეს, მაშინათვე თავი დაგვანებეს და სწორე გითხრათ კარგაცა ქნეს, ამიტომ რომ მაშინ თუ მართლა ძალა ეხმარებინა ვისმე. მე და ჩემი კაცი თავებს არ შევიშურებ-

დით. ან რა უნდა ყოფილაყო ჩემი დაქორწინება იმ დროს? ჯერ ერთი ეს რომ მე ვიყავ 18 წლისა, მაშასადამე, ყმაწვილი. ის ქალი კი 22-ს წლისა! მე, სხვადასხვა პირების ყურისგდების გამო, ვფიქრობდი განათლებას და სწავლას და ჩემი საცოლუ-კი ყოველ წამს ჭეიქრობდა სიმდიდრეზედ, კარეტებზედ და ყველა იმგვარს ცხოვრებაზედ. რაც გამასხარეებელი ჰქონდა ჩემს შეხედულებას საქმეზედ. ეს შეხედულება იყო ბავშვური გატაცება თუ დამყარებული აზრი, ეგ ორივე ერთია თითონ საქმიანათვის, მაგრამ აქ ის არის შესანიშნავი, რომ მე და ჩემი საცოლუ სრულებით სხვადასხვა აზრებისა ვიყავით და სხვადასხვა გზებს ვადექით იმ დროში, როდესაც შეერთებას გვიპირებდნენ¹.

მიუხედავად იმისა. რომ ეს სცენა ძალიან მოხერხებულად იყო გათამაშებული, ალ. ყაზბეგს ცოლი მაინც ვერ შეართვევინეს.

როგორც ამონაწერიდან ჩანს, ამ დროს ალ. ყაზბეგს საბოლოოდ გადაწყვეტილი ჰქონდა სასწავლებელში წასვლა. თუ ერთხელ წამომცდენიყო, შემდეგში უკვე მის შეცვლას ვეღარ მოვანერხებდიო. — ამბობს ალ. ყაზბეგი თავისთავზე. მართლაც. მისი ცხოვრების ერთერთ დამახასიათებელ თვისებად მოჩანს პრინციპულობა და პირდაპირობა საქმეში. მან ერთხელ ბიტყვა მისცა თავისთავს, რომ წასულაყო რუსეთში, ესწავლა ბეჯითად და ამით დაერწმუნებინა ყველა, რომ მას შეუძლია ისწავლოს, რომ აღზრდის იმ პირობებს, რომლებშიაც მან გაატარა თავისი ბავშვობა და რომლებიც მას გარკვევით არ მოაწონდა, მასში მაინც არ ჩაუტლავს სწავლისა და შრომის მოყვარულობა.

იმავე 1867 წლის ზაფხულზე. ხანგრძლივი მოლაპარაკების შედეგად მოღებულ დელის თანხმობის შემდეგ, ალექსანდრე ყაზბეგი მოუთმენლად ემზადება რუსეთს გასამგზავრებლად. იმის გამო. რომ ტრანსპორტი გადატვირთული იყო, მას მოუხდა რამდენიმე დღე კიდევ დაეგვიანებინა. ალ. ყაზბეგი მოგვითხრობს, რომ მას ყოველი ასეთი დღე საუკუნედ ეჩვენებოდა.

როგორც თვითონ ალექსანდრე ყაზბეგი გადმოგვცემს, რუსეთს გამგზავრების მომენტისათვის მთელ მის თანხას 1000 მანეთი შეადგენდა, მაგრამ ეს თანხაც მთლიანად არ გაჰყოლია: ამ მომენტში თავი იჩინეს ვალებმა. რომლებიც ჯერ კიდევ მამამისის დასაფლავებიდან მოდიოდა. „რაკი მედუქნებმა შეიტყეს რუსეთს მივდი-

¹ საქართველოს სახ. მუზეუმის ხელნაწერი. წ.-კ. ფონდი. № 3983, „ალ. ყაზბეგის უბის წიგნი № 1.

ოდ. დღე და ღამე მოსვენებას აღარ მძლევდნენ“ — გადმოგვცემს
ალ. ყაზბეგი.

ეს ვალები ცოტა როდი აღმოჩნდა: მან სამგზავროდ გამზადებულ
ახალგაზრდას შუაზე გაუყო მთელი ფული. ამრიგად, მას ოჯახიდან
გაპყოლია მხოლოდ ხუთასი მანეთი.

სწავლა-განათლებას მოწყურებული, სტუდენტობის მოტრფია-
ლე და ცხოვრების ქარცეცხლში ჯერ კიდევ გამოუწრთობი, ოციო-
დე წლის ალექსანდრე ყაზბეგი 1867 წლის ზაფხულზე საქართვე-
ლოდან მოსკოვს მიემგზავრება.

ალექსანდრე ყაზბეგი უმაღლეს სასწავლებელში

I

1867 წელს, მთელ რიგ წინააღმდეგობათა დაძლევის შემდეგ, ალექსანდრე ყაზბეგი უმაღლესი განათლების მისაღებად რუსეთს მიემგზავრება. თავის ავტობიოგრაფიულ წერილში ალ. ყაზბეგი ამ მოგზაურობის შესახებაც მოგვითხრობს. მწერლის შემოქმედების ხასიათის მთლიანად გათვალისწინებისათვის მნიშვნელოვანია ყოველი წვრილმანიც კი. ამდენად ინტერესს მოკლებული არ იქნება, რომ ეს მოგზაურობაც გავიცნოთ.

ალექსანდრე ყაზბეგს, როგორც უკვე აღინიშნა, წინასწარ ნავარაუდები ათასი მანეთიდან მხოლოდ ხუთასი გაჰყვა. ეს თანაზას უნდა ჰყოფნოდა როგორც გზაში, აგრეთვე რუსეთში ჩასვლის შემდეგ კიდევ რამდენიმე თვის განმავლობაში. საგზაო თანხების ანეთი განსაზღვრულობა ახალგაზრდა მოგზაურს გარკვეულ ჩარჩოებში აყენებდა. ფუფუნებაში აღზრდილი ალექსანდრე ახლა მის მიერ დახარჯულ თვითეულ მანეთს კონტროლს უწევს და უბინ წიგნაკში იწერს, თითქოს თავისთავს ანგარიშს აბარებსო. ეს ანგარიშები საყურადღებოა იმიტაც, რომ ამით შესაძლებელი ხდება მისი მოგზაურობის რუკის დადგენაც.

ალექსანდრე ყაზბეგი მოგვითხრობს იმ ზარჯების შესახებ, რომლებიც მან გასწია როგორც გზაში, აგრეთვე მოსკოვში ჩასვლის პირველ ხანებში. აი ეს ანგარიშიც, რომელიც დაცულია ალ. ყაზბეგის ხელნაწერებში.

დ ა მ ე ხ ა რ ჯ ა :

ვლადიკავკაზიდან როსტოვამდინ დილიჯანი	28 მან.
პურის ჰამა	7
როსტოვიდან ცარიცინამდინ გემით	7

კანონიკობის კლასიკის რეკონსტრუქცია	1
კლასიკის ხეობის ხოვგოროდამდინ გემით ¹	14
ხეობის ხოვგოროდინ მოსკოვამდინ	10
პეტროსის ქაშა და სხვადასხვა ქალაქების ნახვა	25

სულ: 92 მან.

მედიკოვში სანამ დავებინავდებოდი	25 მან.
6 პეტრანვი	18
3 ზეწარი	6
1 საბანა	12
სხვა თეთრეული	12
3 პირსაზოცა	3
12 ცხვირსახოცი	4
3 გალსტუკი	2
1 საათი	25
1 წყვილი შავი ტანისამოსი	45
1 წყვილი უბრალო ტანისამოსი	37
1 წყვილი წაღები	6
ერთი მაღალყელაანი წაღები	10
ერთი ქუდი	6
ერთი შუბა	45 „
წიგნები	25
სასწავლებელში	25
წეროლად დამეხარჯა	25

სულ: 423 მან

ამრიგად, ალ. ყაზბეგს თავისი თანხის უდიდესი ნაწილი დაეხარჯა გზაში და მოსკოვს ჩასვლის პირველსავე დღეებში. მომდევნო პერიოდში მას ცხოვრება უხდებოდა ხელმოკლედ და მეტად განსაზღვრულ პირობებში. იგი თავის ავტობიოგრაფიულ წერილში გადმოგვცემს, რომ დანარჩენი 77 მანეთით ორი თვე გაატარა. თავისი მდგომარეობის შესახებ დედას წერილი მისწერა და დახმარება სთხოვა. მაგრამ დახმარების მაგივრად დედისაგან მიიღო მხოლოდ ჩუქეში და მშობლიური ალერსით აღსავსე წერილი¹.

¹ საქართველოს სახელმწიფო მუზეუმის ხელნაწერი. წ.-კ. ფონდი. № 3953. ალ. ყაზბეგის უბის წიგნი № 1“.

იმავე 1867 წლის შემოდგომაზე ალ. ყაზბეგი მოსკოვის ერთ-ერთ უმაღლეს სასწავლებელში შედის. როგორც ირკვევა დედის სურვილი ყოფილა ალექსანდრე სამხედრო სასწავლებელში შესულყო. იგი უნდა დაბრუნებულყო თავის სამშობლოში როგორც მეფის რუსეთის დიდი სახელმწიფო მოხელე. მაგრამ ალ. ყაზბეგი, წინააღმდეგ დედის სურვილისა, მოსკოვის პეტროვო-რაზუმიოვსკის სამეურნეო აკადემიაში¹ ჩაირიცხა თავისუფალ მსმენელად.

მედიდური დედა თავის ერთადერთს შვილს პირადი ბედნიერებასავე უწეოდა. მამა-პაპის კვალობაზე, სახელმწიფოებრივი კარიერისათვის მომზადებას ურჩევდა. მაგრამ შვილი საზოგადოებისათვის სასარგებლო საქმეებისაკენ მიიწევდა, ხალხის საკეთილდღეო სამსახური ეწადა და შესაფერისი განათლების მისაღებად იღვწოდა.

ეს არ არის უბრალო მომენტი ალ. ყაზბეგის ცხოვრების იმ პერიოდში. მან დაარღვია დედის სურვილი და არ შევიდა სამხედრო სასწავლებელში. როგორც ჩანს, ეს ცოტას არ ნიშნავდა და ამიტომაც თავისა გადაწყვეტილება მაშინვე უცნობებია დედისათვის. დედასაც ალ. ყაზბეგის ამ წერილზე დაუბოთად უპასუხნია. იგი თანახმა გამხდარა შვილის არჩევანზე. შენი ნება არისო. — სწერდა იგი და ალბათ, უფრო იმის გამო, რომ საქმე უკვე გადაწყვეტილი იყო, ალექსანდრეს არჩევანი საბოლოოდ ითვლებოდა.

ამ საკითხის ისტორიისათვის და საერთოდ ალექსანდრე ყაზბეგის ამ პერიოდის საერთო ხასიათის გათვალისწინებისათვის მეტად საყურადღებოა მისი ერთი წერილი დედისადმი, რომელიც დაწერილია სწორედ დედისაგან ზემო აღნიშნული თანხმობის მიღების შემდეგ.

„ო რას წერს ალ. ყაზბეგი დედას:“

„საყვარელო დედავ. შენი წიგნი მივიღე, რომელმაც დიდად მასიამოვნა. ყველაზე მეტად იმან მასიამოვნა, რომ შესაძლებელი გახდა ჩემი ბედნიერება: ესე იგი ნასწავლი კაცობა და არა თუ აფიცრობა. რომელიც ღირსი არ არის ხსენებისაც, არამც თუ მაგ საქმეში გარევისა. ნება მომეც ხელეზი დაგიკოცნო უკანასკნელი წიგნისათვის, სადაც მწერ, რომ „შენი ნება არისო“. იქიდან მესამის ყოველა შენი ჩემთვის კეთილის სურვილი.

„მე თვითონ ვფიქრობდი შესვლას აქ ერთს სასწავლებელში, საიდანაც ამ წლით, სამი წლის უკან აფიცარი ვიქნებოდი და გამოვიდოდა, რომ აფიცრობის უკან ისევ ისე ხელფეხ შეკრული ვიქნე-

¹ ალ. ტამირიაშვილის სახელობის საზოგადოებასამეურნეო აკადემია.

ზოდი, როგორც აქამდისინ; მე და ჩემმა ამხანაგებმა ისე გადავწყვიტეთ საქმე: რაკი ხარჯი მომდის, კიდევ გამოვიტანო რამე, რო მოვიღე მიყურებდნენ როგორც ნასწავლს და საზოგადოებისათვის სასარგებლო კაცსა და არა თუ მხოლოდ აფიცერს. მე მგონია და დარწმუნებულიცა ვარ, რომ შენც და ყოველი ჩემი კეთილის მყოფიც პირველს მიჩვევს. მართალია, ძნელს და ძნელს საქმეს ებრძვი, მაგრამ მაქვს იმედი თავი გავიტანო და პავლესაგან ნასწავლი ეპმანდი უგდო. რომელსაც წაუქცევლად არ გადავირჩება სიძნელე საქმისა. და მაშინ მცარე დავითოსავით. როგორც ის მრავარდა გოლიათს და მოსჭრა თავი. ისე მე ამ სიძნელეს და შემოვალ საქართველოს კარებში დიდებით“¹.

ეს წერილი მეტად საყურადღებო დოკუმენტია მისი ბიოგრაფიისათვის, იგი შუქს ჰფენს ახალგაზრდა ალ. ყაზბეგის სულიერ მოძრაობას იმ დროს. მასში გარკვევით ისმის მომავალი, საზოგადო მოღვაწის ხმა. ალ. ყაზბეგს სჯერა, რომ „აფიცრობა“ და სხვა მისი მსგავსი თანამდებობა სახსენებელიც არ არის იმ საქმესთან. რომელსაც იგი მიზნად ისახავს. იგი უნდა დაბრუნდეს სამშობლოში არა ოფიცერი, არამედ საზოგადოებისათვის სასარგებლო ნასწავლი კაცი.

ეს წერილი დაწერილია 1867 წლის 24 დეკემბერს, ამ დროს ალ. ყაზბეგი დაახლოვებით ოცი წლისა არის. მიუხედავად ამისა, მას კარგად ესმის მის მიერ დასახული ამოცანების სიმძიმე. მან იცის, რომ იგი ებრძვის „ძნელსა და ძნელ საქმეს“, მისთვის ცნობილია ბრძოლის სიძნელეები, მაგრამ იგი მაინც გარკვევით ირჩევს საზოგადო მოღვაწეობის ნარ-ეკლიან გზას. ალ. ყაზბეგი სწორედ ამ ეკლიან გზაზე სავალად ემზადება.

II

ალ. ყაზბეგი სწავლას იწყებს მთელი თავისი გატაცებითა და მონდომებით. იგი მართლაც თავაუღებლივ მუშაობს. მას სურს საქმით დაარწმუნოს ყველა, რომ იმ თავისუფალმა „აღზრდამ“, რომელშიც მან გაატარა თავისი ბავშვობა და ყრმობა, მასში ვერ ჩაკლა შრომისმოყვარეობა. იგი თავის წერილში დედისადმი გადაუჭარბებლად მოგვითხრობს ამის შესახებ:

„მე ასეთს სწავლაში ვარ, — სწერს ალ. ყაზბეგი დედას, —

¹ საქართველოს საბ. მუზეუმი. წ.-კ. ფონდი. ხელნაწერი, № 3977.

რომ დღეში ორი საათი მოცლა არა მაქვს, არც კვირაობით და არც ისე დღეობით. მოსკოვს გარეთ შვილი ვერსია აკადემია და იქ ღვე-
დივარ სასწავლებლად, დილის ექვსი საათიდან საღამოს ათს საათამ-
დე, და ათს საათზედ ისევე მოსკოვში მოვდივარ. მე თვითონ არა
მჭონდა ჩემი თავის იმედი, რომ ამოდენა ჯდომას გაუძლებდი და
ჩემი დაუდევარი ფეხები სიარულს დაიშლიდნენ. მხოლოდ სამშაბა-
თი საღამო მაქვს თავისუფალი და მაშინ დავდივარ ხოლმე აქ ერთს
პომეშიჩიკთან, გვარად ველმენინოვები, რომელთაც სამშაბათობით
შეყრილობა აქვსთ ხოლმე და ტანცაობაც, რასაკვირველია, სადაც
ქალები გადარია ჩემმა ლეკურმა“.

საქართველოდან წასვლის დღიდანვე ალ. ყაზბეგს მართლაც
განსაკუთრებული ბეჯითობით მოუყიდნია ხელი სწავლისათვის. ეს
ასეც უნდა მომხდარიყო: კაცი, რომელიც სწავლას ფიქრობდა
უმადლეს სასწავლებელში, და ისიც იმ დროს, როდესაც საშუალო
სკოლაც კი არ დაემთავრებინა, დიდი თავდადებით უნდა შეს-
დგომოდა თავის საქმეს. ალ. ყაზბეგი ამის შესახებ თავის ავტო-
ბიოგრაფიულ წერილშიაც მოგვითხრობს: „უნდა გამოგიტყდეთ:
აქედგან რომ წაველი, მე არამცთუ გიმნაზიის ატესტატი არა მჭონდა.
არამედ ძალიან ცოტად ვიყავ მომზადებული. მაგრამ ჩემი ამხანაგის
მეცადინეობამ და ჩემმა თავაუღებელმა სწავლამაც იქამდისინ
მომამზადა, რომ შემეძლო აშკარად გამეგრძელებინა სწავლა უნი-
ვერსიტეტში“.

ასე უსაზღვრო იყო ახალგაზრდა ალ. ყაზბეგის მისწრაფება
სწავლისაკენ. ასეთი ენთუზიაზმით შეუდგა იგი სწავლას მოხკოვ-
ჩასვლის პირველი დღეებიდანვე.

ალ. ყაზბეგი სწავლობდა სამეურნეო აკადემიაში. მაგრამ,
როგორც ჩანს, ეს სასწავლებელი ვერ უპასუხებდა ახალგაზრდა
ყაზბეგის პირდაპირ მიზანს. იგი ოცნებობდა შესულიყო უმაღლეს
სამედიცინო სასწავლებელში, საიდანაც ალ. ყაზბეგი უნდა გამოსუ-
ლიყო ექიმი — ქირურგი. სამეურნეო აკადემია იყო იმის საშუა-
ლება, რომ მოიპოვებდა რა სტუდენტის სახელს, უფლება ეძლეოდა
ვადასულიყო სხვა უმაღლეს სასწავლებელში საშუალო სკოლის
ატესტატის გარეშე.

ალ. ყაზბეგი მოსკოვის სამეურნეო აკადემიიდან ფიქრობდა გა-
დასულიყო პეტერბურგის სამედიცინო აკადემიაში. ამ მიზნით ალ.
ყაზბეგი, თავის ამხანაგთან ერთად, 1868 წლის ზაფხულზე მოს-
კოვიდან პეტერბურგს მიემგზავრება. თავის ავტობიოგრაფიულ წე-
რილში ის მოგვითხრობს იმის შესახებ, რომ ამ მოგზაურობასთან

დაკავშირებით მათ დააგირავეს ალ. ყაზბეგის ამხანაგის პალტო, რომელიც შეადგენდა მათს უკანასკნელ იმედს.

ალ. ყაზბეგმა და მისმა ამხანაგმა დიდის გაჯირვებით მოიარეს პეტერბურგი და, როგორც ჩანს, ყველაფერი უშედეგო აღმოჩნდა. ყაზბეგი პეტერბურგის უნივერსიტეტში არ გადასულა.

1866 წელს ალ. ყაზბეგის პეტერბურგს ჩასვლასთან დაკავშირებით ერთი მომენტიც უნდა აღინიშნოს, რომელსაც უდაოდ აქვს მნიშვნელობა მწერლის ბიოგრაფიისათვის.

ალ. ყაზბეგი თავის წერილში გარკვევით ამქლავნებს იმ აღტაცებას, რომელიც გამოიწვია მასში პეტერბურგის ნახვამ. პეტერბურგს იგი იცნობდა მხოლოდ შორიდან, ნაცნობთა და მეგობართა გადმოცემით. მას არ შეეძლო არ განეცადა ამ ქალაქის პირადად დათვალიერება. მაგრამ ახალგაზრდა ალ. ყაზბეგის განსაკუთრებული ყურადღება მიაჩნდა პეტერბურგს მიუპყრია.

პეტერბურგში ალ. ყაზბეგი ამხანაგთან ერთად არ წასულა. იგი მარტო იყო. ყაზბეგი პეტერბურგს გაემგზავრა იმ მიზნით, რომ იქ უნდოდა ენახა თავისი ერთერთი ნათესავი, რომლისათვისაც დახმარება უნდა ეთხოვა, ხოლო თანამგზავრი, უსახსრობის გამო, დაბრუნებამდის პეტერბურგს დატოვა.

როგორც ჩანს, ალ. ყაზბეგს მოკლე დროის განმავლობაში პირდაპირ მუშტრის თვალთ დაუვლია პეტერბურგის თვალწარმტაცი სანახაობა. მაგრამ, როგორც ყველა მნახველის, ალ. ყაზბეგის განსაკუთრებული ყურადღება მიუქცევია პეტერბურგის ცნობილ შადრევნებს. პეტერბურგის ბაღებში ახალგაზრდა მოგზაურს საქართველოს ბუნების ანალოგია დაუნახავს, ხოლო ზღაპრული შადრევნები პოეტური შთაგონების წყაროდ გადაქცეულან.

მის ხელნაწერებში დაცულია ის ქეშმარიტად პოეტური აღწერა პეტერბურგისა. რომელიც მგზნებარე მნახველში გამოიწვია ამ ადგილის დათვალიერებამ. ყაზბეგი თავისებური კრძალულობით ექცევა აღწერის ობიექტს — თითქოს ვერ ბედავს მეტის მოცემას და გვეუბნება: ავწერ მხოლოდ ერთს კუნჭულს ამ ბაღისასო. აი ეს სტრიქონებიც:

„პეტერბურგი. პეტერბურგი არის ერთი ისეთი ქალაქი, რომელშიც კაცი გაშტერებას მიეცემა კაცის ხელოვნებაზედ. მე აქ ავწერ მხოლოდ ერთს კუნჭულს იმ ბაღისას, რომელიც წინ უძევს საზაფხულო დარბაზს. ეს დარბაზი არის აშენებული პატარა გორაკზე, საიდგანაც სჩანს მთელი თეთრი ზღვის ნაწილი და შორს პეტერბურგი, თავისი წმინდა მძალაი შენობებით. ამ გორაკზე არის გაკეთებული

მარმარილოს კიბეები, რომელზედაც თანასწორად ჩამოდის ჩუხჩუხით წყლები. აქა-იქა ამ კიბეებზედ ამოდის ბრონზის სტატუები, რომელთაც სხვადასხვა რიგი მდებარეობა აქვსთ და გაუშვერიათ თითები, ამ თითებადან სცემს წარმოუთქმელს სიმაღლეზედ შადრევნები. გორის ბოლო თავდება დაყრილის ხავს მოკიდებულის ქვებით, რომელშიაც იკარგება წყალი და იმათ წინ მშვენიერია, წითელი ქვიშით დაფენილი გზა მიდის. რამდენსამე საყენს მოშორებით დარბაზის პირდაპირ არის მოთხრილი დიდი აუზი, რომლიდგანაც დიდი არხი პირდაპირ მიდის ზღვაში. ეს არხი და აუზი იქამდინ დიდები არიან. რომ შეუძლიანთ მსუბუქმა ნავებმა იმუშაონ. შუაგულ აუზში არის ამოყვანილი ბურჯი, რომელზედაც სდგას ბრონზის სამსონ ძლიერი. მას შესტოტებია ლომი. სამსონს პირში ჩაუვლია ხელი და სურს გაგლიჯოს ლომი. ესენი ორივე წარმოუთქმელის სიდიდისანი არიან და შეწუხებულს ლომს საშინლად დაუღია პირი, საიდგანაც ვებერთელა შადრევანი ამოდის. რომელიც ყველაზედ მალლა სცემს და დაიფრქვევა ათას წინწყლად. მზის შუქი, რომელიც გადაიმტვრევა ამ ათას წვეთებში. თამაშობს და იღებება ათას ფერად. რომელნიც ისევე ერთმანეთსა სცვლიან და ასიამოვნებენ თვალს. არხს აქეთ-იქით ამოდის თანასწორი შადრევნები პირდაპირ მიწიდან. ახლა ამას დაუმატეთ ხეები. რომლებიც თავის სიმაღლით გაებაასება ჩვენს საქართველოს ზეებს და მთელი სურათი იმ ერთი კუნძულისა თქვენ თვალწინ იქნება¹.

ასეთი იყო ის შთაბეჭდილება, რომელიც მოახდინა ახალგაზრდა ალ. ყაზბეგზე პეტერგოფის დათვალიერებამ. ეს აღწერა, რომელიც, თვით ყაზბეგის თქმით, მხოლოდ ერთ კუნძულს ეხება დიდა ბალისა, საკმაო წარმოდგენას იძლევა ცნობილი შადრევნების შესახებ.

ალ. ყაზბეგი პეტერგოფიდან იმავე დღესვე უნდა დაბრუნებულიყო, ხოლო პეტერბურგში მისი მოწყობა განზრახულ უმაღლეს სასწავლებელში მოუხერხებელი გამხდარა. რამდენიმე დღის შემდეგ ყაზბეგი ისევ მოსკოვში, პეტროვო-რაზუმიოვსკის სასოფლო-სამეურნეო აკადემიაში, განაგრძობს სწავლას.

ალექსანდრე ყაზბეგი მოსკოვში მეტად ხელმოკლედ ცხოვრობდა. მწერლის არქივში დაცული მთელი რიგი პირადი წერილები პირდაპირ მეტყველებენ იმ მძიმე და აუტანელი პირობების შესახებ, რომლებშიაც იგი სტუდენტობის დროს ცხოვრობდა. ერთ-

¹ საქართველოს სახ. მუზეუმის ხელნაწერი. წ.-კ. ფონდი. № 3983.

ერთ წერილში თავის მდგომარეობის შესახებ ის სწერს დედას: „აგერ ექვსი თვე შესრულდა რაც ველი ფულს და ოთხი თუმნის მეტი არა მომსვლია-რა. მე განსაცვიფრებლად მიმაჩნია თქვენი მოქმედება, მისთვის, რომ თქვენ ძალიან კარგად იცით ჩემი აზრი და სურვილი: მე აქ მოვსულვარ სასწავლელად და არა თუ ფულების მოსაგებად. ერთი ეს პირობით თქვენ თითონ თქვენს თავს: კაცს, რომელიც ისე უკან არის დარჩენილი, როგორც მე, შეუძლია კიდევ ისწავლოს და თავის თავიც გაიკვებოს? თქვენის გამოისობით კინაღამ სასწავლებელში შესვლას მოვცდი და ილაჯი რომ გამიწყდა, გიორგისთან მოველ და ვთხოვე დეპეშა მოგწეროს“¹.

ამ წერილებს დედა ყოველთვის პასუხობდა, მაგრამ, როგორც ჩანს, იგი მას საკმარისად არ უგზავნიდა ფულს. დახმარების მაგიერ შვილს ხშირად ბოდიშის წერილებს წერდა და თან „ნაკლებ ხარჯვას“ ურჩევდა. ერთერთი ასეთი წერილის საპასუხოდ ალ. ყაზბეგი დედას წერდა: „იძახით ზუთი თუმანი ბევრი არისო, აბა როგორ ბევრია? აი თვეში რა გვეხარჯებ: ოცდახუთი მანეთი სადილი და ოთახი, ხუთი მანეთი ჩაი და შაქარი; სამი მანეთისა სანთლები, თვეში ორი მანეთი წაღებისათვის უნდა გადაიღოს. ერთი თუმანი წიგნები. დარჩა ხუთი მანეთი, ეგეც ან ბულკს იყიდი, ან რძეს. აბა რაღა რჩება ერთი მითხარ“².

მაგრამ ალ. ყაზბეგის ეს გამოანგარიშება იყო მხოლოდ საჭიროების ჩამოთვლა, სინამდვილეში კი მას ამ ანგარიშის ნახევარიც არ შეეძლო დაეფარა: მას არ უგზავნიდნენ. მწერლის დღიური ჩანაწერები და მოგონებები პირდაპირ მეტყველებენ მისი ცხოვრების მეტად მძიმე პირობებზე უმაღლეს სასწავლებელში სწავლის მთელ მანძილზე.

ალექსანდრე ყაზბეგის სტუდენტობის პერიოდიდან განსაკუთრებით საყურადღებოა მისი ერთი წერილი დედისადმი 1869 წლის აიწურულს. თავის ამ ვრცელ წერილში ალ. ყაზბეგი დედას სწერს, რომ გადაწყვიტა ცოლის შერთვა და ესაჭიროება კარგა დიდა თანხა (ათასი მანეთი). დედამ ალექსანდრეს მართლაც გაუგზავნა ფული და ნიშნობისათვის საჭირო სამკაულები, მაგრამ ალ. ყაზბეგს ცოლი არ შეურთავს.

ზოგიერთი მკვლევარი ალ. ყაზბეგის ამ წერილს სთვლის განხრახ ჩადენილ სიყალბედ, დედისაგან ფულების გამოტყუების მიზ-

¹ საქართველოს სახელმწიფო ბუხურების ხელნაწერი, წ.-კ. ფონდი, № 3977.

² საქართველოს სახ. ბუხურების ხელნაწერი, წ.-კ. ფონდი, № 3977.

ნით, რომ ამ მიზნით მან შეთხზა არარსებული რომანი და მოიწერა, როგორც მართალი ამბავი. მაგრამ ამგვარი ახსნა ასეთი ძლიერი განცდებით აღსავსე წერილისა სამართლიანი არ იქნება: ჯერ ერთი, საფიქრებელია, რომ ალ. ყაზბეგს მართლაც ჰქონდა წერილი დახატული რომანის მსგავსი რამ, ყოველ შემთხვევაში, შეუძლებელია გადაჭრით თქმა, თითქოს მან შეთხზა ეს რომანი. მაგრამ დავუშვათ, რომ ალ. ყაზბეგს არავითარი რომანი არა ჰქონია და მხოლოდ ფულისა და ნივთების გამოტყუების მიზნით მოიწერა ეს წერილი. ამ შემთხვევაშიაც კი ახალგაზრდა ალექსანდრეს სიყალბე მისივე მდგომარეობით არის ნაკარნახევი. სამშობლოდან გამგზავრების შემდეგ მას ოჯახიდან თითქმის არავითარი დახმარება არ მიუღია და ახალგაზრდა სტუდენტი წლების განმავლობაში ბედის ანაბარა იყო მიტოვებული. ალ. ყაზბეგი, რომელმაც თავისი ბავშვობა უსაზღვრო ფუფუნებაში გაატარა, ახლა ნახევრად მშვიერი ცხოვრობდა. მის საარსებო საშუალებას შეადგენდა სტუდენტი ამხანაგებისაგან მიღებული დღიური, დახმარებები. იგი დედას სწერდა წერილებს, ატყობინებდა თავის უსახსრობას, მაგრამ პასუხად მხოლოდ კეთილი სურვილები და ტკბილი აიტყვებით აღსავსე წერილები მიუღიოდა.

მართალია, მიხეილ ყაზბეგის ოჯახი ამ დროისათვის საკმაოდ გაღარიბებულია, მაგრამ საკიროა აღინიშნოს, რომ ალექსანდრესადმი დახმარების საქმეში მაინც იგრძნობა ოჯახის მხრით ერთგვარი გულგრილობა, ზედმეტად თავის დასაწყლებს. საფიქრებელია, რომ დედის ასეთმა უყურადღებობამ ალ. ყაზბეგი მოთმინებიდან გამოიყვანა და ეს წერილი მოაწერინა.

ალ. ყაზბეგის ეს პირადი წერილი უდაოდ საყურადღებო ფურცელია მის ბიოგრაფიაში. იგივე წერილი მნიშვნელოვანი დოკუმენტია აგრეთვე დიდი მწერლის შემოქმედებითი განვითარების ისტორიაში. დავით კარიჭაშვილი წერდა: „ეს წერილი კი არა, პირველი მისი რომანია. მისი ფანტაზიის ნაყოფი“. მართლაც, ამ პირად წერილში მოცემული ქალის (ნინოს) აღწერა მკითხველს ძალდაუტანებლად აგონებს ალ. ყაზბეგის რომანებში მოცემულ ქალთა ტიპების აღწერას.

დასახლებული წერილი, როგორც უდიდესი მნიშვნელობის დოკუმენტი ალ. ყაზბეგის ცხოვრება-შემოქმედებაში, ზედმეტი არ იქნება მთლიანად გავიცნოთ.

„ათასჯერ ბოდიშს ვითხოვ, საყვარელო და დაუვიწყარო დედავ, რომ აქამომდის ჩუმაღ ვიყავი და ჩემი დაწერილებითი ამბავი არ

შეგატყობინე. ვფიცავ ყველა ცაურს და მიწიურს, რომ ჩემი გული და გონება მხოლოდ იმ აზრში არის, როგორ მოვაგვარო, მოვახერხო საქმე ისე, რომ, ამ თქვენს სიბერეში, მოგცეთ მშვიდობიანი ცხოვრება, პატივი და დიდება, როგორც შეეფერება თქვენს შთამავლობას. ხელის ხელ-დაჭერით ამ აზრს მოსდევს აზრი ჩემი ოჯახის ამადლებიანა, რომელიც გასურთ თქვენცა. დამიჯერე, მუდამ დაუეწიყარო დედავ, რომ მზათა ვარ ყოველთვისინ ჩემი თავი მსხვერპლად მოგიტანოთ თქვენა და ზემოხსენებული აზრების აღსრულებას. აქამდისინ ჩემი საქმეები იმ მდგომარეობაში იყვნენ, რომ ჩემი სიტყვები არაფერი სანუგეშო იქნებოდნენ. ეხლა კი შემიძლიან წარმოვსთქვა თავ-ამადლებულმა, რომ ჩემი აზრები თავდება და ძლივს ჩემს ბებერს დედას და ძველს ოჯახს ავაყვავებ იმ ბედნიერებით, რომლითაც ჰყვავოდა მამაჩემის და პაპიჩემის დროს. ეხლა საქმეები იმ მდგომარეობაში არიან, რომ ყოველს ჩემს კეთილის მყოფს შეეძლება ჰქონდეს იმედი ჩემზედ; ნამეტნავად შენ, ჩემო მარტო ერთო ნათესავო, შენა, ჩემის მამის სახსოვარო... წიგნი თავისით არის მცირე ხმაურობა, მცირე სიტყვები იმასთან, რაც ჩემს გულში ტრიალებს, გახსენი და ნახავ ამავე კარტინებს, მხოლოდ გაჩაღებულებს პატიოსანის ნათელით; წმინდისა, როგორც მთის დაუქდლელი ბროლი და ცისკრის ალიონი, თეთრი და პატიოსანი, როგორც უპირველესი ყაბიყი ზამთრისა, — უმტვერო, სვეტაკი და პატიოსანი მუდამ ფარული უწმინდურობისაგან, მიხეილ მთავარ-ანგელოზის ძალით. მაინც მაგის ფრთას უფარავს ყოველთვისინ ჩვენი ოჯახი იმ უბედურების და დასანგრევის ქარებისაგან, რომელიც რამთენჯერამე დასტრიალებდა თავზედ ჩვენს ოჯახს.

„დიდება მაგის სახელს! დიდება მაგის ძალს!... მუდამ ყველა კეთილ სურვილში დაძმარებულს. საკვირველმა სიზმარმა გამომიყვანა იმ მდგომარეობიდან, რომელსაც ეძახიან დავარდნას, მხნეობის დაკარგვას. ვითომ ყაზბეგში ვიყავ ჩვენს ეკლესიაში, იქა ვლოცულობდი და ცრემლითა ვსთხოვდი, რომ რალაც საქმე აესრულებინა ჩემთვის ღმერთსა. (ეს იყო ის დრო, როდესაც გავიცანი ღწნერალი გრაფი ჩერნიშოვი-კრუგლიკოვი თავის შეუღარებელის ქალით მოსკოვის პატიოსანთა სობრანიეში). ვითომ მთავარ-ანგელოზმა გამომალა თავისი ფთა და მითხრა: „დედიშენის ლოცვა მივიდა ღმერთამდის, რომელმაც შეიწყალა იმისი მდგომარეობა და თხოვნა. გასწი და ჩემი ფთა არ გაგიშვებს თავის მფარველობიდან“. წამოვდექი რალაც კეთილ გუნებაზედ და ვიზდით წაველ — აქ ჰავჭავაძეები არიან ორნი, ძალიან მდიდრები, რუსის ქალები

ჰყავთ ცოლებათ — იმათთან, რომელთაც ძალიან უყვარვარ და ყველა საქმეში ხელს მიმართავენ. ჩერნიშოვი-კრუგლიკოვი იქ იყო. თურმე ერთი ჰავჭავაძეთაგანი ისეთი დაახლოვებული მეგობარი ყოფილა, როგორც ძმა. რასაკვირველია ქალიც იქ იყო. რასაკვირველია მივესალმე. როგორც სახლის პატრონებს, რომლებიც ის იყო სოფლიდან მოვიდნენ და საშინლად გაუზარდათ ჩემი ნახვა, ისე ჩერნიშოვი-კრუგლიკოვს თავისის ქალით. სულ მესამე დღეა რაც ვიცნობდი უკანასკნელებს. სობრანიში წარმადგინა მათთან ერთმა ჩემმა ნაცნობმა ყმაწვილმა კაცმა კნიაზ გალიცინმა. მე რასაკვირველია ვთხოვე ქალს კანრილი, რომელზედაც მივიღე სრული თანხმობა. მაგრამ იმისმა მშვენიერმა სახემ და ტანმა კინალამ იქვე არ დამატრო. ქალმა შემამჩნია, მხიარულად იყო და მთხოვა, რომ ვიარო იმათას. კიდევ რამთენჯერზე ვიტარცევით ერთად და წაველით თავ-თავის სახლში. ამ შეხვედრის უკან ყოველთვისინ ვემზადებოდი, რომ ვიზიტი გამეკეთებინა, მაგრამ როგორღაც ბევრსა ვფიქრობდი და არ ვიცოდი როგორ მივსულაყავ. ჰავჭავაძეებთან რომ ვნახე, იმან გამომიყვანა ფიქრიდან და შევიწროვებიდან. აქ სუყველანი სადილათ დაეჩჩით და ჰირობა შეეკარით. რომ სალამოზედ თეატრში ერთად წავსულიყავით. კაცები ვიყავით კრესლებში. ქალები კი ლოყაში და მთელი თეატრი მხოლოდ იმის ყურებაში გავატარე. თავისუფალ დროში კი ლაპარაკი არ გაწყვეტილა ჩვენში. აქედან ჩავარდა საძირკველი ჩვენის დაახლოვებისა. თეატრი როცა დაიშალა და სტუმრები წავიდნენ, მე ჰავჭავაძიანთა წავედი ვახშმათ. მე დაწმუნებული ვიყავ. რომ ჩემი მდგომარეობა არავის არ შეემჩნია, მაგრამ ვახშმის წინათ ერთმა ჰავჭავაძის ცოლმა გამოიყვანა ცალკე ოთახში და ბირდაპირ მკითხა: „ძალიან გიყვარს გრაფის ქალი?“ მე საშინლად გაეწითლდი. ბოლოს ლაპარაკი იმით გათავდა, რომ „ძალიან მდიდარი არის, მაგის მეტი არავინა ჰყავს მაგის მამას. ეხლა აქვს მზითვად დანიშნული ოცი ათასი თუმანი და მამის სიკვდილის უკან დიდი მამული და ფული დარჩება. ნახეთ, გაციანით ერთმანეთი და თუ მოგეწონება, საქმე შეიძლება!“ ისეც მოხდა. მეორე დღეს გავუკეთე ვიზიტი, მერე კვირაობით დავიწყე სიარული, მერე უფრო ჩქარ-ჩქარა. ამობაში საშინლად დავახლოვდით. ერთს დღეს ჰავჭავაძეებთან მოიყვანა ქალი მამამ და. თვითონ ისევ წავიდა. იმ სალამოზედ მეც იქ მივედი. მე ვთხოვე ქალს დაეკრა ერთი სონატა ფორტოპიანზე, რომელიც მე მომწონდა ძალიან. ქალი გამოვიდა და დაუწყო ფორტოპიანის კლავიშებს. გადარბენა. მე კედელზედ მიყუდებული გულმღელვარებით უყუ-

რეზლა ქალს. აქ უნდა ავიწროთ იმისი სახე. რომელმაც ისე დამი-
მონავა და ნება აღარ მომცა თავისუფალი აზრისა. მშვენიერის მა-
ღალის ტანისა, ამაყურად ამალღებული მკერდი სუნთქამდა იმ სუნ-
თქვით. რომელიც ამტკიცებს მცირე მღელვარებას. მშვენიერს
ჯეტორ უმტვერო პირსახეზედ ეშლება ვარდისავით სიწითლე, ტუ-
ჩნები ალის ფერი მარჯანსავით მომღელვარე, პატარეები და მუღაშ
მოცინარბი. ნიკაბი ჩაველად მოყვანილი, ცხვირი სწორე და რივიან
პირის სახესთან. მშვენიერი დიდი ლურჯი თვალები, მოელვარე,
თითქო ცეცხლი ეს ააის უნდა ამოხდესო, რომელსაც იფარამეწ
გრძელი მშვენიერი წამწამები. ზემოდან მშვენიერად წამოსდგო-
მიან შვილდსავით მოხრალი წარბები, მაღალი შუბლი და ხუჭუჭი-
თმები ამსგავსებენ ანგელოზს დაუდარებელს გრაფინიას. მშვენი-
ერი თითები, გრძელი და თეთრი როგორც ბროლი უფრო მშვენი-
ერდებიან ალისფერის ფრჩხილებით. უკანასკნელი ამბავის დროს
იყო თეთრს უმტვერო ტანისამოსში მქრქალის ლენტებით მორთუ-
ლი და თმა-გაშვებული ლოკნებით. არა, არ შემძლიან ავიწრო-
იშისი მშვენიერება. ეს არი ცაური უმანკოება! ამასთან სიკეთე
იმისი, რომელსაც საზღვარი არა აქვს!... ეს იჯდა და უკრამდა
ფორტოპიანს, როდესაც ერთბაშად, სრულებით დაძაღვიწყდა ჩემი
თავი და მივვარდი ხელზედ საკოკნელად სიტყვებით: „ნინო, მი-
ყვარხარ, ნუ თუ არა გრძნობ ამ ამბავს?“ ცოტათი შეკრთა ამ სიტ-
ყვებზედ, გაწითლდა, მაგრამ ხელი არ წამართო. მე დაუწყე ლოშ-
ნა და კიდევ ვკითხე, ვუყვარვარ მეცა თუ არა. ამაზე მიპასუხა
მღელვარებით: „ისე, როგორც ჩემს სიცოცხლეში არავინა მყვარე-
ბია“. ამის უკან წამოდგა და ჩემ გულზედ გადმოდო თავისი თავი.
ერთმანეთის გვესმოდა ორთავ. მე მეჭირა ერთი ხელით იმისი ხელი-
და ვკოცნიდი, მეორე ხელი მქონდა შემოხვეული ტანზედ, ალგზნე-
ბულის თვალებით ვუყურებდი პირის სახეში. წარმოიდგინე ჩემი
ბედნიერი მდგომარეობა იმ წამს. ქალი რომელსაც თითქმის ღმერ-
თადა ვთვლიდი, ქალი, რომლისაც თითქო მეშინოდა, რომელთანაც
ვერ ვებდამდი მეტი სიტყვის თქმას, ესლა იყო მოკრული ჩემ
გულთან, იმისი ხელი მეჭირა ხელში და ვკოცნიდი იმთვენს, რამთე-
ნიცა მსურდა! ქალმა, რომელსაც გრაფებიც დასდევდნენ, თავადე-
ბიც, ლენერლებიც და სხვებიც, ამოირჩია კაცი ბევრით სხვებზედ
ღარიბი, ბევრით სხვებზედ ულამაზო, ბევრით სხვებზედ უარესი.
ჩემს სიზარულს არ ჰქონდა საზღვარი. ამ მდგომარეობაში მოგვას-
წრო ჰაეკვაძის ცოლმა, რომელმაც ნამდვილის მეგობრულის მხი-
არულებით მოგვიღოცა. მაშინვე ყველამ შეიტყეს, რომ მე და ნი-

ნოს ერთმანეთი გვეყვარს და გამოვუცხადეთ სიყვარული. ყველამ თვითთულად მოგვილოცეს. ორი საათის განმავლობაში, ვიდრე მამა მოუვიდოდა ნინოს. მარტოკები ვისხედით ოთახში, რომელსაც სიჩუმეს დაშლიდა ხოლმე ალერსიანი სიტყვები და გატაცებული სიცოცხლით სავსე კოცნა. ორმა საათმა გაიარა ჩქარა ნამეტნავად. ამ დროს მოვიდა (ქალის მამა), რომელსაც ჰავჭავაძე ელაპარაკა. შეგვატყობინეს, რომ მამა თანახმა არის და თვითონ მოდის გასტინაში, რომელშიაც გამოვედით. შემოვარდა მამა და ცრემლიანის აღელვებულის თვალებით ჯერ ქალი გადაკოცნა, მერე მე. მერე ცოტახანს უკან მითხრა: „აი, შვილო. აღმიზრდია ჩემი ქალი, კვლულუცობაში და სიყვარულში. ჩემი სიცოცხლე გამიტარებია იმაში, რომ იმ ცოტა დღეების უკან რაც მე დამრჩა ააცხოვრებლად, ჩემს ნინომ იმავე მზიარულებაში გაატაროს. ღმერთს უნდოდა, რომ მე ჩემს სიბერეში შენ გამჩენოდი პატრონად და ნინოს საყვარლად“. ამ დროს გამოართვა ხელი ქალს და მე, შეაერთა და სთქვა: „აი ჩემი ქალის ხელი. ოცი ათასი თუმანი აქვს მზვითვად და მაგის გარდა, როცა მოგვედები, სულ თქვენი იქნება. ნინას მშვენიერობა და კეთილგულობა არის შენთვის უკეთესი სიმდიდრე. ღმერთმა ისე გაგაბედნიეროთ, როგორც ჩემი ბებერი დაფერფლილი გული სთხოვს“. ეს სიტყვები გაწყვიტა შამფანსკის პრობკების ხმაურობამ და რამდენსამე მიწუტს უკან ყველამ მოგვილოცეს ბედნიერება. ეხლა ამ მდგომარეობას ვარ. არავინ სხვებმა ჯერ არა იცის-რა. შობის მესამე დღე დიდი ბალი ექნება ჩერნიშოვ-კრუგლიკოვს. რომელშიაც გამომაცხადებენ აშკარა სასიძოდ.

„მაქვს იმედი რომ თქვენი დალოცვა არ მომაკლდება ამ სრულს და ნამდვილს ბედნიერებასთან. რომელზედაც თქვენის ნების დართვისაც უნდა ჩქარა შემატყობინოთ. კიდევ გაგიმეორებ და დაგარწმუნებ, რომ რამდენსაც ჩემს სიამოვნებაზედ ვფიქრობ, იმთვეს თქვენზედა და ჩემს ოჯახზედ. ეხლა უნდა გითხრათ, რომ ჩემი მდგომარეობა იმ მიმართულებაში არის. ამ საქმის დაშლა და ჩემი უბედურობა ერთი იქნება... დარწმუნებულა ვარ. რომ ძალიან ძნელი იქნება ჩემი გამოცხადება შენთან, რომ ამ საქმისათვის ერთი ასი თუმანი მომიხდება. გეფიცები პატროსანს სიტყვას, რომ უკეთუ შეიძლებოდეს როგორმე სხვა მხრიდან შოვნა, მე შენ არ შეგაწუხებდი. აქ ყველანი მიყურებენ მეც როგორც შეძლებულს კაცსა და უკეთუ სომხებისაგან ვისესხე, მაშინვე ხმა გავარდება და შენი მტერი. ჰავჭავაძეები მაძლევენ, მართალია, ფულს. მაგრამ იმათაცა მცხვენინან. არც იმათ უნდა შეიტყონ ჩემი მდგომარეობა. იანვრის

გასულს ქორწილი იქნება და მაშინ ნახამთ რა პატივით გადაგიხდით მაგ ხელს გამართვას. ანგარიშში მიიღე, აგერ იანვრიდან არ მომხვლია აქ ფული. ისეხნეთ, დააგირავეთ, თუ ძალიან გაჭირდა. გაყიდეთ რაც შეგვხდეს. უთუოდ ასი თუმანი გამომიგზავნეთ. ამასთან გამომიგზავნე ბეკედი, პრინც ალბერტმა რომ გაჩუქა და შენი ბროშკა, თუ არ გენანება, რომ ნიშნად მივცე. ესენი ყველაფერი ჩემთვის ისე საჭირო ხრის, როგორც ავადმყოფისათვის წამალი. უკეთუ ესენი არ გამომიგზავნე, ჩემი საქმე საშინლად გაძნელებდა, მაგრამ თუ სულ ჩაიფუშა, გაძლევ პატიოსანს სიტყვას, რომ ჩემს თავს აფუტუნებ რასმე. ვიცი, საყვარელო დედავ, რომ როგორც ძნელი უნდა იყოს შენთვის ფულის და ბროშკის გამოგზავნა, ჩემს დალუპვას არ მოინდომებ. დაგიკოცნი იმ ტკბილ ძუძუებს, რომელიც ყოველთვისინ მახარებდნენ ხოლმე და გთხოვ უეჭველად გამომიგზავნო. ნივთები და ფული. შენი სიკვდილამდის ე. ყაზბეგი“¹.

ასეთია ალექსანდრე ყაზბეგის ერთი წერილი სტუდენტობის პერიოდისა.

III

XIX საუკუნის ქართული ლიტერატურა და საზოგადოებრივი აზროვნება დიდად არის დავალებული რუსული მწერლობის გავლენით. რუსული საზოგადოებრივი აზროვნების გავლენა განსაკუთრებით დიდია XIX საუკუნის ქართველი მწერლებისა და მოღვაწეების იმ თაობაზე, რომელიც ჩვენში ცნობილია თერგდალეულთა სახელწოდებით.

სამოციან წლებში პეტერბურგის უნივერსიტეტში მოსწავლე ქართველი ახალგაზრდობა (ილია ჭავჭავაძე, აკაკი წერეთელი, გიორგი წერეთელი, ნიკო ნიკოლაძე, კირილე ლორთქიფანიძე და სხვები) იზრდებოდა რუსეთის რევოლუციური ინტელიგენციის იდეური გავლენის ქვეშ. სამოციანი წლების ქართველ სტუდენტობაზე უშუალო გავლენას ახდენდნენ ცნობილი რუსი მოაზროვნეები ნ. ჩერნიშევსკი, ნ. დობროლუბოვი, ნ. ნეკრასოვი და სხვები.

რუსეთის სამოციანელთა ფართო დემოკრატიული იდეებით გატაცებული ახალგაზრდა ილია ჭავჭავაძე 1860 წელს, პეტერბურგში, სტუდენტობის დროს, წერს თავის ცნობილ ლექსს „ქართველ სტუდენტების სიმღერა“. ილიას ამ ლექსში გარკვევით ჩანს ზალნისა საკეთილდღეოდ სამოღვაწეო ასპარეზზე მომავალი ახალი ინტელი-

¹ დ. კარიკაშვილი — „ალექსანდრე ყაზბეგის ბიოგრაფია“.

გენციის გატაცება მშრომელთა სასარგებლო საქმიანობით, აშკარაა, რომ ისინი ქედს არ მოიხრიან ველური ძალის წინაშე და თავდადებით იბრძობებიან მჩაგვრელთა წინააღმდეგ.

„დიდს არ გავეკვლინებით
და მხარს მივსცემთ პატარასა;
ძალას გულდაგულ დაეხვდებით
და თაყვანს ვსცემთ სამართალსა“.

ასე წერდა ილია ჭავჭავაძე 1860 წელს.

ანალოგიურ მდგომარეობასთან გვაქვს საქმე ალექსანდრე ყაზბეგთანაც. მოსკოვში, სტუდენტობის დროს, ალ. ყაზბეგი წერს სტუდენტობის სასიძღვრო ლექსს, რომელშიც პირდაპირ ისმის ხალხისადმი თავდადებული მომავალი მწერლის ხმა. ალ. ყაზბეგს, მსგავსად ი. ჭავჭავაძისა, სტუდენტობის დანიშნულებად მიაჩნია ხალხის სამსახური.

ალ. ყაზბეგის აზრით, კარგი სტუდენტი ის არაა, ვინც ჩაგრულს გამოადგება, ვინც თავის მწუხარებაში სხვის წუხილსაც გაიგებს, ვინც მშრომელ გლეხში თავის ძმას დაინახავს და მას გულწრფელად ემსახურება. მისი ეს ლექსი მით განსხვავდება ილია ჭავჭავაძის ლექსისაგან, რომ უფრო ღრმად სწვდება ახალგაზრდა სტუდენტების შინაგან განცდებს, მათ ძმურ ცხოვრებას: ერთად სწავლას და სიხარულს, ერთად ტანჯვას და შიმშილს.

აი ეს სტრიქონებიც, რომლებიც იწახება ალ. ყაზბეგას უბის წიგნაკში:

„გავატაროთ ეს ღამე მზიარულადა,
სტუდენტები შეყრილან ერთად, ძმურადა“;

ჩვენი ოქროს დღეები ნახევარი წასულა,
ცოტალა დაგვრჩენია ერთად მზიარულება!
მერე ხომ ჩვენ ხალხშია გარევა მოგვიხდება,
ვინ იცის ვინ რა კაცათ მაშინ გადაკეთდება.

გავატაროთ ეს ღამე მზიარულადა,
სტუდენტები შეყვრილვართ ერთად, ძმურადა!

ბევრი მწარე დღეები ერთად გამოვიარეთ,
მაგრაჟი-კი ერთმანეთსა ჩვენ არსად უღალატეთ,
ფული გვქონდა? — ჩვენ ერთად დროებას ვატარებდით,
არა გვქონდა? — ერთრიგად ყველანი ვშიმშილობდით.

გავატაროთ ეს ღამე მხიარულადა,
სტუდენტები შეეყრილვართ ერთად, ძმურადა!

ის სტუდენტი არ არის, ვინც მოძმეს უღალატებს,
თვითონ მაძლარი ივლის, სხვას-კი არ შეიბრალებს,
ვინც ფრაკით გაქიმული, კალასკით ისეირნებს,
ლევრეით შეკაზმულსა ბიჰს კოზლაზე იტარებს.

გავატაროთ ეს ღამე... და სხვა.

ვინც რომ საბრალო გლახში თავის ძმას დაინახავს,
ვინც რომ იმას კაცურად, გულწრფელად აუძრახავს,
ვინც რომ უპატიოსნოდ სხვას მტირალად არ დასევამს, —
აი ნამდვილი სტუდენტი, — ძმად მივიღებთ ჩვენ იმას.

გავატაროთ ეს ღამე... და სხვა.

ვინც რომ ჯაფისა ოფელში, ყინვა-სიცივობაში,
ღღებესაც გაატარებს ხან-ხან შიმშილობაში,
გამოიცდება კარგად თავის ღარიბობაში,
მხოლოდ იგი მოიტანს სარგებლობასაც ხალხში.

.. გავატაროთ ეს ღამე.. და სხვა.

ვინც რომ ყინვიანს ღამეს სამშობლოს მოიგონებს,
თავის შეწუხებაში სხვის წუხილსაც გაიგებს,
ვინც რომ სიმართლისთვისა თავსაც არ შეიმურვებს, —
აი ნამდვილი სტუდენტი, ის რასმე გააკეთებს.

გავატაროთ ეს ღამე მხიარულადა,
სტუდენტები შეყრილან ერთად, ძმურადა“¹.

მოყვანილ ლექსში გარკვევით ისმის ახალაზრდა მებრძოლის
ზმა. მასში პირდაპირ იგრძნობა მწერალი, რომელიც დაჩაგრული
მოძმის დასახსნელად ემზადება. სამოცდაათიანი წლების რუსეთის
მოწინავე იღებებს ნაზიარები ახალგაზრდა ალ. ყაზბეგი დაუფარა-
ვად ამელავენებს თავის გატაცებას ხალხის სასარგებლო სამსახუ-
რით. ეს ლექსი უდაოდ ერთერთი მეტად საგულისნმო ფურცელია
მის ბიოგრაფიაში.

ალექსანდრე ყაზბეგს უმალღესი სასწავლებელი არ დაუმთავ-
რებია. 1870 წლის შემოდგომაზე იგი მოსკოვიდან სამშობლოში
დაბრუნდა.

¹ საქართველოს სახ. მუზეუმის ხელნაწერი, წ.-კ. ფონდი, № 3983.

ალექსანდრე ყაზბეგი ხალხთან

I

ალექსანდრე ყაზბეგი ადრევე გატაცებული იყო ხალხის ცხოვრებასთან დაახლოებით. მომავალ დიდ მწერალს ხალხის ყოველდღიური ცხოვრების ზედმიწევნით შესწავლის სურვილი ჯერ კიდევ სიჭაბუკის პერიოდში აღელვებდა. ეს ინტერესი შემდგომ კიდევ უფრო ღრმავდება და ფართოვდება.

მოსკოვიდან დაბრუნებულ ალ. ყაზბეგს რუსეთის ტახტის წინაშე მამა-პაპის დამსახურება დიდ წარმატებას უქადოდა მეფის სახელმწიფოებრივ აპარატში, მაგრამ იგი გადაჭრით უარყოფს მამა-პაპის მიერ ნაცად გზას და უარს ამბობს თანამდებობრივ კარიერაზე. ის ეწევა ისეთ ცხოვრებას, როგორც მასა, რათა ორგანულად განიცადოს ხალხის ყოველდღიური ქირავარაში.

თავის ავტობიოგრაფიულ ნაწარმოებში—„ნამწყემსარის მოგონებანი“ ალ. ყაზბეგი მოგვითხრობს: „მე 18... წელს გადავწყვიტე მეცხვარეობა დამეწყო და ამ ხელობის შემწეობით მომეგლო მთა და ბარი. გამეცნო ხალხი და გამომეცადა ის შიშით და სიაშოვნებით სავსე ცხოვრება, რომელიც მწყემსს განუშორებლივ თანა სდევს. მე თვითონ. როგორც მთის კაცს. მყვანდა რაოდენიმე ცხვარი, ცოტაოდენი კიდევ ზოგიერთს მიწებში ვაცვლით მოვაგროვე. მივუშატე ჩემს ფარას. ავიღე ჯოხი და თოფი და ამგვარად შევიქენ მეცხვარე“¹.

ეს მოხდა 1871 წლის გაზაფხულზე.

ალექსანდრე ყაზბეგის მიერ მეცხვარეობის დაწყება მოულოდნელი იყო მისი ნაცნობებისათვის. ხევის დიდი მეზატონის. მიხეილ ყაზბეგის. ერთადერთი ვაჟიშვილი, რუსეთში ნამყოფი, ახლა მეცხვარეობას იწყებდა. ეს ფაქტი განსაკუთრებით აუტანელი გამხდარა ალ. ყაზბეგის მახლობლებისათვის, მისი ნათესავებისათვის.

¹ ალ. ყაზბეგი — „ნამწყემსარის მოგონებანი“.

ამის შესახებ თვითონ ალ. ყაზბეგი მოგვითხრობს:

„რასაკვირველია, პირველი ჩემი ნაბიჯი ყველამ, განურჩევლად ყველამ, მასწარად აიგდო, რადგანაც ამბობდნენ, რომ მეტატონეს და მასთან სახელიან კაცის შვილს უბრალო მეცხვარეობა არ ეკადრებოდა. მაგრამ მე ჩემი მიზანი მქონდა, ჩემი სურვილი და ეს იქამდის ძლიერი იყო, რომ არავითარს რჩევას ყური არ ვუგდებ; ზე მანდოდა მენახა ხალხი. მსურდა გამეგო იმათი სურვილი. მეცხვოვრა იმათი ცხოვრებით, ჩემ თავზედ გამომეცადა ის მოთხოვნა და ვაკირვება. რომელიც უკან სდევს მუშა ხალხს, და რაღა დამაყენებდა შინ. მივალწეე ჩემს მიზანს, დავუახლოვდი. გავიცარისინი. ვისიც ვაცნობა და დაახლოება ასე გულით მსურდა“¹.

ხალხთან დაახლოების სურვილმა ალ. ყაზბეგს მწყემსის ჯოხი ააღებინა. ამით დღეში ადამიანმა თავის მიზანს მიაღწია. მაგრამ გენერლის შვილს მწყემსად გასვლამ მისი ნათესავები ძალიან გაანაწყენა. ისინი მწარედ დასცინოდნენ ალ. ყაზბეგს ამ ნაბიჯის გამო. თავის ბიოგრაფიულ მასალებში ალ. ყაზბეგი ამის შესახებ წერს:

„ჩემმა მღვთმარებამ უკიდურესობამდის მიაღწია. არამც თუ ჩემს შრომას ყურადღება არავინ მიაქცია, არამედ თავად ჩემზედ დაიწყეს ლაპარაკი; ყოველ ოჯახში საანდაზოდ გახდა გენერლის შვილის შვიდი წლის განმავლობაში მწყემსად სიარული და ეს ხმები სხვადასხვა კომენტარებით დღე და ღამ მოსვენებას არ მძღვედა. ურიცხვი ნათესაობა. თიქმის მთელი ქართლის არისტოკრატია თავიანთ შეურაცყოფად ხდიდნენ თავის ნათესავის საქციელს, რომელიც „კავალერგარდობის“ მაგიერ მწყემსობას გამოსდგომოდა და ცხოვრების საშუალებად სხვა არა ეპოვნებოდა.“

„რა ღმერთი გაუწყრა მაგ შეჩენებულს! თუ თითონ ვერ მოახერხა სხვა რივად ეშოვნა ლუკმა პური, ჩვენ მაინც შეგვატყობინებდა!.. სხვა რომ არა ყოფილიყო—რა პრისტავობას მაინც ვუშოვიდათ!“ ეს სიტყვები მესმოდა და შეურაცყოფას მაყენებდა“².

ასე შეხვდნენ ნათესავები ალ. ყაზბეგს მიერ მეცხვარეობის დაწყებას.

ალექსანდრე ყაზბეგს მრავალი დაცინვა და დამცირება გადაუტანია მის მიერ არჩეული გზის გამო. მაგრამ თავისი მიზნებისათვის მაინც არ უღალატნია და ბოლომდის გაუტანია. ეს მომენტი არ შეიძლება უბრალოდ აიხსნას, მით უმეტეს ისეთი დიდი ადამიანის ცხოვრებაში, როგორც ალ. ყაზბეგი იყო. არჩეული გზიდან უკან-

¹ ალ. ყაზბეგი — „ნამწყემსარის მოგონებანი“.

² საქართველოს მუზეუმის ხელნაწერი, წ.-კ, ფონდი, № 3989.

დაუბეველობა, პრინციპულობა ალ. ყაზბეგის მთელი ცხოვრების ერთერთ დამახასიათებელ ნიშნად მოსჩანს. თავისი ამ პირდაპირობისა და მტკიცე პრინციპულობის შესახებ იგი თვითონ წერს: „მე არა მაქვს ხასიათად, რომ საქმე ერთხელ თავს ვერ მოვიდეს და მაშინვე დაესუსტდე, სულიერად დავეცე და მაშინვე ბრძოლის ველიდან გავიქცე. ამის სამაგიეროდ სრულიად მოპირდაპირე ხასიათის კაცი ვარ და ვიყავ, უკეთუ რომელიმე განზრახვის აღსრულებაში სხვადასხვა დაბრკოლება შემხვდა, თითქოს ამით ძალა უფრო მომემატება და ყოველთვის უფრო მომეტებულის ენერგიით მივიბრძვი ერთხელ ნიშნად ამორჩეულს საგნიპაკენ. და ეს არის მიზეზი, რომ ჩემზედ გამოლაშქრებულებს გაოცებით ხელებს გააშლევინებს ხოლმე ჩემი შეურყეველობა“¹.

მოყვანილი ამონაწერი მრავალშრივ არის საინტერესო. იგი პირდაპირ მიუთითებს ალ. ყაზბეგის მაღალ პრინციპულობაზე. პირდაპირ ცხოვრებისა და შემოქმედებითი განვითარების გზა მრავალი წინააღმდეგობით ხასიათდება, მაგრამ იგი ამ წინააღმდეგობებთან ბრძოლაში ქედოზხრილი არასოდეს არ ჩანს. ასევე მოხდა ამ შემთხვევაშიაც: მან ხალხის ვაცნობის, მასთან დაახლოების მიზნით უარყო განცხრომით ცხოვრება და მწყემსობა აირჩია, აირჩია და შეასრულა კიდევ.

ალ. ყაზბეგი ჩქარა გაეცნო და დაუახლოვდა მეზობელ მეცხვარეებს. ცოტა ხნის შემდეგ მან ბევრი იმათგანი გაამაჰანაგა კიდევ და წლების მანძილზე მათთან ერთად მწყემსურად ცხოვრობდა.

ალ. ყაზბეგის ერთერთი კარგად მცნობის, იაგორ ღუღუშაურის გადმოცემით, ალექსანდრე ყაზბეგს შეუაძინაგდნენ ხევში ცნობილი მეცხვარეები: სტიმონა გიგაური. მიხეილ ხეთაგური, მიხეილ გიგაური, იოსებ ქუშაშვილი, დათიკო გიგაური და გ. ფიცხელაური².

დასახელებულ მეცხვარეებიდან ერთერთი ამათგანის დახასიათება მოგვცა ალ. ყაზბეგმა თავის „ნამწყემსარის მოგონებებში“. ეს მეცხვარე არის სტიმონა გიგაური. აი რას წერს ალ. ყაზბეგი სვ. გიგაურის შესახებ:

„სტიმონა სწორედ წარმომადგენელი იყო ნამდვილი მთის მეცხვარეებისა. მარდი, გონიერი, სამართლიანი, რომელიც უბრალოდ ჭიასაც არ აწყენინებდა. მაგრამ თუ უსამართლობას ნახავდა, იმისგული აიძვრებოდა ჯაგრით და ყოველს ღონისძიებას ხმარობდა. გადასახდელად საშუალება ეპოვა. ლამაზი, ტანადი, სამართლიანი

¹ საქართველოს მეზემის ხელნაწერი, წ.-კ. ფონდი, № 3989.

² საქართველოს სახ. მეზემის ხელნაწერი, წ.-კ. ფონდი, № 5330

და ყმაწვილი სვიმონა ყველასაგან საყვარელი იყო. ყველას სურდა იმისი „ნამგალობა“ და რასაკვირველია, ასეთი კაცი ჩემთვის სხვა-ზედ მეტად ფასობდა; იმის გამოცდილება და ცხვრის ხელის შეწყობა ხომ ხევში სამაგალითოდ იყო გამხდარი“¹.

ასეთი იყო ალ. ყაზბეგის ერთერთი აშხანაგი-მეცხვარე. ალ. ყაზბეგმა მეცხვარეობაში გაატარა თითქმის ცხრა წელიწადი. იგი ზედნაწივებით გაეცნო ხალხის ცხოვრებას და გახდა მათი ქირვარების თანამოწიარე. საყოველთაოდ ცნობილია ის უაღამიანო ჩაგვრა და შევიწროება. რომელსაც მთიელი ხალხი განიცდიდა მეფის თვითმპყრობელობისაგან. რუსეთის მოხელეები საშინლად აწვალენდნენ თავისუფლების მოყვარულ მთიელ ხალხს. მოხელეთა მძარცველური დამოკიდებულება ხალხისადმი შესანიშნავად გადმოსცა თავის უყვდავ რომანებში თვითონ ალ. ყაზბეგმა. ამავე რომანებში მან შექმნა მთელი გალერეა მეფის მოხელეებისა, რომლებიც თავანთი ველური დამოკიდებულებით ხალხისადმი ყოველგვარ საზღვარს აკარბებდნენ. მაგრამ ალ. ყაზბეგი არა მარტო წერდა ამ მოხელეთა შესახებ. არამედ თავისი პრაქტიკული საქმიანობით ყოველდღიურად ებრძოდა მათ ბარბაროსულ დამოკიდებულებას ხალხისადმი.

შეიძლება გადაკრით ითქვას, რომ ალ. ყაზბეგს თუ ოდესმე გამოუყენებია თავისი მამა-პაპის ღვაწლი რუსეთის ტახტის წინაშე. ეს იყო ისევე რუსი მოხელეების წინააღმდეგ. ცნობილია, რომ მას არაერთჯერ მიუმართავს საჩივრებით რუსეთის ჩინოვნიკური აპარატის მოხელეთა წინააღმდეგ თვით უმაღლეს ორგანოებშიც-კი. ალ. ყაზბეგის სახით მთიელ ხალხს ერთადერთი მზრუნველი ჰყავდა იმ დროს. ამიტომაც მას „მთიელთა ფარი“ უწოდეს.

იაკობ ლუღუშაური ამის შესახებ გვიამბობა:

„აქ რამდენიმე ხნის განმავლობაში ყაზბეგის მოქმედებამ თვალსაჩინო გავლენა იქონია ჩინებ-ყაზახებში, რადგან ყველა მათმა სოფლებმა შეიტყუეს ყაზბეგის ვინაობა. რადგანაც ყაზბეგის საჩივრის გამო თურგის ოლქის უფროსმა განკარგულება მოახდინა, რომ უკეთეს მეცხვარეს შეურაცხყოფას მიაყენებდა ვინმე, ის მასწავლებელი სოფელი უნდა მისცემოდა სასტიკ პასუხისგებაში. და მის შემდეგ ნაცვლად გაჯავრებისა თავანთანად დაიწყეს ცხვარ-მეცხვარეთ გაცილება თავ-თავიანთ საზღვარზედა, რის გამოც მთიელმა მეცხვარეებმა სანდრო ყაზბეგს მთიელთა ფარი უწოდეს“².

¹ ალ. ყაზბეგი — „ნამწყვეწარის მოგონებანი“.

² საქართველოს სახ. მუზეუმის ხელნაწერი, წ.-კ. ფონდი, № 5330.

ალექსანდრე ყაზბეგის უსაზღვრო სიყვარულსა და მზრუნველობას მეცხვარეებზე და საზოგადოდ მთიელ ხალხზე ადასტურებს აგრეთვე მისი თანამედროვე ა. კობაიძე. კობაიძე თავის მოგონებაში წერს: „ალექსანდრე მიხეილის-ძე მეტად მოსიყვარულე იყო ხევ-მთიელთა მეცხვარეებისა, ამიტომაც მათთან ერთად იზიარებდა ქირსა და ლხინსა. ცხოვრება მისი არაფრით არ განირჩეოდა ცხვარ-ში მყოფ მისი ამხანაგებისაგან ანუ მწყემსებისაგან. უბრალო კობუჯები, ჩაფაჯები, ჩოხა-აბალუხები და ნაბდის ქუდი. ტანზედ ყისინა შეადგენდნენ მისს ფეხ-საცმელს და ტანს-საცმელსა; სასმელ-საჭმელ-იც ისევე მწყემსური: მქადი, რძე. ყველი და ხორცი მწყემსურსავე გემოვნებაზედ უსუფთაოდ მომზადებული. მას სულ გადავიწყებოდა იმ ფუფუნებაში აღზრდა, ძვირფაჲ. კობტა, სუფთა ტანისამოსი და სამზარეულოში ხაბაზებისაგან მომზადებული რამდენიმე ხელი გემრიელი საჭმელ-სასმელი: ჩაი, ყავა, კაკაო და ხილი, სადილის შემდეგ ძილი და განსვენება. სამაგიეროდ შეეთვისებინა შხაპუნა წვიმაში და ქარიშხალში მეცხვორულის გემოვნების ჭამა-სმა და ძილი. ასე რომ დიდკაცობის შეილობა და სიმდიდრის ოცნება მთლად ამოფხვრილიყო მის გულიდანა, და სამაგიეროდ მის გულში გრძობაში და თავში ჩანერგულიყო სიყვარული გლეხ-კაცობისა. ცხოვრება მისებრივე და ზნე-ჩვეულებაც ხალხური მიეღო მის ბუნებასა და აგებულებასა“¹.

ასე შეუერთდა ალექსანდრე ყაზბეგი მწყემსთა დაუდეგარ, შიშითა და სიხარულით აღსავსე ცხოვრებას.

II

ხალხურ ცხოვრებასთან ორგანულად დაკავშირებამ ალ. ყაზბეგი მთიელთა უსაყვარლეს ადამიანად აქცია. საყვარელი მწერლის თანამედროვეები, ნაცნობები და მეგობრები ერთნმად ადასტურებენ მის უდიდეს დახმარებას ხალხზე. გავეცნოთ ზოგიერთ ამათგანს.

ცნობილია, რომ ალ. ყაზბეგის მამა, მიხეილი, მეტად მკაცრად ექცეოდა მეზობელ მოხევებს. იგი ხელგაშლით და მდიდრულად ცხოვრობდა, ხოლო მიხეილის სასახლის ეს დოვლათი ბოლოსა და ბოლოს მოხევეთა ჩაგვრაზე იყო დამყარებული. მას გადასახადებია მთელი სისტემა რეკანონებინა, რომელიც ყაზბეგის სასარგებლოდ თვითიველ ოჯახს და სოფელს გარკვეულ ვალდებულებას აკისრებდა.

¹ გაზეთი „ქართული სიტყვა“, 1923 წ. № 8.

მიხეილ ყაზბეგის მიერ დაკანონებული გადასახადები მისი გარდაცვალების შემდეგ მის ოჯახს კვლავ მოსდიოდა. მას ბოლო მოულო აღექსანდრე ყაზბეგმა: უარყო მამის მიერ შემოღებული გადასახადები და გაათავისუფლა ხალხი ამ უსამართლობისაგან.

იავორ ლუღუშაური ამის შესახებ წერს: „ა. ყაზბეგის მამის დროიდან სოფელ გერგეტს და ცდოს ჰქონიყო დადებული ხარჯი თითო კვამლზე 5 კონა ფიჩხი და ორი ჩარეკი ერბო, რომელსაც თვით ალ. ყაზბეგის დროსაც ხდილობდნენ ყაზბეგის სასარგებლოდ. ეს ძალმომრეულური ყალანი ალ. ყაზბეგმა სცნო უწყესო ნაძალადეგ უღმად. რომლის გადახდევინებაზედაც უარი განაცხადა. ამ სოფლებს მიჰმართა ამ შემდეგი სიტყვებით: ძმებო და მეგობრებო! თქვენე ცოდვა ჰქონდეს თქვენ უსამართლოდ შემაწუხებელსა, ჯოჯოხეთის ცეცხლში იტანჯებოდეს იმისი სული, ვინც თქვენ ნაწვავ-ნაღაგზე ითბობდა ხელსა და ყელსაო. ცეცხლად შეერგოს იმის ზამოძველობას, ვინც დღეის შემდეგ თქვენ ნაოფლ ნაშრომს ხელი ახლოსო. ეს განზრახვა აღსრულებაშიაც მოიყვანა და იმ დღიდან განათავისუფლდა ავ ხარჯიდან სოფელი გერგეტი და ცდო“¹.

ასეთი იყო აღექსანდრე ყაზბეგის დამოკიდებულება ხალხისადმი. ის იცავდა ხალხს ყოველგვარი უსამართლობისაგან, მაგრამ იცავდა და ექომაგებოდა არა მხოლოდ მოხევეებსა და მთიელებს, არამედ ასევე იცავდა და მფარველობდა ყველას, ვისზედაც კი ხელი მიუწვდებოდა, განურჩევლად იმისა, მოხევე იყო იგი, მთიელი საზოგადოდ, თუ კიდევ სხვა.

ყველა, ვინც კი იჩაგრებოდა მეფის რუსეთის ბიუროკრატიული აპარატის მოხელეთა მიერ, ალ. ყაზბეგის დაცვისა და გამოქონაგების ობიექტად იქცეოდა. ეს თვისება ალ. ყაზბეგის მთელი ცხოვრების ძირითადი დამახასიათებელი ნიშანია.

ამ მხრივ მეტად საყურადღებოა კიდევ ერთი დოკუმენტი, რომელიც ნათელს ჰფენს ალ. ყაზბეგის ბრძოლას მეფის რუსეთის მოხელეების მიმართ. მართალია, ეს ცნობა შეეხება შედარებით მოგვიანო პერიოდს ალ. ყაზბეგის ცხოვრებისას, მაგრამ იგი მაინც სრულიად უდგება და აესებს დიდი მწერლის საერთო თავდადებას ხალხისადმი.

ა. კობაიძე თავის ერთერთ მოგონებაში მოგვითხრობს მის მიერ ნახული ერთი მომენტის შესახებ, როდესაც ალ. ყაზბეგი სტეფანწმინდაში ფოსტის სადგურზე გამოექომაგა რუსეთიდან გზად მომავალ ბოშებს. ალ. ყაზბეგმა თავის მიმართვაში რომელიღაც რუ-

¹ საქართველოს სახ. მუზეუმის ხელნაწერი, წ.-კ. ფონდი, № 5330.

სი გენერალი გააფრთხილა. რომ მას არავითარი უფლება არა აქვს მოქანცული მგზავრები სადგურიდან გარეკოს. კიდევ მეტი: ალ. ყაზბეგმა პირდაპირ შეუთვალა მას. რომ რუსის გენერალს სტეფან-წმინდას სადგურზე არავითარი განსაკუთრებული უფლებები არა აქვს და მოხვედრისათვის ბოშები უფრო საბრალოა და ამდენადვე სასიყვარულო, ვიდრე რუსი გენერალი.

ა. კობაიძე ამ ეპიზოდის შესახებ გადმოგვცემს:

„მე თითონა ვარ მოწმე ერთის ასეთის ჰავალითისა: 1889 წელს, მკათათვეში. ალექსანდრე აქ. ყაზბეგში (სტეფანწმინდას), იმყოფებოდა და სწორედ ასეთს დროს გამოიარა ნაბად მოსილჰა ფოსტის სადგურის წინ, როდესაც ფოსტაში მოსამსახურე მოხელეები ძალდატანებით მიერეკებოდნენ იქ დროებით დაბინავებულს რუსეთის ბოშებს. (ალექსანდრემ) ჰკითხა რადა სტანჯავთ მაგ უბედურებსო? მოხელეებმა უპასუხეს. გენერალი არის აქ საზოგადო ოთახში და იმის ბრძანებით ვერეკებით აქედანაო. ალექსანდრემ უთხრა: წადით და მოახსენეთ მაგ თქვენს გენერალს, რომ ესენი ჩემს მამულზედ დგანან და ისეთივე მგზავრები არიან, როგორც შენა-თქო, და მე არავეს ვაძლევ იმის ნებას, რომ ჩემს ადგილიდგან უჩემოდ ვინმე განდევნოსო. თუ სურს. შეც აქ ვიქნები, თითონ მობრძანდეს და თითონ გარეკოს ბოშებიო. ისე ვაბრაზდა ალ. ყაზბეგი. რომ მართლა მოსულიყო გენერალი, დიდი ლაპარაკი და აურზაური მოხდებოდა“¹.

• მოყვანილი ამონაწერი მრავალმხრივ არის საინტერესო. აქ პირდაპირ არის მოცემული ალ. ყაზბეგის დამოკიდებულება მეფის რუსეთის მოხელეებისადმი, ერთის მხრივ, ხოლო მეორე მხრივ მისი მზრუნველობა საზოგადოდ ხალხზე, მოხვედრები იქნებოდნენ ისინი თუ შორიდან გადმოხვეწილი ბოშები.

ანალოგიური მაგალითების მოყვანა ალ. ყაზბეგის ცხოვრებიდან კიდევ მრავლად შეიძლება, მაგრამ მოყვანილიც საკმარისია იმისათვის, რომ წარმოვიდგინოთ მისი უანგარო თავდადება და სიყვარული მშრომელი ხალხისადმი. ხალხის ამ უსაზღვრო სიყვარულმა მას ხელთ ააღებინა ჩობნის ჯოხი და ახალგაზრდობის ძვირფასი წლები მეცხვარეობაში გაატარებინა.

მწყემსურ ცხოვრებასთან ორგანულად დაკავშირებამ ალ. ყაზბეგს შესაძლებლობა მისცა ღრმად ჩასწვდომოდა ამ ხალხის მთელს შინაგანს განცდებს. დიდი მწერალი თავის რომანებში მეცხვარეთა დახატვისას მათი შინაგანი ბუნების გულთამხილაობით

¹ გაზეთი „ივერია“, 1894 წ., № 2.

გვაოცებს. სიტყვის დიდი ოსტატი, მეცხვარეთა ხასიათების გაშლისას მათი გულის საძირკველს სწვდება და ადამიანის სულის ყოველ მოძრაობას გადმოსცემს. ეს მეტად რთული და მძიმე ოპერაცია უდიდესი დამაჯერებლობით ხდება. ადამიანის შინაგანი ცხოვრებას ან უწყურად გადმოცემა მხოლოდ იმას შეუძლია, ვინც ამ ცხოვრებას ადრევე ზიარებულა. ალ. ყაზბეგი თავისი რომანის ერთერთი გმირის (მეცხვარის) შესახებ ამბობს: „კაცი ცხვარში უნდა ყოფილიყო აღზრდილი, რომ მისი გულის მოძრაობა გაეგო, მისი გრძობა შეეგნო“. ქეშმარიტად, ეს სიტყვები პირველყოფლისა თვითონ ალ. ყაზბეგის შესახებ უნდა ითქვას. იგი მართლაც არაჩვეულებრივი ოსტატობით სწვდება მეცხვარის მთელს შინაგან ცხოვრებას, მისი გულის ყოველ კუნჭულში იხედება და ახედებს მკითხველს.

ალ. ყაზბეგი რომ მეცხვარის და საზოგადოდ ადამიანის ფსიქოლოგიის უდიდესი მცოდნეა, ამის დასამტკიცებლად მთელი რიგი მაგალითები შეიძლება მოვიყვანოთ, მაგრამ ნიჟურშისათვის ერთი მაინც გავაცნოთ.

მაყვალას სიყვარულმა („მოძღვარი“) ონისეს გადააწყვეტინა საკუთარი ცხვარი გაყიდოს და თავის გულის საყვარელთან ერთად გაშორდეს მშობლიურ მიწაწყალს. ონისემ თავისი გადაწყვეტილება შეასრულა — ცხვარი გაყიდა, მაგრამ როდესაც ცხვრის ფარა ახალმა პატრონმა ჩაიბარა და ონისე მას უნდა გაშორებოდა, სწორედ ამ დროს იგი უმძიმეს მომენტს განიცდის. საკუთარი ხელით ნაზარდი ცხვრის ფარის დათმობა მეცხვარისათვის ისე ძნელი აღმოჩნდა, რომ ეს სიძნელე ადრე, ალბათ, ვერც მას წარმოედგინა. ამ მომენტის აღწერასას მგრძობიარე ავტორი მეცხვარის გულს ვახსნის და მკითხველს მწყემსის სულის ყოველ მოძრაობას ატყობინებს.

აი ეს სურათიც:

„ორად გაყოფილი ფარა ჯერ კიდევ იქ იდგა. როდესაც ონისე დაღონებული შეჰყურებდა. მის გულს მწარედ გაჰქონდა დაგადუგი, სევდით იბურებოდა და ემღვრებოდა. კაცი ცხვარში უნდა ყოფილიყო აღზრდილი, რომ მისი გულის მოძრაობა გაეგო, მისი გრძობა შეეგნო. ცხვარი დაიძრა, და ონისე ჩომბახს დაყუდებული, ხმაგაკმენდილი თვალს ადევნებდა. ცხვრების გამოსვლსთანავე მას აგონდებოდა წარსულის ცხოვრებიდან სხვადასხვა შემთხვევანი. აგერ გამოიარა პირქროლა შიშაქმა და მას მოაგონდა მისი დაობლება ბატკნობაში. მოაგონდა როგორა ზრდიდა ხელზედ და როგორ ანებივრებდა; აგერ კიდევ ის ჰედილა, რომელსაც მშვიდობიანობის დამცველნი წართმევას უპირებდნენ და უსამართლობას კინალამ თავი

შეაკლა. აგერ ის ვაცი, რომელიც „ძაუგში“ გასაწყდის ცხვარს ქეჩად გააყოლა და ვილაყა ღიპიანმა შარი მოსდო, რომ ისიც ერთი გასყიდული იყო. მოაგონდა ონისეს ამ ქეჩისათვის თავის გამოდება; საჩივარი და ხარჯი... მოაგონდა უსამართლობით დაჩაგრულის ადამიანის ვარამი. მოაგონდა, რომ თავის საკუთრების შესარჩენად თხუთმეტ კეჩილამდის გაიღო. აგერ იმ ბოქა ყოჩმაც გამოიარა, რომელიც ონისეს საჭიდაოდ დაჰყვანდა და დამარცხებით პატრონი არც ერთხელ არ შეურცხვენია. მოაგონდა მისი ხალისი ბრძოლის ველზედ, მისი კაპარა და გრგვინვის მსგავსი ჯაბუნა, რომელსაც მთიელი ალტაცებაში მოყავდა! ყველას, ყველას მათგანს ონისეს წარსულში რომელიმე დამოკიდებულება ჰქონდა. ყველასთან მისი ცხოვრება რომელიმე შემთხვევით გადაბმულიყო. ყოჩმა იცნო პატრონი, იცნო ის კაცი, რომელთანაც იმდენჯერ სახელით ევლო; პირუტყვი თითქოს გრძნობდა თავის სამსახურს, მან გამოსწია ონისესაკენ, თავ-აღებულის, გაამაყებულის და მედიდურად მოაბიჯებდა: დიდსა და ხვეულ რქებს, რომელიც შებლთან ერთმანეთს თითქოს შეერთებოდა. წყნარად. ამაყად იქნევდა. როდესაც პატრონს მიუახლოვდა. აიღო თავი, გაიძაბა და ზემოთა ტუჩგაწედილი სიამოვნებით ჰაერს იზიდავდა; შემდეგ სრულიად მიუახლოვდა კაცსა და მუხლებზე რქების ხრეშა დაუწყო, თითქოს ბრძოლის ენმა მოუარაო.

მოხევემ დიდხანს უაღერსა გაამაყებულ ყოჩსა, რომელსაც თითქოს ესმოდა, რომ პატრონს საუკუნოდ ესალმებოდა და უკანასკნელის ალერსით უნდოდა დამტკბარიყო. ცხვარი კარგად გაშორდა იმათ და ონისემ დაინახა, რომ ყოჩის მეტს ხანს დაჰკერა არ იქნებოდა, და გააგდო. პირუტყვემა გადასდგა რამდენიმე ნაბიჯი. ამგვარი მოპყრობა პატრონისა თათქო ეუცხოვა, იუკადრისა, შესდგა, მოიხედა, დაიკვივითა ყურები და ისეთის სიყვარულიანის, სევდამოცულის თვალებით შემოჰხედა მთიელს, რომ უკანასკნელმა ველარ გასძლო, ჩაიქნია ზელი და საჩქაროდ გამობრუნდა“.

ასე ძლიერია ალექსანდრე ყაზბეგის მიერ დახატული მეცხვარის განცდა. მკითხველი ძალდაუტანებლად გრძნობს ონისეს სულიერ ტანჯვას, მის ტკივილებს. აქ ადამიანის შინაგანი განცდები უდიდესი დამაჯერებლობით არის გადმოცემული. ამ საქმეში ალ. ყაზბეგს, უდიდეს ალლოსთან და პოეტურ ნიჭთან ერთად, თავისი პირადი გამოცდილებაც ხელს უწყობდა. ეს იყო მისი მეცხვარეობა: მეცხვარის განცდა მისთვის ასე მახლობელი და ბუნებრივი იყო.

ალექსანდრე ყაზბეგს თავის ავტობიოგრაფიულ ნაწარმოებში „ნაშუადღის მოგონებანი“ მოთხრობილი აქვს იმ შიშითა და სიამოვნებით აღსავსე ცხოვრების შესახებ, რომელიც დამახასიათებელია მწყემსური ცხოვრებისათვის და რაც ისე ორგანულად განცდილი და მახლობელი იყო თვით ალ. ყაზბეგისათვის.

ალ. ყაზბეგი თავის ამ მოთხრობაში, სხვათაშორის, გვიამბობს ერთერთ ეპიზოდს, რომელიც უდაოდ გვეხმარება ამ დიდი ადამიანის ზოგიერთი შინაგანი განცდის გაგებაში. ეს მომენტი არის ალ. ყაზბეგის შეხვედრა უცხოელ ვაჭრებთან, რომლებიც მთაში დადიოდნენ და მატყლს ყიდულობდნენ. ამ ვაჭრების წარმოდგენით, მთაში ცხოვრობს ხალხი, რომელიც თავისი ყოფით დიდად არ განსხვავდება ბარბაროსებისაგან. მათივე წარმოდგენით მეცხვარეებმა რიგინად თელაც არ უნდა იცოდნენ. აი ეს ვაჭრები შეხვდნენ ალ. ყაზბეგს და მათ გაოცებას საზღვარი არ ჰქონდა მაშინ, როდესაც ნაბდისქუდიანმა მეცხვარემ მათ ფრანგულ ენაზე გაუმართა საუბარი. მაგრამ დიდი მწერალი ამასაც არ დასჯერდა და მათ უთხრა, რომ სხვა მთაელმა მწყემსებმა კიდევ უკეთ იციან უცხო ენები, ვიდრე მან.

დიდბუნებოვანი ადამიანი ხშირად თავის სიდიადეს ყოველდღიური ცხოვრების მეტად მკირე მნიშვნელობის შემთხვევებშიც გამოავლენს. ეს მით უფრო ითქმის ისეთ მგრძობიარე მწერალზე, როგორიც ალ. ყაზბეგი იყო. ალ. ყაზბეგის შეხვედრა-საუბარში უცხოელ ვაჭრებთან მკვეთრად იგრძნობა ის დიადი სისადავე, რომელიც ეგზომ დამახასიათებელი იყო საყვარელი მწერლისათვის.

ალ. ყაზბეგი ამ შემთხვევის გამო მოგვითხრობს:

„ოჰინი (ე. ი. ვაჭრები. ა. მ.) მოვიდნენ ახლოს და მოიმარჯვეს ჯოხები, რადგანაც ჩემი „ბასარა“ ყუფით გაექანა იმათკენ, მაგრამ, რა მე დაუძახე ძაღლს. ისიც კუდის ქნევით მოვიდა ჩემთან. უცნობებმა ღიმილი დაიწყეს და დამტკრეულის რუსულის ენით ლაპარაკი დაიწყეს:

— Собакъ, собакъ... нетъ кусай...

— Нетъ кусай, — ვუპასუხე მეც ამგვარადვე.

— Баранъ, Баранъ. — დაიწყო ერთმა, ველარ გაათავა, რადგანაც რუსული არ იცოდა, და მიუბრუნდა ამხანაგს ფრანსიულად: — როგორ უნდა ვიკითხო, მატყლს სადა ჰყიდნიან?

— მეც არ ვიცი, — ფრანსიულადვე უპასუხა მეორემ.

ბოლოს იმათ გააბეს ლაპარაკი მატყლის სიკეთეზედ და უკვირდით, იმოდენა ფარას მთაში როგორ ვათავსებდით. ბოლოს კ-

დევ მოიწადეს შეტყობა: სადა ვყიდით მატყლს და რამდენი ფულის მოგროვება შეიძლება მთაში.

მე ვლაპარაკობდი ფრანსიულა, გულმა ვეღარ გამიძლო და ამისათვის ვუპასუხე:

— მთაში ძალიან ბევრია ცხვარი, ზალხი თითქმის ამითი სცხოვრობს, მატყლს კი აქვე ყიდულობენ სომხები ვაჭრები.

წარმოიდგინეთ იმათი გაშტერება, როდესაც რალაცა უცნაურს და ველურს მთებს შორის, სადაც იმათის შეხედულებით ბარბაროსები სცხოვრობენ, რომელთაც ათზე მეტი თვლაც კი არ იციან, ერთბაშად უბრალო მეცხვარე, უბრალო მთის კაცი ფრანსიულად ელაპარაკება!

— როგორ! თქვენ ლაპარაკობთ ფრანსიულად?! — გაშტერებით წამოიძახეს ორთავემ ერთად.

— დიად, ცოტაოდენს.

— რას ამბობთ, სად გისწავლიათ? არა. ეგ შეუძლებელია!

მე მომწაღდა მათთან ხუმრობა და ამისათვის ვუპასუხე:

— ჩვენში მწყემსები თითქმის ყველანი ლაპარაკობენ ფრანსიულად... მე სხვა ადგილებში ვიყავე მოჯამაგირედ და კიდეც გადამევიწყდა, თორემ სხვებს ვერც კი გამოარჩევთ ფრანსიულებისაგან.

— რას ამბობთ?! აი გასაშტერებელი საქმე! — ეუბნებოდნენ ერთმანეთს: — ჩვენ კი ველურ ხალხად მიგვაჩნია ეს ხალხი!

კარგა ლაპარაკის შემდეგ, როდესაც ისინი მოიღალნენ და მეც თავი მომაწყინეს ყბედობით, იმათ მთხოვეს საღამოზედ ყაზბეგის სტანციაზედ, სადაც ლამის გატარებას აპირობდნენ, მივსულიყავ და მემამბნა ჩვენი ზალხის ცხოვრება, ჩვეულება და ხასიათი¹.

ასეთია ალექსანდრე ყაზბეგის ერთი შეხვედრის ისტორია უცხოელ ვაჭრებთან.

III

ჩვენ მოკლედ გავეცანით იმ მიზანს, რის გამოც ალ. ყაზბეგი იძულებული იყო მეცხვარეობა დაეწყო. ეს მიზანი იყო ხალხთან დაახლოვება, მისი ჭირვარამის უშუალოდ განცდა. ახლა საინტერესოა ვიცოდეთ, გამოიღო თუ არა რაიმე სასარგებლო შედეგი იმან, რომ ეს დიდი მწერალი ასე დაუახლოვდა ხალხს და დაახლოვებით შვიდი წელი მეცხვარეობაში გაატარა?

¹ ალ. ყაზბეგი „ნამწყვეთარის მოგონებანი“.

გადაქრით უნდა ითქვას. რომ ალ. ყაზბეგის მიერ მწყემსობაში გატარებული წლები უაღრესად სასარგებლო აღმოჩნდა დიდი მწერლის საბოლოოდ ჩამოყალიბებისათვის. ამ გარემოებამ ხელი შეუწყო მის ჩამოყალიბებას ნამდვილ სახალხო მწერლად, ამიტომაცაა. რომ მის წარმტაც ნაწერებში პირდაპირ იგრძნობა მთიელ ხალხთა გმირული ცხოვრება. რა უფლება გვაქვს არ ვენდოთ თვითონ ალ. ყაზბეგს, რომელიც წერს: „თუ ჩემს ნაწერებს კითხულობს ვინმე, თუ პოულობს იმაში რასმე გულის გასართობს, თუ არა სწყინდება და ბოლომდის ჩადის, ყველა ამისი მიზეზი ჩემი წარსულია, ჩემი მეცხვარეობა“.

ალ. ყაზბეგის ხელნაწერებში დაცულია მისი ერთერთი წერილი, რომელსაც იგი სწერდა თავის ნაამხანაგარ მეცხვარეს. წერილი მიეკუთვნება მეცხვარეებზე საუკუნის ოთხმოციან წლებს, ე. ი. ამ პერიოდს, როდესაც ალ. ყაზბეგი საყოველთაოდ აღიარებული იყო. დიდ მწერლად. აი სწორედ ამ დროს ნამეცხვარალი ავტორი ერთერთ თავის ნაამხანაგარ მეცხვარეს სწერს და იგონებს იმ დროს, როდესაც იგი მათთან ერთად ცხოვრობდა როგორც ჩვეულებრივი მეცხვარე და მთიდან მთაზე ხეტიალში, შიშა და განსაცდელში ატარებდა ცხოვრებას.

ალ. ყაზბეგის ეს კერძო წერილი, რომელიც პოეტური აღმაფრენით არის შესრულებული, უდაოდ საინტერესო მასალას იძლევა მწერლის საერთო ზნაიათის გასათვალისწინებლად. აი რას წერს იგი ამ წერილში!

„ძმაო სვიმონა! გახსოვს, რამდენი ღამეები გაგვიტარებია მე და შენ ერთად. რამდენი ავდრიანი ღლე, ჭექა, ქუხილი, რამდენი შარი მოუკიდნიათ ყაზახებს, რამდენჯერ წინააღმდეგომივართ იმათ უსამართლობას? გახსოვს, როგორ გაკვირვებდა შენ და დანარჩენს ჩვენს ამხანაგებს, რომ შე, ნებივრად აღზრდილმა, მებატონემ, კაცმა, რომელსაც შემეძლო მოსვენებით ცხოვრება, შინაურს კერას ვარჩიე მოუსვენარი მინდორში და მთაში ხეტება, ხეტება სავსე განსაცდელით და შემთხვევებით. მაშინ ბევრს არ ესმოდა მიზეზი ჩემი ამგვარი ცხოვრებისა, ბევრი მძრახავდნენ ამისათვის და მიგონებდნენ ათას ცილისწამებას, მაგრამ შენ, ჩემო ნეგობარო, მაშინაც გესმოდა ჩემი გულის მიმართულება და ეხლაც კიდევ მოიგონებ. თუ ჩემს ნაწერებს კითხულობს ვინმე, თუ პოულობს იმაში რასმე გულის გასართობს, თუ არა სწყინდება და ბოლომდის ჩადის, ყველა ამის მიზეზი ჩემი წარსულია, ჩემი მეცხვარეობა და თქვენთან ცხოვრება შვიდი წლის განმავლობაში, რომელმაც ერთი-

დაიგივე კენესათ დააკენესა ჩვენი გული. ერთიდაიგივე მიზანი დაგვანახვა.

„არ ვიცი, ძმაო, შენ და დანარჩენი ჩვენი ნაამხანაგრები რასა ჰგრძნობთ, მაგრამ მე კი ბევრს სადამოს მომაგონდება ჩეჩნის მინდვრები. გაჩაღებული ცეცხლი, რომელსაც გარს შემომსხდარან მწყემსები და მთელი დღის სიჩუმისა და ღუმელის შემდეგ, გამხიარულებულნი, მოლაქდანდარენი... იქვე დაყრილი ცხვარი და იმას იქით აქა-იქ ყარაულად მდგარი მწყემსები, რომლებიც გაქვავებულს სურათებს მიემსგავსებოდნენ. გახსოვს ერთგული ბროლია, მურა, ფარეხა, რომელნიც ისე ფრთხილად გვინახავდნენ ჩვენც და ჩვენს საქონელსაც, გახსოვს, რომ არც ერთი ჩვენთაგანი პირში ლუკმას ისე არ ჩაიდებდა, რომ პირველი ლუკმა ამ ძალღებისტვის არ მიგვეცა.

„მერე?... დამშვიდებული. ჩუმი ღამე, მთვარე, რომელიც გედსავით მოცურავდა ცაზე და ნაზს, მოალერსე სხივებს გვესროდა ჩვენ — თეოზედ გასულს მწყემსებს. ღმერთო, რაოდენი გრძნობა იღვიძებდა მაშინ, რაოდენი სურათები იხატებოდა თავში?! აი ამ დროს ითქმოდა: „კაცის გული ზღვაა, რას არ გაფიქრებს?“.

„გახსოვს ჩეჩნელი ელბერდ, ჩვენი მასპინძელი, გახსოვს იმისი სახლობა, გახსოვს ყაზახების სტანიცები, ჩეჩენთ სოფლები, გროზნა, მინდორი, მთა, ტყე! გახსოვს, რამდენი მშვენიერი სურათები დაეხატებოდა ჩვენს თვალებს და ისე აკვირვებდა ბუნების სიმდიდრე? მე ყველა ეს ისე ცხოვლად მეხატება თვალწინ, ისე ცხოვლად მაგონდება, თითქოს გუშინ იყოს მომხდარი!

„ნუ დაივიწყებ შენც, ნუ დაივიწყებ, რადგანაც ეს წუთები იყო წმინდა, პატიოსანი, რომელსაც კაცი. ისიც ზოგიერთი, ერთხელ შეხვდება თავის ცხოვრებაში და ეს სანატრელი წუთები აღარ გამეორდება.

„მშვიდობით, ჩემო სვიმონა. გულითაღს მშვიდობას გეუბნება ის კაცი, ვინც ინატვრის შენთვის და შენთან ერთად ყველა შენის მეზობლისათვის ყოველ კარგს მშვიდობას და ცხოვრებაში უკეთეს პირობას“¹.

ასე წერდა ალ. ყაზბეგი ოთხმოციან წლებში თავისი წარსულის შესახებ. მოყვანილი წერილი კომენტარიებს არ საჭიროებს, აქ ყოველი ფრაზა მართლაც ყაზბეგისებური მგრძნობელობით რსმის.

¹ საქართველოს სახ. მუზეუმის ხელნაწერი, წ.-კ. ფონდი, № 3993.

ამრიგად, ალ. ყაზბეგმა ზალხის ცხოვრებასთან ზედმიწევნით დაახლოვების მიზნით გადაწყვიტა მეცხვარედ წასულიყო. მან ეს გადაწყვეტილება განახორციელა და დაახლოვებით შვიდი წლის განმავლობაში ცხოვრობდა ისე, როგორც ჩვეულებრივი მეცხვარე. ალ. ყაზბეგის მიერ მეცხვარეობაში გატარებულ წლებს უშედეგოდ არ ჩაუვლია, იგი უდაოდ ერთერთი მეტად საგულისხმო ფაქტორი იყო დიდი მწერლისა და მოაზროვნის იდეურ ჩამოყალიბებაში.

თ ა ვ ი მ ე ო თ ხ ა

აღმქსანდრე ყაზბეგი ოთხმოციან წლებში

I

აღმქსანდრე ყაზბეგმა ცხრა წელიწადი თავის მშობლიურ ხევში, გლახურ ცხოვრებაში გაატარა, მაგრამ ამაღე დროს იგი არც თბილისის ცხოვრებას იყო მოწყვეტილი. დავით კარიჭაშვილის თქმით, აღმქსანდრე დროგამოშვებით ეწვეოდა თბილისს და საზოგადოების ყურადღებას იქცევდა თავისი კოხტა ჩაცმულობითა ჯა ხელგაშლილი ცხოვრებით.

1879 წელს აღ. ყაზბეგი თავს ანებებს ხევს და მუდმივ საცხოვრებლად თბილისს გადმოდის. ამის შემდეგ იგი მხოლოდ იშვიათად თუ ეწვეოდა თავის მშობლიურ მხარეს. ამ პომენტრიდან მის ცხოვრებაში იწყება ახალი ხანა, რომელიც განსაკუთრებით საყურადღებოა თავისი მრავალფეროვნებით. ფართო საზოგადოებრივი მოღვაწეობით და არაჩვეულებრივი ინტენსიობით მხატვრული შემოქმედების დარგში.

თბილისში აღ. ყაზბეგი ცხოვრობდა ჯერ რუსთაველის პროსპექტზე, იმ შენობაში, რომელშიაც მოთავსებული იყო გაზეთ „დროების“ რედაქცია, ხოლო შემდეგ მთაწმინდაში — სასამართლოს ქუჩაზე. აღ. ყაზბეგის პირადი ცხოვრებისათვის ამ პერიოდში ერთერთი ძირითადი და დამახასიათებელი ნიშანი იყო მუდმივი ხელმოკლეობა. სიღარიბე. მაგრამ აღ. ყაზბეგი ყველაზე ნაკლებად სწორედ თავის პირად მდგომარეობაზე ფიქრობდა. მიუხედავად თავისი ღარიბული ცხოვრებისა, იგი განსაკუთრებულ ნაყოფიერ მოღვაწეობას სწორედ ამ პერიოდში ეწევა.

აღ. ყაზბეგის პირადი ცხოვრების, მისი ხელმოკლეობის შესახებ მეცხრამეტე საუკუნის ოთხმოციან წლებში მეტად საყურადღებო ცნობას იძლევა არტემ ახნაზაროვი. აი რას წერს იგი: „მისი სიცოცხლის ბოლო ხანშიაც-კი, ვიდრე სულით დასნეულდა და სასნეულოში მოათავსეს, ბევრჯელ შევესწრებივარ მთაწმინდაში, სასამართლოს ქუჩაზე, მის ოთახში სანდრო ყაზბეგს, როცა იგი

წერდა ხოლმე. ერთი შაურის რუსულად გამომცხვარ თეთრს პურს იყიდდა ხოლმე. ორის ან სამის შაურის ძეხვს (კალბასს), დაიწყებდა წინ და თან კამდა, თან... თვალებით ქალაღდს ჩასცქეროდა¹.

მოყვანილი ამონაწერი საკმაო წარმოდგენას იძლევა ალ. ყაზბეგის პირადი ცხოვრების შესახებ. მწერალი, რომელიც კმნიდა „მამის მკვლელს“, „ელგუჯას“ და სხვა უკედაჯ თხზულებებს, ნახევრად მშვიერი ცხოვრობდა. მაგრამ ბუმბერაზი ადამიანი სიძნელეების წინაშე ქედს კი არ იხრიდა, არამედ ებრძოდა თავისი დროის უკულმართ სინამდვილეს.

ალექსანდრე ყაზბეგის ცხოვრება-პოლენაწეობა ოთხმოციან წლებში მეტად რთულია და მრავალფეროვანი. ვიდრე ამ შინაარსიან ცხოვრებას დაწვრილებით გავეცნობოდეთ. საჭიროა რამდენიმე სიტყვით მაინც აღინიშნოს დიდი მწერლის ზოგიერთი პირადი დამახასიათებელი ნიშანი.

თანამედროვეთა გადმოცემით, ალ. ყაზბეგი იყო ლამაზი, ვაჟაკურა ტანადობის, იცვამდა ჩერქეზულად. ხასიათით წყნარი, მოსაუბრე ტკბილი და წარმტაცი, მეგობრისათვის თავდადებული, მართალი და პირდაპირი.

გავეცნოთ ზოგიერთ მონაცემებს, რომლებიც ალექსანდრე ყაზბეგის პირად ნიშნებს შეეხებიან.

სოფრომ მგალობლიშვილი, რომელიც ალ. ყაზბეგთან ახლო მეგობრულ ურთიერთობაში იყო, წერს: „სანდრო ხასიათით იყო წყნარი, ტკბილი მოსაუბრე, მეგობრისათვის თავგადასცეცდარი, დიდი მოტრფიალე სამშობლოსი. თავისი ენისა და ერისა. უნდა გენახათ, რანაირად აღფრთოვანდებოდა, თითქოს გაიზრდებოდა, როცა თავისი სამშობლოს სიკეთეს გაიგებდა; თუ გამოჩნდებოდა ვინმე სამწერლო აპარეზზე. როგორ ეაღერსებოდა ვაჟას ლექსებს, რა აღტაცებით იხსენიებდა!“².

დავით კლდიაშვილი თავის მოგონებაში ალ. ყაზბეგის დახასიათებისას წერს: „როცა მაღალი ცეცხლით აენთებოდა სანდრო, იგი უცნაური სანახავეიც იყო და გატაცებული აღელვებული მოლაპარაკე და ამ დროს მისი მნახველი ჩახედებოდა მის დიდ ნიქს და ტალანტს“³.

მხატვრული სიტყვის დიდი ოსტატი, ცნობილი ვასილ ბარნოვი, წერს, რომ მას ალექსანდრე ყაზბეგის საუბარში ატყვევებდა მისი

¹ გაზეთი „ქართული სიტყვა“, 1923 წ., № 4.

² სოფრომ მგალობლიშვილი — „მოგონებანი“, 1938 წ., გვ. 115.

³ დავით კლდიაშვილი — „მემუარები“, 1925 წ., გვ. 45.

გატაცება, თავდავიწყება, მისი „ჯადოსანი სიტყვა ქართული“-
ვასილ ბარნოვი მოგვითხრობს:

„მის საუბარში გატაცება მატყვევებდა მე, თავდავიწყება-
დაიწყებდა რაიმე საგანზედ. აწმყო ცხოვრების თუ წარსულის კაბა-
ღონზედ აღმოჩენილ რამ შემთხვევაზედ და თანდათან ცეცხლს დას-
ძენდა იგი თავის თქმას, ეშხს უმატებდა. ფართოვდებოდა ამბის
არე, გარდიშლებოდა: გარდატეხდა მისი სიტყვა სინამდვილის
რკალს და ნაეარდს უვლიდა, ზე აღვიდოდა; დაიწყებდა ოცნებათა
სანახებში მიმოფრენასა. იფურჩქნებოდა ჯადოსანი სიტყვა ქართუ-
ლი. გარდიშლებოდნენ გონებაში ლანდთა დასები, სიცხოველათ
რომ უდრიდნენ რეალობასა¹.

მოყვანილი დახასიათებები მოკლედ. მაგრამ დამაჯერებლად
გადმოგვცემენ ალექსანდრე ყაზბეგის პირად ნიშნებს: მხატვრუ-
ლი სიტყვის უდიდესი ოსტატი, პირად ცხოვრებაში სადა, ყველა-
სათვის ხელმისაწვდომი და გამგებიანი, წყნარი და ტკბილი მოსაუბ-
რე. მაგრამ მსმენელის მომაჯადოებელი; ხშირად ცეცხლიანი და
ზე აღჰავალი. ადამიანის უდიდესი დამფასებელი. მეგობრისათვის
თავგანწირული. მტერთან პირდაპირი და დაუნდობელი.—ასეთია
ალექსანდრე ყაზბეგის უმთავრესი დამახასიათებელი ნიშნები.

II

ალ. ყაზბეგი თვითმპყრობელური ხელისუფლების წინააღმდეგ
მებრძოლი მწერალი იყო. მან თავის უკედაჯ რომანებში — „მამას
მკვლელი“, „ელგუჯა“, „ელისო“ და სხვა მეფის რუსეთის ხე-
ლისუფლების წინააღმდეგ მებრძოლ გმირთა მთელი გალერეია შექ-
მნა. მაგრამ ალ. ყაზბეგი მეფის თვითმპყრობელობას ებრძოდა არა
მარტო თავისი მხატვრული ნაწარმოებებით, არამედ პირად ცხოვ-
რებაშიაც დაუფარავად აჰყლავებდა თავის მეამბოხე დამოკიდებუ-
ლებას რუსეთის ცარიზმისადმი.

ალ. ყაზბეგის თანამედროვეებში გადმოგვცემენ რამდენიმე
ეპიზოდს, რომლებშიაც ნათლად იგრძნობა დიდი მწერლის პირადი
დამოკიდებულება მეფის თვითმპყრობელობისადმი. ერთერთი
უტყუარი ცნობის მიხედვით, ალ. ყაზბეგმა რუსეთის იმპერატორ
ალექსანდრე მესამის პორტრეტს სიტყვასიტყვით ასეთი წარწერა
გაუტყეთა:

¹ გაზეთი „ქართული სიტყვა“, 1923 წ., № 4.

„დავწვი შენი სამართალი,
შენი კანონდებულება,
შენი აზრი. მოფიქრება,
შენი მირონცხებულება“.

იაგორ ღუღუშაური გვეუბნება, რომ ალ. ყაზბეგმა იმპერატორის ეს პორტრეტი ზემომოყვანილი წარწერით თავის ნათესაგს, გენერალ გიორგი ყაზბეგის ძმას, კოტე ყაზბეგს, მიუტანა. იგი ალექსანდრეს ამ მოქმედებამ გააოცა, შიშის ჟრუანტელმა აიტანა, მაგრამ მევამბოხე მწერალმა ესეც არ აკმარა და თვითმპყრობელი მეფის პორტრეტი ავღუგუშებულ ბუხარში ცეცხლის ალს მისცა შეპდეგი სიტყვებით: დაიწოს თქვენი ჩამომავლობა, თქვენი კანონი, თქვენი მთავრობის ძალაო!“.

ასე ეზიზღებოდა ალ. ყაზბეგს მეფის რუსეთის სახელმწიფო წყობილება და ამიტომაც ებრძოდა მას როგორც მხატვრული შემოქმედებით, ისე მთელი თავისი პირადი არსებით.

1888 წელს თბილისის სემინარიის მოწაფემ, იოსებ ლალიაშვილმა, ხანჯლით მოკლა ამავე სემინარიის რექტორი. მეფის აგენტი ჩუღუცი. ი. ლალიაშვილის მიერ ჩადენილ მკვლელობას ალ. ყაზბეგი დიდის კმაყოფილებით შეხვდა, ხოლო როდესაც „ივერია“ მკვლელის არაქართულობის მტკიცებას შეეცადა, ალექსანდრე მას წინ აღუდგა: თავი უნდა მოგქონდეს, რომ ეს გამბედავი ახალგაზრდა სწორედ ჩვენგან გამოვიდაო. აი რა საინტერესო ცნობას იძლევა ამის შესახებ იაკობ მანსვეტაშვილი.

„როდესაც სემინარიაელმა ლალიაშვილმა სემინარიის რექტორი მოკლა, — წერს ი. მანსვეტაშვილი, — გაზეთ „ივერიაში“ დაბეჭდილი იყო. რომ ეს ლალიაშვილი ქართველი არ ყოფილა. ოსი აღმოჩნდაო. შემოეარდა ჩემთან წერა-კითხვის საზოგადოებაში გაათვრებული ჯანდრო და გაჯავრებულმა მითხრა: „გადაეცი თქვენს ილიას, რომ მაგისტანა სისულელის დაწერა მეორედ აღარ გაბედოს. რად უარყოფთ ლალიაშვილის ქართველობას, პირიქით, თავი უნდა მოგქონდეს. რომ ჩვენგან გამოვიდა გამბედავი ახალგაზრდა, რომელმაც კისერი მოუგრიბა იმას, ვინც ჩვენ ეროვნულ ღირსებას ფეხქვეშ სთელავდა და აფუროთხებდა“².

ასე დაუფარავად ამხელდა ალ. ყაზბეგი თავის დამოკიდებუ-

¹ საქართველოს სახ. მუზეუმის ხელნაწერი, წ.-კ. ფონდი, № 5330.

² ი. მანსვეტაშვილი — „მოგონებანი“, 1936 წ., გვ. 210.

ლებას მეფის რუსეთის რეჟიმისადმი. ასეთი გამოსვლები თვით-მპყრობელობის წინააღმდეგ მას არა ერთი და ორი უნდა ჰქონოდა. ამიტომაც იყო, რომ ალ. ყაზბეგის ბინას ხევში ერთხელ პოლიციაც დაესხა და გაჩხრიკა. ერთერთი თანამედროვეის გადმოცემით, ალექსანდრეს სახლს სრულიად მოულოდნელად დაესხნენ ბოქაული. ეანდარმები და ჩაფრები. მათ ალყა შემოარტყეს ალ. ყაზბეგის ბინას და ჩხრეკა დაიწყეს, მაგრამ მათთვის ხელსაყრელი ვერაფერი იპოვეს და უკან დაბრუნდნენ.

ამ ფაქტის გამო ა. კობახიძე წერს:

„სრულიად მოულოდნელად ალექსანდრე ყაზბეგის სახლს დაესხნენ ბოქაული თავისი ურიაღნიკით, ჩაფრებით და ორი ეანდარმით; სახლს გარს შემოერტყნენ და თავგადაღებით იმის სახლეუბში რაღაცას ეძებდნენ“.

„პოლიციამ და ეანდარმერიამ სანდროს სახლში ვერაფერი იპოვეს მათი ხელსაყრელი, კალუბანსკის ცალკე რამდენიმე პირმა პკოთხა:

— რა იყო მიზეზი სახლის გაჩხრეკისა? — მან შეფიცებათა სთქვა:

— არაფერი არ ვიცი და არას მეუბნებიან. მეც, როგორც პოლიციის პრისტავს, ბრძანება მოპიტანეს ქალაქიდან და გამოვეყვო. ეს გაჩხრეკა ნამდვილად არ მახსოვს რომელს წელში და თვეში მოხდა, მხოლოდ ხალხი იძახოდა: ნეტავი ევ კაცი არაფერში გააბან, ჩვენი თემის ფასი კაცი არი. ყოველს ფერში გამოსადევი და მომხრე ჩვენი ხალხისაო“¹.

მოყვანილი ამონაწერები შექა ჰვენს ალ. ყაზბეგის დამოკიდებულებას მეფის ხელისუფლებისადმი. ივა თვითმპყრობელურ რეჟიმს ებრძოდა არა მარტო მხატვრული ნაწარმოებებით. არამედ თავისი პირადი მოქმედებითაც მისი მოსახლე მტერი იყო. ამ მტრობას მეფის ხელისუფლებისადმი ხშირად პირდაპირ და ჯაუფარავად ამჟღავნებდა. მაგრამ ცარიზმის სუახთან პირობებში შეამბოხე მწერალს გულისნადების მთლიანად გამოაშკარაებდა. რასაკვირველია, არ შეეძლო. მის ხელნაწერებში შემონახულია მთელი რივი ლექსები და ნაწყვეტები, რომელთა გამოქვეყნებას იგი იმ დროს ვერ ახერხებდა. ამ მხრივ განსაკუთრებით საყურადღებოა ალექსანდრე ყაზბეგის ლექსი ცნობილი შამილის შესახებ.

რუსეთის ცარიზმის წინააღმდეგ მეტრობლი სახალხო გმირის სახე მწერალს უდიდესი სიმპატიით აქვს წარმოდგენილი. „შენ შეასრულე დანიშნულება და დამტკიცე მთისა შეილობაო“ — მიმართავს.

¹ გაზეთი „ქართული სიტყვა“, 1924 წ., № 9.

მწერალი შამილს და სჯერა, რომ მომავალშიაც გამოჩნდებიან გვირგები, რომლებიც თავგანწირვით იბრძობენ თავისუფლებისათვის.

ცნობილია, რომ ალ. ყაზბეგი თავის რომანებში დიდის სიმბატიით გვიხატავს შამილს და ეს ლექსიც ამ სიყვარულს ამჟღავნებს. ჰავრამ ეს ლექსი არ არის უბრალო მიძღვნა შამილისადმი, აქ გარკვევით იგონება თვით ალ. ყაზბეგის დამოკიდებულება თავისი დროის პოლიტიკური წყობისა და მომავალი თავისუფლებისადმი.

აი ეს ლექსიც:

შ ა მ ი ლ ს

„შამილ, შენს აჩრდილს მე მოწიწებით
ვუვზავნი სალამს თანაგრძობისას.
შენ შეასრულე დანიშნულება
და დაამტკიცე მთისა შვილობა.
შენ დაამტკიცე, რომ მთის შვილები
ბრძანების ქვეშა ვერ ხერხდებიან
და ყველა ძალის დატანებასა
ყოველთვის წინა აღუდგებიან.
ყველა, ვინც გინდა, თუნდ ბავშვი იყოს,
საჭირო დღესა გალომდებიან,
თავის მამულის სახელისათვის
თავშეუწყალოდ იხოცებიან.
თუ რომ ამ დროში ჩუმად არიან,
მისთვისა, რომა ემზადებიან,
ნახავთ ერთ დღესა რა რიგს ღვთის რისხვად
.....თავზედა დაესხმებიან“¹.

ასე უყვარდა ალექსანდრე ყაზბეგს თვითმპყრობელობის წინააღმდეგ მებრძოლი გმირები, ასე ჰჯეროდა ხალხის მომავალი თავისუფლება.

III

1881 წელს გაზეთ „დროებაში“ იბეჭდება ალ. ყაზბეგის უკუდავი რომანი „ელგუჯა“. მას ზედიზედ მოჰყვებიან „მამის მკვლელი“, „ნამწყემსარის მოგონებანი“ და სხვები.

¹ საქართველოს სახ. მუზეუმის ხელნაწერი, წ.-კ. ფონდი, № 3985.

უკანასკნელ სტრიქონში სიტყვის გამოტობა საცენზურა პირობებით აიხსნა.

ამვე ხანებში სცენაზე იდგმება ალ. ყაზბეგის გმირობით, ვაჟ-
კაცობითა და მხნეობით აღსავსე პიესა „არსენა“.

ალ. ყაზბეგის, როგორც მხატვრული სიტყვის დიდი ოსტატის, სახელი ჩქარა საყოველთაოდ ცნობილი შექნა. ხალხი მის ყოველ ახალ ნაწარმოებს ჰოელის, მან მკითხველთა უდიდესი წრე გაიჩინა. როგორც ირკვევა, ალ. ყაზბეგს თავიანთი მკითხველებისაგან ხშირად პირადი ხასიათის წერილებიც მოუდიოდა. სამწუხაროდ. ასეთ წერილებს ჩვენამდის ყველას არ მოუღწევია. გადარჩენილია მხოლოდ ზოგიერთი ამთავანი. ეს წერილები და სხვა ცნობები, რომლებიც ჩვენამდის მოღწეულა, უდაოდ საინტერესო მასალაა: მათში გარკვევით ამოიკითხება ის გავლენა, რომელსაც ახდენდა მწერალი თავისი ეპოქის მკითხველთა ფართო წრეებზე.

ალექსანდრე ყაზბეგის მასალებში დაცულია გაზეთ „დროების“ რამდენიმე ნომერი, რომლებშიაც რომანი „ელგუჯას“ იბეჭდებოდა. „დროების“ ეს ნომრები ხელთ ჰქონია ცნობილ პოეტს გრიგოლ ორბელიანს. გაზეთის თავიანთფალ არეებზე გრ. ორბელიანის მიერ გაკეთებულია რამდენიმე წარწერა, რომლითაც გასაგები ხდება ის შთაბეჭდილება, რომელიც მოუხდენია ნიჭიერ პოეტზე „ელგუჯას“ წაკითხვას.

გრ. ორბელიანი, თანამედროვეთა გადმოცემით, მეტად მკაცრი დამფასებელი იყო, და აი ეს მკაცრი დამფასებელი ალექსანდრე ყაზბეგის „ელგუჯას“ წაკითხვის გამო გაზეთის არეებზე ასეთ წარწერებს აკეთებს: „ძალიან კარგია“, „მშვენიერებაა“, „დიდად მიამა“, „ქართველ ომიროს არს. შაბაშ!“ და ბოლოს წერს: „ღმერთმა გაკურთხოს. მოჩხუბარიძეც, იმ გულის დატკბობისათვის, რომელიცა მომეცა ამ მოთხრობის წაკითხვის ქაშა. ჯერ ქართულს ენაზედ მსგავსი არა დაწერილა-რა“¹

ამ მინაწერებიდან გარკვევით იგრძნობა მგრძნობიარე პოეტის აღმაფრენა და მისი გულწრფელი დამოკიდებულება ალექსანდრე ყაზბეგისადმი. მაგრამ გრ. ორბელიანი ერთადერთი არ ყოფილა. ანალოგიური შეფასება ალ. ყაზბეგის ნაწარმოებებს არაერთხელ მიუღია. ამის შესახებ პირდაპირ მეტყველებენ ის პირადი მიმოწერები, რომლებიც გენიალური მწერლის არქივში ინახება.

1884 წლის დამდეგს ჟურნალ „ივერიაში“ იბეჭდება ალექსანდრე ყაზბეგის ცნობილი რომანი „განკიცხული“. ამ ნაწარმოებს უდიდესი გავლენა მოუხდენია მკითხველთა ფართო მასაზე. ამ გავლენას პირდაპირ ადასტურებენ ის მცირერიცხოვანი მასალებიც კი, რომლებიც ჩვენამდის მოღწეულა.

¹ დავით კარიკაშვილი — „ალექსანდრე ყაზბეგის ბიოგრაფია“.

ალექსანდრე ყაზბეგის არქივში დაცულია ცნობილი მწერლის დავით კლდიაშვილის პირადი წერილი ალექსანდრესადმი, იგი ქება-დღეებით ამკობს „განკიცხულის“ ავტორს. დ. კლდიაშვილი ალტაცუბაში მოჰყავს ამ რომანს, ალ. ყაზბეგის უსაზღვრო პოეტურ ალღოს და შესაძლებლობას. „მე ალტაცებულის სიხარულით წავიკითხე ეს მწვენიერი ფურცლები“ — სწერს იგი. დავით კლდიაშვილი თავის წერალში, რომელიც ალ. ყაზბეგისადმი უანგარო სიყვარულით არის აღნაგესე, „განკიცხულის“ ავტორს პირდაპირ სწერს: „ვაუშარჯოს „განკიცხულს“, „გაუშარჯოს მის დამწერს, მრავალქამიერ! მრავალქამიერ!“.

ქურონალი „ივერიას“ 1884 წლის მესამე ნომერში „განკიცხულის“ უკანასკნელი ნაწილები დაიბეჭდა. აქ მოხვდა რომანის XIV და XV თავები, რომლებიც გამოტოვებულია და ქურონალის სქოლორში ავტორს მიერ გაკეთებული აქვს ასეთი შენიშვნა: ამ ორს თავს ვატოვებთ. რადგანაც მათი დაბეჭდვა ამჟამად მოუხერხებლად მიგეჩნია“.

დ. კლდიაშვილი თავის წერილში დაბეჯითებით სთხოვს ალ. ყაზბეგს, რომ მან აცნობოს ამ თავების შინაარსიც. დ. კლდიაშვილის ეს წერილი დათარიღებულია 1884 წლის 14 აპრილით და გამოვხვენილია ბათუმიდან. მიუხედავად იმისა, რომ წერილი პირადი ხასიათისაა, იგი მეტად საინტერესო დოკუმენტია. მას მნიშვნელობა აქვს როგორც ალექსანდრე ყაზბეგის, აგრეთვე თვით დ. კლდიაშვილის ცხოვრება-შემოქმედების გათვალისწინებისათვის. წერილი მნიშვნელოვანია დ. კლდიაშვილის შემოქმედებითი მრწამსის გაგების თვალსაზრისითაც.

ალ. ყაზბეგისადმი მიწერილი ეს კერძო წერილი იმდენად საყურადღებოა, რომ ზედმეტი არ იქნება მისი მთლიანად გაცნობა. დავით კლდიაშვილი სწერს:

„დიდად პატივცემულო ალექსანდრე მიხეილის-ძევ!

სულით და გულით მოგესალმები! თქვენი „განკიცხული“ მშვენიერებაა. რომელიც ყოველივე ჩვენგანს, ქართველს, გვაძლევს უფლებას თვითკმაყოფილებით ვთქვათ: „ჩვენთვის ყოველივე არ მომკვდარა, ჩვენ ისევ ვცოცხლობთ და კვლავ დიდხანს ვიცოცხლებთ!“ მე ალტაცებულის სიხარულით წავიკითხე ეს მშვენიერი ფურცლები. რამდენი ნაცნობი სოფიო წარმოსდგა ჩემ თვალთა წინაშე? რამდენი ჩაგრული, გაწამებული მარი აღსდგა ჩემს მესხაიერებაში!

„თქვენი მარი, სხვათაშორის, უფრო ბედნიერია სხვა მის

ბედში მყოფთა შორის. ბევრი მათგანი სრულიად გარიყული რჩე-
 ზიან ცხოვრებიდან, ისე იქცევიან უსიტყვო მანქანებად რეგვენ
 მტარვალების აუტანელ ავტორიტეტის ქვეშ. თქვენი მარი ძლიერია
 სულთ, მას რამდენადაც ძალუძს იბრძვის. თუმცა ყველა ბრძოლ-
 ბიდან დამარცხებული რჩება, მაგრამ მასში არის ძლიერი სული,
 რომელიც ვერ თავსდება იმ ვიწრო ჩარჩოებში, რომელშიაც ის
 უნდათ ჩაჰქედონ. დილაც ქართველ ქალს; მით უფრო რომ ის
 აწალო თაობის ქალია, არ შეეძლო გამხდარიყო ეგოისტ სოფიოს
 მონა-მორჩილა. ეს უგულო. უზნეო დედაკაცი ვერ დაიმორჩილებს
 თავის დღეში ვერც ერთ მარის, როდესაც ამ უკანასკნელს ამისთანა
 მომხრე ყავს, როგორც ლევანი; პატიოსანი, კვეიანი, პრინციპის
 კაცი. — ლევანი ყოველთვის იქნება მფარველი სუბტის ძალის მა-
 რის. მე ვგონებ, რომ ჩვენი ახალგაზრდობა ძალიან დავალებულია
 მწერლისაგან, რომელმან დახატა იმეთი ტიპები, როგორც ლევანი
 და მარი. ღმერთმა ქნას, რომ ეს ვალი კიდევ გადიდდეს, ყოველ
 წლივ გვემატებოდეს მაგნაირი ვალები! დაე გულზედ გასკდნენ სო-
 ფიო და პორფირუშკა, რომ მათი ვინაობა დაუფარავად გამოააშ-
 კარავეს. რომ პირველის უკიდურესი, უსაზღვრო ეგოიზმი, გარ-
 ყვნილობა, უგულობა ისე ცხადი შეიქნა; მეორემ თავისი დღე ინა-
 ნოს, რომ ქვეყანამ შეიტყო (ამისი ხომ ეშინოდა) მისი უხასიათობა,
 მისი სიმდაბლე, მისი ტვინთხელობა. მე გამახსენდა ან. ფურცელაძის
 „ვაი მართალთა“. მას რაღა ისევე თემა აქვს, რაც „განკიცხულსა“, მა-
 გრამ ხელობა. ხელობა და ხელობა... საღ „ვაი მართალთა“, საღ „განკი-
 ცხული“?!... ნაკეთობამ, დაქიმულობამ, არაბუნებრიობამ გააფუჭეს
 ყოველივე „ვაი მართალში“. დიად, მხატვრულობა, ნატურისადმი
 ერთგულება — აი რის გარეშეც არაფრად არ ვარგა ლიტერატურუ-
 ლი ნაწარმოები. აი სწორედ ამ მხატვრულობით, რეალობით და
 ტიპიურობით გვიტაცებს „განკიცხული“. გაუმარჯოს „განკი-
 ცხულს“, გაუმარჯოს მის დამწერს, მრავალყამიერ, მრავალყამიერ!!!

„ალექსანდრე მიხეილისა-ძვე, გთხოვთ უარს ნუ მეტყვიით და
 მაცნობეთ ორი გამოტოვებული თავის შინაარსი¹. იმედი მაქვს
 უარს არ მეტყვიით; იმედი მაქვს, რომ ნათაძის სახელზედ. ან პირ-
 დიპირ ჩემ სახელზედ მოვა წერილი. რომელიც დააბოლოვებს იმ
 აღმოუფხვრელ შთაბეჭდილებას, რომელიც მოახდინა ჩემზედ
 და სწვებზედ აქაურებზედ „განკიცხულმა“. თუ არ გეწყინებათ,

¹ ლაპარაკია „განკიცხულის“ XIV—XV თავების შესახებ, რომლებიც არ
 დაბეჭდილა. — ა. მ.

ამასაც მოგახსენებთ. რომ თქვენს ნაწერებში, რომლებიც მე თითქმის ყველა წაკითხული მაქვს, ერთი ვერ აჯობებს „განკიცხულს“. „განკიცხული“ ჭეშმარიტად წმინდა თხზულებაა უმაღლესი მხატვრობისა, წმინდა ხელოვნებისა; ღმერთმა ქმნას, რომ ამისთანა თხზულებები ხშირად ჩნდებოდნენ ჩვენს ლიტერატურაში. უფალმა გააძლიეროს ყოველი მარჯვენა, რომელი ესრე ასაჩუქრებს თავის ჭეყანას.

„თუ თხოვნას ამისრულებთ და ისრე დამავალებთ, რომ შემატყობინებთ იმ ორ გამოშვებულ თავების შინაარსს, ძლიერ მადლობელი ვიქნები. ჩემი ადრესი „ივერიის“ რედაქციაშია. შეგიძლიანთ დაწერილი ჩადოთ „ივერიის“ ჩემს ნომერში და ისრე გამოგზავნოთ. სულით და გულით ველი და დარწმუნებული ვარ, რომ უარს არ მივიღებ“.

ვშთები თქვენი შარადის პატევცემელი
და ვ ი თ კ ლ დ ი ა შ ვ ი ლ ი ¹.

ასეთია ის წერილი, რომელიც დ. კლდიაშვილმა მისწერა ალ. ყაზბეგს რომან „განკიცხულის“ გამოქვეყნების გამო. მოყვანილი სტრიქონები, რომლებიც ცნობილი მწერლის კალამს ეკუთვნის, შუქს ჰფენს იმ დიდ გავლენას, რომელსაც ახდენდა ალ. ყაზბეგის მხატვრული ნაწარმოებები საერთოდ, კერძოდ კი „განკიცხული“.

დავით კლდიაშვილის ამ წერილით ალექსანდრე ყაზბეგი დიდად კმაყოფილი გამხდარა და საპასუხო წერილიც მიუწერია. იგივე დავით კლდიაშვილი თავის მოგონებებში ამის შეახებ წერს:

„ალტაცებულმა მისი მოთხრობის „განკიცხულის“ წაკითხვით მე მივსწერე წერილი და სანდროსაგან მივიღე მაგიერი, რომელშიც იგი მწერდა: ნეტავი შენისთანა თანამგრძნობი შემატებულად მყავდესო; ბევრი ისე მექცევა, თითქო არც კი ღირდეს ჩემი ნაწერის წაკითხვაო. რაჟსაკვირველია, თბილისში ისეთებიც ჰყავდა სანდროს, რომლებიც დიდად აფასებდენ და ხელს უწყობდენ მას ლატაკ ცხოვრებაში. დიდად ემადლიერებოდა ვანო მაჩაბელს; დიდის სიყვარულით იხსენიებდა ილია ჭავჭავაძეს“¹².

ასეთია ალ. ყაზბეგის რომანის „განკიცხულის“ დაბეჭდვასთან დაკავშირებული პირველი შთაბეჭდილებები, ასე დიდ გავლენას ახდენდნენ მისი ნაწერები.

¹ საქართველოს სახ. მუზეუმის ხელნაწერი, წ.-კ. ფონდი, № 3978.

² დავით კლდიაშვილი — „მემუარები“, 1925 წ., გვ. 46.

1887 წლის დამდეგს ალ. ყაზბეგს მოსკოვიდან წერილს სწერს იმ ხანად ახალგაზრდა ისტუდენტი, ხოლო შემდგომ ცნობილი მეცნიერი ალექსანდრე ზახანაშვილი. როგორც წერილიდან ირკვევა, ახალგაზრდა ალ. ზახანაშვილი ადრევე დაინტერესებულა ალ. ყაზბეგის მხატვრული შემოქმედებით. ეს დაინტერესება იმდენად დიდი ყოფილა, რომ მას გადაუწყვეტია ალ. ყაზბეგის თხზულებებზე დაყრდნობით მოსკოვის უნივერსიტეტში რეფერატი წაეკითხა. რეფერატს დამუშავების დროს საჭიროდ დაუნახავს მიემართა ისევ ალ. ყაზბეგისათვის, როგორც მოხევეთა ზედმიწევნით მცოდნისათვის, მთელი რიგი დამატებითი მასალების მისაღებად. ეს პირადი წერილიც უმთავრესად ამ მიზანს ემსახურება.

ალ. ზახანაშვილის ეს წერილი უდაოდ საინტერესო მასალაა როგორც ალ. ყაზბეგის ბიოგრაფიისათვის, აგრეთვე თვით ალ. ზახანაშვილის იმდროინდელ მისწრაფებათა გასათვალისწინებლად. ალ. ზახანაშვილი სწერდა:

„პატივცემულო ბატონო ალექსანდრე! პროფესორი მილლერი¹ მონდობილობით მე, თქვენთვის უცნობი კაცი, ვამზადებ რეფერატს „მოზევეებზედ“ თქვენის თხზულებების შემწობით. ბოდიშს ვიხდი, რომ ამაზედ თქვენ წინდაწინვე ნება არ გთხოვეთ. ბოდიშთან ვკადნიერდები და მოგმართავთ შემდეგს თხოვნით: თუ თქვენთვის ძნელი არ იქნება და არ შეგაწუხებთ, რაც დაეტევოდეს ერთს ფოსტის ქალაღზედ, მაცნობოთ ცნობები აი ამ კითხვებზედ: 1. გეოგრაფიული საზღვრები და მდებარეობა; 2. რიცხვი მოხევეთა; 3. სარწმუნოება; 4. ზნე-ჩვეულებანი; 5. აქვთ, თუ არა შკოლები; 6. რა უფლებანი ჰქონდა და ან შერჩა თემს; 7. საერთო მიწის მფლობელობაა, თუ საკუთრებათაც აქვთ დაყოფილი; 8. ზენათესვას მისდევენ?

„სამუდამოდ დამავალბთ, თუ არ დაიშურებთ დროს ამ კითხვებზედ პასუხის მოსაცემად. გარდა ამისა ამ წინაზედ წერილით გთხოვეთ, თქვენი ბიოგრაფიული ცნობები შეგეტყობინებინათ. შეიძლება წერილი დაიკარგა. ჟურნალმა „Русская мысль“ მოხოვა, რამე გადამეთარგმნა რუსულად; მე თქვენ „ელისა“ ვარჩიე, რადგანაც ხელთა მქონდა. ამ თარგმანს ვამზადებ და ამიტომ გთხოვეთ კიდევ გეაცნობოთ, როდის დაიწყეთ წერა, სად

მიიღეთ განათლება და სხვა... „ელისოს“ არ დავბეჭდავთ, ვიდრე თქვენგანით ნება არ მოგვივა.

თქვენი ბედნიერების მოსურნე
ალექსანდრე ზახანოვი¹.

მოყვანილი წერილი პირდაპირ მიუთითებს ალ. ხახანაშვილის დაინტერესებაზე ალ. ყაზბეგის შემოქმედებით და მოხვევთა ცხოვრებას შეაწავლით. მაგრამ აქ ერთი მომენტიც საინტერესოა. ახალგაზრდა სტუდენტი წერილსა სწერს და დავალებას აძლევს ცნობილ მწერალს. უდიდესი სახელის ადამიანს. ეს უბრალო საქმე არ იყო, და ამიტომაც არის. რომ ალ. ხახანაშვილის წერილს თან ახლავს ალ. ყაზბეგის ერთერთი ნაცნობის, თბილისის საქალაქო სკოლის მასწავლებლის, გრ. პაპიტაშვილის საჩუქრულად წერილიც.

გრ. პაპიტაშვილი ალ. ყაზბეგს სთხოვს, რომ მან (ალ. ყაზბეგმა) როგორმე უპასუხოს ალ. ხახანაშვილს და მისცეს საჭირო ცნობები რეფერატის დასაწერად. უნდა ერთი-ორი საათი მაჩუქოთ და უმორჩილესი თხოვნა აასრულოთო, სწერდა იგი. მოხვევთა ცხოვრება ყველამ კარგად როდი იცოდა. ერთერთი მოღვაწე, რომელიც ზედმიწევნით იცნობდა მათი ყოფის ყოველ დეტალს, ალექსანდრე ყაზბეგი იყო. ამიტომაც არის, რომ გრ. პაპიტაშვილი თავის წერილში ალექსანდრეს გულწრფელად სწერს: „ბევრი ვიტრიალე და ისევ თქვენ მოგმართეთ, როგორც იმ ზალხის ჯიგარში ჩახედებულს და სრულს მცოდნეს. ვიცი თქვენი გულის ამბავი, არ დაიზარებთ და მალე მომწერთ“.

ალექსანდრე ყაზბეგმა ეს წერილები მიიღო და, როგორც ჩანს, მათ დიდის გულისხმიერებითაც მოეპყრო. მისთვის გასაგები იყო ის გატაცება, რომლითაც ალ. ხახანაშვილი ალ. ყაზბეგსა და მის მშობლიურ ხევს ეკიდებოდა.

ალ. ყაზბეგს მიღებულ წერილზე მეტად ვრცლად და მართლაც დაუზარებლად უპასუხნია. მწერლის არქივში დაცულია დედანი იმ წერილისა, რომელიც მას ალ. ხახანაშვილისათვის გაუგზავნია. ალ. ყაზბეგი თავის პასუხში ფართოდ ეხება იმ საკითხებს, რომლების შესახებ მას განმარტებას სთხოვდნენ. წერილი მეტად მნიშვნელოვანია, იგი ეხება მოხვევთა ყოფა-ცხოვრებას, მათს ეკონომიურ მდგომარეობას. ზნეჩვეულებას და სხვა მთელ რიგ საინტერესო მომენტებს.

¹ საქართველოს სახ. მუზეუმის ხელნაწერი, წ.-კ. ფონდი, № 3978.

ალექსანდრე ყაზბეგი ოთხმოციან წლებში მართლაც არაჩვეულებრივად ნაყოფიერ სამწერლო მოღვაწეობას ეწევა. 1881 — 1885 წლებში ზედიზედ იბეჭდება მისი რომანები: „ელგუჯა“, „მამის მკვლელი“, „განკიცხული“, „ელისო“, „ხევის ბერი გოჩა“, „მოდღარა“ და სხვა მრავალი.

მწერლის თანამედროვეები დავით კლდიაშვილი, სოფრომ მგალობლოშვილი, დავით მესხი, პ. ცხვილოელი. არტემ ახნაზაროვი და სხვები ერთხმად ადასტურებენ, რომ იგი წერდა მთელი თავიანი გატაცებითა და ნაყოფიერებით. ალექსანდრე ყაზბეგისათვის წერა იყო მოთხოვნილება. რომელსაც იგი ვერაფრით ვერ შეეცვლიდა.

ალექსანდრე ყაზბეგმა სულ რაღაც აუთი წლის განმავლობაში უამრავი ნაწარმოები გამოაქვეყნა, მისი ნაწერები მკითხველთა უფართოეს მასებს ეფინებოდა, მწერლის ავტორიტეტი დღითიდღე იზრდებოდა. ალ. ყაზბეგს უთვალავი მომხრე ჰყავდა. მაგრამ ს.კიროა ვიცოდეთ, რომ ამავე დროს მას მოწინააღმდეგეებიც არ აკლდა. იყო ერთი ჯგუფი, რომელსაც გენიალურ მწერალს სათანადოდ ვერ აფასებდა და მათი სითამამე ზოგჯერ იქამდისაც კი მიდიოდა, რომ ისინი ალ. ყაზბეგის საწინააღმდეგო წერილებს გაზეთის ფურცლებზედაც ათავსებდნენ.

ალ. ყაზბეგისადმი ზოგიერთი თანამედროვის არაგულწრფელი დამოკიდებულების შეჩაბებ საინტერესო ცნობას გვაძლევს დავით კლდიაშვილი. იგი წერს: „ბევრი უსამართლოდ ექცეოდა სანდროს და ხანდახან ცხარე ცრემლითაც ატირებდნენ მას. ერთხელ „დროებაში“ საოცარი ენით გალანძდა იგი. მიწასთან გაასწორა, რომ იტყვიან, როგორც პიროვნება, როგორც მწერალი. — ილია ხონელმა, ძლივს დავაწყენარეთ საწყალო, ტირილი რომ აუტყდა ფელეტონის წაკითხვის შემდეგ.“

„ალბად ვანო მაჩაბელი არ არის თბილისში. — ის არ მისცემდა ნებას ასე რიგად გაველანძღე ხონელს. დღეს მლანძღავენ, მიწასთან მასწორებენ ზოგიერთნი, მაგრამ მე მწამს, რომ მოვა ისეთი დრო, როცა ჩემს სახელს სხვანაირად ახევენბენ, სთქვა სანდრომ. ეს იყო ღრმა რწმენა და მით ნუგეშობდა იგი¹.“

ასეთი იყო ზოგიერთი თანამედროვის მოპყრობა გენიალური მწერლისადმი. ეს არაკეთილსინდისიერი დამოკიდებულება მისდამი

¹ დავით კლდიაშვილი — „მეუთარება“, 1925 წ., გვ. 46.

აღ. ყაზბეგს უქმნიდა გარკვეულ წინააღმდეგობას, რომელთა გადალახვა მწერლისაგან ენერგიულ ბრძოლას მოითხოვდა.

ალექსანდრე ყაზბეგის ცხოვრება-მოღვაწეობისათვის დამახასიათებელ მომენტად მოიხანს მუდმივი ბრძოლა წინააღმდეგობებთან. შეიძლება გადაჭრით ითქვას, რომ იგი ამ წინააღმდეგობებთან ბრძოლაში დაეჯეკა. აღ. ყაზბეგის სასახელოდ უნდა ითქვას, რომ იგი ამ ბრძოლაში უკან არასოდეს არ იხევდა. ჩვენ უემოთ გავეცანით ერთ ამონაწერს, რომელშიაც აღ. ყაზბეგი გვეუბნება, რომ იგი წინააღმდეგობათა გრეხილში კი არ იბნეოდა, არამედ მტკიცედ მიჰყვებოდა არჩეული მიზნის განხორციელებას. იგივე უნდა ითქვას იმ წინააღმდეგობაზეც, რომელიც დიდ მწერალს ფართო საზოგადოებრივი მოღვაწეობის ასპარეზზე ზედებოდა ოთხმოციან წლებში.

იმ დროს, როდესაც აღ. ყაზბეგის სახელს მთელი ქართველი ხალხი დიდების შარავანდედით მოსავდა, იონა მეუნარგია გაზეთ „ივერიის“ ფურცლებზე აღ. ყაზბეგის საწინააღმდეგო წერილების გამოქვეყნებას ახერხებდა. 1886 წელს თავის წერილში, — „მოდღვარის გამო“ — ი. მეუნარგია აღ. ყაზბეგის „მოდღვარს“ იწუნებდა. იგი, დიდი მწერლის მხატვრულ შემოქმედებას აცლიდა რა ფართო ეროვნულ შინაარსს, ცდილობდა, რომ აღ. ყაზბეგის თხზულებები ვაწრო კუთხური ზღუდეებით შემოეფარგლა. ი. მეუნარგია წერდა, მოჩხუბარიძის ნაწერების ტერიტორია ლარსში იწყება და დუშეთში თავდებაო.

ი. მეუნარგია ალექსანდრე ყაზბეგის რომანების შესახებ წერდა: „ერთი და იგივე საგანი, რომელსაც მოჩხუბარიძემ ექვსი თუ შვიდი თავისი მოთხრობები შესწირა, შეიძლება თუ არა გაუხდეს იმას მასალად შემდეგის მოთხრობებისათვის? „ელგუჯა“, „მამის მკვლელი“, „ელასო“, „მოდღვარი“ სულ ერთი და იგივე თხზულებაა, რომელსაც ერთიდაიგივე ნაქსოვი აქვს, ერთიდაიგივე ლიტერატურული ძვალი და რბილი“.

შემდეგ იონა მეუნარგიას გამბედაობა იქამდის მივიდა, რომ იგი წერდა: „არა მგონი, რომ იმან (ე. ი. ალექსანდრე ყაზბეგმა — ა. მ.) შეძლოს ან ფსიქოლოგიური რომანის დაწერა, ან სხვადასხვა სამოქალაქო და საზოგადო მოტივებზე აგებულ პოთხრობების შედგენა“¹.

მოყვანილი სტრიქონები, რასაკვირველია, ოდნავადაც სწორად არ გადმოსცემს აღ. ყაზბეგის რომანების ნამდვილ ღირსებას, ეს

¹ გაზეთი „ივერია“, 1886 წ., № 91.

არის ცილისწამება დიდი მწერლისადმი. მეუნარგიას ეს არაკეთილ-სინდისიერი დამოკიდებულება ალ. ყაზბეგისადმი აღმოცენებულია პირად ანგარიშებზე. მათ პირადი უთანხმოება ჰქონდათ. მაგრამ სამწუხარო ის არის, რომ ალ. ყაზბეგის მოწინააღმდეგეებს (იონა მეუნარგია, ილია ხონელი და სხვ.) პირადი ღვარძლი გაზეთის ფურცლებზე გამოჰქონდათ, ხალხის საყვარელ მწერალს თავიანთი ფელეტონების საგნად აქცევდნენ. მის დიდ სახელს ჩრდილის მიყენებას უპირებდნენ. ისინი საგანგებოდ დაეძებდნენ მიზეზს, რომ ალ. ყაზბეგის შესახებ ელაპარაკნათ პრესაში თუ ვიწრო წრეებში.

მოწინააღმდეგეთა ქცევით გაბეზრებული ალ. ყაზბეგი ერთ ადგილას ამბობს:

„საკვირველს ბედზედა ვარ გაჩენილი. ღმერთმა იცოდეს!.. არ ვიცი, რა ვარსკვლავი მიშუქებდა იმ დღეს. რომელი იმ ღმერთს-განი თანაგრძნობის და რომელი უთანაგრძნობის სხივითა ჰფენს ჩემს მომავალს. სადაც რა უნდა მოხდეს. სადაც რა რაგს უკუღმართობაზედ უნდა დაუტრიალდეს ვისმე ბედის ჩაღბი, სადაც უნდა ცოფმორეული, დაბნედიანებული ხალხს საკებნად ექანებოდეს, უეჭველად მე შიგ ჩარეული უნდა შევიქნა!... უეჭველად უნდა აღიჭურვინენ ჩემს წინააღმდეგ სხვადასხვა ზარისხის და ღირსების გმირნი, ჩემზედ უნდა სცადონ თავიანთი კუქამახვილობის მკრელობა, თავიანთი ხუმარ-მასხრობის ფხიანობა და ყველა მათგანი ცდილობს, უეჭველს თავის მოვალეობად ხდის ცოცხალივე მიწაში ჩაფლას, თუნდა თავის მოქმედების მიზეზად საბუთიც-კი არა ჰქონდეს!.. ასე რომ მე რომ „ალთას“ ვიმყოფებოდე და რომელიმე ფხუქუნაძეს „ბალთაში“ ცხვირი დააცემონო, მე უნდა დამბრალდეს ეს უბედური შემთხვევა!.. უნდა ჩემს წინააღმდეგ გამოირაზმონ და გამოილაშქრონ ყველა“¹.

ასე მწვავედ განიცდიდა ალექსანდრე ყაზბეგი მისდამი ზოგიერთი თანამედროვის დამოკიდებულებას. იგი თითონვე კარგად გრძნობდა მათ შეცდომას. მაგრამ დიდი მწერალი ამით სასოწარკვეთილებაში კი არ ვარდებოდა, არამედ წინ იხედებოდა.

დავით კლდიაშვილი ისრულიად სამართლიანად აღნიშნავს, რომ ალ. ყაზბეგი მომავლით ნუგეშობდა, იგი გრძნობდა. რომ მომავალი მის სახელს დიდების შარავანდელით შემოსავდა. დავით კლდიაშვილის ეს სიტყვები მთლიანად დასტურდება ალ. ყაზბეგის არქივში დაცული მასალების საფუძველზე. ალ. ყაზბეგი თავის მოწინააღმდეგეებს

¹ საქართველოს სახ. მუზეუმის ხელნაწერი. წ.-კ. ფონდი. № 3987.

ხშირად გაზეთის ფურცლებზედვე პასუხობდა, მაგრამ ზოგჯერ მათ. ლიტყვებს თავის ქაღალდებში ინიშნავდა, პასუხს უწერდა და თავისასვე არქივში ინახავდა. ასეთი ჩანაწერები და შენიშვნები მის ხელნაწერებში უხვად მოიპოვება. მწერლის არქივში დაცულია ერთი დიდი წერილი, რომელიც მას იონა მეუნარგიას საპასუხოდ დაუწერია.

აღ. ყაზბეგი თავის წერილში გამანადგურებელ პასუხს სცემს თავის მოწინააღმდეგეებს. იგი თავის მოწინააღმდეგეთა გასაგონად წმამალა ამბობს: „მე მყავს ჩემი საზოგადოება და ჩვენ მივხვდით ერთმანეთის გრძნობას, ერთმანეთის გულის ძგერას, ჩვენ გავიგონეთ ერთმანეთის კენესა და ხმები დიდი ზანია რაც შევაწყეთ. ერთი გვაქვს სიხარული და ერთივე სამგლოვიარო“¹.

გენიალურ მწერალს თავისი შრომის დამფასებლად ფართო მასები მიაჩნია. აღ. ყაზბეგის რწმენით, მწერალი ხალხის შვილია, ხოლო მწერლის შრომის ყველაზე კარგი დამფასებელი ხალხია. ეს აზრი აღ. ყაზბეგს სხვა ადგილასაც აქვს განვითარებული. „საზოგადოებაში, — წერს იგი, — დაინახა ჩემი სინდისიერი წადილი სამსახურისა და მან იგრძნო, რომ თუ მე დაუფასებელის და გენიოსის ნიქის ნაწარმოებს ვერ ვაძლევ, მის მაგიერ მათ ვაძლევ ყველას, რაცა მაქვს და რაიაც მიცემის ნებას საშუალება და მდგომარეობა მაძლევს. ხალხი გონიერია და ისინი ინსტიტუტურად უფრო აშკარად ხედავენ სინდისიერს შრომას, სანამ ეხლანდელი ჩვენი ვითომც კრიტიკოსები“².

ამრიგად, ალექსანდრე ყაზბეგი გარკვევით გრძნობდა, რომ მას მკითხველთა უდიდესი უმრავლესობა პატივს სცემდა, იგი უყვარდათ და აფასებდნენ, რადგანაც თვითონ მთელი თავისი მოწოდებით ზალხის საქმეს ემსახურებოდა. მას მოწინააღმდეგეებიც ჰყავდა, იგი თავისი ცხოვრება-მოღვაწეობის მანძილზე მთელ რიგ სიძნელეებს ხედებოდა, მაგრამ სიძნელეებს ებრძოდა და სძლევდა კიდევ. აღ. ყაზბეგი ამ ბრძოლაში იზრდებოდა და იწრთობოდა.

ალექსანდრე ყაზბეგის წერილი ი. მეუნარგიას მიმართ სხვა მხრიავეც საყურადღებოა. კერძოდ, არ შეიძლება განსაკუთრებულ ინტერესს არ იწვევდეს ის აზრები და დებულებები, რომლებიც შუქს ჰფენენ დიდი მწერლის მხატვრულ-შემოქმედებით მეთოდს.

ი. მეუნარგია თავის წერილში „მოძღვარის“ გამო ალექსან-

¹ საქართველოს სახ. მუზეუმის ხელნაწერი, წ.-ჯ. ფონდი, № 3987.

² საქართველოს სახ. მუზეუმის ხელნაწერი, წ.-ჯ. ფონდი, № 3989.

დრე ყაზბეგს, სხვათა შორის, უსაყვედურებდა ტენდენციურობას. ალ. ყაზბეგი უპასუხებს კრიტიკოსს და ამ პასუხში იგი გამოსთქვამს თავის შეხედულებას საერთოდ მხატვრულ ნაწარმოებებში ტენდენციის გატარების შესახებ. იგი წერს:

„როდესაც საზოგადოდ მოთხრობა იწერება, შიგ ტენდენცია, აზრი რამ უეჭველად უნდა იყოს ჩარეული და მე არა მწამს იმათი ნაწერები. ვინც აზრის გაუტარებლად უსულო სურათებს ხატავენ. აზრი უეჭველად უნდა იყოს ყოველ უბრალო აღწერაშიაც, მხოლოდ აზრით გადამლაშება მოთხრობისა, აგრეთვე როგორც სხვა მხარეებით გადამლაშება. მართალია, არ ვარგა. როდესაც აზროვნება და სურათოვნობა ერთმანეთს წესიერად შესაზავდებიან. მაშინ მოთხრობის ღირსებისათვის უკეთესი სანატრელი აღარა რჩება“. და შემდეგ ალ. ყაზბეგი განაგრძობს: თუ ამ მხრივ „მოძღვარში“ რომელიმე შემადგენელის ნაწილის გადაჭარბება ნახეთ, მიჩვენეთ და მე გამოვასწორებ, თორემ უამისოდ მართო ლიტონის სიტყვების სროლა ემსგავსება ცარიელის ქვეყრისაგან სმაურობის უაზროდ გამეორებას¹.

მოყვანილი ამონაწერი მეტად საინტერესოა, იგი იძლევა გასაღებს ალ. ყაზბეგის შემოქმედებითი მეთოდის გასაგებად. არა უსაგნო ხელოვნება და სიტყვათა უაზრო მწკრივები, არამედ ცოცხალი სიტყვა სინამდვილის გარშემო; არა პუბლიცისტიკა და მშრალი სტატისტიკა, არამედ რეალური სინამდვილის ქეშმარიტი პოეტური ასახვა და გადმოცემა, — ასეთია გენიალური მწერლის შეხედულება მხატვრულ ლიტერატურაზე. აი კიდევ რა ბრწყინვალე შეხედულება აქვს სხვა ადგილას გამოთქმული მას თავის იმავე წერილში იონა ნეუნარგიას საპასუხოდ.

„მე, — წერს ალ. ყაზბეგი, — არა ვარ მლოცველი უსულო, უსიცოცხლო საგნებისა. ვერც ჩემი ოცნება, ვერც ჩემი გონება. ვერც ჩემი კალამი ვერ მოუბრუნდება მკვდარს, მოქმედება მოკლებულს საგანს. მაშასადამე, ყოველს მსურველს ჩემის შრომის გარჩევისას უფლება აქვს სრული, არამც თუ უფლება, მოვალე არის ყველა

¹ საქართველოს სახ. მუზეუმის ხელნაწერი, წ.-კ. ფონდი, № 3987.

მათგანია ამ მხრივ შეეხო ნიემს ნაწერებს, გარ-
ნიონ, წარმოსთქვან მათი ავკარგო ანობა“.

ამ დღეიწით მოქმედებდა ალექსანდრე ყაზბევი. მისი მხატვრუ-
ლი შემოქმედებითი პრაქტიკაც მის მიერ ჩამოყალიბებული დებუ-
ლების ბრწყინვალე დასაბუთებას იძლევა.

მეცხრამეტე საუკუნის ოთხმოციანი წლები ალექსანდრე ყაზ-
ბეგის ცხოვრება-მოღვაწეობისა და მხატვრული შემოქმედების
ერთადერთი ძირითადი პერიოდია. აქამდის ჩვენ გავეცანით მწერ-
ლის ცხოვრების უმთავრეს მომენტებს ამ ეპოქაში. მაგრამ ალ. ყაზ-
ბეგის ცხოვრება და მისი საზოგადოებრივი მოღვაწეობა რომ სის-
რულით წარმოვიდგინოთ, საჭიროა გათვალისწინებულ იქნას სხვა
მთელი რიგი საქმიანობაც, რომელსაც მწერალი იმ დროს ეწეოდა.

ალ. ყაზბეგი თავისი უანგარო მოღვაწეობით ფრიად საყურად-
ღებო კვალს ტოვებს ოთხმოციან წლების ქართულ პერიოდულ
პრესისა და თეატრის წინაშე. ეს საქმიანობა მისი საერთო ღვაწ-
ლის ძირითადი ნიშანია და ალ. ყაზბეგის ამ მხრივ დამსახურების
შესწავლა ხელს უწყობს მწერლის საერთო სახის აღდგენას. ეს მით
უმეტეს ითქმის ქართული თეატრის შესახებ. როგორც ცნობილია,
მწერლობას თავმინებებული ალ. ყაზბეგი თეატრს თავის უკანას-
კნელ დღემდის არ ჩამოშორებია. მის სათეატრო მოღვაწეობასთან
დაკავშირებულია აგრეთვე ის ბრძოლა ალ. ყაზბეგსა და ზოგიერთ
მის თანამედროვეს შორის, რომელსაც ჩვენ ნაწილობრივ უკვე გა-
ვეცანით.

ალექსანდრე ყაზბეგი და ოთხმოციანი წლების
ქართული პრესა

I

ალექსანდრე ყაზბეგი თბილისში მუდმივ საცხოვრებლად გადმოსვლის პირველსავე ხანებში ცდილა, რომ მოეწყო სტამბა, რომელიც ხელს შეუწყობდა ქართული წიგნების ბეჭდვასა და გავრცელებას. თანამედროვეთა გადმოცემით, ალ. ყაზბეგს არსენ კალანდაძესთან ერთად, შეუდგენია ამხანაგობა და სტამბისათვის საჭირო მოწყობილობათა შეძენაც დაუწყია, მაგრამ, სხვადასხვა მიზეზების გამო, ეს იდეა ვერ განუხორციელებია¹.

ამავე ხანებში ალ. ყაზბეგი დაუახლოვდა ქართული პერიოდული პრესის ერთერთ უდიდეს მოამაგეს ცნობილ სერგეი მესხს და მისივე მიწვევით გაზეთ „დროების“ აქტიური თანამშრომელი ხდება.

XIX საუკუნის ოთხმოციანი წლების გაზეთ „დროების“ მოამაგეთა მცირერიცხოვან ჯგუფში ალექსანდრე ყაზბეგი ფრიალ საპატო ადგილს იკერს. იგი ამ გაზეთის ძირითადი მუშაკი, მისი ერთერთი სულის ჩამდგმელი იყო.

„დროების“ რედაქციაში ალ. ყაზბეგის უანგარო მოღვაწეობის შესახებ საინტერესო ცნობებს იძლევა სერგეი მესხის ძმა, დავით მესხი, რომელიც აგრეთვე „დროების“ ძირითადი მუშაკი იყო. დ. მესხი წერს:

„სერგეის მუშაობა აუკრძალეს. გულის ანევრიზმი თანდათან უმძაფრდებოდა, რედაქციაში ვმუშაობდით: სანდრო ყაზბეგი, სტ. კრელაშვილი (სანო), დავით კეზელი (სოსლანი), პეტრე უმიკაშვილი. ილია ხონელი (ბახტაძე) და მე. მუდმივად რედაქციაში პეტრე, სანდრო და მე ვიყავით. დანარჩენები შემოივლიდნენ და მასალას

¹ დ. კარიჭაშვილი — „ალექსანდრე ყაზბეგის ბიოგრაფია“, ან ელისაბედ ყაზბეგის — „მასალები“.

გვაწოდებდნენ. „ღროება“ მაშინ დიდი ტანის გაზეთი არ იყო და აძლენს მომუშავეს მასალის დაგროვება არ უნდა გაგვეკირებოდა... მასალის შემოკლება მაინც ხდებოდა, უფრო ხშირად ცენზორის წყალობით“¹.

დავით მესხის გადმოცემით. ალექსანდრე ყაზბეგი იყო გაჭირვების ჯალკვესი ყოველ ისეთ შემთხვევაში, როდესაც მეფის ცენზურა დასაბუქდავად გამზადებულ „ღროების“ გვერდებს წითელი მკლანი დაასხლიანებდა. ე. ი. წერილების დაბეჭდვას აკრძალავდა. ასეთ შემთხვევაში გაზეთი ალექსანდრე ყაზბეგის ფელეტონით უნდა შევსებულიყო, დაწყებული რომანების გაგრძელება მიეცა, ან ახალი დაეწყო. ალ. ყაზბეგი „ღროების“ რედაქციისათვის წარჩადგენდა ისეთ უტყუარ ძალას, რომელიც ყოველ წუთს მზად იყო განუსაზღვრელად ეწერა და გაზეთის დროულად გამოსვლა კი არ შეეფერხებინა.

დავით მესხი თავის მოგონებაში სრულიად გაუზვიადებლად წერს: „თუ ისეთი რამ დროული საგაზეთო მასალა საკმაოდ დაგროვდებოდა, მაშინ სანდრო თავისუფალი იყო. ხოლო როცა ასეთი მასალა გვესუსტებდა, ანდა ცენზორის წითელი მკლანი უღმობლად გადახაზავდა ხშირად ვრცელს წერილსა. მარქაფად სანდრო გეყავდა... ჩაუჯდებოდა, ჩვენც უცაცხანებდათ, თავს კიდევ გზირი — ასოთაშეწყობი ადგა, ფარატინს ფარატინზე აჭრელებდა დიდი მოთბრობებოდა. და ასეთი ნაწყვეტები სტამბაში ხშირად გადაუკითხავდაც იზავენებოდა. ხშირად ვეტყვოდით ხოლმე...“

— სანდრო, კაცო, არ დაგვლუპო, მოთბრობა მალე არ გაათავო!

— რაგინდათ, რა ვქნა! თუ ამას მოვრჩები, სხვა ველარ დავიწყე?! — იტყოდა ხოლმე“².

დავით მესხის მიერ მოწოდებული ეს ცნობა ძვირფას მასალას წარმოადგენს ალექსანდრე ყაზბეგის ბიოგრაფიაში. იგი ექვემოტანლად გვაგრძნობინებს დიდი მწერლის უანგარო მოღვაწეობას გაზეთ-ღროების“ რედაქციაში, რის მოწამეც თვითონ დავით მესხი იყო. მაგრამ ამჟამად ცნობას ავსებს აგრეთვე მწერლის ერთერთი თანამედროვის. პ. ცხვილოელის მოგონებაც. პ. ცხვილოელი ალ. ყაზბეგის ახლო მცნობი იყო, ის 1881 წელს სამი თვის განმავლობაში ალექსანდრესთან ერთად ცხოვრობდა ბანაზე.

პ. ცხვილოელი თავის მოგონებაში განსაკუთრებით მოგვითხრობს იმ ეპიზოდს, როდესაც ალექსანდრე ყაზბეგი გატაცებით

¹ დავით მესხი — „მოგონებანი“, 1940 წ., გვ. 76.

² დავით მესხი „მოგონებანი“, 1940 წ., გვ. 78.

წერდა თავის უკედავ რომანს „მამის მკვლელს“ და მის ახალ-ახალ ნაწილებს გაზეთ „დროებაში“ ბეჭდავდა. თავისთავად ალექსანდრე ყაზბეგის რომანები „დროებას“ მკითხველთა მასებს შემოუყარებდა. გაზეთის ავტორიტეტის ზრდას ეხმარებოდა. მაგრამ იმ დროს თუ-
თონ ალ. ყაზბეგისათვის რომ ეკითხათ, იგი ამ მომენტს ანვა-
რიწმით არც კი მიიღებდა. მას, როგორც რედაქციის ძირითად თა-
ნამშრომელს. თავისი თავი ვალდებულად მიიჩნდა გაზეთი გასაქი-
რისაგან ეხსნა, მკითხველს ყოველი ახალი ნომერი დროულად მიე-
ლო. როდესაც „დროებას“ მასალა შემოაკლდებოდა, ამ დროს „გა-
ქირვების ტალკვესი“ ალ. ყაზბეგი იყო: მას უნდა მიეცა თავისი
რომანების გაგრძელება მიუხედავად იმისა, იყო თუ არა ავტორი
ამათუიმ მომენტში წერის განწყობილებაზე. საქმე მოითხოვდა და
მწერალს უნდა ეწერა. ალ. ყაზბეგი ასეთი შემთხვევისათვისაც მუ-
დამ მზად იყო.

პ. ცხვილოელის დამოწმებით, ალექსანდრე ყაზბეგი თავის
„მამის მკვლელს“ „დროების“ რედაქციაში წერდა. ცხვილოელი
მოგვითხრობს: ალ. ყაზბეგი „თითქმის ყოველდღიურად ჩადიოდა
დაბლა, „დროების“ რედაქციაში, და წერდა „მამის მკვლელს“. რა-
კი კალამს აიღებდა ხელში და დაადებდა ქალაქს. ვიდრე არ შეა-
სრულებდა მთელ საფელეტონე წერილს, თავს ვალდა არ აიღებდა.
ქალაქიდან ერთის გოჯის მანძილზე ძლივს ექირა თავი. ისე
ახლო მიაყოლებდა თვალს ახალ-ახალ სტრიქონს. (ალ. ყაზბეგს
თვალთ აკლდა ძალიან და ბეცი იყო). ამ დროს ლაპარაკი. ფეხის
ხმა, რახარუხი, სიციხე, სიცივე მისთვის არ გაეჩინა ღმერთს: სწერდა
და სწერდა განუწყვეტლივ. ხშირად ყაქო შეახტებოდა კისერზედ,
მოიკალათებდა და დაიძინებდა ხოლმე და როცა წერას გაათავებ-
და, მხოლოდ მაშინ გაიგებდა ყაქოს კისერზე ყოფნას.“¹

ასე აგვიწერს პ. ცხვილოელი „დროების“ რედაქციაში ალ.
ყაზბეგის მოღვაწეობის ერთერთს ეპიზოდს.

დავით მესხისა და პ. ცხვილოელის ეს მოგონებები საკმაო წარ-
მოდგენას იძლევიან ალექსანდრე ყაზბეგის საგაზეთო მოღვაწეობაზე-
ეს მოგონებები მით უფრო ძვირფასია, რომ მათი ავტორები ღიადი
მწერლის ახლო მცნობნი იყვნენ. დავით მესხი და პ. ცხვილოელი,
სხვადასხვა დროს, ალექსანდრე ყაზბეგთან ერთად ცხოვრობდნენ,
ერთ ბინაში, გაზეთ „დროებას“ რედაქციის შენობაში.

„დროების“ რედაქციაში თავისი მუშაობის შესახებ საინტერე-

¹ პ. ცხვილოელი — „ალექსანდრე მიხეილისძე ყაზბეგი“. გაზეთი „ივერია“,
1893 წ., № 269.

სო ცნობას იძლევა აგრეთვე თვითონ ალექსანდრე ყაზბეგი. იგი მინათვის დამახასიათებელი გულწრფელობით მოგვითხრობს იმ უანგარო შრომის შესახებ, რომელსაც „დროების“ რედაქციაში ეწეოდა.

აი რას წერს ალ. ყაზბეგი:

„ღიად, ბევრი, ძალიან ბევრი ვიმუშავე „დროებაში“. მის სტატეებს ჩავაწყალე ჩემი თვალის სინათლე, ამ გაზეთში დავიწყე შრომა. მას შეუთვისდი და ეს გაზეთი შეიქმნა თითქმის ჩემი არსების ნაწილი. მაგის გარეშე მე დავიწყე „დროებაში“ მუშაობა სწორედ იმ დროს. როდესაც რედაქცია ყოველ ნაკულლოვანებას ხედავდა. ვმუშაობდი ყინვაში, სიცივეში, ჭთელს ღამეებს ვატარებდი უძილობაში, რადგანაც ყველა ჩამოცლილი გეყავდა და დღედღეზე მოვლოდა მის მოსპობას. ისეთი წუთებიც შემხვედრია, როდესაც გაცხარებულს მუშაობაში სანთელი ჩამქრალა, ღამის სიბნელეს ვახსურებელი გონების მუშაობა შეუწყვეტია, ამაოდ მიძებნია სანთელი; ღამპებიდან ერთიდან მეორეში ჩამიწურავს ნავთის ნაძირალები და იმათი შემწეობით გამითავებია სამუშაო“¹.

მოყვანილი ცნობა პირდაპირ მიუთითებს ალექსანდრე ყაზბეგის უსაზღვრო ვატაცებაზე საგაზეთო მუშაობით. იგი გადაუჭარბებლად მოგვითხრობს იმის შესახებ, რომ ეს შრომა გადაიქცა მისი არსების ორგანიულ ნაწილად. ალ. ყაზბეგი „დროებაზე“ მუშაობაში ცივსა და სუსხიან ღამეებს ათენებდა, თავაუღებლივ შრომობდა გაზეთისათვის. ალექსანდრე ყაზბეგის საგაზეთო მუშაობაში გარკვევით იცნობა პრესისათვის თავდადებული მუშაკის სტილი.

ალექსანდრე ყაზბეგი ქართული პრესის მოღვაწეთა იმ თაობას ეკუთვნის, რომელიც რუსეთის ცარიზმის სულშემხუთავ ცენზურასთან ყოველდღიურ ბრძოლაში ინარჩუნებდა ქართულ ჟურნალ-გაზეთს და ხალხთან კავშირს არ წყვეტდა. ამავე დროს ჟურნალ-გაზეთების გამომცემელთა და თანამშრომელთა ჩვეულებრივი ხვედრი იყო მატერიალური სივიწროვე. ხელმოკლეობა — სიღარიბე.

მეცხრამეტე საუკუნის მეორე ნახევრის ქართული პერიოდიკის ისტორიამ თავდადებულ მოღვაწეთა ბრწყინვალე სახელები იცის. ესენი არიან: გ ი ო რ გ ი ე რ ი ს თ ა ე ვ ი, ი ვ ა ნ ე კ ე რ ე ს ე ლ ი ძ ე, ი ლ ი ა ჭ ა ვ ჭ ა ვ ა ძ ე, ა კ ა კ ი წ ე რ ე თ ე ლ ი, გ ი ო რ გ ი წ ე რ ე თ ე ლ ი, ს ე რ გ ე ი მ ე ს ხ ი, ი ვ ა ნ ე მ ა ჩ ა ბ ე ლ ი, მ ი ხ ე ი ლ გ უ რ გ ე ნ ი ძ ე. პ ე ტ რ ე უ მ ი კ ა შ ვ ი ლ ი და ს ხ ვ ე ბ ი.

ალექსანდრე ყაზბეგის სახელიც ამ დიდ მოღვაწეთა სახელებთან ისმის. მართალია, ალ. ყაზბეგს არ ჰქონია საკუთარი ორგანო

¹ საქართველოს სახ. მუზეუმის ხელნაწერი, წ.-ბ. ფონდი, № 3981.

(თუმცა იგი ამაზღვდაც ცოტას როდო ოცნებობდა). მაგრამ იგი თავისი პრაქტიკული მოღვაწეობით და უკვდავი კალმის ნაყოფით თავის თანამედროვე ქართულ ჟურნალ-გასეთებს დიდად ენაშარებოდა. ეს განსაკუთრებით ითქმის „დროებაზე“.

„დროების“ რედაქციაში ალ. ყაზბეგისა და სხვა თანამშრომელთა (აკაკი, სერგეი მესხი, დავით მესხი და სხვ.) თავდადებულ შრომაზე სა-ნტერესო მოგონება დაგვიტოვა ცნობილმა ნინო ორბელიანმა. ნინო თავის მოგონებაში სიტყვასიტყვით ადასტურებს ალ. ყაზბეგის ცნობას „დროების“ თანამშრომელთა ხელმოკლეობისა და მათი გატაცებით მუშაობას შესახებ.

აი რას წერს ნინო ორბელიანი:

„როდესაც სერგეი მესხი „დროებას“ რედაქტორად იყო. ძალიან ხშირად შევიდოდი რედაქციაში. ერთ დღას შეველა: იქ დამხვდა აკაკი წერეთელი. სანდრო ყაზბეგი და სერგეი მესხის ძმები. სტოლზე მრავალი ბუბლიკები ეყარა. ყველანი გამხიარულებული იყვნენ და იცინოდნენ. სანდროს ვკითხე: რა მოგსელიათ, ეს ამოდენა ბუბლიკები მეფურნესავით რომ მოგიყრიათ, რა არის-მეთქი? სერგეიმ მითხრა: წუხელის მთელი ღამე ვმუშაობდით და უვახშმოვ დავრჩითო. ამ დღით ძალიან მოგვშივდა. ჩაი ვავაკეთეთ და უპროოდ ვერ დავლიეთო: ერთმანეთს ვკითხვით ფულა ვის რა გვაქვს. აბა ამოვიღოთო, თურმე არც ერთს გროში არ ვვებოდა. მერე ვთქვით. ნეტავი ერთი ფულაანი შემოვიდოდეს ვინმე, რომ ბუბლიკის ფულს მაინც დავესესხოთო. ამ დროს ეს ჩემი მარტია (სერგეის ჰყავდა შინ გაზდილი კაქკაქი) გაიქცა, აი იმ კუთხეში ჩაკრა ნისკარტი პოლს. აი, იქ რომ ჩამტერეულა, და ორი აბაზიანი გადმოაგდო. ავღექვით და ამ ორი აბაზით ვიყიდეთ ეს ამოდენა ბუბლიკებო. სანდრომ მითხრა: „ეს მარტია დიდი თანაგრძნობით მოგვექცა დღესათო“. სანდროს ვუთხარი, თუ ეგრეა. რას უყურებთ, რატომ არ მიირთმევთ-მეთქი? თქვენ ამ ბუბლიკისათვის ბევრი არა მოგიკლიათ რა-მეთქი. სანდრომ მიპასუხა: „ბევრი რომ დაღინახეთ, თვალი გაგვიძლა და ვერ დავრჩით ხელიო“. რაჟღერ ამისთანა და უარეს დღეში გამოუყლია სანდროს“¹.

მოყვანილი ამონაწერა გადაუქარბებლად მოგვითხრობს იმ მძიმე პირობების შესახებ. რომლებშიაც უხდებოდა მუშაობა ქართულ პერიოდული პრესის მოღვაწეებს XIX საუკუნის მეორე ნახევარში. ნინო ორბელიანი გვაცნობს იმ ხელმოკლეობის შესახებ. რასაც

¹ ნინო ორბელიანი — „მოგონება ალექსანდრე ყაზბეგზე“, ჟურნალი „კვალი“, 1893 წ., № 52.

განაცხადდნენ ვახუთ „დროების“ სხვა მოამბეები, ალექსანდრე ყაზბეგთან ერთად.

„დროების“ რედაქციაში ალ. ყაზბეგის მოღვაწეობა მრავალმხრივ არას საყურადღებო. „დროებაში“ თანამშრომლობის პერიოდს ემთხვევა ალ. ყაზბეგის სამწერლო მოღვაწეობის საუკეთესო წლები. მას პირველხარისხოვანი ნაწარმოებებიც ამ გაზეთში დაიბეჭდა („ელგუჯა“, „მამის მკვლელი“, „ნამწყემსარის მოგონებანი“, „ხევინ ბერი გოჩა“ და სხვა მრავალი). ბევრი მათგანი „დროების“ რედაქციაში იწერებოდა თანამშრომელთა თვალწინ.

ეს მოვლენა არ შეიძლება უბრალო იყოს, პირიქით, მას დიდი მნიშვნელობა აქვს მწერლის შემოქმედებითი ისტორიისათვის. საკიოა განსაკუთრებით გამოიყოს ერთი მოვლენა, რომელიც ალ. ყაზბეგის უკვდავი რომანის „ელგუჯას“ დაწერის ისტორიას შეეხება. „ელგუჯას“ დაწერას თვითონ ავტორი გაზეთ „დროების“ ასოთამწყობებს უმადლოდა. სტამბის ასოთამწყობებმა პატარა მოთხრობის მაგიერ დიდი ნაწარმოები დამაწერინესო, სიამოვნებით იგონებდა ალ. ყაზბეგი შემდეგ პერიოდში.

დავით კლდიაშვილი თავის მოგონებებში გადმოგვცემს „ელგუჯას“ დაწერის ისტორიას. რომელიც მისთვის თვითონ ალექსანდრე ყაზბეგს უამბნია. აი ეს ცნობაც:

„ელგუჯა“ თავდაპირველში თავდებოდა ანლანდელი პირველი თავის ბოლოში. ელგუჯას სიკვდილით. სტამბაში ასოთამწყობებმა განაცხადეს, რომ ფელეტონს არ ავაწყობთ, თუ გმირი ვაჟკაცის ელგუჯას ამბავი არ განაგრძო სანდრომ; ამისთანა ვაჟკაცს ასე ადრე არ მოგაკვლევინებთო. გაუგზავნეს რედაქციაში სანდროს მეტრამბაჟი დიომიდე კილაძე და ორი ასოთამწყობი, სთხოვეს, რომ ელგუჯა არ მოეკლა და მისი ამბავი გაეგრძელებინა.

— ელგუჯას ასე ადრე ვერ მოგაკვლევინებთო, მითხრესო, — გადმომცა სანდრომ. — თან მეტის-მეტად მიამა ასეთი მომართვაო, სთქვა სანდრომ. — თან კი გასაჭირში მაგდებდარ. ცოტა ყოყმანის შემდეგ, რაკი არ შეშვებოდნენ, იქვე გადავაკეთე ფელეტონის ბოლო და ქვეშ მოვაწერე „გაგრძელება იქნება“. მძიმედ დაპირილი ელგუჯა წაიყვანეს მოსარჩენად ვითომც გადალმა სოფელში. რამდენაზე დღის შემდეგ მოთხრობის გაგრძელებაც მზად მქონდა და პატარა მოთხრობის მაგიერ დიომიდე კილაძემ და სტამბის ასოთამწყობებმა დამაწერინეს დიდი მოთხრობა, სიამოვნებით, სიცილით მითხრა სანდრომ და ეს სიცილი. მისი შეხედულება მშვენიერი რაპ იყო ამ დროს“ — გადმოგვცემს დავით კლდიაშვილი¹.

¹ დავით კლდიაშვილი — „მეზარები“, 1925 წ., გვ. 45.

მოყვანილი ამონაწერი მეტად საგულისხმო მოვლენას ეხება. თვითეული ნაწარმოების შექმნის ისტორია მნიშვნელოვანია მწერლის მხატვრული შემოქმედების საერთო ხასიათის გაგებისათვის. ამ შემთხვევაში საინტერესოა ის ფაქტი, რომ ალ. ყაზბეგის ბრწყინვალე რომანების შექმნის ისტორია მჭიდროდ არის დაკავშირებული გაზეთ „დროებასთან“.

გაზეთ „დროებასთან“ ალექსანდრე ყაზბეგის ურთიერთობის თვალსაზრისით საჭიროა აღინიშნოს კიდევ ერთი მომენტი, რომელიც კიდევ უფრო მეტის სიცხადით წარმოგვიდგენს დიდი მწერლის ღვაწლს ამ გაზეთის წინაშე.

1883 წლის გაზაფხულზე, ხანგრძლივი საგაზეთო მუშაობით დაღლილმა და დაავადებულმა, სერგეი მესხმა გადაწყვიტა, „დროებას“ ჩამოშორებოდა და ასეც მოიტყა; გაზეთი ცნობილ ივანე მაჩაბელს გადასცა. მაგრამ მანამ, სანამ თავის ნაამაგდარ გაზეთზე წელს აიღებდა, სერგეი მესხი „დროებას“ მკითხველებს გამოეთხოვა. 1883 წლის 8 მაისს „დროების“ პირველ გვერდზე იბეჭდება ს. მესხის წერილი სათაურით „ჩემს მკითხველს“, თავდადებული რედაქტორი გულის ტკივილთ ტოვებს თავის გაზეთსა და მკითხველებს.

სერგეი მესხის ეს გამოაათხოვარი წერილი საყურადღებოა, ამ შემთხვევაში. იმით, რომ იგი აქვე ასახელებს თავის ერთგულ თანამშრომლებს, ხოლო მათ შორის პირველ რიგში დასახელებულია ალექსანდრე ყაზბეგიც.

აი რას წერს სერგეი მესხი:

„როდესაც „დროებაზედ“ არის ლაპარაკი, არ შეიძლება არ მოიხსენიოს კაცმა ზოგიერთი სხვა პირებიც. რომელთაც ჩემზე მომეტებული თუ არა. ნაკლები სამსახური არ გაუწევიათ გაზეთისათვის, რომელთ უსასყიდლო. უანგარო შრომის წყალობით გაზეთს და იმის რედაქციასაც სული ედგა. ამ თანამშრომლებში მე დავასახელებ აქ მხოლოდ უმთავრესთ: აკაკი წერეთელი, პ. უმიკაშვილი, ალ. ყაზბეგი, რაფ. ერისთავი, ი. მეუნარვია და ბევრი სხვანი. უამათოდ მე და ჩემს „დროებას“ ცხოვრება არ შეგვეძლო; მე ვიყავი ლალა ჩვენის ახალგაზრდა გაზეთისა: ყოველთვის. გაჭირვების დროს, ესენი, ჩემ გვერდით მდგომნი. მამხნეებდნენ. ხელს მაწვდიდნენ და ამნაირად ერთად. ძმურად ვასრულებდით ჩვენს სასიამოვნოს, თუშცა მძიმეს. ხშირად უმადურ და ათასგვარ დაბრკოლებით აღკურვილ მოვალეობას“¹.

მოყვანილი ამონაწერი განმარტებას აღარ საჭიროებს, აქ ერთ-

¹ გაზეთი „დროება“, 1883 წ., № 85.

ზელ კიდევ არის დადასტურებული ალექსანდრე ყაზბეგის უანგარო მოღვაწეობა „დროების“ რედაქციაში.

თაკლ მწარე სერგეი მესხის მიერ საგაზეთო სამოღვაწეო ასპარეზიდან გასვლას დიდად შეუწყუხებია თვითონ ალექსანდრე ყაზბეგი. სერ. მესხას გამოსათხოვარა წერილის საპასუხოდ იმავე „დროებაში“ გამოქვეყნებულია ალ. ყაზბეგის მიმართვა მოამავე რედაქტორისადმი. მიმართვიდან პირდაპირ ამოიკითხება მგრძობიარე მწერლის გულისტკივილი სერგეი მესხის გამოთხოვას გამო.

აი რას სწერდა ალ. ყაზბეგი სერგეი მესხს:

„დაუვიწყარო სერგეი მესხო!

დღეს ისეთი დრო შეგვხვდა, როდესაც ერთად შრომის შემდეგ უნდა დავშორდეთ ერთმანეთს და ამის გამო მე არ შემძლიან რამდენიმე სიტყვა გამოსასაღმებლად არ გითხრა.

ქარგად მიგვყავდა გაზეთი თუ ავად. ამაზედ ლაპარაკი არც მინდა და არც დრო არის. მე ვიცი მხოლოდ, რომ თოთხმეტის წლის განმავლობაში შენ თავი არ მოგიხრია არც შიმშილისა, არც წყურვილის წინაშე. შენთვის თავი ვერ მოუღრეკინებია გაჭირვებას და გმირულის მამაცობით გიბრძოლია ქართულის სიტყვის გასავერცელებლად. მე მინახვიხარ ისეთს გაჭირვებაშიაც, როდესაც გათოშილს თითებს ილხობდი პირის ორთქლით, რომ გაგეგრძელებინა წერილი, და მახსოვს, რომ იმავე დროს მთელი შენი აზრი შეპყრობილი ყოფილა გაზეთის ქაღალდის ფულის შოვნისათვის; დავსწრებივარ იმ თავგანწირულებას, რომლითაც გაჭირვებასთან გიბრძოლია და გაშტერებული დავრჩენილვარ.

„ამ შრომისა და გაჭირვებული ბრძოლის დროს ყოფილან ისეთები, რომლებიც არამც თუ გვერდს მოგდგომიან, არამედ გასულან განზედ და გაზეთი საქვეყნოდ ულანძლიათ, ყოველი შეცდომა სალაპარაკოდ გაუხდიათ და მოშველების მაგივრად ყოველის ღონისძიებით ცდილან, რომ ჩვენი ერთადერთი ყოველდღიური გაზეთისათვის ლაფი გადაეხათ. ამ გაჭირვებაში იყავ, როდესაც მე გაგიცან და ჩავსთვალე ჩემს მოვალეობად ჩემი ღონისამებრ მოგშველებოდი, მოგშველებოდი რითაც კი შემეძლო. დამეთანხმე, რომ ამდენი ხანის ერთად მშრომელნი გულგრილად ვერ გამოვესაღმებიან, ვერ დაშორდებიან ერთმანეთს. არ ვიცი, შეგვხვდება კიდევ ერთად შრომა თუ არა, მაგრამ ეს კი ვიცი, რომ ჩემი გულიდგან თავის დღეში არ ამოიხოცება დღევანდლამდის „დროების“ სულის ჩამდგმელის სახელი და მისი პატივისცემა შეძლებისამებრ დედაენის აღორძინების სამსახურისთვის. ამხანაგო! საუკეთესო დრომ-

დის. იმ დრომდის, როდესაც კიდევ ერთად შეუდგებით საერთო
ჯუთანს და შენს განცხრომაზედ ზრუნვას დავიწყებული ისევ ხელს
შოკიდებ საერთო საქმეს.

სიკვდილამდის შენი

ა. მ ო ჩ ხ უ ბ ა რ ი ძ ე (ყ ა ზ ბ ე გ ი)¹.

ასე გამოეთხოვა ალექსანდრე ყაზბეგი „დროების“ რედაქტორს
სერგეი მესხს. ს. მესხი საგაზეთო მოღვაწეობას აღარ დაბრუნებია,
იგი იმავე 1883 წელს გარდაიცვალა, ხოლო ამის შემდეგ „დროე-
ბას“ ალექსანდრე ყაზბეგიც ჩამოშორდა.

ამრიგად, ალექსანდრე ყაზბეგი ოთხმოციანი წლების ერთად-
ერთი ქართული გაზეთის „დროების“ რედაქციაში მეტად ნაყო-
ფიერ მოღვაწეობას ეწეოდა. იგი ამ გაზეთის ერთერთი ძირითადი
მუშაკი იყო. ალ. ყაზბეგის გამოჩენა სამწერლო ასპარეზზე
„დროების“ ფურცლებიდან დაიწყო. აქ იბეჭდებოდა მისი როგორც
შხატვრული, ისე პუბლიცისტური და ეთნოგრაფიური ხასიათის ნა-
წარმოებები. ამავე გაზეთის რედაქციასთან დაკავშირებულია აგრე-
თვე დიდი მწერლის ზოგიერთი ნაწარმოების ჩამოყალიბების მთე-
ლი რიგი საყურადღებო მომენტები.

II

ალექსანდრე ყაზბეგმა უდიდესი ამაგი დასდო გაზეთ „დროე-
ბას“. მაგრამ ამავე დროს იგი აქტიურად თანამშრომლობდა აგრე-
თვე იმ ეპოქის სხვა ჟურნალ-გაზეთებში („ივერია“, „თეატრი“).

ოთხმოციან წლებში ჟურნალ „ივერიაში“ გამოქვეყნდა ალ-
ყაზბეგის რომანები: „ელასო“, „ციკო“, „განკიცხული“, „მოდღა-
რი“ და სხვები, ხოლო გაზეთ „თეატრში“ იგი ბეჭდავდა მის მიერ
ხევში ჩაწერილ ხალხურ ლექსებს და სხვ.

ქართული პრესის მეთაურები ამაცობდნენ კიდევ დიდი მწერ-
ლის მათთან თანამშრომლობით. ალ. ყაზბეგის არქივში დაცულია
მთელი რიგი პირადი მიმოწერები, რომლებითაც ჟურნალ-გაზეთე-
ბის რედაქტორები სთხოვენ მას თავიანთ ორგანოებში მონა-
წილეობას.

გავეცნოთ ზოგიერთ ამათვანს.

გაზეთ „თეატრის“ ერთერთი დამაარსებელი და რედაქტორი,

¹ გაზეთი „დროება“, 1883 წ., № 85.

ალექსანდრე ნებიერიძე. 1887 წლის 12 მარტის თარიღით წერილს აწერს ალ. ყაზბეგს. ალ. ნებიერიძე თავისი წერილით ალექსანდრე ყაზბეგს სთხოვს, გახდეს „თეატრის“ თანამშრომელი, მიაწოდოს რედაქციას პატარა მოთხრობები და ლექსები.

ალექსანდრე ნებიერიძე სწერს:

„იანვრის პირველიდან გაზეთ „თეატრის“ რედაქტორ-გამომცემელი მე ვარ. თუმცა ვ. აბაშიძე აწერავს ხელს. აქამდინ არ ვიცოდი სად იყავ, ეზლა გავიგე და გწერ კიდევ ამ წერილს, თუ გაქვს რამე პატარ-პატარა მოთხრობა, ან სხვა რამ, გამომიგზავნე ხოლმე და განა არ იცი. გადაგიხდი. თუ გინდა შენი სახელი მოაწერე, თუ გინდა სხვისა (ფსევდონიმი). დარწმუნებული იყავ, რომ თუ გინდა სახელის დაფარვა — ჩემგან ვერავინ გაიგებს“¹.

იმევე 1887 წლის შემოდგომაზე ალექსანდრე ყაზბეგს კვლავ მიუღის წერილი და კვლავ სთხოვენ „თეატრის“ თანამშრომლობას. ეს წერილი ცნობილ მწერალს, ანტონ ფურცელაძეს, ეკუთვნის და ზედმეტი არ იქნება გავიცნოთ მთლიანად.

ანტონ ფურცელაძე ალ. ყაზბეგს სწერდა:

„ძმაო სანდრო! ეს მესამე წერილს გიგზავნი ფულით და აქამდის შენი პასუხი არა მაქვს. გიგზავნი ორს თუმანს, რადგან მეტი არ შეგროვდა ჯერჯერობით. სანდრო! ჩვენ ავიღეთ „თეატრი“, უნდა ყურნალად გადავაქციოთ. იანვრიდან ჩვენს ხელთ იქნება, მანამ ყურნალის ნებას მოგვცემდნენ, მინამ ორს ნომერს ერთად გამოცემთ ხოლმე და ისრე იქნება, როგორც ყურნალი. ამის გამო შენ უნდა სრული შენი მონაწილეობა მილო ჩვენთან. ჩვენ გვეყოლებიან თანამშრომელნი: დიმიტრი ბაქრაძე, აკაკი, პეტრიაშვილი, ხუდადოვი, ხიზანოვი ხომ თვითონ რედაქციაში იქნება, როგორც ჯაბადარი, კატო გაბაშვილისა და სიტყვით ყველა. ვისაც კი ჩვენში წერა შეუძლიან. ხომ იცი რაოდენათ ვაფასებ შენს ნაწერებს. ამის გამო შენ უფრო, ვიდრემ სხვებს, გთხოვ, რომ ჩემთან ერთად იმუშაო, ერთად გავწიოთ საზოგადო საქმისათვის ღვაწლი. თუ გაქვს რამე მოთხრობა ამ პირველ ნომრისათვის გამოგზავნე, გამოგზავნე აგრეთვე შენი რომელიც უფრო კარგი ლექსები გეგულებოდეს. იმედი მაქვს, რომ მალე მივიღებ შენს პასუხს.

შენი ერთგული ძმა ანტონ ფურცელაძე“².

ეს მეორე წერილი იყო ალ. ყაზბეგის მიმართ, რომლითაც

¹ საქართველოს სახ. მუზეუმის ხელნაწერი, წ.-კ. ფონდი, № 3978.

² საქართველოს სახ. მუზეუმის ხელნაწერი, წ.-კ. ფონდი, № 3978.

ბთხოვდნენ გაზეთ „თეატრში“ თანამშრომლობას. სამწუხაროდ, ჩვენ არ ვიცით ალ. ყაზბეგის საპასუხო წერილები ამ მოღვაწეთა მიმართ, მაგრამ ის კი ცნობილია, რომ დასახელებულ გაზეთში იგი თანამშრომლობდა. ალ. ყაზბეგი „თეატრში“ უმთავრესად პეკუნდავდა მის მიერ ხალხში შეგროვილ ლექსებსა და სიმღერებს.

ანტონ ფურცელაძის ეს წერილი ალ. ყაზბეგისადმი სხვა მხრივაც არის საინტერესო. განსაკუთრებულ ყურადღებას იქცევს ის მომენტი, რომ ანტ. ფურცელაძე წერს: „ხოვ იცო. რაოდენად ვაფასებ შენს ნაწერებს“. ასე რომ ანტონ ფურცელაძე ამ დროს უკვე დიდად აფასებს ალ. ყაზბეგის შემოქმედებას. ეს პირადი წერილი მთლიანად სწორედ იმაზე მიუთითებს, რომ მისი ავტორი უდიდესი სიყვარულით ეპყრობა ალ. ყაზბეგს. მაგრამ აქვე ინტერესს მოკლებული არ იქნება გავიცნოთ ერთი ისტორიაც. რომელიც მიუთითებს ამ ორი მწერლის (ალ. ყაზბეგისა და ანტონ ფურცელაძის) ურთიერთდამოკიდებულებაზე. ეს მით უფრო საინტერესოა, რომ, თვითონ ანტ. ფურცელაძის გულწრფელი გადმოცემით, ამ სიყვარულსა და დაფასებას წინ უძღოდა ერთგვარი გაუგებრობა და პირადი უკმაყოფილება მათ შორის. და რაც მთავარია, ანტონ ფურცელაძეს ალ. ყაზბეგი შეუყვარდა მხოლოდ მას შემდეგ, რაც მის ნაწერებს გაეცნო.

ანტონ ფურცელაძე თავის მოგონებაში გადმოგვცემს, რომ მას აღრე ყაზბეგი არ მოსწონდა. არ სწამდა იგი როგორც მწერალი. მაგრამ მოხვევც მას ვალში არ რჩებოდა. არც მას მოსწონდა ფურცელაძე — მწერალი. „უწყალოდ მღევნიდა მეცა და ჩემთა ნაწერთაცო“ — გვეუბნება ანტონ ფურცელაძე.

ასეთი იყო ამ ორი მწერლის ურთიერთდამოკიდებულება პირველ ხანებში. ანტონ ფურცელაძე თავიან სიძულვილს ალ. ყაზბეგისადმი იმით გამოხატავდა, რომ მის ნაწარმოებებს არ კითხულობდა. მისი არცერთი რომანი არ წაეკითხა და ალ. ყაზბეგი კი, როგორც მწერალი, არ მოსწონდა. მის ნიქს არ აფასებდა. ეს მოვლენა უდაოდ უცნაურია, მაგრამ მაინც ასე იყო. და ასე გაგრძელდა მანამ, სანამ ანტ. ფურცელაძეს შემთხვევით ხელთ არ ჩაუვარდა ალ. ყაზბეგის რომანი „მოდღვარი“.

ანტონ ფურცელაძეს დაუწყია ალ. ყაზბეგის „მოდღვარის“ კითხვა, მაგრამ დაუწყია იმ იმედით, რომ ორი-სამი გვერდის ჩაკითხვის შემდეგ ხელს აიღებდა, აღარ წაიკითხავდა. მაგრამ წუნმღებელი მკითხველი ანგარიშში მოტყუილდა.

ყველა ძვირფას ნაწარმოებს გააჩნია რაღაც ანდამატა, რო-

შელოც მკითხველს ადრევე მიიზიდავს. ეს არის ნაწარმოების სიღრმადე. მკითხველი, ვიდრე ასეთი მაღალი ღირსების ნაწარმოების კითხვას შეუდგებოდეს. თავისუფალია ე. ი. თავისთავს ეკუთვნის. მას შეუძლია დიდხანს ზელში არ აიღოს ესათუის ძვირფასი ნაწარმოები, მაგრამ როდესაც ხელში აიღებს და კითხვას იწყებს, იგი თითქოს ჰკარგავს ამ უფლებას. ნაწარმოები მას ჩაითრევს, თავის ტყვედ აქცევს და საკუთარ თავს ავიწყებს. ასე მოუვიდა ანტონ ფურცელაძესაც. მან „მოძღვარი“ ხელთ აიღო იმ იმედით, რომ ჩქარა ისევ გადადებდა, მაგრამ „მოძღვარმა“ იგი ისე მოაჯადოვა, რომ ეს საყოველთაოდ ცნობილი წუნმდებელი თავის ტყვედ აქცია, საკუთარი გარემო დაავიწყა და რომანის გმირთა მოქმედების არეში გადაიყვანა. მკითხველმა თავისი თავი ჯადოქარი კალმის მიერ დახატულ სინამდვილეში იგრძნო. „მე თვით გავხდი მოწამე და თვალთ მნახელი ყველა მისი, რასაც გვიხატავდა და გვეუბნებოდა ავტორი“ — წერს ანტონ ფურცელაძე.

ანტონ ფურცელაძის ეს მოგონება უდაოდ საინტერესო მასალაა ყაზბეგის ბიოგრაფიისათვის. იგი შექს მოჰფენს ალ. ყაზბეგის რომანების გავლენის საერთო ხასიათს მკითხველთა წრეებზე, გაარკვევს მის დამოკიდებულებას ზოგიერთ თავის თანამედროვე მწერალთან და. ბოლოს, ეს მასალა ხელს შეუწყობს ანტ. ფურცელაძის ლიტერატურული ალღოს გარკვევასაც.

„შევუდექი კითხვას, — წერს ანტ. ფურცელაძე, — შემდეგ დიდებული ტურგენევის წაკითხვისა, რომელსაც იმოდენა წუნი დასდო ჩემმა გონებამ, შევუდექი ვისი ნაწერების კითხვას? — ქართველი მწერლისა, ისიც ვისი? — ყაზბეგისა, რომლისაც წარსული და გონების გახსნილობა ასრე კარგად ვიცოდი მე და რომელიც ასე უწყალოდ მდევნიდა მეცა და ჩემთა ნაწერთაც. შევუდექი კითხვას დარწმუნებული, რომ მესამე გვერდზედვე შევედგები და გადვისერი წიგნს. მაგრამ! მაგრამ დავიწყე კითხვა და ჩემი გონება თანდათან რაღაცა უცნაური მოთილისმური ჯაჭვით ჩაეკრა წიგნს და წავიდა მის აზრთა და მხატვრობათა სიღრმეში. სტრიქონები სტრიქონებს, გვერდნი გვერდთ გადავდინენ. და მე დამავიწყა ძილიც, მოსვენებაც. მე აღარ ვიყავ ჩემს საწერ სტოლთან: ჩემი მოჯადოებული გონება. თვით მთლად ჩემი არსება გადავიდა იმ ცხოვრებაში, იმ ბუნებაში, იმ აზრთა მიმდინარეობაში, რომელთაც გვიხატავდა ავტორი და რომელნიც სულ ახალ-ახალ სანახაობით, სხვადასხვა ცვლილებებით უფროდაუფრო იტაცებდნენ ჩემს გონებას. ამ დროს მე თვით გავხდი მოძრავი და მოქმედი პირი ამ ჯადოქრის:

კალმით დასატული ცხოველი სინამდვილისა, მე თვით გავნდი მოწამე და თვალით მნახველი ყველა მისი, რასაც გვიხატავდა და გვეუბნებოდა ავტორი; მე ვხარობდი მოქმედ პირთა სიხარულით, ვიტანჯებოდი მათი სატანჯველით¹.

ანტონ ფურცელაძის ეს მოგონება უდაოდ საყურადღებო დოკუმენტია. მართალია, ალ. ყაზბეგის მხატვრულ მოქმედებას ძალიან ბევრი მადიდებელი ჰყავდა თვითონ მწერლებს შორის, ამის შესახებ მისი სხვა თანამედროვეებიც მოგვითხრობენ, მაგრამ ამ მოგონებას აქვს თავისი განსაკუთრებული მნიშვნელობაც. დავით კლდიაშვილი, რომლის ერთერთ პირად წერილს ჩვენ ზემოთ გავეცანით, თავის აღტაცებას გამოთქვამდა ალ. ყაზბეგის ნაწარმოების გამოქვეყნებისთანავე. ანტონ ფურცელაძე კი „ელგუჯას“ და „მანის მკვლელის“ ავტორს „მოძღვარის“ გამოქვეყნებამდის არ იცნობდა. „მოძღვართ“ დაიწყო მან ალ. ყაზბეგის ნაწარმოებების კითხვა. ეს მოხდა ოთხმოციანი წლების მიწურულს. ე. ი. იმ დროს, როდესაც ალ. ყაზბეგის უდიდესი შემოქმედებითი სტიქია უკვე იწურებოდა, დასასრულს უახლოვდებოდა.

„მოძღვარის“ წაკითხვის შემდეგ. უეჭველია, ანტ. ფურცელაძე გაეცნო ალ. ყაზბეგის მთელს შემოქმედებას, რომელსაც იგი წინათ ავტორისადმი პროტესტის ნიშნად არ კითხულობდა. გაეცნო რა მის შემოქმედებას, ეს საყოველთაოდ ცნობილი წუნმდებელი, რომელიც დიდებულ ტურგენევისაც კი არ ზოგავდა, ახლა ალ. ყაზბეგის თაყვანისმცემელი შეიქნა. შეუყვარდა რა ალ. ყაზბეგი და მისი მხატვრული შემოქმედება, ანტონ ფურცელაძე მხოლოდ ამის შემდეგ (1887 წ.) იწვევს საყვარელ მწერალს გაზეთ „თეატრში“ თანამშრომლობისათვის, ზოლო ალ. ყაზბეგს ქართული ბექდვითი სიტყვის ყოველი ორგანოსათვის მუდამ მზად ჰქონდა თავისი მადლიანობა და კალამი.

1

¹ გაზეთი „ივერია“, 1898 წ., № 52.

ალექსანდრე ყაზბეგი და ქართული თეატრი

I

ალექსანდრე ყაზბეგის საზოგადოებრივ მოღვაწეობაში განსაკუთრებით საყურადღებოა მისი დამსახურება ქართული თეატრის წინაშე. მისი სასცენო მოღვაწეობის დასაწყისი პირდაპირ ემთხვევა ჩუდმივი ქართული თეატრის აღდგენას მეცხრაშეტე საუკუნის ოთხმოციან წლებში. ილია ქაჯკაეძის, აკაკი წერეთლის, დიმიტრი ყიფიანის, ვასო აბაშიძის, დავით ერისთავის, მაკო საფაროვანს, აქესენტი ცვაგარელისა და სხვათა თაოსნობით 1879 წელს განახლებულ იქნა მუდმივი ქართული თეატრი.

ალ. ყაზბეგიც ამ ეპოქის მოღვაწეა და მისი სახელი მკიდროდ არის დაკავშირებული ოთხმოციანი წლების თეატრთან. ქართული სცენის სხვა მოამბეებთან ერთად. ალ. ყაზბეგი თავისი უანგარო მოღვაწეობით საპატიო ადგილს იკავებს ქართული თეატრის ისტორიაში.

ალექსანდრე ყაზბეგი, როგორც რეალისტი მწერალი და მოაზროვნე, თეატრის მიმართ ჯანსაღი უტილიტარიზმის თვალსაზრისზე იდგა. იგი თეატრს უყურებდა როგორც საზოგადო საქმეს, „საქვეყნო სამსახურს“. თავის ერთერთ ავტობიოგრაფიულ წერილში ის მოგვითხრობს იმ ინტერესის შესახებ, რომელიც მას სათეატრო მოღვაწეობისაკენ იზიდავდა. ალექსანდრე წერს: „მომეტებულო წილი ჩვენგანი, ვინც-კი ემსახურობდით თეატრში, ამ საქმეს ისე უყურებდით, როგორც ერთ საქვეყნო სამსახურს, რომელიც ეჭირებოდა ჩვენს ქვეყანას როგორც ენის გასავერცელებლად და გასაცნობლად ჩვენი ქვეყნის ცხოვრებასთან; ერთი სიტყვით, თეატრს ისე უყურებდით, როგორც საზოგადოების შეხედულებების და გონების გასახსნელს. ერთს საშუალებას და ამიტომაც ვიკისრეთ შედარებით ისე მკირედს ჯამავირზე ცხოვრება, როგორც დაგვინიშნა ანტეპრენიორმა“¹.

¹ საქართველოს სახ. ბუხუემის ხელნაწერი, წ.-კ. ფონდი, № 3981.

მოყვანილი ამონაწერი გარკვევით მიუთითებს იმ ანტიერესებზე, რომლებიც ალ. ყაზბეგს ქართულ თეატრში ამოქმედებდა. თერთ ალექსანდრეს მიერ მოწოდებულ ამ ცნობას მისი თანამედროვეებიც ადასტურებენ. ქართული თეატრის ერთერთი ცნობილი მოღვაწე-გიორგი თუმანიშვილი, თავის მოგონებებში მოგვითხრობს იმ უანგარო გატაცების შესახებ. რომლითაც შევალა ალ. ყაზბეგი მუდმივ ქართულ დასში. გ. თუმანიშვილის ეს მოგონება საინტერესო ფურცელია ალ. ყაზბეგის სათეატრო მოღვაწეობის ისტორიაში. იგი წერს:

„ყაზბეგს მე გავეცანი 1879 წელს შემდეგ განსაკუთრებულ მდგომარეობაში. ამ წელს საქართველოს ცხოვრებაში ადგილი ჰქონდა ღირსშესანიშნავ მოვლენას: ჩამოყალიბდა მუდმივი ქართული დრამატიული დასი, იგი ჩამოყალიბდა დიდი წვალებისა და დაეიდარაბის შედეგად. რეპერტუარი კი, შეიძლება ითქვას, სრულებით არ იყო. ერისთავისა და ანტონოვის პიესებმა ყველას საკმაოდ მოაბეზრა თავი, ახლები კი თითზე ჩამოსათვლელი იყო. რა თქმა უნდა. მუდმივი წარმოდგენების მოწყობასთან დაკავშირებით უნდა გაჩენილიყვნენ ახალი პიესები. მაგრამ პირველ ხანებში მეტად მძიმე მდგომარეობა იყო. სწორედ ამ ძნელ მომენტში დ. ვ. ერისთავმა (დრამა „სამშობლოს“ ავტორმა) ახლად ჩამოყალიბებულ არტისტების ამხანაგობას აუწყა მეტად სენსაციური ახალი ამბავი. მან, როგორც თვითონ ირწმუნებოდა. გამონახა პროვიდენციალური არსება, რომელსაც შეეძლებოდა ქართული თეატრის გადარჩენა. ამასთან მან დაასახელა მანაშლეს ყველასათვის უცნობი ა. ყაზბეგი, რომელიც, თუ არ ვცდები, ის იყო დაბრუნდა პეტერბურგიდან. ყაზბეგს, როგორც გადმოსცემდა დავ. ერისთავი. ჰქონდა 25-მდე თარგმნილი პიესა ქართულ ენაზე. გავიგე რა ამის შესახებ მე, რომელიც მეტად გატაცებული ვიყავი თეატრით. გაშმაგებით დაუწყე ძებნა ცით მოგზავნილ კეთილმოქმედს. ბევრი ძებნის შემდეგ კეთილმოქმედი ნახულ იქნა. — რომელიღაც ბინძურ ნომრებში ჩუღურეთში (თუ არ ვცდები. ახლანდელი კომერციული სასწავლებლის შენობაში). ეს იყო გამხდარი და ფერმიხდრილი ახალგაზრდა. მაგრამ მეტად სიმპატიურა და ლამაზი ფიზიონომიითაც-კი. მან განაცხადა. რომ მართლაც ბევრი თარგმნა, არც კი ახსოვს, სახელდობრ რამდენი, მაგრამ მას ყველაფერი უწესრიგოდ აქვს. ამასთან მან გამოსთქვა თავისი მზადყოფნა გასამრჯელოს გარეშე ემსახუროს ქართულ თეატრს რითაც კი შეუძლია და ამხანაგობის სრულ განკარგულებაში გადასცა ხუთმოქმედებიანი დრამა „ცხოვრების მეგობარი“ („Подруга жизни“). ეს პიესა მანამდის მე ნახული

მქონდა რუსულ სცენაზე. ვთვლიდი მას შინაარსის მიხედვით სავე-
ბით შესაბამისად ქართული ცხოვრებისათვის და ალტაცებული ვი-
ყავ. როდესაც მივიღე დიდი რვეული. სუფთად დაწერილი თვით
ყაზბეგის მიერ. მე შევბარდი მიმეცა ის გადასაწერად და დამებრუ-
ნებინა ორი-სამი დღის შემდეგ. თარგმანში გვხვდებოდა ზოგიერთი
რუსიცოზმი. პიესის შესასრულებლად დასში არ მოიპოვებოდა შე-
საფერასი ძალები. მაგრამ ყოველივე ეს მე ნაკლებად მაფიქრებდა.
პიესა გადაწეროლ იქნა ორ დღეში და ავტორს დაუბრუნდა. რაძდე-
ნიმე თვის შემდეგ მე თეატრს ჩამოვშორდი. მაგრამ მაყურებლის
როლში მიხდებოდა თვალყური მედევენებინა ყაზბეგის აქტიური
მოღვაწეობისათვის ახლად შექმნილ ქართულ სცენაზე. ქართულმა
რეპერტუარმა მისგან სერიოზული დახმარება მიიღო. ის კიდევ
თარგმნიდა. კიდევ გადმოაკეთებდა და კიდევ სწერდა ორიგინა-
ლურ პიესებს”¹.

ამონაწერი საკმაოდ ვრცელი გამოვიდა. მაგრამ იგი ეხება საინ-
ტერესო მომენტს.—აღ. ყაზბეგის სათეატრო მოღვაწეობის დასა-
წყისს. დაბოლოს ეს სტრიქონები ქართული თეატრის ერთერთ დიდ
მომამაკეს — გიორგი თუმანიშვილს — ეკუთვნის.

მოყვანილი ამონაწერები საკმაო წარმოდგენას იძლევიან იმ მიზ-
ნების შესახებ, რომლებიც აღ. ყაზბეგს ქართული თეატრის სცენი-
საკენ ეწეოდა. საჭიროა აქვე აღინიშნოს, რომ ალექსანდრე არ ყო-
ფილა ზრწყინვალე არტისტი. თანამედროვეთა გადმოცემით, იგი
მხოლოდ ზოგიერთ როლებს იმშვენებდა. აღ. ყაზბეგი განსაკუთრე-
ბულ ინტერესს იწვევს როგორც მწერალი, მხატვრული სიტყვის
უღიდესი ოსტატი. და არა როგორც არტისტი. თითქმის ყველა დი-
დი მწერალი ხარკს აძლევდა თეატრსაც. ქართული თეატრის ინტერე-
სებიდან გამოსულმა ილია ქავჭავაძემ „მეფე ლირი“ ჯერ თარგმნა,
ხოლო ერთხელ სცენაზე კენტის როლიც შეასრულა. ამავე ავტორ-
მა ნატო გაბუნიას საბენეფისოდ თავისი „კაცია-ადამიანი?!“ პიესად
გადააკეთა.

ქართულ თეატრს ამაგი დასდეს აკაკი წერეთელმა, გიორგი წე-
რეთელმა და სხვებმა. ანალოგიური ბედი ხვდა ალექსანდრე ყაზ-
ბეგს. მხოლოდ იმ განსხვავებით, რომ აღ. ყაზბეგს კიდევ უფრო
მეტად უყვარდა სცენა, ვიდრე სხვა რომელიმე მწერალს. ეს უდი-
დესი ადამიანი თავისი დაუდეგარი და მუდამ მაძიებელი სულის
სიმშვიდეს თითქოს სცენაზე ჰპოვებდა. მწერლის ერთერთი თანა-

¹ Г. М. Туманов-- „Характеристики и воспоминания“, წიგნი პირველი,
1913 წ., გვ. 119, 120, 121.

მედროვე თავის მოგონებაში გადმოგვცემს იმ უდიდესი კმაყოფილების შესახებ, რასაც ყაზბეგი სცენაზე გამოსასვლელად მზადებისას განიცდიდა. აი რას წერს პ. ცხვილოელი:

„ალექსანდრე ყაზბეგი მეტად გულჩათბობილი. მუდამ თავდაკიდული და მობუზული იყო შინ თუ გარეთ მოსიარულე. სიციცხლეს მხოლოდ მაშინ შეაშჩენდა ადამიანი, როდესაც იგი სცენაზედ სათამაშოდ ემზადებოდა და წავიდოდა შინიდან. ამ დროს განუწყვეტელს ფაკი-ფუტში იყო. ხან იქით აწყდებოდა, ხან აქეთ, — ჩხრეკდა თავის რვეულებს, შლიდა და ფურცლავდა წიგნებს, ინიშნავდა პატარა წიგნაკში რაღაცებს. ხან კარანდაშით. ხან კალმით. ტანისამოას ისუფდავებდა და ისწორებდა სარკეში, ერთის სიტყვით, უიმისოდ უსუფთაობასა და არევიარევის ჩვეული, ეხლა თითქოს სადღესასწაულოდ ემზადებოდა“¹.

ასეთი გატაცებით უყვარდა ალ. ყაზბეგს სცენა და თეატრი.

II

ალ. ყაზბეგი ერთ ადგილას წერს: „მე შემთხვევით არ გამოეცხუღვარ სალიტერატურო ასპარეზზედ. რადგანაც თოთხმეტის წლისა ვიყავ და თითქმის ძლივსა ვბლაჯნიდი, როდესაც პირველად დაწერე სცენები კომედია „აღმზრდელებიდან“. როგორც ჩანს, ახალგაზრდა მწერლის პირველი ლიტერატურული ვარჯიშობანიც უმთავრესად პიესების ხაზით მიდიოდა. იმავე პიესებით გამოჩნდა იგი პირველად ლიტერატურის სარბიელზე. პოეტი ი. გრიშაშვილი სამართლიანად შენიშნავს, რომ ალ. ყაზბეგმა ჩვენი მწერლობის ალაყაფის კარები პირველად პიესებით შემოაღო.

თვითონ ალექსანდრე თავის ერთერთ წერილში მეტად საინტერესო ცნობას გვაძლევს ამ დასაწყისის შესახებ. იგი წერს: „1874 წელს მე ვიყავ თბილისში. სადაც გახშირებული ლაპარაკი იყო რეპერტუარის უქონლობის გამო. ესევე იყო მიზეზი, რომ თითო-ორი-ლა სპექტაკლებიც დიდი გაკვირვებით იმართებოდა. რადგანაც ეროს-თავისა და ანტონოვის პიესებს თავი საკმაოდ მოეძულებინა საზოგადოებრათვის. მე წავედი შინა და მოვდექე პიესების წერას. თარგმნას. და გადმოკეთებას. მოკლე ხანში შევადგინე ოცდაერთი პიესა და თბილისისაკენ გამოვწიე. დარწმუნებულმა. რომ ქართულს თეატრზედ მზრუნველი საზოგადოება სიამოვნებით მიიღებს ჩემს

¹ „ივერია“, 1893 წ., № 268.

წრომას. წარმოადგინეთ ჩემი გაოცება, როდესაც მადლობის მა-
ვიერ ცხვირწინ ფრუტუნი დამიწყეს და მასხარად ამიგდეს“¹.

ასე მწარედ იგონებს ალ. ყაზბეგი თავის პირველ გამოჩენას
საპოლიციო ანჰარეზზე. ახალვაჯრდა ავტორის მასხარად აგდებამ
კარვა ანთ დაავიანა მისი გამოსვლა ფართო საზოგადოებრივი
მოღვაწეობის სარბიელზე. გულნატკენი ავტორი დიდხანს ვეღარ
ბედავდა თავისი პიესების დასადგმელად წარმოდგენას. ასე გრძელ-
დებოდა დაახლოებით ექვსი წლის განმავლობაში. მხოლოდ 1884
წლის გაზაფხულზე ალექსანდრეს პიესებმა პირველად იხილეს
სცენა.

საქიროა აქვე აღინიშნოს. რომ ალ. ყაზბეგის გამოჩენა ქართულ
სცენაზე უშუალოდ არის დაკავშირებული ქართული თეატრის უდი-
დესი მოამაგეების, ვასო აბაშიძისა და მაკო საფაროვ-აბაშიძის უკე-
დავ სახელებთან.

ალექსანდრე ყაზბეგის მრავალფეროვან ცხოვრებაში. და გან-
საკუთრებით მის სათეატრო მოღვაწეობაში. მეტად საყურადღებო
მომენტს წარმოადგენს ალექსანდრეს პირველი პიესის დადგმის ია-
ტორია.

1880 წლის გაზაფხულზე. იმ დროს. როდესაც იგი საამისოდ
შეიძლება არც არაფერს მოელოდა, ალ. ყაზბეგი ლებულობს წე-
რილს მაკო საფაროვ-აბაშიძისაგან, რომელიც ალექსანდრეს თავის-
თან იბარებდა. ალ. ყაზბეგს სხვა არავითარი საბაბი ჰქონდა ეფიქ-
რა. გარდა იმისა, რომ აბაშიძეების ოჯახი მას სადილზე ან შინაურ
ლიტერატურულ შეკრებაზე იპატიებდა. დანიშნულ დროს ის მ-
პატიებებს ადგილზე გამოცხადდა, მაგრამ სადილის მაგიერ ვასო
აბაშიძემ პიესა სთხოვა. მაკო საფაროვას ბენეფისი მსადდებოდა
და თვით მაკოს სურვილით ეს ბენეფისი ალ. ყაზბეგის რომელიმე
პიესით უნდა ჩატარებულიყო.

ალ. ყაზბეგი თავის მოგონებებში თვითონვე მოგვითხრობს ამ
ეპიზოდს შესახებ. წერილით პირდაპირ იგონობა. რომ მისი პიე-
სის სცენაზე წარმოდგენის განზრახვა ალ. ყაზბეგმა იმ დღეს პირ-
ველად გაიგო. იგი წერს:

„ერთ საღამოს მე მომივიდა წერილი ქართულის დრამატიკულას
დასის არტისტკა ს-გან (საფაროვისაგან — ა. მ.). რომელიც ზრდი-
ლობიანი წერილით მთხოვდა მივსულიყავ მასთან. დანიშნულს
დროს შე მივედი, ზალაში დამხვდა იმისი ქმარი (ვასო აბაშიძე — ა. მ.);

¹ საქართველოს სახ. მუზეუმის ხელნაწერი, წ.-კ. ფონდი, № 3989.

რომელმაც შემატყობინა, რომ მისი ცოლი შეუძლოდ არის და მასთანვე დაუმატა:

— ამ ორი კვირის შემდეგ იმის ბენეფისი გახლავს. დრამატიულმა კომიტეტმა პირობაში აღუთქვა, რომ საბენეფისოდ უეჭველად ახალს პიესას მოუმზადებდა და ჩვეულებრივ მოატყუა. ჩვენ შევიტყუეთ. რომ თქვენ რამდენიმე პიესა გაქვთ დაწერილი და ჩემი ცოლი გთხოვთ ერთერთი მისცეთ.

— დიდის სიამოვნებით, — ეუპასუხე მე და მაშინვე დაუმატე: — მხოლოდ კომიტეტს არა აქვს გადათვალთვალთ. მაშინ კომიტეტის ნებადაურთველად არტისტს აკრძალული ჰქონდა პიესა რაზე დაედგა სცენაზედ.

— მე ავიღებ ნებას და კიდევ გავშინჯავთ.

— ძალიან კარგი.

ჩვენ წავედით ჩემს სადგურში და გადავიკითხეთ ერთი ზუთ-მოქმედებიანი დრამა, სახელად „ერთი უბედურთაგანი“. ხსენებულს არტისტს მოეწონა და წაიღო¹.

ასე მოგვიტხოვრობს ალ. ყაზბეგი იმ დღის შესახებ. როდესაც პირველად წაიღეს მისი პიესა სცენაზე წარმოსადგენად. ირღვეოდა ის დუმილი, რომელიც ზუთი წლის მანძილზე გრძელდებოდა. ე. ი. იმის შემდეგ, როდესაც აღექანდრეს თავისი პიესები უკან დაუბრუნეს და შწარედაც დასცინეს. „მასხრად აიღეს“.

ალ. ყაზბეგი მოუთმენლად ელოდა თავისი პიესის წარმოდგენის დღეს. „გულმოკლული მოხევე“ მაკო საფაროვას ბენეფისში თავის საკუთარ დღესასწაულს ხედავდა.

1880 წლის 13 მაისი ალ. ყაზბეგის გულსა და გონებაში განსაკუთრებული ნატვრის დღე უნდა ყოფილიყო. ისეთი დიდი განცდის, შინაგანი წვისა და დუღილს ავტორი. როგორც იყო ალ. ყაზბეგი, ამ დღეს სცენაზე ნახავდა თავისი პიესის პირველ წარმოდგენას.

13 მაისის წარმოდგენას სხვებიც დიდად მოელოდნენ. მაკო საფაროვას ბენეფისი იყო და ქართული თეატრის მოყვარულ საზოგადოებრიობა მოამავე არტისტის პატრუცემად ემზადებოდა.

გაზეთი „დროება“ 13 მაისის წარმოდგენის შესახებ წერდა: „დღეს, სამშაბათს, საზაფხულო თეატრში დანიშნულია მ. საფაროვის ქალის ბენეფისი, რომლისთვის ქართულ ტრუპასს მოუმზადებია ახალი ოთხ-მოქმედებიანი დრამა „ერთი უბედურთაგანი“

¹ საქართველოს სახ. მუზეუმის ხელნაწერი, წ.-კ. ფონდი, № 3989.

ა. შოჩხუბარძისა და რაფიელ ერისთავის ჩინებული ვოდევილი „პი-
ძიასთან გამოხუჭრება“.

„მ. საფაროვი ერთი უპირველეს და უჩინებულეს მანათობელ-
თავანია ქართულის სცენისა; არა-ერთხელ ნამდვილი ესთეტიკური
სიამოვნება მიუღია იმის ნიჭიერ თამაშისაგან ჩვენს საზოგადოებას,
ახალ პიესის თამაშთან რომ ეს გარემოებაც მივიღოთ მხედველობა-
ში. უეჭველად, უნდა ვიფიქროთ, რომ დღეს თეატრი საღესე იქნება
ხალხით. ჩვენ შევიტყვეთ, რომ ბენეფიციანტის ნიჭის პატივის-მცე-
მელნი რამდენსამე საჩუქარს ამზადებენ“¹.

აქე ემზადებოდნენ 13 მაისის წარმოდგენისათვის. ადვილი
წარმოსადგენია, თუ როგორი უნდა ყოფილიყო მოუთმენლობა ალ.
ყაზბეგისა. იგი თავის პიესის სცენაზე ნახვას ელოდა.

დანიშნულ დღეს თბილისის საზაფხულო თეატრში წარმოდგე-
ნილ იქნა ალ. ყაზბეგის პიესა „ერთი უბედურთაგანი“. მთავარ
როლებში მონაწილეობდნენ მკო საფაროვა, ნატო გაბუნია, კოტე
ყოფიანი და თვით ალექსანდრე ყაზბეგი (მოხევე).

წარმოდგენა დამთავრდა. ხალხი წავიდ-წამოვიდა. თეატრი და-
ცარიელდა; თავბრუდახეული ავტორი კი თეატრიდან გამოსვლას
ვერ ახერხებდა. იგი ანგარიშიუცემლად კულისებში იდგა და ვერ
გამორკვეულაყო. ალ. ყაზბეგი თავის მოგონებაში მისთვის ჩვეულა
გულუბრაყვილობით გადმოგვცემს. თუ რა განიცადა მან იმ სალა-
მოს.. იგი გულახდილად მოგვითხრობს: „მე ჯერ კიდევ კულისებს
უკან ვიდექ და ანგარიში ვერ მიმეცა ჩემის თავისათვის. როდესაც
ერთბაშად გამოვფხიზლდი სცენის მოსაშასახურებების ბრახა-ბრუხზედ.
პიეხიედ-მოღიხედე და სუყველაფერი გამოცვლილად მეჩვენა. სცენა
არეული, სიჩუმის მაგივრად მოსამსახურებების ბრახა-ბრუხი და ხმა-
ურობა. და მათ შორის მარტოკა სრულიად ობლად დარჩენილი
ვიდექი მე“².

გამოფხიზლებული ავტორი შინისაკენ გაემგზავრა, მაგრამ
იგი ჯერ კიდევ მოუსვენრად იყო. „მე მივიდიოდი, მაგრამ გართული
ფიქრით თავს ანგარიშს ვერ ვაძლევდიო“, — გადმოგვცემს თვითონ
ალ. ყაზბეგი. იმ სალამოს ალ. ყაზბეგმა პირველად ნახა თავისი
პიესა ფართო მყურებლის წინაშე. ეს იყო უდიდესი მოვლენა
მის ცხოვრებაში და ამიტომ იგი მთელი თავისი არსებით განიცდი-
და ამ სიზარულს.

მგონობიარე ავტორს ახლა ის უნდოდა გაეგო, თუ როგორ მიიღო

¹ გაზეთი „დროება“, 1880 წ., № 100.

² საქართველოს სახ. მუზეუმის ხელნაწერი, წ.-კ. ფონდი, № 3989.

მაყურებელთა წრემ მისი პიესა. ალ. ყაზბეგი თვითონვე წერს. რომ ის სალაპოც მან მოუსვენრად გაატარა. თითქმის უძილოდ. და მეორე დღეს დილაადრიან გაზეთებსაც თხოულობდა, რომ წარმოდგენის ანგარიში წაეკითხა. „მთელი ღამე ამ წარმოდგენის შემდეგ გავატარე მოუსვენრობაში; დამეძინა გათენებისას და ისიც ერთს თუ ორს საათს. გამოღვიძებასთან ერთად დაუძახე მოსამზახურეს და თუმცა დარწმუნებული ვიყავ, რომ წარმოდგენის ანგარიში მეორე დღის გაზეთში დაბეჭდილი არ იქნებოდა. — მაინც გაზეთებზე მოვიკითხე“. ასე გადმოგვცემს ალ. ყაზბეგი თავის მდგომარეობას.

13 მაისის წარმოდგენას ჩქარა ქართული პრესაც გამოეხმაურა. ორიოდ დღის შემდეგ გაზეთ „დროებაში“ ზედისხედ ორი რეცენზია დაიბეჭდა. პირველი ამათგანი 16 მაისს გამოქვეყნდა. მაგრამ ამ რეცენზიას არ შეიძლება დაეკმაყოფილებინა ალ. ყაზბეგის მოლოდინი. რეცენზენტმა წარმოდგენის უკეთესი მხარეები არტისტების ნიჭსა და თავდადებას მიაწერა. თვით პიესა კი არც აქო და არც აძაგა. მკითხველი პირდაპირ გრძნობს, რომ რეცენზენტი საგანგებოდ გვერდს უხვევს პიესას დადებით ნიშნებს და ერთგვარ ტენდენციურობას ამჟღავნებს¹.

მეორე რეცენზია, რომელიც მიძღვნილი იყო ამ წარმოდგენისადმი, დაიბეჭდა 17 მაისის „დროებაში“ სათაურით: „ქართული თეატრის მატრიანე“. ეს რეცენზია საყურადღებოა იმიტომ, რომ იგი უფრო ვრცელია და წარმოდგენის შესახებ შედარებით ფართოდ მოგვითხრობს. რეცენზენტი (ქართულის თეატრის მოყვარე) განსაკუთრებით კმაყოფილია პიესის პირველი მოქმედებით. იგი წერს: „თვითონ დრამა მაგვდენი ვერაფერია და თუ ამ დრამაში ყურადღების ღირსი რამ არის — ეგ პირველი მოქმედებაა, საცა საკმაოდ გამოხატულია ჩვენის ქართულის ოჯახის შინაური ყოფა-ცხოვრება. ავტორმა ამ მოქმედებაში თავი იჩინა, როგორც კაცმა, რომელსაც ჰქონია თვალის დასანახავად, ყურიც სასმენლად და კალამიც გამოსახატავად. ეგ მოქმედება საესეა ყველა ჩვენის ოჯახის საერთო ავკარგიანობითა“².

ასე წერდა რეცენზენტი ალ. ყაზბეგის პიესის პირველი მოქმედების შესახებ, მაგრამ სამაგიეროდ მან ხაზი გადაუსვა პიესის დანარჩენ ნაწილებს და ავტორს მათი მოხსნაც კი ურჩია. „შე რომ ავტორი ვყოფილიყავ, მარტო მაგ ერთს მოქმედებას დავეჯერდებო-

¹ გაზეთი „დროება“, 1880 წ., № 103.

² გაზეთი „დროება“, 1880 წ., № 104.

დი და დან.რჩენს სამს მოქმედებას ჩაილულის წყალს დაეალევიენ-
ნდრო" — წერდა ვათამამებელი რეცენზენტი.

ისე როგორც პირველი, მეორე რეცენზენტიც 13 მაისის წარ-
მოდგენის ყველა დადებით მხარეს არტისტებს უმადლოს, ხოლო
პიესის ავტორი დაუმსახურებლად ჩრდილშია დაყენებული. რეცენ-
ზენტი იძულებულია აღნიშნოს, რომ პირველი მოქმედების დასას-
რულ მაყურებლებმა პიესის ავტორი გამოიწვიეს და ოვაცია გაუ-
მართო. მაგრამ იგი იქვე შენიშნავს, რომ ალ. ყაზბეგი მაყურებ-
ლისაგან ასეთ დაჯილდოებას უნდა უმადლოდეს არტისტებს, და
არა თავის საკუთარ ზელოვნებას. რეცენზენტი განსაკუთრებით აღ-
ფრთოვანებულია ნატო გაბუნიას და კოტე ყიფიანის მიერ თავიან-
თი როლების შესრულებით. იგი წერს: „პირველი მოქმედება დრა-
მისა, რომელიც წინ მოვიხსენიეთ, სრულიად უგემურად ჩაივლიდა,
რომ პიესას გაბუნიას ქალი და კ. ყიფიანი არ შეხვედროდა, და თუ
ეს მოქმედება მოეწონათ მაყურებელთ, ასე რომ თვითონ ავტორიც
გამოიწვიეს, ავტორი გაბუნიას ქალის და კ. ყიფიანის მადლობელი
უფრო უნდა იყოს, ვიდრე თავის საკუთარის ხელოვნებისა“.

ასე შეაფასეს ალექსანდრე ყაზბეგის პიესის პირველი წარმო-
დგენა. ამ შეფასებაში უდაოდ იგრძნობა ერთგვარი ცდა გულმოკ-
ლული მოხვევის ხელმეორედ გაწბილებისა, მაგრამ ალ. ყაზბეგი გა-
მოვიდა სამოღვაწეო ასაპრეზზე და მისი უკან დახვევა ნაგვიანევი
ოცნება იყო.

ასეთია ალ. ყაზბეგის პიესის პირველი წარმოდგენის ისტორია

III

1881 წლის მიწურულს ალექსანდრე ყაზბეგმა დაამთავრა
თავისი ცნობილი დრამა „არსენა“. 1882 წლის 1 იანვარს თვითონ
ალ. ყაზბეგის საბენეფისოდ „არსენა“ არწრუნის თეატრში წარ-
მოადგინეს.

გაზეთი „დროება“ ამ წარმოდგენის შესახებ იტყობინებოდა:
„დღეს. 1 იანვარს, არწრუნის თეატრში დანიშნულია ქართული
დრამატული ტრუპის ერთი ერთგულ წევრთაგანის ა. მოხვევის
ბენეფიკი. წარმოსადგენად დანიშნულია, სხვათა შორის, თვითონ
მობენეფისეს ახალი პიესა „ყაჩალი არსენა“, რომელსაც ძალიან
აქებენ. ამას გარდა ითამაშებენ ერთს ახალ ვოდევილსაც და იქნება
აგრეთვე დივერტისმენტი“¹.

¹ გაზეთი „დროება“, 1882 წ., № 1.

„არსენას“ წარმოდგენა დანიშნულებისამებრ ჩატარდა. პიესა უდიდესი გავლენა მოახდინა დამსწრე საზოგადოებაზე. რეცენზენტი თავმუშუავებლად წერდა. ჩვენ დავესწარიტ წარმოდგენას, რომელიც მართლა ახარებს ჩვენს გულსაო. „არსენას“ წარმოდგენამ უდიდესი გავლენა მოახდინა დამსწრეებზე. ეს დრამა იმავე ავტორია უდიდეს რომანს „ელგუჯას“ გაუტოლეს.

„არსენას“ წარმოდგენას პირველ რიგში გამოეხმაურა გაზეთი „დროება“. „დროება“ თავის სარეცენზიო წერილში წერდა: „1-ს იანვარს ჩვენ დავესწარიტ არწრუნის თეატრში ერთს იმისთანა წარმოდგენას, რომელიც მართლა ახარებს ჩვენ გულს. ეს გახლავთ ახალი დრამა მოჩხუბარიძისა „არსენა“.

..თვითონ არსენაზე ბევრი თქმულა ლექსად თუ ამბად და ამის გამო საჭიროდ არა ვთვლი პიესის შინაარსი გადმოგცეთ. მე დავიწყებ იქიდან, რომ მოჩხუბარიძე ამ უკანსაკნელ დროში ცდილობს სურათების გამოღებას ჩვენი ხალხის ცხოვრებიდან და საზოგადოების გაცნობას ჩვენს გლესკაცობის მდგომარეობასთან.

..რამდენად სინდისიერად ასრულებს ამ შრომას, იმას დაგეანახებს შემდეგი კრიტიკული განხილვა... ჩვენ არ შეგვიძლიან არ განუცხადოთ ჩვენი მადლობა ამ ახალს მწერალს. როგორც მოთხრობა „ელგუჯასათვის“, აგრთვე დრამა „არსენასათვის“. მოჩხუბარიძემ დაამტკიცა ამ თავის თხზულებებში. რომ ის კარგად იცნობს კაცის გულს და შეუსწავლია იმისი მოძრაობა.

„ამიანათვისაც ისეთის გულმოდგინებით დასაჩუქრეს „არსენას“ ავტორი მრავალჯერ ტაშის კვრით და „ბრავოთი“.

რეცენზენტი შეფასებას აძლევს აგრთვე საღამოს მონაწილე არტისტებსაც. იგი თითქმის ყველა მონაწილის კმაყოფილია. მისივე სიყტიტით, ამ საღამოს მათ თავიანთ ნიქსაც-კი გადააქარბეს. რეცენზენტი განსაკუთრებით კმაყოფილია ალ. ყაზბეგის მიერ არსენას როლის მოხდენილად შესრულებით. იგი გულახდილად წერს, რომ მოხევემ და ზერხეულიძემ მტერი თუ მოყვარე აღტაცებაში მოიყვანეს. ის ამბობს: „მოთამაშეებზედაც საღაპარაყო არ არის. რადგანაც ყველამ ძალიან კარგად იცის. რა რუგათაც თამაშობენ ჩვენი ნიქიერი აქტიორ-აქტრიანები იმვეარ პიესებში. რომელიც-კი ჩვენი ცხოვრებიდან იქნებიან აღებული. ამ საღამოს თითქოს თავიანთ ნიქსაც-კი გადააცილეს. თითონ სიყვილის წამი ბენეფიციანტმა (არსენამ) და ერთბაშად გაგიყება ზერხეულიძისამ ისეთის ხელოვნებით წარმოდგინეს. რომ მთელი თეატრი, მტერი თუ მოყვარე, აღტაცებაში მოიყვანა“.

დასასრულ. რეცენზენტი გულწრფელად გადმოსცემს იმ უდი-
დეს კმაყოფილებას. რაც „არსენამ“ გამოიწვია. რეცენზიის დას-
კვნით ნაწილში ვკითხულობთ: „ეს პიესა სავსეა ეფექტებით. სცე-
ნებით. რომელიც არ არღვევს პიესის გარმონიას და კიდევა შვე-
ლის არსენას ხასიათის გამოაშკარავებს. ერთის სიტყვით, ეს პიესა
ისეთი პიესათაგანი არის, რომელიც ძვირფასად ჩაითვლებოდა სხვა
ერის რეპერტუარშიც, არამც თუ იმ პიესების სიღარიბეში, რომე-
ლიც ჩვენა ვეაქვს.

მობენეფისე საზოგადოებამ დაასაჩუქრა მრავალის ტაშით და
რამდენიმე ნივთით. საღამომ გაიარა მხიარულად და სია-
მოვნებით“¹.

ასე წერდა ალ. ყაზბეგის დრამის „არსენას“ დადგმის შესახებ
გაზეთ „დროების“ რეცენზენტი. ამავე წარმოდგენას გამოეხმაუ-
რნენ იმ დროის ქართული ჟურნალები „ივერია“ და „იმედი“.

განსაკუთრებით საყურადღებოა ჟურნალ „იმედი“ გამოქვე-
ყნებული რეცენზია, რომელიც დაწერილია ცნობილი ხალხოსნის
სტეფანე ჭრელაშვილის მიერ. „იმედის“ ეს წერილი საინტერესოა
იმიტაც, რომ, როგორც სტ. ჭრელაშვილის იმავე რეცენზიიდანაც
ჩანს, ჟურნალი „იმედი“ საერთოდ ძალიან ცოტას წერდა ქართული
თეატრის შესახებ. რეცენზიის ავტორი პირდაპირ გვეუბნება, რომ
აქამდის (1882 წლამდის) არც კი ღირდა ქართული თეატრის შესა-
ხებ წერა, და ამას იმით ასაბუთებს, რომ არ გვქონდა კარგი პიესები
და, მაშასადამე. კარგი წარმოდგენები. სტ. ჭრელაშვილს განსაკუთ-
რებით ახარებს ის გარემოება, რომ 1882 წლის იანვარში ზედიზედ
დაადგა ალ. ყაზბეგის „არსენა“ და დავით ერისთავის ცნობილი
„სამშობლო“. ჭრელაშვილის სიტყვით, ქართულ თეატრს გაუთენ-
და კარგი ახალი წელიწადი, ბედნიერი დასაწყისი და ახლა შეიძლე-
ბა იმედიანად შეჰყუროს კაცმა ქართული თეატრის ბედ-იღბალს.

სტ. ჭრელაშვილი აღტაცებაში მოსული წერს: „ეს ბედნიერა
დასაწყისი განლავთ ორი ჩინებული პიესისა, რომელიც ამ ცოტა
ხნებში ორ-ორჯერ დაიდგა ქართულ სცენაზედ და ორ-ორჯერვე
ნამდვილ აღტაცებაში მოიყვანა პუბლიკა. ერთ პიესასა ჰქვიან
სახელად „ყაჩაღი არსენა“ და ეკუთვნის ყაზბეგის ახალ
გაზრდა კალამს, მეორე — „სამშობლო“, რომლის გადმომკეთებელი
არის უფრო გამოცდილი მწერალი დ. ერისთავი“.

ასე წერდა სტ. ჭრელაშვილი ამ ორი პიესის შესახებ, მაგრამ

¹ გაზეთი „დროება“, 1882 წ., № 4.

იგი განსაკუთრებით გატაცებული იყო ალ. ყაზბეგის „არსენათი“. „ტეტიათა მოტრფიალ“ რეცენზენტმა სცენაზე ნახა გლახთა წრადან გამოსული სახალხო გმირი, და ბუნებრივია, რომ იგი ამით უნდა აღტაცებულყო. სტ. კრელაშვილის რეცენზიაში კარბად გვხვდება მთელი რიგი სიტყვების (შეიძლება წინადადებისაც) გამოტოვება და მათ ადგილს წერტილები აესებს. აქ, ყოველ ეჭვს გარეშე, ცენზურის ხელაა. გამოტოვებულ ადგილებში მკითხველი ძალდაუტანებლივ ამჩნევს. თუ რა უნდა ეთქვა ავტორს. გავეცნოთ ამ ადგილებს ისე. როგორც იგი იმ დროს დაიბეჭდა¹.

რეცენზენტი წერს: „როგორც სახელებიდან ვხედავთ. „ყაჩადი არსენა“ ჩვენი თვალის წინ აცოცხლებს იმ სახალხო გმირ არსენას. რომელზედაც ასე გავრცელებულია ჩვენი ქვეყნის ყოველ კუთხეში მესტირული ლექსი, იმ ოძელაშვილ არსენას, რომელსაც..... იხსენიებს ყოველი ქართველი კაცი, თუმცა ეს ისტორიული გმირი კანონს გარეთ ითვლებოდა თავის დროს, ყაჩად იყო გასული და მისი თავი ოქროზედ იყო დაფასებული. აქ მაყურებელი ჰხედავს და უსმენს იმ არსენას, რომლის ქება.... პატარაობითვე ეყურებოდა ჩვენებური მესტირეებისაგან და მრავალ სხვებისაგან. რომელზედაც თითო-ოროლა კუბლეთი ყველა ჩვენგანს თითონაც შეუძლიან წარმოსთქვას“.

დასასრულ, 1882 წლის იანვარში ქართული თეატრის ახალა დადგმებით კმაყოფილი სტ. კრელაშვილი წერს: „ამ ორმა პიესამ აშკარად დაგვანახვა. რომ ჩვენი საზოგადოების ძარღვში გამჯდარა ორნაირი სურვილი ბრძოლისა — ბრძოლა ხალხის ეკონომიური სამართლიანობის დასაფუძნებლად და ბრძოლა.... უსამართლობასთან. ბრძოლა... ეს არის ორი უდიდესი შინაარსი ჩვენი ხალხის სურვილისა“.

მოყვანილი ამონაწერები პირდაპირ მეტყველებენ იმ უდიდესა გამოხმაურების შესახებ, რომელიც ალ. ყაზბეგის „არსენას“ დადგმამ გამოიწვია. დაწყებული იმ დღიდან, ათეული წლების მანძილზე ალ. ყაზბეგის „არსენა“ ქართული თეატრის რეპერტუარის მუდმივი თანამგზავრი იყო.

IV

„არსენას“ წარმოდგენასთან დაკავშირებით საჭიროა აღინიშნოს აგრეთვე ალ. ყაზბეგის ერთი ინციდენტი ქართული თეატრის

¹ თურბალი „იმედი“, 1882 წ., № 1.

რეცენზენტისთან საზოგადოდ და იონა მეტნაგიასთან კერძოდ. ცნობილია, რომ ალ. ყაზბეგს ჩვენი თეატრის რეცენზენტებმა საზოგადოდ არ აწყალობდნენ. ისანი თითქმის ყოველთვის თავს იკავებდნენ ერთნელ გულმოკლული მოხევის ზედმეტი ქებისაგან. ჩვენ ზევით გავიკანით, თუ როგორ შეაფასა „დროებამ“ ალ. ყაზბეგის დოკა „არსენა“. მაგრამ ჟურნალ „ივერიის“ რეცენზენტმა ეს წარმოდგენაც კი მეტად სიტყვაძუნწად შეაფასა. მისი ავტორი ქების ღირსად მანც არ სცნო!

ალ. ყაზბეგისადმი რეცენზენტების ამ არაგულთბალი დამოკიდებულებას ერთნოთი მიზეზი შეიძლება ისიც იყოს, რომ თვითონ აღუქმანდნენ ზოგიერთი რეცენზენტის მიმართ ვერ იყო კარგი წარმოდგენის და სოფჯერ ბევრ მათგანს მეტად უსაყვედურებდა. ალ. ყაზბეგის ვალაშტება რეცენზენტების წინააღმდეგ სწორედ „არსენას“ წარმოდგენას მომენტს დაემთავა.

„არსენას“ სცენაზე წარმოდგენამდის სულ რაღაც ერთი თვით აღრე (1861 წ. 24 ნოემბერს) გაზეთ „დროებაში“ დაიბეჭდა ალ. ყაზბეგის წერილი „თეატრის შესახებ“. ალ. ყაზბეგის ეს წერილი მრავალმხრივ არის საინტერესო. იგი თვითღნათლივ მიუთითებს როგორც ავტორმა მოწინავე იდეებზე. ისე იმ ეპოქის ქართული თეატრის მდგომარეობაზე. წერილი ეხება ქარველი მსახიობების მდგომარეობას, აღნიშნავს მათს ხელმოკლეობას მაშინდელ პირობებში, მაგრამ აქვე უგუზრადღებოდ არ სტოვებს ქართული თეატრის მთელ რიგ მტკიცნულ საკითხებს. ავტორი განსაკუთრებით ამახვილებს საკითხს რეცენზენტების შესახებ. წერილის შესავალში ალ. ყაზბეგი გვეუბნება: „დიდი ხანია მსურდა მელაპარაკნა ქართული თეატრის აქტორებისა და მათი რეცენზენტების შესახებ“. როგორც ჩანს, ალ. ყაზბეგს დიდი ხნის განმავლობაში აღელვებდა ეს საკითხები. იგი ქართული თეატრის განვითარების საქმეში დიდ მნიშვნელობას აძლევდა რეცენზიებს და თვით რეცენზენტებს. ავტორი წერილისა ისე დიდი მოთხოვნილებასა იყო რეცენზენტის მიმართ, რომ იგი იძულებული გახდა ეთქვა: რეცენზენტი. ნამდვილი ამ სიტყვის მნიშვნელობით, არა გვეყავსო.

ალ. ყაზბეგმა ოთხმოციანი წლების ზოგიერთი რეცენზენტის შესახებ ასეთი აზრი გამოთქვა: „ამ უკანასკნელს დროში მეტად ენა წაიკრძელეს სხუადანსხვა ახალ-ახალმა რეცენზენტებმა და. არ ვიცი თ ვის სასარგებლოდ. ყოველი ღონისძიებითა ცდილობენ პერიოდულის ლანძღვით გული გაუგრალონ ქართველ საზოგადოებას ჩვენს თეატრზედ“.

¹ ჟურნალი „ივერია“, 1862 წ., № 1.

საინტერესოა ვიცოდეთ, რა აღედეგება ალ. ყაზბეგს რეცენზენტების წინააღმდეგ? ხომ არ იყო ეს გამოწვეული იმით, რომ მას, როგორც დრამატურგს, არ აქებდნენ? ხომ არ იყო ეს პირადი ანგარიშება? ალ. ყაზბეგის სასაბულოდ უნდა ითქვას, რომ იგი არასოდეს არ ყოფილა ანგარიშიანი. ამ შემთხვევაშიაც იგი გამოდგოდა ქართული თეატრის ინტერესებიდან, და არა თავნება პირადი უდგომარეობიდან. ალ. ყაზბეგი თვლიდა, რომ ყოველი ქართული წარმოდგენა უნდა ყოფილიყო ახალი მიღწევა ქართული თეატრისათვის, და თუ ეს ასე არ მოხდებოდა, ყოველ შემთხვევაში, ქართული წარმოდგენა არ უნდა გადაქცეულიყო ყბადსაღებ ამბად. ქართული წარმოდგენების ავტორიტეტს ალ. ყაზბეგი მეტისმეტად უფრთხილდებოდა. რეცენზენტებს იმაზე მიუთითებდა, რომ ქართული წარმოდგენების დაცინვით უფლებს ათავიანთებს არ მიეცათ, რადგან ამით მოწინააღმდეგე სარგებლობდა. ქართული თეატრისა და საზოგადოდ ქართული კულტურის მტრები უარყოფით რეცენზიებს კატის ქნუტებივით დაათრევენ და ქართული თეატრის უნიადაგობას ამტკიცებენო. ალ. ყაზბეგი სწორედ ამას ერიდებოდა და სხვებსაც აფრთხილებდა. იგი წერდა: „თეატრს, როგორც საზოგადოდ ყოველ ქართულს საქმეს, თავისი მტრები ჰყავს, და აი ეს მტრები სარგებლობენ იმ მოუაზრებელი რეცენზენტების სიტყვებით. წამოაულებენ ხელს. მაგალითად „ქართული სცენის მოყვარის“ წერილს მსგავს სტატიებს და დაათრევენ იმათ, როგორც კატა თავის ქნუტებს, და ყოველის ღონისძიებითა ცდილობენ გააერცელონ საზოგადოებაში აზრი როგორც ქართულის თეატრის, ისე ქართულის ენის საქმის შეუძლებლობაზე“.

თავის ამ წერილში ალ. ყაზბეგი გარკვევით ექომაგება არტისტებს და ქართული სცენის მოყვარეებს საზოგადოდ. იგი დიდად აფასებდა სცენისათვის ყველა თავდადებულს. ალ. ყაზბეგი არტისტის სახით სამართლიანად ხედავდა საზოგადო მოღვაწეს, რომელიც ყოველგვარი ანგარიშების გარეშე იბრძოდა ქართული კულტურის გადარჩენისათვის. წერილის ეს ადვილი საინტერესოა იმიტაც, რომ იგი საბოლოოდ შეუქს ჰყენს მისი ავტორის რეალისტურ დამოკიდებულებას თეატრისადმი. ჩვენ ზევით ვავეცანით ერთერთ ამონაწერს, რომელშიაც გარკვევით ისმის ის იდეები, რომელიც ალ. ყაზბეგს ქართული სცენისაკენ იზიდავდა. იგი თეატრს უყურებდა როგორც საქვეყნო საქმეს, ხალხის საზამსახურო დაწესებულებას, დასახლებულ წერილში ალ. ყაზბეგი თავის ამ შეხედულებას კიდევ უფრო ხაზს უსვამს. იგი გვეუბნება, რომ არტისტები სასყიდლისათვის კი არ ეწევიან ამ მოღვაწეობას. არამედ იმის გამო, რომ მიზანს ემსა-

ხურენიან. ხალხის საქმისათვის შრომობენ. ალ. ყაზბეგი, აფასებდა რა მეცხრამეტე საუკუნის ოთხმოციანი წლების ქართული სცენის მოღვაწეთა საქმიანობას. წერდა: „ეგრე გაუკვიათ, რომ ჩვენს აქტორებს სააყიდლისათვის-კი არ მიუღიათ თავიანთ თავზედ თეატრის საქმე. აჩამედ ენახურებიან იმას იმატომ, რომ მართლა უცკარათ თეატრი, იმატომ, რომ თეატრზედა აქვთ იმედი, რომელიც ყველაზედ უკეთ თანამემშვიებობს დედა-ენის აღდგენას. თუ ეს ამაღლებული აზრები არ აკმაყოფილებდეს ჩვენს აქტორებს, მაშინ ექვს თემნად თვეში რომელი სულელი დაადგებოდა იმისთანა მწელს და მოსაწყენ საქმეს, როგორც როლებსა დახეპრება?“.

მოყვანილი ამონაწერი მთლიანად უდგება თვითონ ალ. ყაზბეგის, როგორც დრამატურგისა და არტისტის, მოღვაწეობას ქართულ თეატრში.

დასასრულ, ამ წერილში ალ. ყაზბეგი ეხება საკითხს ქართული თეატრის შესახებ საზოგადოდ, ე. ი. იმას, არსებობს თუ არა საფუძველი ქართული თეატრის განვითარებისათვის. ის ეკამათება იმ ავტორებს, რომლებიც თეატრის არსებობაზე ზოგჯერ პესიმიზტურად მჯგელობდნენ, ეშინოდათ ხელმეორედ არ დაეკარგათ ეს დიდი შონაპოვარი.

ალექსანდრე ყაზბეგს თავის წერილში მოჰყავს ციფრობრივი მასალები იმის დასამტკიცებლად, რომ ქართული თეატრი დღიდან მისი აღდგენისა წინ მიდის და ვითარდება. იგი მიუთითებს ქართული წარმოდგენების მაყურებელთა რიცხვის თანდათანობით ზრდაზე, თეატრის მატერიალური მდგომარეობის გაუმჯობესებაზე, ხალხის მასების საერთო დაინტერესებაზე და დასკვნის, რომ ქართული თეატრის კვლავ მოსპობა შეუძლებელია. ალ. ყაზბეგის აზრით, ქართული თეატრი უდიდესი სიძნელეების წინაშეც დგას, მაგრამ ეს არის დროებითი სიძნელე, რომელმაც შეიძლება ეს დიდი ეროვნული საქმე შეაფერხოს კიდევ. მაგრამ მისი სამუდამოდ აღმოფხვრა არავითარ ძალას აღარ შეუძლია. ქართული კულტურის ამ ძლიერი კერის ჩაქრობა აღარ მოხერხდება, მტრები ამას ვეღარ შეძლებენ.

ასეთი იყო ალექსანდრე ყაზბეგის ღრმა რწმენა განახლებული ქართული თეატრის შესახებ.

ალ. ყაზბეგი, როდესაც ასე ხმამაღლა ლაპარაკობდა ქართული ნაციონალური თეატრის საბოლოოდ დამკვიდრებაზე, გამოდიოდა ხალხის მასების ნებასურვილიდან. ალ. ყაზბეგის სიღაღის ერთ-ერთი ნიშანი ის არის, რომ იგი ყოველთვის ხალხიდან გამოდიოდა. ასევე სწამდა მას თეატრის საქმეშიც, ოთხმოციანი წლების

ქართული თეატრის შესახებ ალ. ყაზბეგი ამბობდა, რომ მას (თეატრს) უდგას ისეთი მაგარი ბურჯი, რომლის შერყევაც არაერთარ ძალს აღარ შეუძლია. ეს ბურჯები, ეს ბურჯები სძირკველი არის ხალხის მოთხოვნილება. ხალხმა ჩასქიდა ხელი ქართულ თეატრს და მას არაფერს დაუთმობსო. აი რა საინტერესო სტრაქონებს ვკითხულობთ ამის შესახებ ამ წერალებში: „ჩვენი თეატრი ისეთს მაგარ საძირკველზედ არის აშენებული. ისეთი მაგარი ბურჯები უდგას, რომ იმისი კეთილდღეობა ყველა იმისათვის გამაშკარავებულია ვინც ძალად თვალების დახუჭვას არ მონდომება: ეს საძირკველი, ეს ბურჯები არის ხალხის მოთხოვნილება. რომელმაც დაინახა, გააგო და მაგრა ხელი მოჰკიდა თავის საჭიროების, მოთხოვნილებას აღმასრულებელ საგანს. ქართული თეატრის საქმის შეყენება კიდევ შეიძლება, მაგრამ ძირიანად ამოვადება, სამუდამოდ ამოფხვრა-კი აღარა“¹.

ასე სწამდა ალ. ყაზბეგს ქართული თეატრის ბედი მეცხრამეტე საუკუნის ოთხმოციან წლებში. მას სჯეროდა, რომ ამ საქმეს თავისი მტერაც ჰყავდა, ამ მტრად მწერალი პირველ რაგში მეფის რუსეთს გულისხმობდა თავისი დამპყრობელი პოლიტიკით. ალ. ყაზბეგი მიუთითებდა, რომ ყველა მოწინავე ქართველი უნდა ყოფილიყო ნაციონალური თეატრისათვის თავდადებული. ხოლო რეცენზენტებს კი ურჩევდა, რომ მათ „ენა დავმოკლებინათ“. ხელი აეღოთ ქართული წარმოდგენისა და ქართველი არტისტების ზედმეტ დაწუნებაზე.

როგორც ირკვევა. ალ. ყაზბეგმა ამ წერილით რეცენზენტებს საკმაოდ აწყენინა, ბევრმა ამ განცხადებას შორის თავისი თავი იცნო. სამწუხაროდ, მათ შორის იკრძაო თავი აჯრეთვე თავისი დროისათვის განათლებულმა მოღვაწემ იონა მეუნარგიამ. ბრძოლა გაჩაღდა.

ალ. ყაზბეგის წერილის გამოქვეყნებიდან სულ რაღაც ერთი თვის შემდეგ გახეთ „დროებაში“ ი. მეუნარგია ააბლებს რეცენზენტების ბეჭდვას სათათრით „თეატრალური ქრონიკა“ „ქრონიკის“ შესავალში ი. მეუნარგიამ მოხევის გაყენწველა მოინდომა. ამით, ალბათ, სამაგიეროს გადახდას ფიქრობდა. იგი წერდა: „მას აქეთ. რაც მოხუბარბიძემ „დროების“ თეატრალურ რეცენზენტებს („დროებაშივე“) „ენის წაგრძელება“ გვითხრა, ჩვენ პირველათაა, რომ თეატრალური ქრონიკას ხელს ვკიდებთ. იმ ხანად ისე მოხდა, რომ სიტყვა ჩამოგვართვა ემბემ, რომელიც თეატრალურ საქმეში ძლიერ არის

¹ გაზეთი „დროება“, 1881 წ., № 199.

განვიხილოთ და ჩვენ „ენა დავიმოკლეთ“¹, ასეთი პასუხი გასცა იონა მეუნარგიამ თავის „ქრონიკაში“ ალ. ყაზბეგის ცნობილ წერილს. ასეთი შესავლის შემდეგ რეცენზენტმა განიხილა 1881 წლის 9 დეკემბერს კოტე ყიფიანის საბენეფისოდ გაპართული საღამო — წაშლადენა.

იონა მეუნარგიას ამ არაგულწრფელ გამოსვლას პრესაში ალ. ყაზბეგი მყისვე გამოეხმაურა. მეორე დღესვე „დროებაში“ გამოქვეყნდა მისი წერილი რედაქტორის მიმართ. ალ. ყაზბეგმა თავის ღია წერილში ი. მეუნარგიას საპასუხო მათრახი გადაჰკრა უადგილო „ოხუნჯობისათვის“, ხოლო თავის მხრით დიდმა მწერალმა „ენა დავიმოკლეთ“ რეცენზენტს „გონებამახვილობა“ მოუწონა და თანაც გულუხვი მადლობა გადაუხადა „გონიერულის სიჩუმისათვის“.

ალ. ყაზბეგის „წერილი რედაქტორთან“ ერთერთი მეტად საინტერესო ფურცელია როგორც ალ. ყაზბეგის სათეატრო მოღვაწეობაში. ისე მეცხრამეტე საუკუნის ოთხმოციანი წლების ქართული თეატრის ისტორიაში საზოგადოდ.

ალ. ყაზბეგი წერს: „ლელი“ (იონა მეუნარგია — ა. მ.) თავის თეატრალურ ქრონიკაში. დაბეჭდილს „დროების“ ამ წლის 2 №-ში, სწერს: „მას აქეთ. რაც მოჩხუბარიძემ „დროების“ თეატრალურ რეცენზენტებს („დროებაშივე“) ენის წაგრძელება გეითხრა... ენა დავიმოკლეთ“.

„მე დიდი მოხარული ვარ. რომ ჩემს რჩევას ისეთი მოქმედებაჰქონია „დროების“ რეცენზენტებზედ, რომ პირველივე რჩევას შემდეგ „ენა დავიმოკლებით“. ეგ ამტკიცებს, რომ ისინი იქამდინ ყოფილან გონიერნი და მოაზრებულნი, რომ პირველი სიტყვიდანვე გაუკრათ ჩემი სიტყვების სიპართლე და თავიანთი თავმოყვარეობა შეუწირავთ გონიერულის სიჩუმისათვისა. ისიც დიდი საქებარია, რომ დაუთმიათ თეატრის საქმის მცოდნე ემბესათვის რეცენზიების წერა. უუცხადებ რეცენზენტებს ჩემს გულუხვს მადლობას.

„ამ ლელოს წერილმა მე იქამდინ ვასიამოვნა და იმედი მომცა შემდეგისათვის, რომ ეხლაც არ დავიზარებ კიდევ რამდენიმე რჩევა მიცე. რომელსაც ლელო, უეჭველია დამიჯერებს. ეს რჩევა განლაგვს შემდეგი: თ ქ ე ნ ი რ ე ც ე ნ ზ ი ე ბ ი ა რ ვ ა რ გ ა და გ ი რ - ჩ ე ვ თ ი ს ე ე გ ო ნ ი ე რ ა დ ე ნ ა და ი მ ო კ ლ ო თ. თქვენი კეთილის-მყოფი, რომელიც მზა არის ყოველ დროს და გიჩვენოსთ შეცდომა, ა. მ ო ჩ ხ უ ბ ა რ ი ძ ე“².

¹ გაზეთი „დროება“, 1882 წ., № 2.

² გაზეთი „დროება“, 1882 წ., № 3.

ამე სწერდა ალ. ყაზბეგი ი. მეუნარგიას, მაგრამ ეს სიტყვები მხოლოდ მეუნარგიას როლი შეეხებოდა, იგავე შეეძლო ეთქვა ალ. ყაზბეგს სხვა რეცენზენტების მისამართითაც.

ალექსანდრე ყაზბეგმა ამ წერილით ერთგვარად ანგარიში გაუ-სწორა მის მიერ დაწუნებულ რეცენზენტებს. ამ წერილმა იონა მე-უნარგიაც დააწყინარა: მის მიერ დაწყებული „თეატრალური ქრონიკა“ პირველსავე ფელეტონზე შეწყვიტა. ის დაპირება, რომელიც მის პირველ წერილს ახლდა (ვაგრძელება იქნებოდა, სწერდა ი. მეუნარგია), ვედარ შეასრულა. მას განუხილველი დარჩა უკანასკნელი წარმოდგენები და მათ შორის თვით ალექსანდრე ყაზბეგის დრამის „არსენას“ წარმოდგენა.

ი. მეუნარგიას იმხანად „არსენას“ რეცენზია არ გამოუქვეყნებია და ეს საქმისათვის კარგიც იყო, რადგან მეუნარგიას არ შეეძლო ობიექტური ყოფილიყო ალ. ყაზბეგის ნაწარმოების მიმართ.

ალექსანდრე ყაზბეგის სათეატრო მოღვაწეობა წლობით გრძელდებოდა. მისი პიესები: „კონსტანტინე ბატონიშვილი“, „აღმზრდელეზა“, „დილა ქორწილის შემდეგ“, პერიოდულად იდგმებოდა ქართულ სცენაზე, ხოლო მისივე დრამა „არსენა“ განსაკუთრებული პოპულარობით სარგებლობდა ფართო მასებში, იგი ყოველთვის აღელვებდა მაყურებელთა წრეებს. ეს დრამა თითქმის დამკვიდრდა ჩვენი პროვინციის თეატრის სცენაზე.

ამავე დროს ალექსანდრე ყაზბეგი პირადად იღებდა მონაწილეობას თითქმის ყველა მნიშვნელოვან ქართულ წარმოდგენაში. იგი, როგორც მუდმივი ქართული დასის წევრი — არტისტი, სცენაზე თამაშობდა, მიცემულ როლებს ასრულებდა. მაგრამ ამ წარმოდგენების შესწავლა ალ. ყაზბეგის ცხოვრება-მოღვაწეობას მაინცდამაინც ახალ შუქს არ ჰმატებს. დიდი მწერლის მიერ განკლილი სათეატრო მოღვაწეობის შემდგომი გზა თავდადებული მუშაკის უნგარო შრომის ბუნებრივი ვაგრძელებაა.

ალექსანდრე ყაზბეგის სასცენო მოღვაწეობა რომ სისრულით წარმოვიდგინოთ, საჭიროა ერთი მომენტიც გავითვალისწინოთ. ალ. ყაზბეგი არ ყოფილა ბრწყინვალე არტისტი. პირიქით, ზოგიერთი თანამედროვე მას როგორც არტისტს — შემსრულებელს სუსტად აფასებდა, მაგრამ სამაგიეროდ ალ. ყაზბეგს გააჩნდა ერთი შესაძლებლობა, რომელსაც ბევრი ძალიან კარგი არტისტიც ინატრებდა: ეს იყო მისი ცეკვა. ალ. ყაზბეგს მის მიერ შესრულებული ლეკურით და ჩეჩნურით მაყურებელი პირდაპირ აღტაცებაში მოჰყავდა. ამ დროს მოხევე მართლად შეუდარებელი იყო. სხვა შემთხვევებში

ველჩათხრობილი და მხედველობანაკლული ადამიანი, ის სცენაზე ართბაშად ცოცხლდებოდა. ასალგანზრდული ენერგიით დაქროდა და თან ამრიგად ზულ ხანჯლებს ეთამაშებოდა.

ალექსანდრე ყაზბეგის ცეკვას მაყურებლებში რაღაც არაჩვეულებრივი სიცოცხლე და აღმაფრენა შეჰქონდა. სცენაზე მოხევის გრგვინვა ხალხს გადაეცემოდა და ალღევებდა. ხშირად მისი ხანჯლები მაყურებლის სინარულს შიშის გრძნობასაც უმატებდნენ, ბუმბურაში ადამიანის სიმკვირცხლე და ხელის სიმარჯვე ხალხს ერთმანტელს ჰკვირიდა. ხოლო თვით ალ. ყაზბეგი ამ დროს განსაკუთრებით ბედნიერად გრძნობდა თავს. მემამბოხე სული ჯროყბითი წყნარდებოდა.

ალექსანდრე ყაზბეგის ერთერთი მეგობარი, პ. ცხვილოელი, საინტერესო ცნობებს იძლევა დიდი მწერლის გატაცების შესახებ, რასაც იგი ცეკვის შესრულებისას გრძნობდა. პ. ცხვილოელი წერს: „ალექსანდრე ყაზბეგს მეტად ეხერხებოდა ლეკურ-ჩეჩნური თამაშობა. მერე ხანჯლებით, როდესაც რომელსამე წარმოდგენას შემდეგ სცენაზედ უნდა ეთამაშნა, მეტად მხარულად იყო პოლში დიღინებდა და დასრიალებდა მესტებით გაპრიალებულ იატაკზედ. სცენაზედ ყველას უნახავს ალექსანდრეს მოხდენილი ჩეჩნური თამაშობა. ვკითხავდი: „სანდრო, ეგრე ბეცი რომ ხარ, როგორ ჰბედავ სცენაზედ ხანჯლებით თამაშობას. არ გეშინიან. რომ ან თვით მოხვედრო სადმე, ან სხვას მოახვედრო-მეთქი?“ — სცენაზე თამაშობის დროს თითქოს თვალთ-ხედვა მომემატება და ვცოცხლდებიო, მოხევეებთან და ჩეჩნებთან მთაში განვლილი ღლეუბი მაგონდებიანო, — მეტყოდა ხოლმე“¹.

მოკვანილი ამონაწერი პირადაპირ მიუთითებს ალექსანდრე ყაზბეგის პირად განცდებსა და ცეკვით გამოწვეულ კმაყოფილებაზე. ეს მოწმეტი დიდ მწერალს მოხევეებთან და ჩეჩნებთან გატარებულ ღლეუბს აგონებდა.

ალექსანდრე ყაზბეგის ცეკვის შესახებ საინტერესო მოგონებას იძლევა დავით კლდიაშვილი. იგი წერს: „გაგიყებით უყვარდა სანდროს სცენა, მაგრამ, საუბედუროდ, ძლიერ სუსტი მსახიობი იყო. საზაგიეროდ ლეკურის გასათყარი მოთამაშე იყო. უცნაურია, ლამაზობამ იყო მისი თამაში ორი ხანჯლით, — მაყურებელს თან ხაზლავდა მისი სიმარდე. თან შიშს ჰკვირიდა. — სანდრო, რე კაცი ხარ, თავი გაანებე მაგ ხანჯლებით თამაშს, — ფეხებს დაიჭრი ერთ

¹ ვახუთი „ივერია“, 1893 წ., № 269.

დღეს და ეს იქნება! — ვეუბნებოდით ხოლმე. რაზედაც იგი მხოლოდ სიამოვნებით იცინოდა¹.

დავით კლდიაშვილის ამ ცნობას სოფრომ მგალობლიშვილიც აღასტურებს. სოფრ. მგალობლიშვილი თავის ღირსშესანიშნავ მოგონებებში ამის შესახებ წერს: სანდრო ყაზბეგი „თეატრთან განუყრელი იყო, მინამ საშინელი სენი არ შეიპყრობდა. არტისტი სუსტი იყო, მაგრამ მაგიერში შესანიშნავი მოცეკვავე მოხევეურად და ჩაჩურად ხანჯლებზე. ის ბეცი კაცი გასაოცრად ატრიალებდა ხანჯლებს, თვალბთან მიიბიზებდა და ისე გაფრინდებოდა სცენაზე. როგორც მერცხალი“².

ასეთი იყო ალ. ყაზბეგის ცეკვა. რასაც მაყურებელი უსაზღვრო აღტაცებაში მოჰყავდა.

V

1886 წლის გაზაფხულზე ქართული თეატრის სეზონი ვადაზე აღრე დაიხურა. 2 მარტს სეზონის უკანასკნელი წარმოდგენა იყო. ქართულ დასს წესად ჰქონდა: სეზონის დასასრულ მთელი დასი მაყურებელთა წინაშე წარსდგებოდა და იმათი სახელით ერთს რომელიმეს (რა თქმა უნდა, ვინც ცნობილი იყო მაყურებლისათვის) სიტყვა უნდა ეთქვა, დამსწრეთათვის მადლობა უნდა გადაეხადა და სხვა.

1886 წლის სეზონის დახურვისას ასეთი სიტყვა წილად ხვდა ალექსანდრე ყაზბეგს. მან თქვა კიდევ. ამ მომენტის შესახებ ვალერიან გუნია წერდა: „ბოლოს მთელი დასი წარსდგა საზოგადოების წინაშე და ა. მოხევემ წარმოთქვა მოკლე სიტყვა: „მტერი არ გავახარეთო, ქართული თეატრი იღუპებოდა და ჩვენ ყველამ ერთად, ვასო აბაშიძის და მარიამ საფაროვ-აბაშიძის თაოსნობით, ზეზე წამოვაყენეთო, რაც კი ჩვენს შეძლებაში იყო, ბევრი ვიმეცადინეთო. თქვენც გმადლობთ, რომ ბევრი ჩვენი შეცდომები მოითმინეთო“ — შემდეგ ყველა არტისტები დუდუკით და ჩირაღდნებით გააცილეს და გაშოეთხოვენ“

1887 წლის გაზაფხულზე გარდაიცვალა ცნობილი მუშა პოეტი იოსებ დავითაშვილი. ი. დავითაშვილის ვარდაცვალებას ფართოდ გამოეხმაურა გაზეთი „ივერია“. „ივერიის“ ფურცლებზე მუშა

¹ დავით კლდიაშვილი — „მემუარები“. 1925 წ., № 47.

² სოფრომ მგალობლიშვილი — „მოგონებანი“. 1938 წ., გვ. 118.

³ გაზეთი „ივერია“, 1886 წ., № 49.

პოეტის პოპულარიზაციას ახდენდნენ ილია ქავჭავაძე და აკაკი წერეთელი.

იმავე წლის ოქტომბერში პოეტის მშობლიურ ქალაქში, თელავში, იოსებ დავითაშვილის ხსოვნისადმი მიძღვნილი ლიტერატურული საღამოს მოწყობა განუზრახავთ. გაზეთი „ივერია“ ამ საშუალების შესახებ იტყობინებოდა: „კვირას, 4 ოქტომბერს, თელავს მუშა-ხელოსნები კმართავენ სალიტერატურო საღამოს. შემოსავალი დანიშნულია სასარგებლოდ იმისა, რომ დაიბეჭდოს თხზულებანი განსვენებულ პოეტის დავითაშვილისა. წაიკითხვენ მთლად იმის ლექსებს და აგრეთვე წაიკითხულ იქნება ზოგიერთი ნაწერები ჩვენის გამოჩენილ მწერლებისა“¹.

საყურადღებოა ის გარემოება, რომ თელაველების ამ წამოწყების მეთაური ალექსანდრე ყაზბეგი ყოფილა. ცნობილია, რომ ამ დროს საჭელოვანი მწერალი ხშირად პროვინციაში ცხოვრობდა. განსაკუთრებით ხშირად იყო იგი თელავში. მწერლობაზე თავმინებებული ალ. ყაზბეგი ახლა მხოლოდ სცენას შერჩენოდა, სცენაზე პპოვებდა იგი თავისი მშფოთარე სულის დამშვიდებას. იგი ჩვენს პროვინციებში ხშირად მეთაურობდა წარმოდგენებისა და ლიტერატურული საღამოების მოწყობას.

იოსებ დავითაშვილის ხსოვნისადმი მიძღვნილი ლიტერატურული საღამოს მეთაურიც ალ. ყაზბეგი იყო. მწერლის პირად არქივში დაცულია ერთი მასალა, რომელიც ზემოთქმულს უყოყმანოდ ადასტურებს. ეს მასალა არის ამ ლიტერატურული საღამოს აფიშის შავი ხელნაწერი².

აფიშა დაწვრილებით მოგვითხრობს საღამოს პროგრამის შესახებ. აქ უმთავრესად წარმოდგენილია, როგორც „ივერია“ წერდა, თვით იოსებ დავითაშვილის ლექსები. არის სხვებიც. იგი საინტერესოა იმიტაც, რომ იქ მითითებულია შემსრულებლებიც, იგულისხმება, რომ ისინი ალ. ყაზბეგს პირადად იცნობდნენ.

აი ეს აფიშა — განცხადება:

ოთხშაბათს, 7 ოქტომბერს 1887 წლისა
ქ. თელავი

თელავის კლუბის დარბაზში სცენის მოყდარეთაგან გამართული იქნება სალიტერატურო საღამო სამს განყოფილებად.

¹ გაზეთი „ივერია“, 1887 წ., № 205.

² საქართველოს სახ. მუზეუმის ხელნაწერი, წ.-კ. ფონდი, № 3980.

I

- 1) სიტყვა დავითაშვილზე — წაიკითხავს ივანე პავლეს-ქე როსტო-მაშვილი.
- 2) „სიმღერა მეჩუქერთმისა“ — ლექსი დავითაშვილისა — ვ. ჩო-დორაშვილი.
- 3) „ბედის წყარო“ — დავითაშვილისა — უ. გამყრელიძე.
- 4) „ახალი წელი“ — დავითაშვილისა — სოსიკო.
- 5) „გლეხის პასუხი“ — დავითაშვილისა — ბანი.
- 6) „მუშის წუნიას“ — დავითაშვილისა — სანდრო ჩოდორაშვილი.
- 7) „სუსტი და ძლიერი“ — დავითაშვილისა — ცუცქერი.
- 8) „მუშა ვარ!“ — დავითაშვილისა — მოხევე.

II

- 1) „ბელოსნების სიმღერა“ — დავითაშვილისა — სოსიკო.
- 2) „გუთნის დედა“ — ი. ჭავჭავაძისა — ვ. გამყრელიძე.
- 3) „ისმის ტირილი დარბაზში“ — დავითაშვილისა — ცუცქერი.
- 4) „წუთისოფელშია ცხოვრება“ — დავითაშვილისა — ს. ჩოდორა-შვილი.
- 5) „მესტერული“ — დავითაშვილისა — ბანი.
- 6) „უშაზრად. მძინო“ — ი. წითელაშვილისა — ვ. ჩოდორაშვილი.
- 7) „გაზ. ფხული“ — აკაკისა — სოსიკო.
- 8) „გავჩნდი და უნდა ვიცხოვრო“ — მოხევესი — მოხევე.

III

- 1) „ზოგიერთების ლოცვა“ — აკაკისა — სოსიკო.
- 2) „თაყვანს სცემენ მდიდრად მორთულა“ — დავითაშვილისა — ცუცქერი.
- 3) „თუნდ ვკვდებოდე შამშილითა“ — დავითაშვილისა — ს. ჩო-დორაშვილი.
- 4) „ბარიშნებს“ — დავითაშვილისა — ვ. გამყრელიძე.
- 5) „ეხლანდელი ქალი“ — აკაკისა — სოსიკო.
- 6) „ჩილიკობა“ — დავითაშვილისა — ნიკო.
- 7) „გოგოს ჭირიმე“ — რ. ერისთავისა — მოხევე.
- 8) „მუშა ბოჭულაქე“ — გრ. ორბელიანისა — ვ. ჩოდორაშვილი.
- 9) „მოველ. უფალო“ — რ. ერისთავისა — ვ. გამყრელიძე.
- 10) „სხვაგვარი სიყვარულა“ — აკაკისა — სოსიკო.

დასაწყისი 8 საათზე

განზილული აფიშის ტექსტი პირდაპირ მიუთითებს იმ ლიტერატურული საღამოს შინაარსზე, რომელიც თელავში უნდა ჩატარებულიყო იოსებ დავითაშვილის ხსოვნის აღსანიშნავად. საღამო მეტად ფართო ხასიათისა უნდა ყოფილიყო, ხოლო მისი მეთაური და წაყვანი მონაწილე ალექსანდრე ყაზბეგი იყო. მას, როგორც აფიშიდან ჩანს. სცენიდან უნდა ეთქვა როგორც საკუთარი, ისე იოსებ დავითაშვილისა და რაფიელ ერისთავის ლექსები.

სათანადო ცნობების უქონლობის გამო, ჯერჯერობით ამ ლიტერატურული საღამოს შედეგების შესახებ არაფერი ვიცით. მთავარი ის არის, რომ ასეთი ლიტერატურული საღამო მზადდებოდა და მისი მეთაური ალექსანდრე ყაზბეგი იყო¹.

ამრიგად, ალექსანდრე ყაზბეგის სათეატრო მოღვაწეობის დასაწყისი პიდაპირ ემთხვევა მუდმივი ქართული თეატრის აღდგენას ნეცხრამეტე საუკუნის ოთხმოციან წლებში. ამ ეპოქის სხვა მოღვაწეებთან ერთად, ალ. ყაზბეგი თავდადებით ემსახურებოდა ეროვნული თეატრისა და ხელოვნების აღდგენა-განმტკიცების საქმეს.

ალექსანდრე ყაზბეგი, როგორც რეალისტი მწერალი, თეატრის მიმართაც რეალისტური დამოკიდებულებისა . იყო. იგი ქართულ თეატრს უყურებდა როგორც ერთერთ ძირითად კერას ეროვნული თვითშეგნებისას, რომელიც ხალხში აღვივებდა ინტერესს მშობლიური ენისადმი. მშობლიური ლიტერატურისა და საზოგადოდ ქართული კულტურისადმი.

ალექსანდრე ყაზბეგს სათეატრო მოღვაწეობა მიაჩნდა, საზოგადო საქმედ, საქვეყნო სამსახურად და ამ საქვეყნო საქმეს ემსახურებოდა თავდადებით, უანგაროდ და უსაზღვრო გატაცებით. ალ. ყაზბეგის დამსახურება ქართული თეატრის წინაშე ორმაგი ხასიათისაა: ერთის მხრით, იგი იყო ავტორი-დრამატურგი, ხოლო მეორე მხრით — არტისტი-შემსრულებელი და ბრწყინვალე მოცეკვავე.

ალექსანდრე ყაზბეგის სათეატრო მოღვაწეობა მხოლოდ თბილისის სცენით არ განისაზღვრება. იგი ხშირად მონაწილეობდა ქუთაისს, ბათუმს, გორსა და თელავს მოწყობილ წარმოდგენებსა და ლიტერატურულ საღამოებში. გარდა პირადი მონაწილეობისა, ამავე

¹ მკითხველი, ალბათ, შენიშნავდა, რომ „ივერიის“ ცნობით საღამო უნდა ჩატარებულიყო 1887 წლის 4 ოქტომბერს, ხოლო ალექსანდრე ყაზბეგის არქივში დაცული აფიშის მიხედვით კი ეს უნდა მომხდარიყო 1887 წლის 7 ოქტომბერს.

თეატრებს იგი დიდად ესმარებოდა თავისი პიესებით. აღ. ყაზბეგის ცნობილი დრამა „არსენა“ და ვოდვევილი „დილა ქორწილის შემდეგ“ ჩვენი პროვინციული თეატრების რეპერტუარის მუდმივი მშვენიერება იყო ათეული წლების განმავლობაში.

სათეატრო მოღვაწეობა ალექსანდრე ყაზბეგის საერთო ღვაწლის ერთერთი ძირითადი დამახასიათებელი ნიშანია. აღ. ყაზბეგი თავისი უანაგრო მოღვაწეობით ქართული თეატრის სხვა მოამაგეებთან ერთად (ილია ჭავჭავაძე, აკაკი წერეთელი, ვასო აბაშიძე, დავით ერისთავი, აქესენტი ცაგარელი, კოტე ყოფიანი, კოტე მენსი, მაკო საფაროვა, ნატო გაბუნია) საპატიო ადგილს იჭერს მეცხრამეტე საუკუნის ოთხმოციანი წლების ქართული თეატრის ისტორიაში.

ალექსანდრე ყაზბეგი და ხალხური შემოქმედება

I

XIX საუკუნის მეორე ნახევრის დასაწყისიდანვე ქართველი მწერლები დაიბნინნ ინტერესით ეკიდებიან ხალხურ შემოქმედებას. ამოციანა წლების მოღვაწეაა ერთერთი უდიდესი დამსახურება ისიც არის, რომ მათ ოფიციალურ ლიტერატურაში მიღევრად შემოაქვთ ხალხური ენა, ხალხის ყოველდღიური ქირჯარამის გამომხატველი სიტყვები და გამოთქმები. 70—80-იან წლებში ქართულ პეოლოღულ გამოცემებში ფართო გასაქანი ეძლევა ხალხური შემოქმედება ნიმუშების ბეკდვას.

ილია ჭავჭავაძე და აკაკი წერეთელი უდიდესი მზრუნველობით ეკიდებოდნენ ქართული ფოლკლორის ჩაწერისა და გამოცემის საქმეს.

ვაჟა-ფშაველა თავის გენიალურ პოემებს ხშირად საფუძვლად უდებდა შარტივ ხალხურ ლეგენდა-თქმულებას.

ანეთივე სიყვარულით იყენებდა ხალხურ ენასა და ხალხურა შემოქმედების ნიმუშებს ალექსანდრე ყაზბეგი. ალ. ყაზბეგის რომანებში ხშირად გვხვდება ხალხური სიმღერები, ლექსები და ხალხის ჩვეულებათა აღწერა-გადმოცემა. რომანები ფრიად საინტერესო მასალებს იძლევა მთიელ ხალხთა ყოფაცხოვრებითი ნიშნების გასათვალისწინებლად. მათში აღწერილი სახალხო დღესასწაულები და გართობა-თამაშობანი დაუშრეტელ წყაროს წარმოდგენენ მთიელთა ყოფაცხოვრების მთელი რიგი საინტერესო მხარეების გასაცნობად. მწერლის მიერ ამ ხერხის მომარჯვება ხელს უწყობს რომანებში გაშლილი მოქმედების კიდევ უფრო გამძაფრებას. იგი ხელს უწყობს ამბის ბუნებრივ განვითარებას და მკითხველზე წარუშლელ შთაბეჭდილებას ახდენს.

ალექსანდრე ყაზბეგი ხალხური შემოქმედების გამოყენების უდიდესი ოსტატია. მისი უკვდავი რომანები ამ მხრივაც უდიდეს

ყურადღებას იქცევენ. დიდი მწერლის ეს ერთერთი დამახასიათებელი ნიშანი ცალკე საგანგებო კვლევასაც საჭიროებს, მაგრამ ამ შემთხვევაშიც, როდესაც მწერლი პირად ცხოვრებას ვეცნობით, საჭიროა ზოგიერთი მომენტი მაინც გავითვალისწინოთ.

ალ. ყაზბეგი. ხალხური ცხოვრებათ გატაცებულ, შვიდი წლის განმავლობაში მწკვირვარაა ეწეოდა. ეს საყვარელი ხალხური კოფიაჟში დიდ მწერალს სიკვდილამდის არ გამშორებია. როგორც მეცხვარეობის დროს. ასე მის შემდეგ ალ. ყაზბეგი ხალხურ შემოქმედებას სწავლობდა. მის ნიმუშებს ავრთვებდა. თავის უბის წიგნაკებში იწერდა და ბევრ მათგანს აქვეყნებდა მანინდელ ქართულ ჟურნალ-გაზეთებში, ხოლო რომელთა დაბეჭდვასაც ვერ ახერხებდა, მათ დიდმა საყვარულით თავის პირად არქივში ინახავდა.

ალ. ყაზბეგის ნაწერები მკითხველს პირდაპირ აოცებს მწერლის სიტყვიერი მრავალთ. იგი არის უზარმაზარი ოკეანე ბრწყინვალე პოეტური თქმების. შეღარებებისა და სახეებისა. შეიძლება ითქვას, რომ ალ. ყაზბეგი მართლაც უბადლოა ამ მხრე. მაგრამ მხატვრული სიტყვის ეს ფუნქციონირება უდავს მნიშვნელობას აქლევდა ხალხურ მეტყველებას, მის ცალკეულ გამოთქმებს. იგი ხალხური ლექსებიდან კრებდა ძარღვიან სიტყვებს და ცალკე იწერდა სიტყვათა მწკვირვებს და სვეტებს ადგენდა.

ხალხური წარებობა და ანდაზების ყვლობაზე საკუთარ „საანდაზოებს“ ქმნიდა და. საჭიროებისამებრ, გარემოების შესაფერისად, თავის წარმტაც რომანებში იყენებდა. ზოგჯერ ამ „საანდაზოებით“ დიდი მწერალი თავის პირად მოწინააღმდეგეებს უმასპინძლდებოდა.

ასე მრავალმხრივა აღექვანდრე ყაზბეგის დამოკიდებულება ხალხურ შემოქმედებასთან.

გავეცნოთ ზოგიერთ მომენტს.

რომანში „ელგუჯა“ მყარები ცნობილ ხალხურ სიმღერას „მაყრულს“ მოიმღერიან:

„მოვდივართ. მოვეხარია.

მოგვყავს დედალი ხოხობა“

და სხვ.

იმავე რომანში განთქმულმა მეფანდურემ. მოხუცმა ღიწკამ, სვიმონ ჩოფიკაშვილის საწოლთან, ავადმყოფის გასართობად, სხვა სიმღერებს შორის, ასეთიც ჩაიმღერა:

„ლარიბობა და ობლობა
ორივე გამომივლია,
სჯობს ლარიბობა ობლობას,
ობლობა შეტატ ძნელია“.

ლინჯას სიტყვებში ავადმყოფ სეიმონს თავისი საკუთარი შე-
ლებს დაობლება წაჭმოადგენინა. განაცდევინა. ამ დროს მეფან-
დურემ იგი ვაჟანვეა და თანაც მოხერხებულად მიუმღერა:

„უფროსთა ხეწინად მოსულთა
ხათრას შენაწვა თქმულაო,
ხალხის პირისა გამტეხი
დამწვარამც. დადაგულაო“.

ზობუცი მეფანდურის სიტყვებმა სეიმონს ბევრი განაცდევინა.
მგძნობიარე ავადმყოფმა გაიღმა და, თუმცა გაჭირვებით, ლექსით-
ვე უბასუხა:

„ღინჯაჲ. აჰა, ჩემი თასი,
არა შეავს-რა შენი ფასი,
ვფიცავ, თხოვნა აგისრულო,
თუნდაც გქონდეს ასჯერ ასი!“

ვაჟაკი თავის ნათქვამს არ გადავა. სიმონმა თხოვნის შესრუ-
ლება აღუთქვა ღინჯას და ხალხს უკვე მზად ჰქონდა ეს სათხო-
ვარც: ხალხს სეიმონისა და ელგუჯას შერიგება ეწადა. ღინჯამ
სწორედ ეს შესთხოვა ხევის მებატონეს. სეიმონი ხალხის მოთხოვნა-
ლებას დაჰყაბულდა და ელგუჯა შეირიგა. ეს არ იყო უბრალო ჰოლ-
ღენა: ელგუჯა, რომელიც ჩოფიკაშვილების მოსისხლე მტრად
ითვლებოდა და სეიმონს უნდა მიეგან სისხლი აეღო, ახლა მასთან
შემოიყვანეს. ამის შემდეგ ელგუჯა სეიმონის ოჯახის წევრად იქცა.
„დღეს იქით შენა ხარ ჩემი შვილი და ნაწილი ჩემი გვარეულობა-
სა“ — ეუბნება მას სეიმონ ჩოფიკაშვილი.

სეიმონისა და ელგუჯას შერიგების გაფორმება ნამდვილ ხალ-
ხურ წესზე ხდება. აღექვანდრე ყაზბეგი ამ წესებს იშვიათის ოსტა-
ტობით გადმოსცემს.

ასეთივე წარმტაცი სურათებია მოცემული ძმადშეფიცვის

დროს, რაც ალ. ყაზბეგის რომანების თანდაყოლილი მხარია ღა ერთსადაიმამე ნაწარმოებში რამდენჯერმე შეორდება.

ალექსანდრე ყაზბეგის შესახებ სამართლიანად ამბობენ. რომ ის არის ძმად შეფიცულთა მწერალი. მართლაც, ძმადწეფიცვა, სიყვარული და მეგობრობათვის თავგანწირვა ალ. ყაზბეგის რომანების ერთერთი ძირითადი მომენტი. მაგრამ საინტერესო ის არა, რომ ეს ძმადშეფიცვა გარეგნულად თითქოს უბრალოდ, სრულიად მარტივად ხდება. ეს მომენტი თავისუფალია ყოველგვარი ზედმეტი სიტყვიანობისაგან. აი ერთი ასეთი ძმადგაფიცვის სურათიც „მანის მკვლელებიდან“. იაგო და თორღა ძმობილდებიან.

„— თორღაუ! შენ კობას ძმად-ნათიცი ჰყოფოხნარ, დღეის იქით ჩემიც ძმა იქნები.

— მტერზედ მოქნეული ხმალი ტარშიმც გაუტყდეს შენს მოლალატეს, — უპასუხა თორღამ და ამოიღო მასრიდან ტყვია: — აჰა, ჩემი ტყვია.

იაგომაც თავის სასწრაფოდგან, რომელიც კობას მოეტანა იპისთვის. ამოიღო ტყვია.

— აჰა, ჩემიც.

ორთვე ერთ დროს გაიშვირეს ხელები და, სანამ გასცვლდნენ ტყვიებს. წარმოთქვეს:

— ჩემი პარჯვენა შენს მარჯვენას ემსახუროს, ჩემი თვალი — შენს თვალს. ჩემი მუხლი — შენს მუხლს; მოლალატეს რისხავდეს ლომისა!

— ამან წყნარად წარმოთქვეს სამთავემ...

იაგომ და თორღამ ტყვები შეცვალეს, მოეხიენენ ერთმანეთს და სამჯერ ჩაიკრეს გულში ერთმანეთი“.

ძმადგაფიცვის ეს სურათი საერთოა სხვა შემთხვევებისთვისაც. ასე დაძმობილდებიან გვირი ვაჟკაცებო. ეს სურათი გარეგნულად თითქოს უბრალოა, მაგრამ ამ უბრალოებაში არის განუზომელი სიდიადე. ადამიანის უმაღლესი გრძნობები — სიყვარული, მეგობრობა, კაცდაკაცური თვინებები ვაჟკაცებს ერთმანეთისაკენ იზიდავენ. ის, რაც მთავარია, ხდება ადამიანების შინაგან არსებაში და ჩვენ მხოლოდ ამ დიდი გრძნობის გაფორმება შეგვიძლია ვნახოთ. ეს გაფორმება კი ხდება ისე, როგორც იაგოსა და თორღას დაძმობილება. მძადშეფიცულთ არ უყვართ ზედმეტი ლაპარაკი, აქ ყოველი სიტყვა წინასწარ მოზომილია და თავის ადგილზეა.

ძმადშეფიცვის ეს წესი, რასაკვირველია, ხალხიდან მოდის. ისე, როგორც სტუმარ-მასპინძლობის უწმინდესი კანონი. ალ. ყაზბეგი

ამ კანონებს ზედმიწევნით იცნობდა და იყენებდა კიდევ გმირთა ხასიათების გაშლისას.

ხალხი, თვითელი მთიელი, იცის რა ძმადშეფიცულის უღრღუჯა მოვალეობა, უფთხილდება და წმინდად ინახავს მის ღირსებას. განა შეიძლება ყველას დაუძმობილდე და აიღო ეს ღირს მოვალეობა? რააკვირველია, არა! ვაყვაცი დაუძმობილდება მხოლოდ იმას. ვისაც ნამდვილად ენდობა, ვისიც სჯერა, ვისკენაც გული მიუწევს.

ალექსანდრე ყაზბეგმა შესანიშნავი მაგალითი მოგვცა „მამის მკვლელში“ აქ პირდაპირ გამოჩნდა დიდი მწერლის ფაქიზი დამოკიდებულება ხალხის ჩვეულებისადმი, მისი ყოფაცხოვრების ნიშნებისადმი, ძმადშეფიცვის მაღალი ღირსებისადმი.

იავონ სასიკვდილოდ დასდევს გირგოლა. იგი არავითარ საშუალებას არ მოერიდება თავისი მიზნის განხორციელებისათვის. მას უნდა როგორმე იავო მოკლას, ან მოაკვლევინოს და ამ მიზნით გირგოლა ვინ იცის სად არ დაეხეტება. ერთხელ მან სცადა მეცხვარეები მოესყიდა და მათი დახმარებით იავო ხელთ ჩაეგდო. ამავე მიზნით გირგოლა შეეცადა მეცხვარე შიოლაშთან დაძმობილებას და ბევრ რასმე ჰპირდებოდა კიდევ. შიოლამ, იცნობდა რა გირგოლას როგორც მეფის რუსეთის მოხელეს, ფლიდსა და გაიძეერას, თავი შორს დააქირა. იასაული ათასის გზით მიუდგა მეცხვარეს, რა არ სცადა. მაგრამ შიოლამ ეს „ხელმწიფის ტოლი კაცი“ უარაათ გაისტუმრა, ე. ი. არ დაიძმობილა და გადაიმტერა კიდევ სამუდამოდ.

II

ალექსანდრე ყაზბეგის რომანები საინტერესო ცნობებს იძლევა მთიელ ხალხთა მთელი რიგი წესებისა და ადათების შესახებ. რომანი „ელგუჯა“ განსაკუთრებით საყურადღებო მასალებს იძლევა მიცვალებულთა დასაფლავების იმ წესის შესახებ, რომელიც ქართველი მთიელებისათვის არის დამახასიათებელი. ცნობილია, რომ დასაფლავების წესი საქართველოს სხვადასხვა კუთხეში სხვადასხვაგვარი იყო.

„ელგუჯაში“ დასაფლავების ორი შემთხვევაა განსაკუთრებით საყურადღებო. რომელიც წმინდა ხალხური ჩვეულების ნიადაგზე სრულდება: ერთია სვიმონ ჩოფიკაშვილის დასაფლავება, მეორე — ელგუჯას ძმადშეფიცულთა მიწას მიბარება მთიულების მიერ.

სვიმონ ჩოფიკაშვილის დასაფლავებასთან დაკავშირებით ალექ-

სანდრე ყაზბეგს აღწერილი აქვს მოხვევითა ის წესი, რომლითაც ისინი თემში სახელგანთქმულ ვაჟკაცს ასაფლავებდნენ. აქ ერთი მომენტით უნდა აღინიშნოს: ალ. ყაზბეგის რომანებში გმირები ჩვეულებრივად სამარცხვინო სიკვდილს გაურბიან. ხალხში საღეჭსოვ გაეხდებიო, ამბობენ ისინი, ხოლო სავაჟკაცო სიკვდილი მათთვის სასახელოც არის. დამახასიათებელია ერთი მომენტი რომანიდან „ჰამის მკვლელი“. იაგო მეფის რუსეთის მოხელეებმა დააპატიმრეს. უდანაშაულო ტყვე პირველ ხანებში ფიქრობდა. რომ მას გაათავისუფლებდნენ. მაგრამ დრო გადიოდა და იგი კვლავ იტანჯებოდა ბნელ საკანში. იაგო დარწმუნდა, რომ მას ადვილად არ ანახებდნენ შუის სანათლეს. ციხის სულშემუხეთავე პირობებმა, უფროსთა უაღაპიანო მოქცევამ იაგო მიიყვანა დასკვნამდის. რომ, რადაც არ უნდა დაუჯდეს. უნდა შეებრძოლოს თავის მდგომარეობას. მას სიკვდილი კი არ აშინებს. იაგო სიკვდილის წინაშე წარბსაც არ შეიბრის, აქმე ის არის როგორ მოკვდეს: მას სწყურია ვაჟკაცურად სიკვდილი.

„— როგორ? — ჰფიქრობდა ის: — ნუთუ მთელი ჩემი სიცოცხლე აქ უნდა გავატარო? აქ ამოჰდეს. ასე ძალღუმადურად, სული? არა, არ შეიძლება. იაგო მთის კაცია. იაგო ვერ მოითმენს მავასა, იმას სიკვდილი. სიკვდილი ურჩევნიან ამ ცხოვრებას! მაგრამ როგორ მოკვდეს. როგორ გაათავოს თავისი სიცოცხლე? ისე უსახელოდ სალდათის შუბს ხომ ვერ წაეგებოდა? იაგოს უნდოდა სიკვდილი, მაგრამ სიკვდილი ვაჟკაცურად. სახელით. ისეთი სახელით, რომ მთის ყმაწვილი ქალების ზარით ტირილში სამაგალითოდ მოხსენებულები იმის სახელი და სივაჟკაცე“.

ამვეარ სიკვდილს დაეძებენ გმირები და ამიტომაც არის, რომ ეს გმირები: მტერს ყოველთვის პირდაპირ შეებმიან. ისინი მტრის მიერ ნასროლ ტყვიას ზურგს კი არ მიუშვერენ. მკერდით შეხვდებიან მას.

ასეთი გმირები განუზომელად უყვარს ყველას. მათთვის ხალხს ყოველთვის მზადა აქვს ლექსები და სიმღერები. ასეთი ვაჟკაცები ხალხური ლექსების მასალად გადაიქცევიან. მათი ქება-დიდება თაობიდან თაობაზე გადადის და მათი სახელები ინახება. სახელოვანი ვაჟკაცის გარდაცვალებიას. მისი დატოვების მომენტში. წარსული გმირების სახელების დემონსტრაცია ხდება. შთამამაელობა ამით ამყარებს.

ალ. ყაზბეგის „ელგუჯაში“ ეს მომენტით მოხდენილად არის გადმოცემული. ასე ხდება სვიმონის დასაფლავების დროს.

„ხანდისხან, როდესაც მოსულნი მთლად შემოიკრიბებოდნენ და

დერეფანში აღარაეინ ელოდა. სახლში მყოფთ შორის რომელიმე მოხუცო მანდილოსანი ცხედარის მკერდიდგან თოფს აიღებდა, ზეჯ დაეყრდნობოდა და მიცვალებულს ლექსად შესამას ეტყოდა. მის ცხოვრებას ხალსს მოუთხოვბოდა. მომთქმელს დანარჩენები, დროგაპოშევაბო. მისკემდენ ბანსა და მოპყეებოდნენ შემაწუნებლის ხმით, ზარით ტირილსა. ყოველი მოქმედება, ყოველი სამსახური, ყოველი სახსენებელი საქმე, რომელიც მიცვალებულს ცხოვრებაში ჩაედიწა, ახლა საქვეყნოდ მოიხსენებოდა და მსმენელთა შორის თანაგრძობას და მადლობას გამოაწვევდა.

„მიცვალებულის სახელთან ერთად იმ დაკლებულთ სახელებსაც არ იფიწყებდნენ, რომელთაც ხალხისათვის ოდესმე შესამჩნევი სამსახური გაეწიათ და ვაეკაცობის სახელი დაემსახურებინათ. ყველას, ზინც-კი იქ იყო და მომთქმელთ სიტყვები სწვდებოდა, ამგვარი გამოსალმება უშაღლეს ჯილდოდ მიაჩნდა და მოძმეთაგან ამ პატრვით მოხსენებას ნატრობდა. როდესაც მოტირალი ლექსს გაათავებდა, წყნარად მივიდოდა მიცვალებულთან, თოფს ისეე გულზე დაადებდა და მოწიწებით წარმოთქვამდა: „შენ ცხოვრება და დამრჩენთ დღეგრძელობა“. ხალხი მიყუჩდებოდა და სანამ ახალი მომთქმელი წარმოდგებოდა და ხელ-ახლად დაიძახებდა „ახა ვაითა ვაიმე“ ყველანი ერთმანეთში კითხულობდნენ: ზინ იყო მოხსენებული, ან რა სამსახური გაეწია? ამ გვარად მთელი ხალხი ტყობილობდა თავიანთი გმირების სახელებს და მათი მოქმედების ამბავი საშვილიშვილოდ გადადიოდა“.

დასაფლავების ცერემონიალის მოცემული აღწერა უდაოდ საყურადღებო მომენტია მოხევეთა ყოფაცხოვრებითი ნიშნების გათვალისწინებისათვის. ასეთი წესით ისტუმრებდნენ ისინი ხალხისათვის საყვარელ გმირ-ვაეკაცებს.

დასაფლავების მეორე შემთხვევა ამევე რომანში არის გიორგისა და მარტიას დასაფლავება. რუსის სალდათებთან პირველი საბედლისწერო შეჯახებისას ელგუჯას ორივე ძმადშეფიცული მოუტკლეს. მთიულებმა მძიმედ დაქრილი ელგუჯა წაიყვანეს იმ იმედით, რომ შეიძლება გადაერჩინათ (როგოც ცნობილია, მღვეერებს ელგუჯა მოკლული ეგონათ და ამ რწმენით დატოვეს).

გამარჯვებულმა მღვეერებმა მოკლული მთიელები შარავზაზე დაქყარეს, რომ გამვლელ-გამოვლელს ენახა, „ქკუა ესწავლა“ და წინააღმდეგობაზე ხელი აეღო. მაგრამ მთიულებმა, რომელთაც ელგუჯა სოფელში წაიყვანეს, გადაწყვიტეს, რომ მოკლული მებრ-

ქოლებიც მიწისათვის მიეზარებინათ. რათა ნადირის კერძად არ გამხდარიყვნენ.

გიორგისა და მარტიას დასაფლავება. რასაკვირველია, განსხვავდება სვიმონ ჩოფიკაშვილის დასაფლავების პრობებისაგან. სვიმონის დასაფლავება მოხდა ჩვეულებრივ ატმოსფეროში, მეფის ერთგულების მიერ დახოცულ ვაჟაკებს კი ქურდულად ასაფლავებენ. მიუხედავად ამისა, მთიულები მაინც ასრულებენ საქირო წესებს და გმირებს მიწას ისე აბარებენ.

მთიულებმა მიწა გათხარეს და ძმადშეფარულები შიგ ჩასვენეს. ვიდრე მიწას მიაყრიდნენ. მოხუცმა ბერდიამ ვაჟაკურად დახოცილ გმირებს სიტყვით მიმართა. აღ. ყაზბეგი დაწვრილებით აგვიწერს ამ სურათს: „როდესაც დახოცილები სამარეს ჩასვენეს, მოგვითხრობს მწერალი. — ბერდიამ. როგორც უფროსმა, საქიროდ დანახა გამოსასალმებელი სიტყვის წარმოთქმა: ის აქებდა მიცვალებულთა გულადობას და ვაჟაკურად სიკვდილს: ჰპირდებოდა, რომ ამგვარად სიკვდილისათვის გახარებულნი დაუხვდებოდნენ საიქიოს იმითი წინაპარნი და სიამოვნებით მიიღებდნენ იმათ „უკუნითი უკუნისამდე“ დაუვიწყარს მოქმედებას. ბოლო სიტყვები შემდეგით გაათავა: ლომისის მადლმა, თითონ თამარ — „პირიშივე“ მოგიძღვებათ მეუფესთან! თავად უაპობს თქვენს ვაჟაკობას და თავის გვერდს შეკამს დავიდგამთ. ვაი ამითი, რომ აღრე დაიხოცენით და თქვენი მარჯვენა ველარ გააცივებს მტრის გულს. გმარხავთ იმისათვის. რომ „ნადირს“ არ გაეფუჭებინა პირისახე. მაგრამ. ღეთის მადლმა. უწინ ყორნები ამოგუკამდნენ თვალბნა, — თქვენისთანა ვაჟაკებს აბა ყორნის მეტი რაი მიუღდებოდა? თქვენ ცხონება, „დამრჩომთ“ დანახვა და გაგონება! სისხლს სისბლი ვასწმენდს, ვაჟაკც — გულადობა. მტრისაგან უშიშრობა! სცხონდით, სცხონდით, სცხონდით! — მერვე შეგუქმუნა წარბები. აილო სამჯერ მიწა და მიაყრა: — მიწა ხართ და მიწად იქეცით! — ყოველ მიწის მიყრაზედ წარმოსთქვამდა ის“.

ბერდიას მიერ შესრულებული წესი აშკარად ხალხურიცაა. ეს ხალხური ტრადიცია პირდაპირ ეთანხმება ალექსანდრე ყაზბეგის იდეურ მრწამსს. გმირი მებრძოლები ასეთი წესით დასაფლავება სპეციალურად ახალგაზრდობისათვის. ხალხის ინტერესების გამომხატველ გმირთა ვაჟაკურა სიკვდილი ახალგაზრდებს აძლევს ბრძოლას სტიმულს. ისინი ამ ტრადიციაზე იზრდებიან. გიორგი და მარტია უსამართლობასთან ბრძოლაში დააღუპნენ. მთიულებმა ისინი, მართალია, ქურდულად დასაფლავეს. მაგრამ ბერდიამ მაინც წარმოთქვა სიტყვა. ბერდიას სიტყვებმა იქ მყოფი ახალგაზრდები ბრძო-

ლის ჟინით ააესო და კიდევ უფრო დაუნდობელნი გახადა უსამარ-
თლობის წინააღმდეგ. ალ. ყაზბეგი აბალგაზრდების ამ განწყობილე-
ბის შესახებ გვეუბნება: „შექმუხენილის სახით შეუდგნენ მთებს,
რომ პირველსავე შემთხვევაში იგენიც ისე ვაჟაკაუტურად და სასახე-
ლოდ დახოცილიყვნენ“.

III

რომანში „მამის მკვლელი“ ცხოვრების უკულმართობასთან
ნაბრძოლი, ერთ დროს ძალოვანი ვაჟაკი და ახლა კი ჯანგატეხი-
ლი, დაბეჩაებული გლახა ფანდურზე ხალხური „როსტომიანიდან“
ცნობილ ლექსს ამღერება:

„როსტომ თქვა: მიწა რბილია,
სიტყვას მით უნდა რბილობა;
ვაჟაკს რომ გაუჭირდების,
მაშინის უნდა ცდილობა.
როსტომ სთქვა: ერთი არა ჰჯობს
ამ ჩემსა ჰოგონებასა:
ერთხელ ჰჯობია სიკვდილი
სულ მუდამ დაღონებასა!“

იგივე გლახა, როდესაც მშობლიურ არემარეს ჰშორდება, რომ
ვინმემ არ გასცეს და მტარვალების ხელთ არ ჩაფარდეს. ნაღელია-
ნად ამბობს „დაებერდი. დაეჩაჩანაკდი, წვერი გამიხნდა ქალარა, შინ
ჯალაბთ მოექმულებივარ, გარედ უნდივარ აღარა“.

მტერთან ნაბრძოლი იაგო და მისი ამხანაგები ძველებენ.
იაგო ოცნებაში გაერთობა. მტრისადმი სამაგიეროს გადახდის გრ-
ძნობა, ნუნუზე ფიქრები და მასთან შეერთების სურვილი ძილს
აკარგვინებს. ამ დროს იგი მწარე ღიმილით, თითქოს თავის უნე-
ბლიედ, ზმამალა ამბობს:

„ვაი რა დიდი ბრალია:
შევარდენი ჰყავს ძერასა,
გაუფრინდება. წაუვა.
შორით-ლა უწყებს მზერასა“.

იმავე „მამის მკვლელი“ ცნობილი სახალხო გმირის შამილის
მსლებლები გამარჯვების შემდეგ ჩვეულებრივად სოფლებში ხალ-

ხური „მზედრულით“ ბრუნდებიან. ერთერთ ასეთს შემთხვევაში ისინი მოიძღვრიან „ლაი-ლაჰა-იალას“. რომანში მოყვანილი არ არის სასიმღერო ლექსი, ალ. ყაზბეგი უბრალოდ გვეუბნება, რომ ხალხს შემოესმა „ლაი-ლაჰა-იალას“ ხმა.

შეიძლება დაისვას კითხვა: ალექსანდრე ყაზბეგი იმიტომ ხომ არ მოერიდა იმ ხალხის სასიმღერო ლექსის შეტანას, რომ იგი მაჰმადიან მთიელებს არ სწყალობდა? რასაკვირველია. არა. პირიქით. დიდი მწერლის ერთერთ დადებით მხარედ ისიც უნდა ჩაითვალოს, რომ იგი თავის თხზულებებში ერთგვარად სობს კიდევ ამ სარწმუნოებრივ სხვაობას და როგორც ქართველი. ქრისტიანი მთიელების, ისე მაჰმადიანი მთიელების ცხოვრებაა. მათს ბრძოლას თვითმპყრობელური რუსეთის ველური ბატონობის წინააღმდეგ ერთნაირს გულწრფელობით აგვიწერს. კიდევ მეტი: მაჰმადიანი შამილი ალ. ყაზბეგის რომანებში დიდის გატაცებით არის დახატული. როგორც უდიდესი მეზობლი მეფის რუსეთის წინააღმდეგ. ქრისტიანი რუსების მიერ წამებული იაგო და მისი ამხანაგები მაჰმადიანი შამილის მფარველობის ქვეშ ჰპოვებენ მოსვენებას. მის რაზმებში შედიან და გამირულადაც იბრძვიან. შამილიც უანგარო მშობლიური მზრუნველობით ეპყრობა გამირ ქართველებს.

შემდეგ, მეზობელი მშრომელი ჩეჩნების ცხოვრების აუტანელი პირობები რუსეთის ცარიზმის ბატონობის დროს ალ. ყაზბეგმა შესანიშნავად დაგვიხასიათა თავის რომანში „ელოსო“. ამ პატარა, მაგრამ ძლიერი მხატვრული ალლოთი შესრულებულ ნაწარმოებში მწერალმა დაგვჩაბატა თავისუფლების მოყვარული ჩეჩნების ტრაგიკული ბედი დაპყრობილთა უღლის ქვეშ.

ალექსანდრე ყაზბეგის ხელნაწერებში დაცულია მთელი რიგი ლექსები, რომლებიც მიძღვნილია მაჰმადიანი მთიელებისადმი. მათ შორის არის ერთერთი ლექსი — ექსპრომტი სათაურით „სიმღერა ქისტისა“. რომელშიაც შექებულა ქიტების მამაცობა, ბრძოლისუნარიანობა და კაცთმოყვარეობა.

აი ეს ექსპრომტიც:

„გვიყვარს ომი ჩვენ მტერთანა,
ტყვიაზე ტყვიის გაგზავნა,
ლხინი და დროს გატარება
ლოქებით ცეცხლის პირთანა.
დრო გაუატაროთ, მოძმენო,
სანამ გველხინოჲს ჩუმადა;

ვინ იცის, ვის ხვალ რარიგი
მწუხარ დღე გაუთენდება.
არვის შევარჩინთ წყენასა,
მეტადრე უსამართლოსა;
ჩვენ ერთხელ ვირჩევთ სიკვდილსა
სულ მუდამ დაღონებასა¹.”

ასე უმღეროდა ალექსანდრე ყაზბეგი ქისტებს და საზოგადოდ კავკასიის მთიელ ხალხებს. თავისუფლებისა და სიყვარულის მგოსანი ხალხთა მეგობრობის მომღერალიც იყო. ალ. ყაზბეგის სასარგებლოდ უნდა ითქვას, რომ იგი თავის უკვდავ ნაწერებში ერთნაირის სიყვარულით გვიხატავს როგორც ქრისტიანს ისე მაჰმადიანს, როგორც მოხვეუას, ისე ჩეჩენს.

IV

ხალხურ შემოქმედებასთან კავშირის თვალსაზრისით მეტად საყურადღებოა აგრეთვე ალექსანდრე ყაზბეგის რომანი „მოძღვარი“. ეს უდიდესი ფსიქოლოგიური ნაწარმოები მკითხველში უაღრესად მძიმე განცდებს იწვევს. ზშირად ეს განცდები უმძაფრეს დაძაბულობამდის მიდის და მკითხველი მოუთმენლად მოელის ამბის დასასრულს.

რომანის ამ უდიდეს ზედმოქმედებას, სხვა ელემენტებთან ერთად, ხელს უწყობს აგრეთვე ხალხური შემოქმედების გამოყენებაც. ხალხური თქმულების, ლეგენდის, ლექსის ან სიმღერის დროულად და მოხდენილად გამოყენებით ავტორი უდიდეს შედეგებს აღწევს. ეგა ერთბაშად იპყრობს მკითხველს, საკუთარ მდგომარეობას ავიწყებს და ნაწარმოების მოქმედ პირთა არეში გადაჰყავს. მკითხველი უღალესი დაძაბულობით მისდევს მოქმედების განვითარებას.

გავეცნოთ რამდენიმე მაგალითს.

ონისე მწყემსებთან ვახშამს შეექცევა. მწყემსები ჩვეულებისამებრ მხიარულობენ, ოხუნჯობენ, იცინიან. ამ დროს გაისმის ფანდურის ხმა და ყურადღებაც მისკენ გადაიხრება. ყველანი გაჩუმდებიან. ხოლო მეფანდურე თავის მგრძნობიარე იარაღს მოიმარჯვებს, ააკვნესებს და ზედ ლექსსაც დაამღერებს.

ჩვენ არ ვიცით, როგორი იყო ეს ლექსი, რომანში იგი ლექ-

¹ საქართველოს სახ. მუზეუმის ხელნაწერი, წ.-კ. ფონდი, № 3985.

ჰად არ არის მოცემული, მაგრამ ალ. ყაზბეგი მის შინაარსს კი გად-
მოგვცემს. მისი შინაარსი ასეთია:

„ერთი მონადირე მთაში ჯიხვებზე სანადიროდ წასულიყო, ერთს ფრწულზედ გადმოვარდნილიყო და კლდეზედ ბანდულის საბანდით ჩამოჰკიდებოდა. მონადირე თავის ძაღლსა სთხოვს, რომ სოფელში წავიდეს და საკუთრივ. მარტოდ-მარტო იმის საყვარელს შეატყობინოს მონადირის გაქირვება. ძაღლი საყვარელს არ ენდობა, თუმცა პატრონის სიტყვას მაინც ატყობინებს და იმ ქალის გარედ მონადირის დედასთანაც მიიღობენს. საყვარელი ქალი თავის სატრფო-ზედ ამბობს: „თვალშიც დაუდგება, თუ მთაში სიარული არ იცოდა, რისთვის მიდიოდა? „დედა კი ხმაამოუღებლივ ლოგინს წამოიკიდებს და გაფითრებული. მფეთქავის გულით შვილისკენ გაქანდება.“

„შერტყობს სოფელიც და მდევარი მიდის; მათ შორის გაქირვე-
ზაში მყოფის „საყორელიც“ მოსჩანს. მას გვერდით მისდევს კონტა ბიჭი. რომელიც იგრიხება და იპრანკება. ქალი ხშირად გაჰხედავს ხოლმე და თვალს ჩაუკრენტს. ბოლოს ყველა მიადწევს იმ ალაგს, სადაც კაცის გულს შემზარებელი სანახავი იყო. ფრიალო კლდე-ზედ კაცი თავქვე გადმოკიდებული იყო. გამომვერილს ქაპზე საბან-დი მოსდებოდა და ის-ლა იმაგრებდა; წუთით წუთს ყველა მოე-ლოდა, რომ საბანდი გაწყდებოდა და კაცი სულით ხორცამდის დაი-კარგებოდა. დედას მდულარება გადმოსდის, მკედარს დამსგავსებია, სული ამოსვლას ლამობს. რბილად უშლის საგებულს და იმედობს, რომ თავის ერთადერთს ნუგეშს ამით მაინც გადაარჩენს. მოვარ-დება ყმაწვილი ქალი. რომელიც გაქირვებაში მყოფს უყვარს. გაუშლის მერდინს და შესძახებს: „დიაცო, არა გრცხვენის შიშისა?! გაინძერ. საბანდი გაწყდება და მერდინით დაგიკერ“. მონადირეს საყვარელი რწმუნებას აძლევს. იგი ენდობა ქალის სიტყვასა, შეინ-ძრევა და. გადმოვარდნილო. ტვინგანთხეული, მიწას გაეცხობა. გამოსალმებასთან ერთად დედას სული ამოხდება და ყმაწვილს ქალს კი ქედზედ კონტა ბიჭთან ხელი ხელს გადახვეულს დაი-ნახავენ“.

მეფანდურის მიერ თქმულმა ამ ლექსმა უდიდესი გავლენა მო-ახდინა ონისეზე. მას უანგაროდ. თავდავიწყებით უყვარს მაყვალა და ამ მომენტში თქმულმა სიმღერამ გული დაუსერა. თითქოს დაეკვდა კიდევ. მეფანდურის სიტყვები გონებიდან არ შორდება. ხშირად თავში გაურბენს საშინელი ეჭვი და წარმოათქმევენებს: „იქნებ ქმარსაცა ღალატობს და მეცა?“. ასეთი ეჭვი ღრღნის ონისეს

სულსა და გულს იმ დროს, როდესაც მაყვალას საამისო არავითარი საბაბი არ მიუცია.

აქ გარკვევით იგრძნობა ხალხური ლექსის გავლენა ადამიანზე. ეს მით უმეტეს ითქმის ფანდურის შესახებ, ეს ხალხური დასაკრავი უდიდეს ზემოქმედებას ახდენს ადამიანზე და ასევე მოუვიდა შეყვარებულ ონისესაც. ხალხური დასაკრავის გავლენას მსმენელზე ალ. ყაზბეგის სხვა რომანებშიაც ვხვდებით. „ელგუჯაში“ სვიმონ ჩოფიკაშვილს ელგუჯას შერიგების თხოვნისას ღინჯამ ისარგებლა ამ მომენტით. ფანდურმა გარკვეული მოვალეობა შეასრულა თანხმობის მიღების საქმეში. მით უფრო, რომ სვიმონი იმ დროს მწოლარე ავადმყოფი იყო, ავადმყოფზე კი ხალხური დასაკრავი საზოგადოდ. და ფანდური განსაკუთრებით, უდიდეს ფსიქოლოგიურ გავლენას ახდენს. ალექსანდრე ყაზბეგმა, რომელმაც თავისი პირადი მდგომარეობით უშუალოდ განიცადა ხალხის ჭირვარამი და სხარული, ხალხური დასაკრავის ეს ზემოქმედებითი ძალაც ბრწყინვალედ იცოდა.

„მამის მკვლელში“ ალ. ყაზბეგი წერს:

„ამგვარად. ფანდურის ხმა, რომელიც თითქოს ალღევებს ავადმყოფს. ამასთანავე ერთად ამშვიდებს თუ ასაამოვნებს, ავიწყებს წუხილს, სატკივარს, ჭრილობას, და მკურნალი ძილი უზუჟავს დასუსტებულს თვალებს, რომელიც ისე მკურნალად მოქმედებს. მხოლოდ იმას შეუძლიან ამ დაძახილის ღირსეულად დაფაქება, ვინც ავადა ყოფილა და გაუგონია ეს ხმა. უგრძნობია თავის თავზედ ის ნეტარების და უკვდავების ნექტარი. რომელსაც ეს ხმა თითქოს წვეთ-წვეთად უსხამს ავადმყოფს სხეულს და აგებულობაში“.

ალექსანდრე ყაზბეგის ეს სიტყვები ავადმყოფის მდგომარეობას, მასზე ხალხური დასაკრავის გავლენას შეეხება. მაგრამ შეიძლება იგივე ითქვას აგრეთვე შეყვარებულთა მდგომარეობაზედაც. შეყვარებულთა მგრძნობელობა, განცდები და ტკივილები დიდად არ განსხვავდება ავადმყოფი ადამიანის მგრძნობელობისა და ტკივილისაგან. ეს მით უმეტეს ითქმის იმ უანგარო სიყვარულზე, რომელიც ალ. ყაზბეგის რომანების გმირებისათვის არის დამახასიათებელი. მათი სიყვარული ავადმყოფური კი არ არის, არამედ, პირიქით, მეტად ჯანსაღი და ბუნებრივი მოვლენაა. მაგრამ ზოგჯერ ამ ბუნებრივ გრძნობას წინ აღუდგება საზოგადოებრივი მორალი, და ეს უანგარო სიყვარული „უკანონო“ აღმოჩნდება. ამ დროს შეყვარებულს არ ჰყავს რეალური მოწინააღმდეგე, რო-

მელთანაც მას ბრძოლა შეეძლოს. ეს მოწინააღმდეგე მას თავისივე თავში უზის მორალის სახით, ასე რომ მის არსებაში ერთსა და იმავე დროს არსებობს ორი ერთიმეორის საპირისპირო ძალა: ერთის მხრით — უზადო სიყვარული, მეორის მხრით — მორალი, საზოგადოებრივი ვალდებულება. ფაქტოლოგიის ენით რომ ითქვას. ამ დროს ადამიანის არსებაში ერთმანეთს ებრძვის ემოცია და ნებელობა.

რომან „ელგუჯაში“ ადამიანის შინაგანი წინააღმდეგობია. ბრძოლის შესანიშნავი მაგალითია მოცემული. მათია ელგუჯას მშათშეფიცულია, იგი თავს სწირავს ელგუჯასათვის, მაგრამ ამავე დროს მათიას თავისი მძაღშეფიცულის საცოლე მზალო შეუყვარდება. მათიასათვის წმიდათაწმიდაა მძაღშეფიცვის კანონი. იგი ელგუჯასათვის საკუთარ თავს გასწირავს, მძაღშეფიცულისათვის მოკვდება და ამავე დროს კი მზალოც უყვარს. მათია ორ ცეცხლშუა იწვის: ერთია მოვალეობა მძაღშეფიცულის წინაშე, ზოლო მეორე — სიყვარული. მათია ელგუჯას ვერ უღალატებს იმის გამო. რომ მას ძმობა შეჰფიცა, მაგრამ მზალოც ვერ დაუთმია. იპიტონ რომ იგი უყვარს. მათიას მთლიანი ვაჟკაცური ბუნება თითქოს გაზზარულია. სინამდვილეში კი აქ იბრძვის მათიას სიყვარული (ემოცია) და მისივე ნებელობა.

მათიას ეს შინაგანი წვა. ბრძოლა მძიმე განცდებითა და ტკივილებით მიმდინარეობს. ამ დროს ადამიანის მდგომარეობა კიდევ უფრო მწვევეა, ვიდრე ჩვეულებრივი ავადმყოფობის ტკივილები.

ასეთივეა ონისეს მდგომარეობაც. მას გულწრფელად უყვარს მაყვალა და ამ მომენტში მეფანდურის დამღერებამ მას წარმოუდგინა მოღალატე ქალი. ქალი, რომელიც ღალატობს ქმარს, და თუ კანონიერ ქმარს უღალატებენ. რატომ არ შეიძლება შეყვარებულსაც უღალატონ, სხვაზე გაცვალონ? უნდა ითქვას, რომ ონისეს ჰქონდა კიდევ ერთგვარი საფუძველი ამ ექვისათვის, მაყვალა ჰღალატობდა გელას, მართალია. არა საყვარელ ქმარს, მაგრამ მაინც ქმარს, რომლის წინაშე იგი გარკვეულ ვალდებულებას გრძნობდა. სრული სიმართლეა ისიც, რომ მაყვალას ონისესადმი ღალატი ერთი წუთითაც გულს არ გაუვლია. მაგრამ ონისეს მაინც შეეძლო ჰქონოდა ერთგვარი შიშის გრძნობა და როდესაც მიაი გულის საძიკველს ჩასწვდა მეფანდურის სიტყვები, ეს გრძნობა წინ წამოიწია და ისე ძლიერად, რომ ონისეს ათქმევინა: იქნება ქმარსაცა ღალატობს და მეცაო. ალ. ყაზბეგი დაკვირვებული ფსიქოლოგის

ოვალთ მისდევს ადამიანის შინაგან განცდებს, მის სულიერ მოძრაობას. ასეთია ხალხური დასაყრავის გავლენა.

ამავე „მოძღვარში“ მაყვალას ნახვის სურვილით შეპყრობილი ონისე თავს ებრძვის. მაყვალას ნახვა წყურია, მაგრამ ამის უფლება არა აქვს. მაყვალა გელას კანონიერი ცოლია და მისი კი „უკანონოდ“ შეყვარებული. ონისე გარკვეული სიძნელის წინაშე დგას. მიზნის მისაღწევად საჭიროა თავგანწირვა, და ონისეს სასწრაფოდ გაუელვებს თავში ცნობილი ხალხური ლექსი:

„როსტომ თქვა: ერთი არა სჯობს
ამ ჩემსა მოგონებასა:
ერთხელ სჯობია სიკვდილი
სულ მუდამ დაღონებასა¹.

თქვა ონისემ და ჩქარის ნაბიჯით მაყვალასაკენ გამოსწია.

თავის მხრივ, წისქვილში მყოფი მაყვალაც ონისეზე ოცნებობს, ნატრობს ონისეს. მაგრამ იქ კი არ მიეღოს. შრომისაგან დაღლილი მაყვალა ტომარას მიესვენა, ხელები თავქვეშ ამოიღო და კვლავ ოცნებაში წაეღა. ვაიარა რამდენიმე წუთმა, და ონისეს, რომელსაც წისქვილთან მოსულიყო და ქალს გარედან უთვალთვალებდა, შემოესმა მაყვალას სიმღერა. იგი ხალხურ ლექსს მღეროდა:

„მოფრინდი ჩემო მერცხალო,
დამიკვიკვიე ბანზედა:
თითქოს ჰფიცავდი: „მიყვარხარ!“
მაშ რაღად დახვალ განზედა?“.

მაყვალას ჯერ კიდევ კარგად არ გაეთავებინა ეს სიმღერა, რომ ამ დროს კარებში ბრახუნი მოესმა. ეს იყო ონისე. მაყვალას მიერ სიმღერით თქმულმა ხალხურმა ლექსმა ვაუკაცს მოთმინების უნარი დაუკარგა და კარებზე ნაადრევად დააბრახუნებინა, რომ მომღერალი მიჯნური ენახა.

ამავე რომანში მეცხვარეებო. რომელსაც ფარა მთის ფერდობზე გაუშლიათ, დროგამოშვებით ზარსავით უზადო წკრიალა ხმით შვიმღერებენ:

¹ მკითხველი შეაზნებდა, რომ ეს ლექსი ალ. ყაზბეგს ხშირად აქვს გამოყენებული. იგი ვცხვდება „მამის მკვლელობა“, „მოძღვარში“. ლექსშიაც კი („მოძღვარე ქისტანა“) მოხიანს მისი კვალი. ვცხვდება სხვა ნაწარმოებშიაც.

„მარტო ვარ, მარტო ვიშლები,
 არაინა მყავს მობანე,
 მაისის წვიმავ. წამოდი.
 გული სევდისგან გაბანე.
 ნიაფო, წყნარად დაჰქროლე,
 ფოთოლს ტაშ დააკრევიწე,
 სწორის არ-გამტანს, უფალო.
 ცხვირი სადმ წააკრევიწე!“¹.

ხალხურ შემოქმედებასთან კავშირის თვალსაზრისით საკუ-
 რადღებოა აგრეთვე ალ. ყაზბეგის დაუმთავრებელი მოთხრობები
 „შიოლა ლუღუშაური“ და „ნინო“. ეს ნაწარმოებები წარმოადგენენ
 ერთგვარ გაგრძელებას ცნობილ მოთხრობისა „ხევის ბერი გოჩა“.
 როგორც ცნობილია, „ხევის ბერი გოჩა“ გაშლილია ნუგზარ ერის-
 თავის მიერ მოხვევთა დაპყრობისათვის ბრძოლის ფონზე. უკანას-
 კნელი ორი მოთხრობა, რომლებიც ალ. ყაზბეგს დაუმთავრებელი
 დარჩა, მკითხველს წარმოუდგენს იმ ეპოქას, როდესაც არაგვის
 ერისთავებმა თვით ადგილობრივ მცხოვრებთაგან გაიჩინეს მომ-
 ხრეები და მათზე დაყრდნობით ცდილობდნენ მოხვევებზე გაბა-
 ტონებას.

თავისუფლების მოყვარე მთიელები, რომლებიც ისტორიულად
 ჩვეულნი არ იყვნენ ბატონყმურ ურთიერთობას, ზიზღით უყურებ-
 დნენ ერისთავების ერთგულ გააზნაურებულ მოხვევებს. ხალხური
 შემოქმედება განსაკუთრებულთა წყევალ-კრულვით იხსენებს ერთ-
 ერთ ასეთ მოხვევს, შიოლა ლუღუშაურს, რომელიც, ხალხური
 გადმოცემის თანახმად, ერისთავიანთ მიერ ნაბოძებ სკამში იჯდა.
 ალ. ყაზბეგიც გვეუბნება, რომ, ხალხის თქმულებით, შიოლა ლუღუ-
 შაურისათვის წყალობის ნიშნად ერისთავიანთ სკამი ებოძებინათ.

შიოლა ლუღუშაურის უადამიანო მოქმედებამ ბევრი პატიოსანი
 მშრომელი მოხვევე იმსხვერპლა, ბევრიც თავის მიწა-წყალს მოაშო-
 რა და ხევიდან გახიზნა, რომ უსამართლობისათვის ქელი არ
 მოეხარა.

შიოლა ლუღუშაური ხალხისათვის საშინო პიროვნებად. საზიზ-
 ლარ არსებად გადაიქცა. მოხვევებმა თავისი ზიზღი ლუღუშაური-
 სადმი იმითაც გამოხატეს, რომ მას შ ა ე - შ ი ო ლ ა უწოდეს. ამ სახე-
 ლით ხალხი აღნიშნავდა შიოლა ლუღუშაურის ბნელ საქმეებს, ხალ-

¹ იგივე ლექსი, როგორც ხალხური, ალ. ყაზბეგმა დაბეჭდა გაზეთ „თავტრ-
 ში“, 1886 წ., № 28.

ღის საერთო სიძულვილს შავბნელი საქციელის ადამიანისადმი. შიოლა ლუღუშაურის შეახებ ხალხმა ლექსებიც კი შექმნა. ამ ლექსებში იგი წყველა-კრულვით იხსენიებს თავის მოსისხლე მტერს შიოლას.

ალექსანდრე ყაზბეგს განუზრახავს დაეწერა დიდი მხატვრული ნაწარმოები. რომელშიაც გადმოცემული იქნებოდა შიოლა ლუღუშაურის ბნელი საქმეები მოხვევთა მიმართ და ხალხის ბრძოლა ერისთავების აგენტის შიოლა ლუღუშაურის წინააღმდეგ. მაგრამ ალ. ყაზბეგს ეს ნაწარმოები არ დაუწერია და დაგვიტოვა მხოლოდ საწყისები ორი სხვადასხვა სათაურით — „შიოლა ლუღუშაური“ და „ნინო“.

როგორც ირკვევა, ალექსანდრე ყაზბეგი თავისი ნაწარმოებისათვის წინასწარ ხალხში აგროვებდა ლექსებსა და თქმულებებს. ამის საუკეთესო ნიმუშია თვით ამ პატარა საწყისებში გამოყენებული ხალხური ლექსები შიოლა ლუღუშაურის შეახებ.

პირველ მოთხრობას („შიოლა ლუღუშაური“) ალექსანდრე ყაზბეგმა ეპიგრაფად წარუმძღვარა ცნობილი მოხეური ლექსი შავშიოლას შესახებ:

„შიოლავ ლუღუშაურო,
სკამს ზიხარ ერისთვისასა;
აღარც ქალს ინდობ, აღარც კაცს,
არცა ბაღს ერთის თვისასა;
პირიდან ცეცხლსა მეხად ჰყრი,
კლდეს აღნობ ბასრის ქვისასა“...

ასე ახასიათებს ხალხური თქმულება შიოლა ლუღუშაურს. ალექსანდრე ყაზბეგმა ეს ლექსი ერთერთ მოთხრობას შესავალად წარუმძღვარა. ხოლო მეორე შემთხვევაში („ნინო“) ისევ ხალხური ლექსით დიდმა მწერალმა ნკითხველს კიდევ უფრო სრულად და ვარკვევით წარმოუდგინა შიოლას მახინჯი სახე:

„აღარც ქალს ინდობ, აღარც კაცს,
აღარც ბაღს ერთის თვისასა,
გულიც სულ გაგქვავებია,
გიგავს ნაგლეჯსა კლდისასა...
ძმაც კი აღარ გაგიშვია,
ძმა მიმავალი დისასა;
ცხენი სთხოვე და მოგართვა,
შვილდს რაღას სთხოვდი რქისასა...“

შვილდი არ გაეღებოდა
მთრახელსა ნაპირისასა“¹.

V

ჩვენ მოკლედ გავეცანით ალექსანდრე ყაზბეგის მიერ ხალხური შემოქმედების ნიმუშების გამოყენების მაგალითებს მის მხატვრულ ნაწარმოებებში. მწერლის მიერ ამ ხერხის მომარჯვება ხელს უწყობს მოქმედების ძალდაუტანებლივ განვითარებას, შთაბეჭდილებათა გაძლიერებას და საერთოდ ნაწარმოების მაღალ მხატვრულობას.

ალექსანდრე ყაზბეგი ხალხური შემოქმედებით სარგებლობის ბრწყინვალე მაგალითს იძლევა, ამას კი დიდი მწერალი იმით აღწევდა. რომ ბეჯითად სწავლობდა ხალხურ შემოქმედებას. მწერალი უზადო სიყვარულით კრებდა და თავის უბის წიგნაკებში იწერდა ხალხური სიბრძნის ნიმუშებს — ლექსება, სიმღერებს, თქმულებებს. ანდაზა-გამოცანებს. ბევრ მათგანს ალ. ყაზბეგი თავის სიცოცხლეში აქვეყნებდა სხვადასხვა ჟურნალ-გაზეთებში, მაგრამ ბევრიც ხელნაწერის სახით დღემდე მწერლის პირად არქივში ინახება.

ალექსანდრე ყაზბეგი მოხევეთა ხალხური ლექსების ნიმუშებს ჟურნალ-გაზეთებში აქვეყნებდა სათაურით „მოხევის სიმღერები“². მის მიერ გამოქვეყნებული მრავალრიცხოვანი ლექსებიდან გავეცნოთ მხოლოდ ერთ წყებას, რომელიც 1886 წელს გაზეთ „თეატრში“ დაიბეჭდა.

მოხევის სიმღერები

„რაასცა მხედავთ, ესა ვარ,
ყოველთვის ერთი ფერია,
და ერთადერთი სიმღერა
ვიცი და იმას ვმღერია.

¹ მთრახი — სოფელია. ზომიჯნავე ქისტებთან; ამისათვის არის ნათქვამი „ნაპირისასა“. სხვა თემის მეზობელს იარაღი არ გამოუერთმევიაო. შენიშვნას ალ. ყაზბეგი.

² გაზეთი „თეატრი“, 1886 წ., №. № 24, 25, 28 და სხვ.

„ვერ მოშლის ცისა ღრუბელი
 პაერში მოძრაობასა.
 შიგ მზისა შუქი გიჟმაჟად
 ჩარევას, ბანაობასა.

„ვერც მოშლის ტკბილი ნიავი
 წყნარად და ნაზად ქროლასა,
 წყალნი მთით გადმომქუხავნი
 მეღვრად ზვირთების სროლასა.

„ვერ მოშლის ჯიხვი, ხარ-ლაღი,
 ქორებრივ მთიდგან ცქერასა,
 გადგომას საგრილობელად,
 შუბლის ქარისკენ შვერასა.

„ვერ მოშლის შავარდენიცა
 ნადირობ მსზვერპლის ზვერასა,
 და შურთხი, ნაზი ფრინველი,
 თავისებურად მღერასა.

„მათ შორის ნაწრთობ, ნაგალი
 მთიელი კაცის ბუნება,
 ვერ მოშლის თავისს ცხოვრებას,
 ვერ შეეცვლება გუნება.

„ვერც მოშლის თოფის ჩახმახსა,
 ვერც მის შვილდს მოედუნება,
 თუნდ თითონ ზეცამ დასტეჟოს,
 ოღნავ არ მოილუნება!“¹.

ასეთ ლექსებს იწერდა ალ. ყაზბეგი მოხევეებისაგან და შეძლევდა მათ ბეჭდავდა და ფართო მკითხველს აწოდებდა.

ალ. ყაზბეგის არქივში უხვად არის შემონახული ისეთი ლექსებიც, რომლებიც იმ დროს არ დაბეჭდილა. ასეთი ლექსები მრავალია, მაგრამ მხოლოდ რამდენიმე მათგანს გავეცნოთ.

ალექსანდრე ყაზბეგის ერთერთ უბის წიგნაკში ასეთი ხალხური ლექსებია ჩაწერილი:

¹ გაზეთი „თეატრი“, 1886 წ., № 25.

„გამაჯავრა, გონჯი იყო,
გამოვექეც ვ-ისაო.
წავედი და დავეძებდი,
შევეყარე უისაო“.

„ენა ქალისა, კაცისა
ხანჯალზე უფრო მკრელია;
გველი გარედგან, კაცი-ვი
შიგნიდან თურმე კრელია“.

„ქალს სილამაზე რას მისცემს,
თუ გული ფუყე ჰქონია;
კაცსა ტვინ გალაყებულსა
თავი დევ-გმირი ჰგონია.
მარტო მშრომლისთვის ძუძუნი
დედისა შესარგონია;
ზოგი დიაცად გაჩნდება,
კაცად არ გაჰიგონია“.

„სტუმარი მასპინძლის მგობი
ოდესმე აიბარგება,
მუდამ სხვის შემყურებელი
სხვაზედვე გადაეგება“.

ალექსანდრე ყაზბეგი სწავლობდა მეზობელი მთიელი ხალხ-
ნის ყოფა-ცხოვრებას, მათს ზნეჩვეულებას, ენასა და ხალხურ შე-
მოქმედებას. დიდი მწერლის არქივში დაცულია მის მიერ თარგმნი-
ლი ჭისტური ლექსი. აი ეს ლექსიც:

„იალა ლაი ვაილაი ლა იალალაი,
იალა ლაი ვაილაი ლა იალალაი.
ოჰ, ღმერთო!
ჩემთვის არ არის
არც სახლი, არცა ადგილი,
არც კიდევ ტაძარ წმინდაი,
რომ ვიყო შენ წინ მლოცველი,
არცა სახნავი მიწაი,
არცა მდინარე წმინდაი,

ერთილა დამრჩა თოფი მე
მტრისა პასუხის მცემელი“¹.

ასეთია ალ. ყაზბეგის მიერ თარგმნილი ერთი ქისტური ლექსი. მის ხელნაწერებში არის მთელი რიგი ქისტური სიტყვები, რომელთაც მიწერილი აქვს შესაბამისი ქართული სიტყვები, ე. ი. მწერალი ერთგვარ ლექსიკონსაც ადგენდა.

ალექსანდრე ყაზბეგის ხელნაწერებში უხვად არის დაცული მის მიერ ხალხში გაგონილი და ჩაწერილი საანდაზო ლექსები და გამოცანები. დიდი მწერალი თითონაც ბევრს მუშაობდა ანალოგიური საანდაზოების შექმნაზე. ალ. ყაზბეგის ერთერთ უბის წიგნაკში დაცულია მისი რამდენიმე საანდაზო, რომლებიც პირდაპირ მიუთითებენ იმაზე. თუ რაოდენი სიფრთხილით მუშაობდა იგი მეტყველების კულტურაზე და რა დიდ მნიშვნელობას აძლევდა მხატვრული სიტყვის ძალას.

გაეცნოთ ალ. ყაზბეგის რამდენიმე საანდაზო²;

1

— რა გიხარიან. ლადო, რო იცინი? — ჰკითხეს ერთ კოპწია გამობრანკულს ყმაწვილს.

— ცოლს ვირთამო! — უპასუხა მან.

— რა მოგსვლია. ლადო, რო თავპირი ჩამოგტირისო? — ჰკითხეს მას ექვსი თვის შემდეგ.

— ცოლი შევირთეო! — დაღრეჯით უპასუხა ყმაწვილმა კაცმა.

2

— ქალო, რასა სტირიო? — ჰკითხეს ერთს კეკლუც გასათხოვარსა.

— მათხოებენო, — მიუგო თვალცრემლიანმა.

— ქალო, რა გაციინებსო? — ჰკითხეს მეორე დღესა.

— ქმარი შევირთეო, — უპასუხა ქალმა.

3

— სად ვიათრეე? — ჰკითხეს ერთ მოხუცს, რომელსაც ძალღისთვის თოკი მოება და ძალად სადღაც მიჰყავდა.

¹ საქართველოს სახ. მუზეუმის ხელნაწერი, წ.-კ. ფონდი, № 3985.

² საქართველოს სახ. მუზეუმის ხელნაწერი, წ.-კ. ფონდი, № 3984.

- უნდა დაეხრჩოო, — უპასუხა მოზუცმა.
- დახრჩობას გაათხოვო? — მიუგეს მას.

4

- სად მიგყავს მოზვერიო? — ჰკითხეს ერთს მოზუცს.
- უღელი უნდა დავადგა და მოეაქევიანოო, — მიუგო მან.
- უღლის დადგმას ცოლი შერთოო? — უპასუხეს მას.

5

- სად მიხვალ? — ჰკითხეს ერთს გაჯავრებულს მოზუცს.
- შეიღმა გამაჯავრა და უნდა უჩივლოო, — უპასუხა მან.
- ჩივილას მაგივრად სიდედრთან გაგზავნოო?

6

- ძალღები რად გინდაო? — ჰკითხეს ერთს ყმაწვილს კაცს.
- ცოლი კაპააობს და უნდა მიუჩიოო, — უპასუხა ბიჭმა.
- ძალღების მაგივრად მუღებო მიუხიოო? — უპასუხა ვიღაც ქალმა.

7

- თოკი რად გინდაო? — ჰკითხეს ერთს კაცსა.
- ცოლის გასაჯავრებლად თავი უნდა დაეხრჩოო, — უპასუხა მან.
- თავის დახრჩობას არშიყობა ვიამე დაუწყოო? — მიუგეს მას.

8

- სად მიგყავს ქალებო? — ჰკითხეს ერთს მამას.
- გემნაზიაში სასწავლებლად უნდა მივცეო, — უპასუხა მშობელმა.
- გიმნაზიის მაგივრად ბაბაღუს მიაბაროო? — ჰკითხეს მას.

9

- სად მიხვალო? — ჰკითხეს ყმაწვილ კაცს.
- სალოტერალუროდაო, — მიუგო მან.
- მაგდენს ვაივაგლახს ლაფი ებლავე ჩამოისხაო? — ჰკითხეს მას.

- რას ელი?
- ნ. ქანანელის პასუხს.
- მეორედ მოსვლას მოელოდინო?

- მწერლობა მინდა დავიწყო, — თქვა ერთმა ყმაწვილ-მა კაცმა.
- პირმოთნეობა, ლანძღვა და წელის ხრა იციო? — ჰკით-ღეს მას.

- აქტიორობა მინდაო, — თქვა ყმაწვილმა კაცმა.
- ლამაზი ცოლი გყავსო? — ჰკითხეს მას.

- ცოლი მინდა შევირთო, — თქვა ერთმა ყმაწვილმა კაცმა.
- რამდენს ქალთანა გყავს შეილებიო? — ჰკითხეს მას.
- არც ერთთანაო, — წარმოსთქვა მან.
- მაშ წადი, ჯერ ნიჭი გამოიჩინეო, — უპასუხეს მას.

ასეთია ალექსანდრე ყაზბეგის რამდენიმე „საანდაზო“. არის თუ არა იგი წმინდა ხალხური თხზულება? რასაკვირველია, არა. ეს არ არის ხალხური ანდაზების კრებული. აქ მთელი რიგი „საანდაზო“ პირდაპირ ამჟღავნებს ალ. ყაზბეგის პირადი ცხოვრების დეტალებს. „ანდაზების“ ის წყება, რომელიც შეეხება ლიტერატურასა და თეატრს, მკითხველს უნებლიედ მოაგონებს თვითონ ალექსანდრე ყაზბეგის სალიტერატურო და სათეატრო მოღვაწეობის დასაწყისს. იგი ხომ მართლაც ბრძოლით, ათასგვარი წინააღმდეგობის გადალახვის გზით შემოვიდა ჩვენს ლიტერატურაში. მის უანგარო მოღვაწეობას ქართულ თეატრში ჩვენი უმაღლური რეცენზენტები ხშირად წყალში გადაყრიდნენ და ამ უდიდეს ადამიანს ზოგჯერ ცხარე ცრემლითაც ატირებდნენ. ალექსანდრე ყაზბეგის უსაზღვრო პოეტური სტიქია მთელი რიგი წლების განმავლობაში ნავლწყარი-ლი ღვიოდა და დიდმა ნიჭმა მხოლოდ გვიან ჰპოვა შესაფერისი ადგილი, ასე რომ ალ. ყაზბეგს თავისი პირადი მწარე გამოცდილებით შეეძლო ეთქვა ამ სახის მოღვაწეობის დამწყების მწარე ბედზე. ზნეა საანდაზოებიც შეიძლება ყველა არ იყოს წმინდა ხალხური. მაგრამ საქმეც ის არის, რომ ალ. ყაზბეგი ამ შემთხვევაში

მოზღენოდ სარგებლობს ხალხური ანდაზების უანრიო და ამ უანრის საშუალებით მოზღენილად იტყვის თავის სათქმელს. ასეთი ოპერაცია მხოლოდ იმას შეუძლია აწარმოოს, ვინც ზედმიწევნით განიცადა ხალხური შემოქმედების სიბო, მისი ძალა და ეშხი.

დაახლოებით ასეთივე ხასიათისაა ალ. ყაზბეგის არქივში დაცული ერთერთი ხელნაწერი სათაურით „შესანიშნავი აღმოთქმანი და კეტუს მახვილობანი“. სამწუხაროდ ეს ხელნაწერი მთლიანად არ შენახულა და მისგან მხოლოდ ერთი ფურცელია გადარჩენილი¹.

ალექსანდრე ყაზბეგის ეს „შესანიშნავი აღმოთქმანი“ არ არის წმინდა ხალხური, იგი კიდევ უფრო შორდება მას. ვიდრე ჩვენ მიერ ზემოთ განხილული „საანდაზოები“. აქ მწერალი იღებს ცნობილი მწერლების აფორიზმებს და შემდეგ გადააკეთებს მათ იმისდა მიხედვით, თუ რა მიზნით, ვის გასაწყობლავად იყენებს თვითუღს მათგანს.

თავისი „აღმოთქმანი“, ანუ იგივე საანდაზოები. თუ შეიძლება ამათ ასე ეწოდოს, — ალ. ყაზბეგს გაპოყენებული აქვს თავისი პირადი მოწინააღმდეგეების მიმართ (იონა მეუწარგია, ილია ხონელი, და სხვ.), რომლებიც ალ. ყაზბეგს, როგორც უკვე ვიცით, არაგულწრფელად ეკიდებოდნენ. მაგრამ ასეთ შემხთვევაშიც კი ალექსანდრე ყაზბეგი შესანიშნავად იყენებს ხალხური ანდაზების უანრს. მის კილოს და მკითხველს ნამდვილი ხალხური ანდაზების სიბოის აგრძობინებს.

აი ეს „შესანიშნავი აღმოთქმანიც“:

„მხოლოდ სულმდაბლის საქმეა დიდს ბუნებანს კაცს უკადრისად მოექცეს (შენიე)“.

„უბედურობაში ვაყვაცობა და მსწეობა უფრო შველის კაცსა, ვიდრე ქვეა და გონებაო.“ — ამბობს ვოვენარტი. ხოლო ხონელი² ამტკიცებს: მდიდართა წინაშე ქედისა დრეკა და მათ მოსასყადად მართალთა ლანძღვა უფრო მსუქანს ლუქმანს აქმევს, ვიდრე ქვეშარიტების მსარჩველობა და გლანაკათავია მზრუნველობა“.

„მეცით ნიქსა გზა ფართო. თაყვანისცემა ღირსებას! ამბობს გრიგოლ ორბელიანი, ხოლო ლელო³ განარკვევს ასე: „რაა, მეცით გზა ფართო მლანძღველთა. ნიქისა საგრნებელად. პირმორყენილთც დეე იზოვნონ ლუქმანი საცხოვრებელად“.

¹ საქართველოს სახ. მუზეუმის ხელნაწერი, წ.-კ. ფონდი, № 3938.

² ილია ხონელი. (ბახტაძე).

³ იონა მეუწარგია.

„თავის ხრია, ხროვა კერპისა ცუდი რამ თამასუქია“. ამბობს რუსთაველი. ხოლო შემდეგის სიტყვით ახსნის გრ. ყ-ძე¹ „მხოლოდ კერპის წინ თავის ხრით მწიერმა ამოესუნთქია და მისვე ძალით მრავალ მნათობი დამიშუქია, ძლიერ მოთავეს ამისთვის ჩემი სახელი უქია“.

„გულის განზრახვა გულმავე
იცის და ემოწუებაო:
ენა და ბავე შორს ახლავს,
არც იცის, ვერცა ხედებაო“.

ამბობს ვახტანგ VI, ხოლო ხონელი განარკვევს ასე:

„გულის განზრახვას ახლავან
პირი და ყურთა სმენაო.
განზრახვის დასამალველად
მზადა აქვთ სველი ენაო“.

აქ მწარედ გაკენწლა ალ. ყაზბეგმა თავისი მოწინააღმდეგეები. შართალია. ეს „ქეუის მახვილობანი“ იმ დროს არ იბეჭდებოდა, მაგრამ დიდი მწერალი მას ხელნაწერად ინახავდა და ვალში კი არაღის რჩებოდა.

აღსანიშნავია, რომ სწორედ ეს გადარჩენილი ფურცელი მთავრდება სიტყვებით: „მთამომავლობა პირუთენელი გამკითხავია“.

ქეშმარიად!

ალექსანდრე ყაზბეგი დიდის გულისხმიერებით ეპყრობოდა ხალხურ სიტყვებსა და გამოთქმებს. მის ხელნაწერებსა და უბის წიგნაკებში უხვად არის შემონახული მთელი რაგი სიტყვები და გამოთქმები, რაც იმას ადასტურებს, რომ მწერალი მათ გულმოდგინებით კრებდა და იწერდა. სხვათა შორის, იქ სიტყვათა ასეთი, მწკრივებაც გვხვდება: ²

1

აბაზანა
აბეწულა
აბი
აბლაბულა
აბრა
აბუტარაკი

¹ გრიგოლ ყიფშიძე.

² საქართველოს სახ. მუზეუმის ხელნაწერი, წ.-კ. ფონდი, № 3988.

მედგარი
ლანგარი
მეგარი
ანდგარი
ჯიგარი
სიგარი

მანდილი
წადილი
ქალიდი
ხადილი

ალექსანდრე ყაზბეგი. მხატვრული სიტყვის ეს უდიდესი ოსტატი, სიტყვების ასეთ მარაგსაც აგროვებდა. საჭირო არ არის მტყიცება. რომ ეს სიტყვები არ არიან მალალი, არისტოკრატიული წრეების სალონების. ლექსიკონიდან. ისინი ჩვეულებრივი ხალხური სალაპარაკო ენის მარაგიდან მოდიან.

ამროგად. ალექსანდრე ყაზბეგი უდიდეს მნიშვნელობას აძლევდა ხალხურ შემოქმედებას. იგი ხალხურ შემოქმედების ნიმუშებს სწავლობდა, კრებდა და იწერდა. ალ. ყაზბეგი დიდ მნიშვნელობას აძლევდა არა მარტო ხალხურ ლექსებს, სიმღერებს, თქმულებებს, ლეგენდებს. ანდაზა-გამოცანებს. არამედ იგი სწავლობდა და იწერდა აგრეთვე ცალკეულ სიტყვებსა და გამოთქმებს. ხალხური ნიმუშების კვალობაზე ალ. ყაზბეგი თავის საკუთარს, ანალოგიურსაც ადგენდა.

ალექსანდრე ყაზბეგის მიერ ხალხურ შემოქმედების ნიმუშების გამოყენება მის მხატვრულ ნაწარმოებებში ხელს უწყობს მოქმედების ბუნებრივ განვითარებას. შთაბეჭდილებათა გაძლიერებას და, საერთოდ, ნაწარმოების მალალ მხატვრულობას.

ალექსანდრე ყაზბეგის მხატვრულ ნაწარმოებებში აღწერილი ხალხური წესები და ჩვეულებები, სახალხო დღესასწაულები და მასობრივი ხასიათის გაართობა-თამაშობანი ძვირფას მასალას იძლევა მთიელ ხალხთა ყოფაცხოვრებითი ნიშნებს გათვალისწინებისათვის.

ალექსანდრე ყაზბეგის გარდაცვალება
და დასაფლავება

I

1885 წელს დაიწერა და იმავე წლის მეორე ნახევარში ეურნალ „ივერიაში“ იბეჭდებოდა ალ. ყაზბეგის შესანიშნავი რომანი „მოძღვარი“. ეს რომანი იყო უკანასკნელი სიტყვა ქართულ მწერლობაში ალ. ყაზბეგის მიერ თქმული. ამის შემდეგ ღირსშესანიშნავი მხატვრული ნაწარმოები მას აღარ შეუქმნია.

1886 წლიდან დაწყებული ალ. ყაზბეგის ცხოვრება ხასიათდება ძირითადად პრაქტიკული საქმიანობით. კერძოდ სასცენო მოღვაწეობით. მომდევნო წლებს იგი უმთავრესად პროვინციის ქალაქებში ატარებს. ამ დროს ალ. ყაზბეგი ხშირად მოჩანს ბათუმში, ქუთაისში, თელავსა და სხვა ადგილებში. ამ ქალაქებში იგი მონაწილეობს დრამატიულ წრეებში, ხელმძღვანელობს ლიტერატურული საღამოების მოწყობას და სხვ.

ამავე ხანებში ალ. ყაზბეგში ჟებს იკიდებს საშინელი სენი. იგი სულით ავადმყოფი ხდება. დიდი ხნის ტანჯვისა და წვალების შემდეგ, 1890 წელს მას სულით ავადმყოფთა სახლში ათავსებენ. აქ გაატარა სახელოვანმა მწერალმა თავისი სოცოცხლის უკანასკნელი წლები. ეს იყო უდიდესი ტრაგედია დიდი მწერლისა. ალ. ყაზბეგი სულით ავადმყოფთა სახლში იტანჯებოდა მაშინ, როდესაც მისი უკვდავი რომანები, უკვე ტომებად გამოცემული, ქვეყანას ეფინებოდა და მკითხველები მათ ავტორს აღიღებდნენ.

ვალერიან გუნიას გადმოცემული აქვს ერთი მომენტი, როდესაც ალ. ყაზბეგს საადამყოფოში მიუტანეს თავისი თხზულებების ღრმელეზა. ვ. გუნია 1893 წელს დიდი მწერლის ცხედარს მიმართავდა: „ახლაც ცხადად მანსოვს, როდესაც ამ სამი წლის წინათ მოგიტანე საავადმყოფოში შენი თხზულებანი... რანაირის ბავშურას სხარულით და აღტაცებით ჩაჰყურებდი შენის სისხლით და ნაღვე-

ლით ნაწერ წიგნებს... ცხადად ვხედავ, რა ბედნიერების ცრემლი წაგსკდა თვალთაგან შენი საკუთარის სურათის დანახვაზე“¹.

ალ. ყაზბეგის სიცოცხლის უკანასკნელი დღეების შესახებ დავით კლდიაშვილიც მოგვითხრობს თავის მოგონებებში. ალ. ყაზბეგის ნიქის პატარისმცემელი ბელეტრიტი ნაღვლიანად იგონებს ამ მომენტს. დ. კლდიაშვილი წერს: „დაბოლოს დანსეთულებული იყო მოათავსეს მიხეილის ჯააყადმყოფოში. ამ დროს კიდევ გამოიცა მისი მოთხრობები სამ ტომად. გამოცემული წიგნები მიუტანეს ავადმყოფს. მან გადაშალა. დააჩერდა თავის პორტრეტს, მერმე ამოხია იგი; წიგნის ფურცლებიც მიხიმოხია და გადაყარა იქით. მოკვდა სანდრო ასე, რომ გრძნობაში არ მოსულა. გამოსული მისი წიგნები კი საოკარი სისწრაფით ვრცელდებოდა და აყვარებდა ხალხს მის დამწერს“.

ეს რამდენიმე სიტყვით დახატული სურათიც უდიდეს განცდას იწვევს მგძნობიარე მკითხველში.

აქ იტანჯებოდა ალ. ყაზბეგი წლების განმავლობაში. ხოლო 1893 წ. მხატვრული სიტყვის გოლიათი სასიკვდილო სარეცელზე დაეცა.

1893 წლის 10 დეკემბერს ალექსანდრე ყაზბეგი გარდაიცვალა.

II

ალექსანდრე ყაზბეგის გარდაცვალების ამბავი ელვის სისწრაფით გავრცელდა. ხალხმა წამსვე იგრძნო გენიალური მწერლის დაკარგვით გამოწვეული უდიდესი დანაკლისი. ალ. ყაზბეგის გარდაცვალებას ფართოდ გამოეხმაურა იმდროინდელი ქართული პრესა.

ილია ჭავჭავაძის „ივერია“ მთელი ქვეყნის გასაგონად იუწყებოდა: „გარდაიცვალა! სიცოცხლე მისი მოკლე იყო. მაგრამ სრული; ცოტა იცოცხლა, მაგრამ ბევრი შექმნა. სასახლეებში კი არა აქედრდა მისი ქნარი ამა ქვეყნის ძლიერთ სმენის დასატკობად. მისის სიმის ხმა მხოლოდ დარიალის მიდამოებში გაისმოდა. იქ, სადაც პოეტისა არ იყოს, „ღღღებულს მთაჲა მყინვარსა ორბნი, არწივნი ვერ შეჰხებიაან“. სადაც ბეჩავი მოხვევ ეხლაც საკინძ-ჩამოწყვეტილი დაპტირის თამარის დროშას; სადაც ბუნებაა მხოლოდ თავისუფალი და სხვა ყოველივეს-კი ახალმა სიომ მოჰპერა, ახალმა დრომ თავისი ნიშანი დაასო.

¹ გაზეთი „ივერია“, 1893 წ., № 278.

² დავით კლდიაშვილი — „მეზუარები“, 1925 წ., გვ. 48.

-გარდაიცვალა! მაგრამ ვინ მოიგონა ეს სიტყვა? უკვდავთან სიკვდილს რა ხელი აქვს? ორჯერ დაბადებულს. ღვთიურის მადლით ცხებულს. ერთის სიკვდილი ვერას უზამს. ყაზბეგი-კამეორედ მაშინ დაიბადა, როდესაც თავის ნიჭიერ კალამი უძღვნა ქვეყანას, დაიბადა ისე, რომ მისი აკვანი ყოველის ქართველის გულში ირწეოდა. ასეთ აკვანში გამოზრდილს ადამიანს კი სიკვდილი ხელს ვერ შეახებს“¹.

ასე წერდა გაზეთი „ივერია“ ალ. ყაზბეგის გარდაცვალების გამო. ანალოგიური სტრიქონები უძღვნეს დიდი მწერლის გარდაცვალებას სხვა ჟურნალ-გაზეთებმაც.

ალ. ყაზბეგის გარდაცვალებამ ბევრი გამოაფხიზლა. თვალზე ჩამოფარებული ბინდი გადაუწმინდა და თავისი მოამაგე მწერალი აცნობინა. სხვანაირად არ შეიძლება ახსნილ იქნას ჟურნალ „კვალი“ ის სტრიქონები, რომლებიც ალ. ყაზბეგის გარდაცვალების დღეებში დაიბეჭდა. „კვალი“ წერდა: „ყაზბეგი ჯერ კიდევ მზნე, ძალით საღზე ვაყვაცო ვადაგველო. მაგრამ რაც მან დავეტოვა გონების საუნჯედ. ისიც საკმაოა. რომ მსოფლიოდ თავი მოგვექონდეს და მეღადურად გვერდით ამოუდგეთ დასავლეთის განათლებულთა ერთა. ევროპის ლიტერატურაში ბევრი არ არის ისეთი ხელოვნური ნაწარმოები. როგორც „ხევის ბერი“, „მამის მკვლელი“ და „ელგუჯა“. ასეთი ნიჭი დაგვებადა. ასეთი კაცო დადიოდა ჩვენს შორის და ჩვენ იგი ვერ ვიცანით. ხშირად მას ლექმა პურიც არ ჰქონია საკმელად. სანამ ცოცხალი და გონებით სრული იყო. მას არც ჩვენ მიერ თანაგრძნობა ჰქონია და არც განკითხვა“². ასე უსაყვედურებდა „კვალი“ ზოგიერთებს. მაგრამ ეს საყვედურა ერთეულებს შეეხებოდა. ხალხი კი, მისი უდიდესი უმრავლესობა, საყვარელ მწერალს ადრიდანვე აფასებდა.

მართალია. ალ. ყაზბეგის გარდაცვალება მოულოდნელი არ ყოფილა. პირიქით. დიდი ხნიდან ელოდნენ კიდევ, ის რამდენიმე წლის წინათ მოკვდა როგორც მწერალი, მაგრამ მადლოერი ხალხი მაინც ვერ იმეტებდა მოამაგე ადამიანს. მისმა გარდაცვალებამ საყოველთაო გლოვა და მწუხნარება გამოიწვია. იგივე „ივერია“ თავის ახალ ამბებში წერდა: „ალექსანდრე ყაზბეგის გარდაცვალებამ თბილისის ქართველობა დიდით პატარამდე ფეხზე დააყენა. ნათესა-

¹ გაზეთი „ივერია“, 1893 წ., № 269.

² ჟურნალი „კვალი“, 1893 წ., № 51.

ევა. მეგობრები, მისი ნიქის პატრივსმცემელი ყველანი სცდილობდნენ შესაფერისად იგლოვონ და გააპატრონონ ძვირფასი შიშველებული¹.

სხვათაირად არც შეიძლება ყოფილაყო. ქვეყანამ დაკარგა ალ. ყაზბეგი და სალხი მას გლოვობდა. როგორც მისი ქორეარამის მხატვარს. ადამიანის სტლის მოძრაობის მესაიდუმლეს. ჟურნალი „მოამბე“ სამართლიანად წერდა: „ცოტა იქნება ისეთი წიგნის შიშველნი ქართველი. რომ მისი „ელგუჯა“. „მოძღვარა“, „მამის მკვლელო“, „ხევის ბერი გოჩა“. „ელისო“ და სხვა ორჯერ ან სამჯერ არა ჰქონდეს წაკითხული. მის მოთხრობებს არა ერთი გულმავარი კაცი აუესია ცრემლებით და არა ერთი ლაჩარი და დამახუნებული კაცი გაუმხნეებია“¹.

ასეთი იყო ალ. ყაზბეგი. და ამიტომაც იყო. რომ მას ყველა დასტაროდა. 1893 წლის 10 დეკემბრიდან დაწყებული ჩვენი ჟურნალ-გაზეთები ვეღარ იტყვიდნენ სამგლოვიარო დეპეშებს. დეპეშები მოდიოდა ჩვენი ქვეყნის ყველა კუთხიდან.

ყველა ვლოვობდა. იმ დღეებში. ვარდა სამგლოვიარო განცხადებებისა და ალ. ყაზბეგთან დაკავშირებულ მოგონებებისა. დიდა მწერლისადმი მიძღვნილი ლექსებაც დაიბეჭდა. ალ. ყაზბეგს თავიანთი ლექსებით დასტაროდნენ: აკაკი წერეთელი. ნინო ორბელიანი, თედო რაზიყაშვილი, შიო მღვიმელი და სხვები. მაგრამ ამ ლექსებში განსაკუთრებით გამოირჩევა ვაჟა-ფშაველას ცნობილი ლექსი „ალექსანდრე ყაზბეგს“.

აი ეს ლექსიც:

„შვილო ტანჯულს ქვეყნისაე.
სული დაბლიე ტანჯვითა...
მიუხვალ მამა-პაპათა.
ამოღებულს ხანჯროთა.
ცრემლად დამდნარის გულითა.
დაღლილი შტრისა ჯავროთა
ჯავრო ტანს ნაბლად გეხვევა.
ცრემლი მივეყვება საგძლადა
და ტრფობა შენის ქვეყნისა
უქმს და ხელ-უყურელა აბჯრადა.
თავს დგმული ეკლის ვვირგვინი
ფეხთ წინ დაუგდე გვირგვინსა,
მამულისათვის გამწყდარათა

¹ ჟურნალი „მოამბე“, 1894 წ., № 1.

იმ საქართველოს შვილებსა.
 ცოცხლად იმედით მცხოვრებო,
 გთხოვ, იმათაც სცე ნუგეში!
 პირობა ქართველებისა,
 ვგონებ, მოგყვება უბეში!
 უჩვენე შენი კალამი,
 ნაწები სისხლის გუბეში!“

ვაჟა-ფშაველას ამ ლექსში მთლიანად იგრძნობა ალექსანდრე ყაზბეგის დიადი პოეტური პროფილი; ხალხისათვის თავდადებული მებრძოლი ადამიანი და მხატვრული სიტყვის გოლიათი — სისხლის გუბეში ნაწები კალმით ხელში.

1893 წლის 19 დეკემბერს, გარდაცვალებიდან ცხრა დღის შემდეგ, ალექსანდრე ყაზბეგი თბილისიდან ხევს წაასვენეს. იმ დღეს ღილა-ადრიაანად მიხეილის სახელობის საავადმყოფოსთან დიდძალი ხალხი შეგროვდა. მიუხედავად ცუდი ამინდისა, მახლობელი ქუჩები მოზღვავებულ ხალხს ვერ იტევდა.

ალ. ყაზბეგი საავადმყოფოდან გამოიტანეს და ვერის ჯვართან დაასვენეს. აქ სამგლოვიარო სიტყვები წარმოთქმეს და ლექსები წაიკითხეს: აკაკი წერეთელმა, გიორგი წერეთელმა, გრიგოლ აბაშიძემ, ვალერიან გუნ-ამ. კ. თავართქილაძემ, ელ. ჭიჭინაძემ (ქუთაისის ქალთა სახელით). ნ. ერისთავმა და სხვებმა.

ამ პროცესის შესახებ ჟურნალი „კვალი“ წერდა:

„თუმცა ცუდი დღე იყო და ქუჩებში დიდი ტალახი იდგა, მაგრამ ხალხი მაინც თითქმის არ ეტეოდა განიერ გოლოვინის პროსპექტზე და სიგრძით ერთის ვერსის სიშორეზე მოდიოდა. ვერაზე რომ გავიდნენ, ცხედარი ჯვართან დაასვენეს და აქ წარმოსთქმეს სიტყვა აკაკი წერეთელმა, გ. წერეთელმა, გრ. აბაშიძემ, ელ. ჭიჭინაძის ასულმა, კ. თავართქილაძემ და ვ. გუნიაშვილმა; ხოლო ნ. ერისთავმა და ივანიშვილმა შეამკეს მიცვალებული მგრძნობიერად დაწერილი ლექსებითა. ოთხი საათი იქნებოდა ნაშუადღევისა, რომ კუბო ძვირფასი მიცვალებულიანად წაიღეს მცხეთის გზით თავის მამულ-დედულში“¹.

ალ. ყაზბეგის ცხედრის გასვენების მომენტიდან საჭიროა აღინიშნოს ერთი მომენტიც: აქ სიტყვით გამოვიდა აკაკი წერეთელი. ცნობილია, რომ აკაკის, როგორც მთქმელს, ბადალი არა ჰყოლია, ხოლო მისი სიტყვა ალ. ყაზბეგის გასვენებასთან დაკავშირე-

¹ ჟურნალი „კვალი“, 1893 წ., № 52.

ბით განსაკუთრებული მგრანობელობით უნდა ყოფილიყო შესრულებული. აკაკიმ თავისი სიტყვა ლექსით დაამთავრა. აღ. ყაზბეგის გულწრფელობა ასე შეაფასა:

„ძმათ სიყვარული და სათნოება,
შრომის კაღშირით შეერთებული...
გული სიწმინდით და სული მარად
წრფელი ზრახვებით გაასლებული“.

დიდი მწერლის ცხედარი მისმა პატივისცემლებმა თბილისიდან გააცილეს. გაზეთ „ივერიის“ ცნობით, მიუხედავად არახელსაყრელი აზინდისა, ბევრი მათგანი დილომამდის მიჰყვა.

სამიოდე დღის შემდეგ, 1893 წლის 22 დეკემბერს, სოფელ სტეფანწმინდაში, თავის ეზოში, მამა-პაპათა გვერდით, ალექსანდრე ყაზბეგი სამუდამოდ მიაბარეს მშობლიურ მიწას.



ლიბერატორული წყაროების მაჩვენებელი

1. საქართველოს სახელმწიფო მუზეუმის ხელნაწერები, ქართველთა შორის წერა-კითხვის გამავრცელებელი საზოგადოების ფონდი, № 3977, 3978, 3979, 3981, 3982, 3983, 3984, 3985, 3987, 3988, 3989.
2. ვახუთი „ღროება“ 1980 წ. № 14, 100, 103, 104.
3. ვახუთი „ღროება“ 1881 წ. № 199.
4. ვახუთი „ღროება“ 1882 წ. № 1, 2, 3, 4.
5. ვახუთი „ღროება“ 1883 წ. № 85.
6. ვახუთი „ივერია“ 1886 წ. № 49, 91.
7. ვახუთი „ივერია“ 1887 წ. № 205.
8. ვახუთი „ივერია“ 1893 წ. № 268, 269, 278.
9. ვახუთი „ივერია“ 1896 წ. № 52.
10. ვახუთი „თეატრი“ 1886 წ. № 24, 25, 28.
11. ვახუთი „ქართული სიტყვა“ 1923 წ. № 4.
12. ვახუთი „ქართული სიტყვა“ 1924 წ. № 9.
13. ეურნალი „ივერია“ 1882 წ. № 1.
14. ეურნალი „იმედი“ 1882 წ. № 1.
15. ეურნალი „კვალი“ 1893 წ. № 51, 52.
16. ეურნალი „მომანბე“ 1894 წ. № 1.
17. ეურნალი „მნათობი“ 1924 წ. № 7—8.
18. ეურნალი „მნათობი“ 1925 წ. № 4.
19. ეურნალი „მნათობი“ 1927 წ. № 8—9.
20. დავით კარიკაშვილი — „ალექსანდრე ყაზბეგის ბიოგრაფია“.
21. აკაკი წერეთელი — „ჩემი თავგადასავალი“.
22. Г. М. Туманов — „Характеристики и воспоминания“, წიგნი I, (1913 წ., გვ. 119, 120, 121).
23. დავით კლდიაშვილი — „მემუარები“, 1925 წ., გვ. 45, 46, 47, 48.
24. იაკობ შანუკეტაშვილი — „მოგონებანი“, 1936 წ., გვ. 210.
25. სოფრომ მგალობლიშვილი — „მოგონებანი“, 1938 წ., გვ. 115, 118.
26. დავით შესხი — „მოგონებანი“, 1940 წ., გვ. 76, 78.

შ ი ნ ა ა რ ს ი

წინასიტყვაობა	5
თ ა ვ ი ა ი რ ვ ე ლ ი	
ალექსანდრე ყაზბეგის ოჯახი, ბავშვობა და ყრობა	7
თ ა ვ ი მ ე ო რ ა ე	
ალექსანდრე ყაზბეგი უმაღლეს სასწავლებელში.	25
თ ა ვ ი მ ა ნ სა მ ა	
ალექსანდრე ყაზბეგი ხალხთან	41
თ ა ვ ი მ ე ო თ ხ ა	
ალექსანდრე ყაზბეგი ოთხმოცეან წლებში	55
თ ა ვ ი მ ნ ხ უ თ ა	
ალექსანდრე ყაზბეგი და ოთხმოცეანი წლების ქართული პრესა	73
თ ა ვ ი მ ე ე ჭ ვ ს ე	
ალექსანდრე ყაზბეგი და ქართული თეატრი	86
თ ა ვ ი მ ე შ ვ ი დ ა	
ალექსანდრე ყაზბეგი და ხალხური შემოქმედება	110
თ ა ვ ი მ ა რ ვ ე	
ალექსანდრე ყაზბეგის გარდაცვალება და დასაფლავება	136
ლიტერატურული წყაროების მაჩვენებელი	142